

**GERH. VON  
MASTRICHT, ...  
HISTORIA JURIS  
ECCLESIASTICI  
ET PONTIFICII, ...**

---

Gerard : von Mastricht,  
Mario Marefoschi



9

4-c

47



MARIUS.MAREFUSCHUS

9 n

~~11.79~~

9-4-c-47







GERH. VON MASTRICHT, JC.

*Antecessoris & Histor. Profess. Ord.*

*in Elector. Duisburg. Academ.*

# HISTORIA JURIS ECCLESIASTICI

E T  
PONTIFICII,

S E U

De Ortu, Progressu, Incrementis,  
Collectionibus, Auctoribusque Juris  
Ecclesiastici & Pontificii.

## TRACTATIO.



DUISBURGI ad RHENUM,

Sumptibus JOH. FRIDER. HAGEN;

Bibliop. Arnhemienf. clō Ioc LXXVI.

*Dom. Prof. Rom.*





*Serenissimi ac Potentissimi Electo-  
ris Brandenburgici*

**FRIDERICI  
WILHELMI,**  
DOMINI SUI CLEMENTISSIMI,

*Perillustribus, Generosis, Prænobili-  
bus, Amplissimis ac Consultissimis, ad  
Regimen Cluvense & Marcanum con-  
secratis, Præsidi, Vice-Cancellario  
ex Consiliariis Status intimis  
ac eorumque numero  
nominatim,*

Ad visitandam Academiam Teuto-  
burgicam Nuper-Delegatis,

*Perillustri ac Generos. Domino,*

**D. JOHANNI, L. BA-  
RONI DE DIEPENBRUCH,**  
Domino de Empel, Gruen, Mil-  
lingen, Hurll &c.

t i

UT





U T E T

*Prænobili, Amplissimo ac Consul-*  
*tissimo VIRO,*

**D. JOHANNI DE BEJER,**  
**J. U. D. CONSILII STA-**  
**TUS DIRECTORI.**

*Εὐπερίτω.*



Uo capita, Viri Ge-  
nerosi ac Prænobiles,  
potissimum ( sunt e-  
nim & alia ) à vobis  
in tabulas accepti mi-  
hi relata sunt, quæ  
me movent & cogunt  
exiguam hanc opellam Generosis ac  
Prænobilibus Vestris nominibus in-  
scribere. Primum mihi cum Clarif-  
simis meis Collegis est commune,  
alterum ad officium meum privatum  
pertinet. Gratitude primum jubet  
prædicare vestrum favorem erga ly-  
ceum

## DEDICATIO.

ceum nostrum, labores & curas, quas etiam nuper in visitatione istius ostendistis, ut id ad splendorem eruditionis & gloriæ magis magisque adsurgeret, & Ecclesiæ, Principi, Patriæque ac Vobis vota rependeret. Officium meum jubet vobis, quibus & cura Patriæ & Academiæ à Serenissimo, Potentissimo ac Clementissimo nostro Principe mandata est, reddere rationes otii mei ac studiorum. Utriusque specimen, sed exiguum fateor, ut exhibeat hæc Juris Ecclesiastici Historia, (quam Præfationis loco, Antonio Augustino de emendatione Gratiani, destinaveram, paucorum primum foliorum, quæ tamen ubertate materiæ in librum excrevit,) ad Vos destinata est: ut publicè referat gratias vestris curis, laboribus, & accuratissimæ visitationi & restituti nostri lycæi; deinde quoque ut aliquam saltem rationem studiorum hoc schediasmate, quod inter typographorum operas natum est,

## DEDICATIO.

vobis exhiberem. Deplorandum sane est, quod Studium Antiquitatis & Juris Ecclesiastici ita desertum, incultum & intactum jaceat, maxime quod id negligent ij, quibus post exactum legitimæ scientiæ curriculum ab Imperatore nostro Justiniano destinatur pars aliqua reipublicæ regenda, in qua sane Ecclesia ejusque incolumitas primum studium & curas flagitat. Nolo hic in laudes juris Ecclesiastici potissimum illius veri & primigenii ire; abunde eas alii suggesserunt, & suis locis quoque, quantum brevitatis studium permisit, ex historia nostra hauriri possunt: in quam quoque, suis locis judicia Doctorum Virorum, de Corpore Canonico, seu sequiori jure Ecclesiastico, inseruimus. Nolo quoque enarrare incommoda, quæ ab iis in Ecclesiam dimanant, qui cruda sua studia & quæ jura Ecclesiastica ne à limine quidem salutarunt, ad clavum reipublicæ propellunt, quia in propatulo quotidie omnium oculis,

## DEDICATIO.

lis, proh dolor ! patent ; dum sibi Ecclesiam , Rempublicam & omnia administrant : id volo dicere ; dum secundum crudum suum & incultum iudicium , non scita Dei & Canones Sanctiores, item ad suum, non Ecclesiæ & Reipublicæ commodum & gloriam Dei, eam regunt. Hæc inquam hic prætereunda, quia altioris indaginis sunt, nec paucis hisce lineis includi possunt, quibus constitutum tantum Vestris Generos. & Prænob. nominibus hoc opusculum consecrare. Accipite itaque Generosi, Prænob. ac Amplissimi Viri, exile hoc munusculum, & conatus meos, favore vestro ac humanitate, vobis quæ par est observantia oblatos ac consecratos : eosque ab invidorum & zoliorum moribus potentia vestra defendite, atque hac tutela novo beneficio me mactate ; qui Deo supplex ero, ut Vos Reipublicæ natos & consecratos, diu conservet, ut curæ vestræ in Ecclesiæ, Reipublicæ  
† 5 & Aca-

# **DEDICATIO.**

& Academiæ, itemque Vestrum incrementum & splendorem diu redundare possint. Ita Faxit Deus Noster, ita vovet,

*Generos. & Prænob. Vestrorum  
Nominum*

Scribendam A. D. IV.  
Non. Septembr.  
MDCLXXVI.

**Cultor & Cliens  
perpetuus**

**GERH: VON MASTRICHT D.**





## SUMMARIA TRACTATIONIS.

1. **O** Rigo & causa Conciliorum.
2. **O** Concilia primis seculis rara.
3. Concilii decretum canon dicebatur, & quare.
4. Origo vocis canonis.
5. Variæ significationes vocis canonis.
6. Prima.
7. Secunda.
8. Tertia.
9. Quarta.
10. Quinta.
11. Examinate hæ significationes.
12. Unde proprie constitutiones ecclesiasticae cano-  
nes dictæ.
13. Diversa canonum efficacia.
14. Antiquis magis canonis, quam juris nomen  
placuit, quod postea successit.
15. Differentia seu species canonum.
16. Δόγματα & decreta quæ.
17. Novella 131. explicata.
18. Differentia inter δόγματα & canones non est  
perpetua.
19. Paucitas canonum primis seculis, quia pauca  
concilia habita.
20. Concilium Hierosolymitanum.
21. Concilium Romanum contra Novatum.
22. Primi Canones Codicis canonum, in synodo An-  
cyrana

# S U M M A R I A

*cyrena scripti, quando hæc habita & quot  
ejus Canones.*

23. *Secundi in Neocæsariensi, ejusque tempus &  
numerus canonum.*

24. *Laodicensa synodus, ejusque tempus, & nume-  
rus canonum.*

25. *Gangrense concilium ejusque canones.*

26. *Nicana synodus prima & Oecumenica, ejusq;  
canonum numerus.*

27. *Cur Nicani canones in codice canonum Catho-  
licæ Ecclesiæ, primo loco positi.*

28. *Quando cœperint colligi canones.*

29. *Concilium Constantinopolitanum primum, Oe-  
cumenicum secundũ & ejus canonũ numerus.*

30. *Ephesina synodus Oecumenica tertia, & nu-  
merus canonum.*

31. *Concilii Calchedonensis Oecumenici quarti ca-  
nones XXIX. claudunt codicem canonum Ec-  
clesiæ universæ.*

32. *Canones conciliorum antiquiores, sed non relati  
in codicem canonum; velut concilij Eliberini.*

33. *Canones pœnitentiales Petri Alexandrini E-  
piscopi.*

34. *Quæ initia habuerit codex canonum.*

35. *Qui canones cum Nicanis recepti.*

36. *Quot canones in principio habuerit codex canonũ.*

37. *Quot postea accreverint.*

38. *Ecclesia post tempora Nicani concilij scriptura  
& canonibus cœpit regi.*

39. *Codices*

# TRACTATIONIS.

39. *Codices duo, scriptura & canonum, in conciliis propositi.*
40. *Testimonia de codice S. Scriptura.*
41. *Item de codice canonum.*
42. *Adserta collectio canonum post concilium Nicæanum.*
43. *Nomina hujus collectionis, corpus canonum.*
44. *Codex canonum.*
45. *Testimonia antiqua de codice canonum.*
46. *Editio hujus Codicis, & error Fustelli.*
47. *Vocatur corpus canonum & corpus codicis canonum, liber canonum. Patrum Canones &c.*
48. *Causa cur canones in corpus congesti.*
49. *Canones in diptycha Ecclesiastica relati.*
50. *Quid in novella 115. verbum ἐκπλήρωσεν significet.*
51. *Confirmatur in concilio Calchedonensi, & à Justiniano Imperatore.*
52. *Codex canonum est pars juris civilis.*
53. *Novella 131. explicata.*
54. *Quid additum post Justiniani tempora.*
55. *Iterum confirmatus à concilio Nicæno secundo.*
56. *Ab hoc Codice jus Canonicum habet originem.*
57. *Collectionis canonum studium ex oriente progreditur in Occidentem, & Africam.*
58. *Occidens quando cœperit uti canonibus.*
59. *Prima collectio materiam dedit sequentibus.*
60. *Nullum habuit certum auctorem.*
61. *Accepit postea nomen etiam ab iis qui sequen-*  
tium

## S U M M A R I A

*tium synodorum canones addiderunt, ut patet exemplo Stephani Episcopi Ephesini.*

62. Duo Errores Henr. Justelli filij.
63. Codex Ecclesiæ universæ, à posteriori codice Ecclesiæ orientalis distinctus.
64. Refutatus Perroni error.
65. Adsertus titulus Codicis Ecclesiæ Catholice, seu universæ.
66. Regressus ad Ecclesiam Romanam, quæ non diu usa solis canonibus Nicænis.
67. Id probatum, spuria seu fraudulenta collectione Zosimi Papæ.
68. Origo erroris LXXX. canonum concilij Nicæni.
69. Verus numerus canonum Nicænorum adsertus.
70. Probata iterum versio antiqua Latina Codicis canonum.
71. Ipsa versio antiqua edita à Justello.
72. Quamdiu usa sit Romana Ecclesia antiqua versione.
73. Quis fuerit Dionysius Exiguus; & quæ ille Codici in sua versione addiderit.
74. Quid differat Codex Dionysii Exigui, à Codice Romanæ Ecclesiæ.
75. Dionysius primus collector Decretalium.
76. Decretales incipiunt à Siricio.
77. Differentia inter codicem Dionysii Exigui, & Ecclesiæ Universæ in dinumeratione canonum.
78. Dionysii collectio & versio statim Romæ recepta.
79. Convenientia & dissensus codicis Romani cum ordine

# TRACTATIONIS

ordine memorato Leonis Papa.

80. *Alia Ecclesia Occidentis præter Romanam; habuerunt quoque olim Codicem Canonum, habuit Gallia.*
81. *Cujus versionis disquisitum.*
82. *Duplex Codex Ecclesiæ Gallicæ.*
83. *Quomodo creverit codex Gallicus ex conciliis Africanis.*
84. *Ex decretalibus.*
85. *Quæ Decretales in Codicem Gallicum receptæ.*
86. *Codex canonum in Hispania receptus.*
87. *Duplex, ille Ecclesiæ universæ.*
88. *Et alter specialis conciliorum Hispaniæ.*
89. *Codex Ecclesiæ Britannicæ.*
90. *Specimen codicis Britannici.*
91. *De Auctore hujus codicis disquisitum, ubi negatur esse eum Theodorum Archiepiscopum.*
92. *Adseritur eum esse codicem Ecclesiæ Romanæ.*
93. *Probaturneque esse ab eo collectum.*
94. *Germani quem codicem, quam canonum collectionem habuerint.*
95. *Africa duplicem habuit codicem.*
96. *Ecclesiæ universæ.*
97. *Et specialem Africanorum conciliorum.*
98. *Num privata auctoritate, an vero publica sit collectus ille codex Africanus.*
99. *Scriptus primum Latine, postea in Græcū versus.*
100. *Inseritur codici Ecclesiæ Orientalis.*
101. *Receptus quoque in codicem Romanæ Ecclesiæ.*
102. *Ordo*



# S U M M A R I A

102. Ordo ejus.
103. Editiones.
104. Auctoritas codicis canonum Ecclesie universae.
105. Objectio de constitutionibus & canonibus Apostolicis.
106. Constitutiones Apostolicae examinatae, & vobis reiectae accusatae.
107. Quis fuerit ille Clemens Romanus, quibus adfinguntur constitutiones Apostolicae.
108. Quae ejus scripta, supposita & genuina.
109. Varia judicia de constitutionibus Apostolicis.
110. Probantium.
111. Improbantium.
112. Antiquorum judicia Latinorum.
113. Aethiopum.
114. Graecorum.
115. Rationes quare pro spuris habenda constitutiones Pseudapostolicae.
116. Non sunt scriptae à Clemente.
117. Non nota patribus trium primorum seculorum.
118. Vix nota Latinis usque ad Bovij editionem.
119. Conjectura de tempore scriptionis & suppositionis.
120. Unde hausta.
121. Cardinalis Bona judicium reiectum de constitutione Pseudapostolicis.
122. Canones Apostolorum pars constitutionum Pseudapostolicarum sunt, juxta quosdam.
123. Verius autem & probabilius videtur, Impossibilem

# TRACTATIONIS.

*storem hos canones sue farragini inseruisse.*

124. *Sententiæ Doctorum de canonibus dictis Apostolicis.*
125. *De scriptore eorum.*
126. *Græcorum sententia.*
127. *Novella 6. Just. explicata de canonibus Apost.*
128. *Canones Apostolici pars corporis juris.*
129. *Latinorum sententia de canonibus Apostolicis.*
130. *Auctoritas apud Latinos non eadem quæ apud Græcos.*
131. *Causæ quare propugnent posteriores Pontificij constitutiones & canones Apostolicos.*
132. *Auctoritates & argumenta pro canonibus Pseudapostolicis examinata.*
133. *Quinquaginta priores canones examinati.*
134. *Origo, auctor & tempus suppositionis horum canonum.*
135. *De numero canonum Apostolorum error Lambert. Gruteri notatus.*
136. *Alij canones Apostolici Antiocheni spurij & ficti.*
137. *Methodus & modus diversus colligendi & digerendi canones.*
138. *Primus.*
139. *Corporis & codicis differentia Capelli.*
140. *Rejcti.*
141. *Ἀκολουθία κανόνων quæ.*
142. *Τάξις τῶν κανόνων.*
143. *Secundus modus collectionis.*

††

144. *Editio.*

# S U M M A R I A

144. *Editiones conciliorum.*
145. *Tertius modus colligendi & digerendi.*
146. *Duplex.*
147. *Breviatio canonum & breviarium canonum quid.*
148. *Concordia canonum qua.*
149. *Quarta digerendi ratio.*
150. *Nomocanon quis dictus.*
151. *Quintus colligendi modus.*
152. *Alia collectionum differentia.*
153. *Digestiones post codicem canonum Ecclesiae Universae.*
154. *Dionysii Exigui duae Collectiones.*
155. *Fulgentij Ferrandi collectio.*
156. *Quis fuerit quando vixerit.*
157. *Quando desierit vivere.*
158. *Scripta ejus.*
159. *Breviatio canonum.*
160. *Errores Baronij.*
161. *Convenientia & differentia Ferrandi & Cresconij.*
162. *Johannis Antiocheni Presbyteri collectiones.*
163. *Quare Scholasticus vocatus.*
164. *Fuit Presbyter & Apocrysiarius ; & quale hoc officium.*
165. *Postea Patriarcha Constantinopolitanus factus est.*
166. *Scripta ejus collectiones.*
167. *Συναγωγή κανόνων.*
168. *Nomen*

# TRACTATIONIS.

168. Νομοκάνων.
169. Theodoreto quidā collectionem hanc adscribunt.
170. Auctoritas Collectionum Johan. Scholastici.
171. Martinus Bracharensis, eodem tempore in Hispania collectionem aut versionem novam fecit.
172. Scripta ejus.
173. Collectio canonum ejus.
174. Quando facta.
175. Quare suam collectionem fecerit Martinus.
176. Unde hausert.
177. Quomodo diviserit.
178. Editionum diversitas.
179. Canones Apostolici Martino Ignori, error Deviatij cavendus.
180. Martini hac collectio per errorem, pro Martini Papæ canonibus habita.
181. Progressus ad Cresconium, quis ille.
182. Scripta ejus historica.
183. Canonica.
184. Disquisitio de opere Cresconij accuratior.
185. Initium Concordiæ canonum Cresconij, ab aliena manu additum.
186. Editiones variæ.
187. Cresconius primus decretales Epistolas Pontificum Romanorum inter canones locavit.
188. Codex Ecclesiæ Orientalis.
189. Quid additum sit Codici Ecclesiæ Orientalis, quod in codice Ecclesiæ Universe non continetur.

# S U M M A R I A

190. In codicem canonum Ecclesiæ Orientalis, primum receptæ sententiæ Patrum.
191. Hadriani Papæ collectio.
192. Caroli Magni Leges Ecclesiasticæ.
193. Ansegisi Abbatis collectio capitularis Caroli Magni & Ludovici Pij.
194. Auctoritas, vita & obitus.
195. Collectio Benedicti Levitæ.
196. Prefatio ejus collectioni præmissa.
197. Lotharij nomen quomodo in præfationem Ansegisi irrepsit, conjectura Pitbæi.
198. Quid contineat collectio Benedicti Levitæ.
199. Libri posteriores diversos collectores habuisse videntur.
200. Unde hausti & collecti libri posteriores.
201. Benedictus Levita quis fuerit.
202. Fautor Pontificis Rom. fuit.
203. Conjunctio collectionis Ansegisi & Benedicti Levitæ.
204. Collectiones hæc confusè factæ & nullo ordine.
205. Auctoritas capitularium.
206. De integritate capitularium.
207. Quis Capitularia primus ediderit.
208. Ludovici Pij liber, qui Reformatio abusuum cleri inscribitur.
209. Caroli Calvi Capitulare.
210. Sirmondi editio capitularis Caroli Calvi.
211. Aliorum sequentium Regum Gallie capitula.
212. Ex quibus libris collecta & edita sunt.
213. Dissertatio.



# TRACTATIONIS.

213. *Differentia inter capitularia Caroli Magni  
& Ludovici Imp. & Caroli Calvi.*
214. *Quare capitularia & capitula vocentur.*
215. *Κεφάλαια.*
216. *Capitulare Gregorij secundi Papæ.*
217. *Benedictus capitula Caroli collegit instinctu  
Organi.*
218. *Antiqua capitularia M. S. carent titulo, &  
unde titulus hodiernus.*
219. *Baronius capitularia consensu & auctoritate  
Pontificum produisse multis conatur adserere.*
220. *Isidori Mercatoris collectio.*
221. *Elogium è Blondello.*
222. *Quid supposuerit.*
223. *Quibus supposuerit Decretales Isidorus.*
224. *Isidorus Hispalensis, ut à quibusdam dicitur,  
non est auctor hujus suppositionis.*
225. *Vocatur hic Isidorus Peccator vel Mercator in  
aliquibus libris.*
226. *Cujas fuerit suppositor ille.*
227. *Benedictus Levita suspectus de suppositis vel  
collectis epistolis.*
228. *Argumenta contra Epistolas, easque suppo-  
sitas evincientia.*
229. *Testes Isidori Mercatoris collectionem suspe-  
ctam habentes, rejicientes & damnantes.*
230. *Quid Pseudo-Isidori collectio contineat.*
231. *Auctoritas hujus collectionis.*
232. *Qua versione usus sit Isidorus in sua collectione.*

# S U M M A R I A

233. *Scopus collectionis Pseudo-Isidorianæ & defensionis Turrianicæ.*
234. *Defensio Turriani qualis.*
235. *Auctores à Turriano M. S. non extantes citati.*
236. *De Turriano elogia, & ejus errores historici.*
237. *Quenam auctoritas Isidorianæ collectioni deferenda.*
238. *Photius.*
239. *Scripta ejus.*
240. *Nomocanon.*
241. *Ex quibus Conciliorum & Patrum canonibus compilatus sit.*
242. *Quando compilatus.*
243. *Ejus diversæ interpretationes.*
244. *Agylei versio melior.*
245. *Nova editio, quæ extat in bibliotheca juris canonici veteris commendata.*
246. *Codicis Dionysii Exigui accessiones, usque ad Leonem IV. Papam.*
247. *Progressus ad seculum XI.*
248. *Burchardus Wormatiensis.*
249. *Ad utilitatem suæ Ecclesiæ colligit decretorum lib: XX.*
250. *Fontes & Materia hujus collectionis.*
251. *Summa librorum viginti Burchardi.*
252. *Vbi & quibus auxiliis decretorum libros compilaverit.*
253. *Nomen Operis.*

254. *Quid*

# TRACTATIONIS.

254. *Quid de hac collectione habendum.*
255. *Potentia Romana ad summum culmen seculo XI. surrexit.*
256. *Gregorius VII. alias Hildebrandus potentie Papalis stabilitor.*
257. *Ejus DICTATVS.*
258. *Quare DICTATVS vocati.*
259. *Ex dictatibus hisce crevit jus Canonicum & nomen adsumpsit juris.*
260. *Anselmus Lucensis, quo tempore vixerit.*
261. *Scripta ejus.*
262. *Ejus Collectio Canonum.*
263. *Ivo Carnutensis.*
264. *Ejus scripta.*
265. *Canonum collectiones ejus nomen referentes.*
266. *Decretum.*
267. *Pannomia.*
268. *Error Contij duplex.*
269. *Vgo Catalaunus auctor Pannomie.*
270. *Compendia Burchardi & Ivonis, tantum in usu.*
271. *Editiones Decreti Pannomie & operum Ivonis.*
272. *Isidori Mercatoris spurias decretales in opus suum adsumpsit.*
273. *Deusdedit Cardinalis collectio canonum, & aliud scriptum de privilegiis Romanæ sedis.*
274. *Gregorij Presbyteri collectio quæ Polycarpus dicitur.*

# S U M M A R I A

275. *Bernardus Papiensis, & auctor libri Populeti.*
276. *Seculo XII. inter Græcos & Latinos floruit  
studium Canonicum.*
277. *Joh. Zonaras.*
278. *Drungarius Magnus fuit & quis ille.*
279. *Monachus factus scripsit historiam.*
280. *Et ad Photii Nomocanonem item canones  
conciliorum.*
281. *Alexius Aristinus.*
282. *Ejus σύντομος seu Epitome canonum.*
283. *Constantinus Harmenopulus.*
284. *Quis fuerit.*
285. *Quo tempore vixerit.*
286. *Quid scripserit.*
287. *Epitome canonum.*
288. *Matthæus Blastares.*
289. *Scripta.*
290. *Simeon Magister & Logotheta.*
291. *Quis Magister.*
292. *Logotheta quis.*
293. *Simeonis Epitome canonum.*
294. *Gratianus.*
295. *Quis fuerit.*
296. *Natales ejus.*
297. *Professio.*
298. *Tempus quo vixit.*
299. *Ubi vixerit & canones collegerit.*
300. *Volumen decretorum.*
301. *Euge-*

# TRACTATIONIS.

301. *Eugenio oblatum.*
302. *Ejus auctoritas.*
303. *Bacillarii & Bacalaurei unde dicti.*
304. *Tempus collectionis.*
305. *Titulus operis.*
306. *Ratio ejus.*
307. *Quid cum ad colligendos canones impulerit.*
308. *An pro lege aut canone valeat decretorum volumen.*
309. *Varia sententia hac de re.*
310. *Fontes Decretorum.*
311. *Conciliorum canones cujus auctoritatis sint.*
312. *Et Epistola decretales.*
313. *Item Gratiani dicta cujus auct.*
314. *Palex unde dicta.*
315. *Cujus sint auctoritatis.*
316. *Legum auctoritas in decreto.*
317. *Pseudepigrapha supposita & conficta que in decretum retulerit Gratianus nullius sunt auctoritatis.*
318. *Judicia de Gratiano.*
319. *Non omnino rejiciendum opus Gratiani, ejus usus indicatur contra Pontificios.*
320. *Operis Gratiani consideratio ejusque partes.*
321. *Dubitant quidam an de poenitentia & consecratione, sint tractatus Gratiani.*



# S U M M A R I A

322. *Adferuntur Gratiano.*
323. *Allegationes seu Citationes Decreti.*
324. *Notæ emendatorum, & rejectiones ad auctores: item, partes Gratiani.*
325. *Numeri & summaria capitum unde.*
326. *Inscriptiones distinctionum & questionum.*
327. *Quid vox SVPR A quid EXTRA in allegationibus significet.*
328. *Gratiani facta & obitus latent.*
329. *Epitaphium.*
330. *Cardinalem facit Albericus.*
331. *Omnibonus Magister Compilator Concordantiæ discordantium Canonum, ejusque opus Omnibonum.*
332. *Judicium Chiffletij de Cardinalitia dignitate Gratiani.*
333. *Verior titulus Magistri; qui tum Doctoribus dabatur.*
334. *Glossatores Decreti.*
335. *Glossographi unde. Glossa quid.*
336. *Decretalium collectiones.*
337. *Decretales quid, eorum origo & progressus.*
338. *Prima collectio Decretalium Bernardi Circa.*
339. *Theodorus Balsamon.*
340. *Quis fuerit.*
341. *Nomophylax & Chartophylax quis.*
342. *Primus Blachernorum.*
343. *Balsamo Patriarcha Antiochia.*
344. *Scripta*

# TRACTATIONIS.

344. Scripta ejus.
345. Editiones & interpretes Balsamonis.
346. Seculum XIII. Collectio Decretalium secunda.
347. Gilbertus & Alanus.
348. Joh. Gallensis vel Vallensis.
349. Tertia Decretalium Collectio. Bernardi Compstellani.
350. Petri Beneventani, seu Innocentij III. collectio.
351. Quarta collectio Innocentij III.
352. Quinta collectio Tancredi Bononiensis.
353. Sexta collectio Gregorij noni, facta per Raymundum de Pennaforti.
354. Utilitas priorum collectionum.
355. Raymundus quis fuerit & ejus vita, scripta & series decretalium.
356. Glossographi hujus compilationis.
357. Bernardus Bottonus Parmensis.
358. Boatin. Mantuan.
359. Frater Jacobus Canonic. S. Joannis in Monte.
360. Damascius.
361. Druzianus, Guandulfus.
362. Petrus Mandecator.
363. Capellani Summi Pontificis qui dicantur.
364. Censorum Romanorum labor in hac Collectione.
365. Arsenius Monachus, & Patriarcha collegit  
synopsin

# S U M M A R I A

*Synopsin canonum, seu Nomocanonum.*

366. *Bonifacii octavi compilatio.*
367. *Liber sextus Decretalium vocatur.*
368. *Qualis fuerit.*
369. *Inimicitia cum Rege Galliarum Philippo.*
370. *Ob eas liber sextus in Gallia non est receptus.*
371. *Seculo XIV. Clemens V. Clementinas collegit.*
372. *Johannis XXII. Extravagantes.*
373. *Regula Cancellaria auctorem habent Johannem XXII.*
374. *Joan. XXII. multa pro sede Romana invenit, nempe Reg. Cancell.*
375. *Reservationes ac taxas beneficiorum.*
376. *Annatas revocavit.*
377. *Divitias in gentes reliquit.*
378. *Cupidi fuit animi & audacissimi.*
379. *Rotam ordinavit.*
380. *Fuit Curiosus.*
381. *Quid sint regule Cancellariae & cujus sint auctoritatis.*
382. *Constitutiones Marchiae Anconitane.*
383. *Seculo XV. Extravagantes communes prodierunt.*
384. *Corpus Juris Canonici comparatum cum Corpore Juris Civilis.*
385. *Causa incrementorum juris Canonici.*
386. *Auctoritas juris Pontificii.*
387. *Quenam Doctorum Virorum judicia de jure Canonico.*
388. *Secu*



# TRACTATIONIS.

388. *Seculum XVI. Institutiones Pauli Lancelotti.*
389. *M. Antonii Cuccchi institutiones Juris Canonici.*
390. *Pius IV. Pontif. vulgat concil. Tridentinum.*
391. *Eligit Romæ Cardinales, & Doctos Viros ad emendationem Gratiani.*
392. *Pius Quintus aliquot addit.*
393. *Gregorius tertius vulgat Decretum emendatum.*
394. *Decretales etiam emendata & restituta.*
395. *Ex Collectionibus anterioribus.*
396. *Et regestis vel registris Pontificum, & quid illa.*
397. *Originale quid.*
398. *Bullaria.*
399. *Cerberini.*
400. *Quaranta.*
401. *Prosperi de Augustino.*
402. *Bulle quid.*
403. *Commonitoria quæ?*
404. *Ex Commonitoriis Pontificum Canones excerpti.*
405. *Professiones fidei Pontificum Romanorum.*
406. *Enimundi Bonifidii digestio juris Orientalis.*
407. *Septimus decretalium liber à Petro Matthæi collectus.*
408. *Joh. Leunclavii jus Græco-Romanum.*
409. *Incerta Collectiones.*

410. *Leo*

## SUMMARIA TRACTAT.

- 410. Leonis primi.
- 411. Alterius, *cujus meminit Joh. Scholasticus*.
- 412. Tertia, quarta & quinta.
- 413. Septima Manuscripta in Bibliotheca Auctoris.
- 414. Seculum decimum septimum.
- 415. Christophorus Fustellus.
- 416. Henricus Fustellus & Guilielmus Voëllus.
- 417. Laurentii Bochelli Decreta Ecclesie Galli-  
cane.
- 418. Operis epilogus.



FAMÆ

FAMÆ ac VIRTUTI

*Nobilissimi, Consultissimi, omnique  
Eruditionis genere Consummatissimi Viri,*

D. GERHARDI à MASTRICHT

JCti, Antecessoris & Histor. Profess. Ordin.  
in Electoral. Universitat. Duisburgensi,  
Amici & Collegæ sui Honoratissimi,

C ù m

*Adornata à se in Augustinum de Emend. Gratiani  
novæ Editioni subjungeret suam Juris  
Ecclesiastici Historiam.*

**S**I gratam Gratianus opem, nomenq; decusq;  
Intulit Ausoniis per sua thura sacris;  
Præsul & augustum tulit *Augustinus* honorem,  
Commoda contortis substituendo locis;  
Quid Tua, quid tantas infra sit gloria lucus;  
Qui lucem celebri fundis Utrique manu,  
MYSTA SAGAX, JURIS JUBAR, HISTORIÆQUE  
MEDULLA,  
ET CONSULTA SACRI VOXQUE MANUS-  
QUE FORI?

Te referente suas Ecclesia noscere leges  
Incipit & tanti prodit origo Sacri.  
Ortus & accedens ausis Papalibus ætas;  
Mox grave Juris opus; denique mole ruens;  
Et si quid reliquum cupiat mens avida rerum,  
Cuncta patent nitido condecorata stylo.

Nunc

Nunc *Gratianus* ovat ; nunc *Augustinus* in  
orbem

Evolat , at famâ latus uterque Tuâ.  
Tu tenebris sine fine facem, morientibus ævum  
Affers : an cum ævo Laus Tua fluxa Tuo ?  
Non ; si posteritas dignæ præconia famæ  
Versat ; & in calamo vivis abunde tuo.  
Affert Svada salê, jungit Themis Alma valorem,  
Quî pereat pretio quod valet atque sale ?  
Nunc Te plausus habet, speciosa *Colonia* vultû  
Erigit & Nati splendet honore sui.  
Gaudet Docta cohors , Tibi Tota Academia  
laudes

Adjicit & clari nomina clara Viri.  
Me Tua quem forti Tibi junxit foedere virtus,  
Et servat fido dexterâ , cana fides ,  
Sic nomen celebrabo Tuum, quò Jura decorem  
Ars bona quò pretium protulit usque suum.  
Sic Te *Diva* locat : rutilum sic itur ad astrum ,  
Quod colit in summo Docta Minerva Polo.  
Gratuler his meritis, An nunc Astræa per auras  
Ipsa volat , junctâ promere vota manu ?  
Hoc scio: si geminis facias Te inclarescere Musis;  
Quod magis expectet vix vaser orbis habet.

*m. m<sup>g</sup> fecit*

WILHELMUS CRUSIUS, Berolin.  
Jurium D. & Prof. Ord.

GERHARDI Von MASTRICHT

*Acti & Antecessoris*

# HISTORIA JURIS ECCLESIASTICI & PONTIFICII,

S E U

*De Ortu, Progressu, Incrementis,  
Collectionibus, Auctoribusque Juris  
Ecclesiastici, & Pontificii*

T R A C T A T I O.



SERVATOR noster Jesus  
Christus perfecto ne-  
gotio redemptionis no-  
stræ, in cælum, Eccle-  
siæ suæ supremus Rex,  
abiturus, Apostolos  
suos, quos vivus ele-  
gerat, ad colligendam Ecclesiam Christia-  
nam per universum orbem, cum potestate  
docendi & scribendi misit. Hi fidei nostræ  
principia, modumque cultus, novo fœde-  
ri congruum cum fideliter tradidissent, &  
sanguine doctas veritates plerique obsi-  
gnantes, ad Patriam cœlestem omnem illam

i. Origo  
& causa  
Conci-  
liorum.

## 2 HISTORIA

ἀγαθοποίησαν, αἰώνιον ἐν τοῖς ὕεσσι, ad cuius spem & præmium fideles erudierant, abiissent; non diu populus Christianus in dogmatibus fidei, aut disciplina morum & ritibus ecclesiasticis (quorum magnam partem liberæ cujusque Ecclesiæ determinationi, observata tantum ordinis decencia, reliquerant Apostoli) concors fuit; sed in primordiis fere vel astutia Sathanæ, summi concordiæ & veritatis ecclesiasticæ osoris; vel humani ingenii superbia, inquietudine, mutabilitate rerumque novarum studio & pruritu, in fide, moribus & ceremoniis ecclesiasticis, à prima simplicitate & veritate, ad superstitionem, (ad quam, utpote propria figmenta indoles humana propendet,) & exitialia dogmata multi deflexerunt: neque deflexisse satis erat, aut invenisse errores, debuerunt etiam defendi, & propagari tanquam salutaria inventa. Quibus hominibus & dogmatibus perditis, cum ii, quibus reipublicæ Ecclesiasticæ cura mandata erat, se opposerent, necesse aliquando fuit convocare Presbyteros, seu Episcopos (ejusdem enim officii utrumque nomen primis Christianismi primordiis fuit). Doctores, aliaque ecclesiæ membra illustriora & in rebus fidei versatiora; idque vel unius aliquando urbis seu collegii, vel diver-

diversarum, aut aliquando etiam, si negotiū pondus id exigeret, latiusque exitiale dogma serperet, omnium quantum possibile erat, per totum Christianum Orbem Ecclesiarum, ut illi unanimi sententia, invocato spiritus sancti auxilio, de dogmate disquirerent, probarent vel improbarent, & quid imposterum observandum esset decernerent. In his imitati Apostolos, qui primum istiusmodi conventum Hierosolymæ instituerunt, cum quidam in re Christiana nondum satis eruditi, συμβίβασιν Judaici & Christiani cultus urgerent. Hæc initia & causæ conciliorum & synodorum fuerunt, quæ primis tribus Christianismi seculis purioribus, & à superstitione magis alienis rarissima fuerunt, quarto & quinto invalescere, & sequentibus in consuetudinem abire cœperunt. Quidquid in his à Patribus decernebatur, illud *canonis* nomen accepit, quod regulam & normam præscriberet credendi & vivendi; mutuo sumpto nomine à scripturis sacris iisque canonicis, ideo sic dictis, quia suprema Lex credendi & vivendi in iis tradebatur; ad quas tamen etiam translata est vox primum ab artificibus mechanicis, qui ad canonem exigebant, an quid rectum esset; adposite Æschines. ὡσαυτεῖν τῇ τεκωνικῇ, ὅταν εἰδέναι βεβλώμεθα τὸ ὀρθόν

2. Concilia primis seculis rara.

3. Concilii decretum canon dicebatur, & quare



τὸν καὶ τὸ μὴ, κανόνα προσφέρομεν. Ab his  
 postea omnes cæteræ significationes sumtæ,  
 & per metaphoram vox translata est ad leges,  
 quibus quod rectum præscriptum; item ad  
 scientias, in quibus regulæ, seu canones in-  
 venti & traditi, ad quos rectitudo scientiarum  
 examinanda erat, docente id eleganter Por-  
 phyrîo in *Harmonicis*, ex *Ptolemaide Cyrenai-  
 ca* clarissima scœmina, de scientia canonica  
 quæ postea Harmonica dicta est, à qua ad  
 alias scientias hæc transferri possunt; ver-  
 ba Ptolemaidis hæc refert Porphyrius. Ἡ ἐν  
 κανονικῇ πραγματεῖα κατὰ τίνας μαῖλλον ἐστὶ  
 κατέλξ; κατὰ τὰς Πυθαγορικὰς. Ἡν γὰρ νῦν  
 Ἀρμονικῶν λέγομεν, ἐκείνοι Κανονικῶν ὠνό-  
 μαζον. Ἀπὸ τινος κανονικῶν αὐτῶν λέγομεν;  
 Οὐχ' ὡς ἐνιοὶ νομίζουσιν, ὅτι ἔστι κανὼν ὁ ὄργανον  
 παρονομασθεῖσαν, ἀλλ' ὅτι τῆς ἀξιοσύνης,  
 ὡς ἀπὸ πάντης τῆς πραγματείας τὸ ὀρθὸν ἔ-  
 λогε εὐρίσκει. Latine sic verti possunt:  
*Canonicum vero studium, juxta quos est gene-  
 ralius? Juxta Pythagoricos. Quam enim nos  
 nunc vocamus Harmonicam, illi appellabant Ca-  
 nonicam. Sed cur illam Canonicam vocamus?  
 Non ut censent quidam à Canone instrumento,  
 sed à rectitudine. Quoniam ratio invenit id,  
 quod rectum est, quando utitur regulis seu cano-  
 nibus harmonicis. Hic canon num à קָנֶן  
 Kaneh, deducatur, ut Stephanus notat, quod  
 septua-*

4. Origo  
 vocis  
 canonis.



septuaginta Interpretes κάλαμον vel καλαμίσκον reddunt, unde & *Canna*, videtur esse, quod antiquitus ea recti esset mensura; an rectius per Metathesin ab : 778, quod *canonem* seu perpendiculum notat; ut ex *Beckmanni* originibus, hoc cum multis aliis notat Clarissimus *Vossius*, aliis dispiendum relinquimus. Neque etiam nunc evagandum in disquisitionem variarum significationum hujus vocis, abunde id Viri Doctissimi fecerunt, & maxime de lingua Græca bene meritus *Henn. Stephanus* in *The- sauro*; nobis tantum tradendæ significationes ecclesiasticæ, quæ potissimum ad institutum nostrum faciunt. Harum quinque Magnus Beza Stephano suggestit, quas præ- postero ordine recensebimus, quia is maxime facit ad rem præsentem. Primo κα- νών, est ἐκκλησιαστικὴ τάξις *Synod. Laod. 24.* id est catalogus eorum qui ecclesiis in quo- cunque munere serviunt, quorum alios vocabant *Clericos* generali nomine, ut *A- post. Can. 25. 31. 85. & 1. Constant. synod. can. 6.* & horum rursus alii ἱερατικοὶ voca- bantur, puta Episcopi, Presbyteri & Dia- conī, quos Ordines postea majores voca- runt, alios vero *Clericos* speciali nomine, ut animadvertere licet ex *Apostolico canone 17. & Laodic. Syn. c. 24. 27. 30. & aliis*

5. Variæ  
significa-  
tiones  
vocis  
canonis.

6. Primæ

nonnullis. Cæteros autem sic à laicis distinguiebant ut non essent quidem ἐν κλήρῳ κατὰ τὴν ἐκκλησίαν, quoniam χεῖροθεσίαν non habebant, ut loquitur 2. *canon Chalced. synod.* qui etiam dicuntur οἱ ἐν ἐκκλησιαστικῷ τάγματι ejusdem *synod. can. 6.* & κατὰ τὴν ἐκκλησίαν *can. 10.* & εἰς ἐκκλησίαν πλεονεξ *can. 20.* sed illa generali appellatione dicerentur ἐν τῷ κανόνι ἐξεταζόμενοι, ut *Nicen. synod. can. 14.* & οἱ τῷ κανόνι *Chalced. synod. can. 2.* Secundo κατὰ τὴν λειτουργίαν, à quibusdam Græcis Theologis & Latinis recentioribus certa benedictionis cœnæ mysticæ formulam denotat. Tertio κανὼν est positus; pro fidelium episcoporum & præsertim Martyrum catalogo, quorum in solemnibus precibus memoria celebrabatur; cujus consuetudinis aliqua vestigia in Græcæ & Latinæ liturgiæ canone adhuc retinentur. Hunc autem olim etiam morem fuisse ex quorundam veterum Theologorum scriptis liquido constat, & ex recentioribus scriptoribus Nicephorus præsertim multis explicat *lib. 14. cap. 25. & 26.* ubi contentionem illam narrat de Chrysostomi nomine in Mysticas tabulas referendo, inde factum arbitror, ut canonizati dicti sint, quorum memoria publico Ecclesiæ consensu celebrabatur; unde orta tandem divorum

vorum invocatio. Porro κανὼν ideo pro catalogo ponitur, quod catalogus certa norma & regula esset, iis dignoscendis, qui in illo recenscebantur. Quarto κανὼν pro sacrorum librorum catalogo, ut multis locis nominat Eusebius, quorum inviolabilis est auctoritas, & ad quos velut certissimam normam exigenda sunt omnis Christianæ religionis dogmata, ut in *canone Apostolico* 85. hanc inscriptionem habent quædam editiones, κανῶν βιβλίων κανὼν, qui hujus vocis usus invenitur in *synopsi divina scriptura Athanasio* attributæ, ubi & κανονικὰ βιβλία vocantur libri ea comprehensi. Tandem quinto κανὼν est regula & norma disciplinæ sive politicæ Ecclesiasticæ, ut est Apostolicis primum ἐξουδοῖσι, deinde synodis legitimis descripta, unde & *canones* vocantur constitutiones his de rebus factæ; interdum copulantur hæc duo, διατυπώσεις & κανόνες, tum alibi, tum in *Græca concilii Nicani historia*. Ab hac autem κανόνος significatione jus canonicum, quod vocant, nomen invenit. Verum harum significationum prima & tertia, sunt eadem, & est tum κανὼν idem cum diptychis ecclesiasticis, de quibus late à nobis actum est in *Schediasmate de Susceptoribus Infantium ex baptismo*. Ubi *dyptycha* ecclesiastica distinxi-

9. Quarta.

10. Quinta.

11. Examinatæ hæc significationes.

mus in vivorum & mortuorum, *vivorum* dypticha sunt κανών eorum qui Ecclesiis serviebant in quocunque munere; *Mortuorum* vero sunt in quæ nomina, status, ordo & obitus Episcoporum referebatur. *Vid. pag. 37. & seq.* Ubi & de aliis dyptychis. Secunda significatio ad quintam referenda est, quia κανών ille λειτουργίας nil aliud est quam definitio per canonem ecclesiasticum formulæ, quomodo mystica cœnæ benedictio peragi debeat; quemadmodum κανών in jure & legibus vocatur, quod lege est definitum & determinatum; item tributum illud, quod certa lege est statutum & indictum, ut videri potest apud *Asconium Padianum*, qui inter pensitationum genera vocat *canonem*, *oblationem*, & *indictionem*; & qui hunc canonem exigebant *canonicari*, vocantur *Novella 30. & 136.* item apud *Cassiodor. lib. 11. & 12. var.* & *Centes* in jure nostro *canon* vocatur præstatio quædam quæ legibus vel pactis est definita. Cujus tractatio non est hujus loci: Sed, quod magis affine est nostræ tractationi, κεκανονισμένας συνόδοι leguntur, in *synodi Chalcedonensis canone*, qui in *Codice canon. Eccles. universa est 197. istius synodi 19.* quas interpretatur *Justellus, canonibus constitutas synodus*, *Dionysius Exiguus & Cod. canonum Eccles.*

## JURIS ECCLESIASTICI. 9

*Eccles. Rom. statuta concilia*; intelligit autem canon iste, Provincialia ista concilia, quæ canonibus ecclesiasticis sunt statuta & mandata ut bis quotannis convocentur. Quarta vero significatio est primaria & vere ecclesiastica, qua libri sacri, quia perpetuam vitæ & morum regulam præstant, *canonici* sunt dicti; à qua, ut supra memoratum, decreta ecclesiastica, quæ dogmata fidei vel ritus determinant, aut mores informant, *canones* sunt dicti, quod adinstar scripturæ vitam hominis Christiani dirigant. Non tamen pari virtute & obligatione. Major enim sine ulla comparatione scripturæ canonicæ est auctoritas, quam canonis ecclesiastici in concilio decreti; illius enim prætoria est, hujus nulla, nisi illi innitatur & cum ea consentiat. Illius infallibilis est, hujus fallibilis, quod multis canonibus vel unius concilii Tridentini firmari posset, si quis hospes in antiquitate Ecclesiastica de eo dubitaret. Non dant concilia ejusque canones nobis novas veritates in scriptura non revelatas, sed sunt tantum suffragia & sententiæ, de veritatibus antea revelatis, quas mali quidam, aut non satis docti detorserunt in pravam sensum, aut non recte intellexerunt. Hæc de dogmatibus fidei intelligimus, in quibus concilia

12. Unde proprie constitutiones ecclesiasticæ *canones* dicuntur.

13. Diversa canonum efficacia.

ejusque decreta, nobis non magis sunt norma fidei, quam Judicis sententia juris & justitiæ. Sed ut hæc secundum jus & justitiam ferri debet, ita illa scripturæ inniti, siquidem nos ad credendum obstringere velint. In ritibus autem Ecclesiasticis, quæ libertati Ecclesiæ Christus & Apostoli sæpe reliquerunt, magis proprie decreta conciliorum canonem seu regulam vivendi & parendi præscribunt, quam quisque observare tenetur, dummodo generalis illa ordinis decentia, sit observata. Utraque tamen definitio conciliorum & de dogmatibus fidei, & de ritibus ecclesiasticis, non inconcinne nomine *canonis* toleratur, ut sint regula fidei ac morum, quatenus Scripturæ innituntur, & veritates illius comprobant, aut morale illud ordinis determinant. Placuit id nomen antiquis magis, quam illud *juris* nomen, aut *juris ecclesiastici*, aut *juris canonici*, quod serius, forte fastu & æmulatione Romani Pontificis introductum est; de quo postea pluribus. Exinde patet canones esse duplicis generis, quidam agunt de fidei capitibus eaque ex scriptura determinant, quidam vero tantum mores, disciplinam, ritusque ecclesiasticos respiciunt, quod & specialibus vocibus veteres videntur indicasse, eos enim canones conciliorum,

14. Antiquis magis *canonis*, quam *juris* nomē placuit, quod postea successit.

15. Differentia seu species canonum.



ciliorum, quibus fidei capita determinant 16. δό-  
 δόγματα, latini *decreta*; quibus vero mores γυατα  
 & disciplina Ecclesiæ regitur, *canones* appel- & decreta  
 larunt. Illustre hujus rei documentum ha- quæ.  
 bemus in *Imperat. Nostri Justiniani Novell.*

131. quæ inscribitur *ᾠ ἐ τῶν ἐκκλησιασ-*  
*κῶν κανόνων, καὶ περὶ νομίμων τῶν εἰς τὰς ἀγιο-*  
*τάτας ἐκκλησίας*: quod in rubrica vertitur,  
*de Ecclesiasticis titulis & privilegiis*: in proœ-  
 mio vero, *de regulis ecclesiasticis & privilegiis*,  
 melius. In hac Novella capite primo, diler-  
 tim δόγματα & κανόνες distinguuntur à se  
 invicem, & tamen in principio omnes sub  
 nomine canonum ecclesiasticorum conti-  
 nentur. Cape Verba Imperatoris Græca.

Θεοπίζομεν πόλιν, τάξιν νόμων ἐπέχειν τῆς  
 ἀγίας ἐκκλησιαστικῆς πανόνας, τῆς ὑπὸ τῶν  
 ἀγίων πατέρων συνόδων ἐκτεθέντας ἢ βεβαιω-  
 θέντας, τῆς ἐν Νικαίᾳ τῆς πρῆς καὶ τῆς  
 ἐν Κωνσταντινουπόλει τῆς ἀγίων ἐκ. πατέρων. καὶ τῆς  
 ἐν Εφέσῳ πρώτης, ἐν ἣ Νεστέριῳ κατεκείνη  
 καὶ τῆς ἐν Καλχηδόνι, καθ' ἣν Εὐτύχης μετὰ  
 Νεστέριῳ ἀνεθεματίσθη. τῶν γὰρ περὶ τῶν  
 ἀγίων συνόδων καὶ τὰ δόγματα, καθάπερ ταῖς  
 θείας γραφαῖς, δεχόμεθα, καὶ τῆς κανόνας ὡς  
 νόμους φυλάττομεν. Quæ ita vulgo versa le-  
 guntur, sive à Berguntio Pisano, ut vult An-  
 ton. August. sive ab alio; dubitat enim Con-  
 tinus in *Dedicatione Novellarum ad Jacobum*  
Cam-

*Cambraum. Sancimus igitur vicem legum obtinere sanctas ecclesiasticas regulas, quæ à sanctis quatuor conciliis expositæ sunt, aut firmatæ, hæc est in Nicæna trecentorum decem & octo, & in Constantinopolitana sanctorum centum quinquaginta patrum, & in Ephesina prima, in qua Nestorius est damnatus, & in Calchedonia in qua Eutyches cum Nestorio anathematizatus est. Prædictarum enim quatuor synodorum dogmata sicut sanctas scripturas accipimus, & regulas sicut leges observamus. Manifeste Imperator ecclesiasticos canones in principio vicem legum vult obtinere, sub quibus illa de fide capita, & de moribus & ritibus regulas simul complectitur, quæ postea distinguit, illa dogmata (quam vocem interpret quoque retinuit, cum potuisset vertere decreta) has canones vocans. Apud Euseb. quoque lib. 6. cap. 35. H. E. ubi de Concilio Romano contra Novatum agit, in quo doctrina ejus: non dandam esse poenitentiam lapsis tempore calamitatis & persecutionis fratribus, damnatur; quod Episcopi cæterique decreverunt, δόγμα vocatur: δόγμα, inquit, περισσῆται τοῖς πᾶσι. quod Christophorus reddit à quibus omnibus tandem decernitur nimis generaliter, ita ut emphasis vocis pereat: melius, decretum ab omnibus factum est. Locum totum Eusebii paulo post adduco.*



adduco. Ipse etiam *Lucas* illa quæ in concilio Hierosolymitano *Actor.* 15. decreta erant δόγματα vocat, *Actor.* 16. v. 4. ὧς δὲ διεπεράζοντο τὰς πόλεις, παρεδίδεν αὐτοῖς φυλάσσειν τὰ δόγματα τὰ κεκερμένα ὑπὸ τῶν Ἀποστόλων ἢ τῶν πρεσβυτέρων τῶν ἐν Ἱερουσαλήμ. ubi Beza δόγματα vertit, *Placita*; *Piscator*, *Instituta*; vulgatus retinet græcam vocem, quam tamen *Act.* 17. v. 7. vertit *decreta*. ut & *Ephes.* 2. 15. 2. *Col.* 2. 14. ubi Beza illud ἐν δόγμασι vertit in ritibus. *Lucæ* vero 2. uterque vertit δόγμα *edictum*, *Glossæ nomica* à *Labbæo* editæ, δόγμα interpretantur *θέσπισμα*. Non tamen inficias imus istam differentiam inter *canones* & *dogmata* ubique forte non semper, neque tam accurate observari, quin unum pro alio positum inveniatur. Maxime posterioribus temporibus & conciliis, quibus indifferenter omnia decreta, sive dogmata fidei, sive ceremonias ecclesiasticas respiciant, *canones* vocarunt. Item *decreta* & *capitula*, probantibus id affatim conciliorum inscriptionibus. Primis tamen temporibus & postea diu adhuc, saltem ad tempora usque Justiniani Imperatoris Nostri, ut patet ex ejus supra addicta *Novella* 131. videtur distinctio decretorum seu dogmatum & canonum alicujus observationis fuisse, quamvis nec hoc affirmare

18. Differentia inter δόγματα & canones non est perpetua.

19. Paucitas canonum primis seculis, quia pauca concilia habita.

20. Concilium Hierosolymitanum.

21. Concilium Romanum contra Novatum.

affirmare ausim, perpetuum fuisse, ut non aliquando unum pro alio positum sit. Nunc ad originem canonum progrediendum. Primis Christianismi temporibus usque ad seculum tertium tantum scriptura in ecclesia audita est, nulli fere canones, quia paucissima concilia habita, velut Hierosolymitanum illud, quod actis Apostolicis insertum est; in quo actum de legibus ceremonialibus Mosaicis, & an Christianos obligarent; adserta in eo Christiana libertas, decreta facta, ut ob scandala Judæorum in districtu Antiochiæ, Syriæ & Ciliciæ, abstinere ab idolothytis, sanguine, suffocato & scortatione. Seculo secundo conventus quidam in Asia, Syria, Palestina, in Occidente Romæ & in Gallia habiti contra hæreses Montani & Cataphrygum, & controversiam Paschalem. Dein medio fere seculo tertio & quod excurrit Romæ contra Novatum, ejusque sequaces, in quo tamen canones non sunt editi, sed δόγμα istius refert Eusebius lib. 6. Hist. Eccles. cap. 35. ἐφ' ὧν ὁ δὲ μέγιστος ἐπὶ Ρώμης συνήροτο θεῖος ἐξήκοντα μὲν τ' ἀριθμὸν ἐπισκοπῶν, πλεόνων δ' ἐπὶ μᾶλλον πρεσβυτέρων ἢ ἀρχόντων, ἰδίως τε καὶ τὰς λοιπὰς ἐπαρχίας τῶν καὶ χώραν ποιμένων περὶ τῶν περικτῆς ἀρεσκείας ἀγαθῶν, δόγμα πλείωται &c. Ob quam rem concilium maximum

kinum Romæ cogitur, in quo sexaginta Episcopi & Presbyteri totidem & amplius, una cum diaconis in unum conveniunt. A Pastoribus etiam separatim per singulas cujusque regionis provincias, quid ea de re agendum esset, deliberantibus, colloquia fiunt. Ab omnibus δόγμα decretum constituitur, Novatam ejusque fautores tanta superbia inflatos & quotquot illius inhumanissime & à fraterna charitate alienissima opinioni assentirentur, in eorum numero; qui erant ab ecclesia exclusi haberi: Fratres autem qui casu infelici prolapsi fuissent, pœnitentiæ medicamentis curari, & ad sanitatem restitui. Aliæ quoque hoc seculo habitæ synodi passim in Africa, Asia, Occidente, sed nulli fere in his canones in diptychâ ecclesiastica & ex his in Codicem Canonum relati. Primi canones, qui in eo exstant, scripti sunt in synodo Ancyrana provinciali, viginti quatuor; qui tantum genuini sunt; habita est hæc Ancyræ civitate Galatiæ, principio seculi quarti, ut quidam volunt sub Imp. Diocletiano, alii, sub Constantino Imperatore, & Silvestro Papa Romano, A. C. 314. inter quos est Baronius. Pontacus An. Chr. 302. habitam putat. Hanc excepit & supplevit synodus Neocæsarienses, itidem provincialis Neocæsariæ habita, ut quidam conjiciunt, (de tempore enim certi quid statui vix potest,

22. Primi Canones Codicis canonum, in synodo Ancyrana scripti, quando hæc habita & quot ejus Canonum.

23. Secundi in Neocæsariensi, ejusque tempus & numerus canonum.

test, neque etiam multum nostra interest ad præsentem tractationem) Sub Constantino & Miltiade Pontifice, Anno 318; Baronius in Annum 314. conjicit. Canones habet quatuordecim, qui quoque in Codicem canonum conjecti. Post has synodos quidam censent habitam synodum Laodice-  
nam, in quâ LIX. canones scripti, qui etiam leguntur in codice canonum Ecclesiæ universæ. Hujus sententiæ est Baronius qui Laodice-  
nam locat inter Neocæsariensem & Nicenâ ad annû 319. velut ejus epitomator eam recenset An. 314. quam tamen alii re-  
jiciunt in Annum 364. Pontacus in Annum 368. alii 355. ut recte Doctissimus Lydius de tempore hujus concilii dixerit, Oedipum illud non facile divinare posse. Baronii rationes ante Nicenam habitam hanc synodum valde probabiles sunt. Apparent quoque in Codice Canonum antiquissimo Ecclesiæ Catholice viginti canones synodi Gangrensis, cujus quoque certum tempus ignoramus, quia vero per Osum Gangris Civitate Paphlagoniæ habita fuit, ex tempore quo Osius in Oriente ab Imperatore Constantino ex Hispania evocatus, hæsit, recte conjicit Baronius Anno 319. circiter habitam esse, Pontacus rejicit in annum seculi quarti XXVIII. alii in 36tum. alii longius. Est hæc quoque

24. Laodice-  
cena syno-  
dus, ejus-  
que tem-  
pus, & nu-  
merus ca-  
nonum.

25. Gan-  
grense con-  
cilium e-  
jusque ca-  
pones.

quoque provincialis ut præcedentes. Eam excipit famosissima illa Nicæna, Synodus Oecumenica 318. Episcoporum, à plerisque in annum C. 325. conjecta, in qua xx. Canones scripti, teste vel unico codice canonum Ecclesiæ universæ, quos plerique antiqui & recentiores tantum pro authenticis habent, rejectis octuaginta, quos Turrianus & Pisanus ex Arabico Latinos fecerunt & orbi obtrudunt, cujus erroris causam postea sumus detecturi. Hi quia in synodo Occumenica scripti, primo loco in codice canonum Ecclesiæ universæ, seu catholicæ comparent. Quam rationem etiam ipse codex canonum Catholicæ Ecclesiæ adducit post canones Nicænos, τῆς ἐν Ἀγκυρᾷ συνόδου κανόνες καὶ οἱ πινες μετὰ τὴν Νικαίαν ἐκτεθέντων κανόνων, ὁ δὲ τελευτᾷ δὲ Ἀγ. πλὴν τῆς οἰκουμενικῆς συνόδου ἀντεστην. Concilii Ancyranii canones xxv. qui quidem priores Nicænis, sed ideo postpositi sunt propter auctoritatem synodi Oecumenicæ. & iterum post hos canones. Concilii Neocæsariensis canones xiv. qui quidem sunt Ancyranis posteriores, Nicænis vero antiquiores. Ab hoc tempore probabile est, cœptam esse collectionem canonum, ita ut canones Nicæni primo loco ponerentur, iisque subnecterentur canones, Nicænis anteriores, jam

26. Nicæna synodus prima & Oecumenica, ejusque canonum numerus.

27. Cur Nicæni canones in codice canonum Catholicæ Ecclesiæ, primo loco positi.

28. Quando cœperint colligi canones.

b

relati



relati Ancyrani, Neocæsarienses, Gangrenses & Laodiceni; hoc enim ordine in codice sæpæ citato canonum Ecclesiæ Catholicæ comparent. Nisi quod Laodicenis, præmittantur Antiocheni xxv. scripti in synodo Antiochiæ habita à provincialibus Episcopis in causa Athanasii potissimum; sub Constantio & constante Imperatoribus & Julio Papa Romano anno Christi 341.

29. Concilium Constantinopolitanum primum, Oecumenicum secundum & ejus canonum numerus.

30. Ephesina synodus Oecumenica tertia, & numerus canonum.

31. Concilii Chalcedonensis Oecumenici quarticaneones

xxix. claudunt codicem canonum Ecclesiæ universæ.

Tum sequuntur in eodem Codice, septem Canones Concilii Oecumenici secundi, Constantinopolitani vero primi, quod habitum sub Theodosio Imperatore, anno Christi 381 juxta *Baronum*, juxta alios 383. vel 386 contra Macedonium. Hos excipiunt Ephesini concilii Oecumenici tertii, Canones octo, quæ habita est seculi quarti anno xxxi contra Nestorium sub Theodosio secundo. Claudunt tandem codicem canonum xxix. canones Concilii oecumenici quarti Chalcedonensis, sub Martino Imperatore habiti, seculo quinto medio fere contra Eutychen. Ex horum conciliorum canonibus conflatus est Codex Canonum Ecclesiæ Catholicæ, quorum tantum ideo placuit facere mentionem, quia faciunt ad institutam à nobis Historiam Juris Ecclesiastici. Sunt quidem alia concilia, synodique & in iis scripti canones, antiquiores

quiores relatis; veluti concilium Eliberinum, quod in Hispania in principio seculi quarti, anno nimirum, ut melior fert sententia, quarto vel quinto ad restituendam collapsam lapsorum disciplinam in occidente habitum. Cui rei quoque in oriente Petrus Alexandrinus Episcopus eodem tempore scripserat suos canones pœnitentiales, qui & hodie perennant, & leguntur in bibliotheca Patrum tomo septimo, & apud Theod. Balsamonem in Nomocanonis fine. Habita item Arelatensia concilia, primum & secundum, sed quia horum canones in codicem ecclesiæ universæ non sunt relati, ideo consulto præterimus, & inquirimus potius, quando habuerit initia sua iste codex canonum Ecclesiæ universæ. Valde verisimile est, ut jam dictum, initia ejus fuisse statim post concilium Nicænum, cujus quisque Episcopus exemplar ad ecclesiam suam & ibidem in dyptycha ecclesiastica retulit. Non vero solos tantum canones Nicænos, sed etiam memoratos supra, Nicænis anteriores, quia itidem ad disciplinam ecclesiasticam faciebant, & à Nicænis patribus adoptati & confirmati esse videntur; probante id non obscure Novella Imperatoris Nostri 131, in qua per *Βεβαιωθευτας*, intelligit Imperator canones priorum conciliorum.

32. Canones conciliorum antiquiores, sed non relati in codicem canonum; velut concilii Eliberini.

33. Canones pœnitentiales Petri Alexandrini Episcopi.

34. Quando initia habuerit codex canonum.

35. Qui canones cum Nicænis recepti.

36. Quot  
canones in  
principio  
habuerit  
codex  
canonum.

37. Quot  
postea ac  
creverint.

38. Eccle-  
sia post  
tempora  
Nicæni  
concilii  
scriptura &  
canonibus  
cœpit regi.

39. Codi-  
ces dñi  
scripturæ,  
& canonũ  
in conciliis  
propositi.

40. Testi-  
monia de  
codice S.  
Scripturæ.

liorum. Ex quibus verosimile, quod pri-  
mus codex canonum habuerit tantum ca-  
nones, CXXXVIII. viginti nempe Nicæ-  
nos, 25. Ancyranos, XIV. Neocæsarien-  
ses, LIX. Laodiceos, & XX. Gangrenses.  
Qui postea crevit ad tempora concilii Cal-  
chedonensis, à quo ut & Imperatoris Ju-  
stiniani Novell. 131. confirmatus est, ad  
canones CCVII. accedentibus Antiochenis  
XXV. Constantinop. VII. Ephesinis VIII.  
& Calchedonensibus XXIX. Ordo horum  
conciliorum in concilio Constantinopol. in  
Trullo canone *ἡνιοφροσύνη* est idem, qui  
in Codice universæ Ecclesiæ invenitur ob-  
servatus. Post tempora itaque synodi Ni-  
cænæ primæ, ecclesia duplici jure cœpit  
regi, divino, quod in sacris literis, & ca-  
nonico, quod in Codice canonum conti-  
nebatur. Qui codices ambo in conciliis in  
medio confectus ponebantur, ut ex iis do-  
gmata pietatis explorarentur, obortæ hære-  
ses refutarentur, & controversiæ ad disci-  
plinam ecclesiasticam, sacramque politiam,  
pertinentes, dirimerentur. De sacris pro-  
positis literis, testimonium habemus in *Epi-  
stola synodica concilii Aquilejensis*, tom. I. *con-  
cil.* cui præfuit Ambrosius Mediolanensis  
Episcopus, ad Gratianum Valentinianum &  
Theodosium Impp. *Proposita*, inquit; *divi-*

ua in



na in medio scriptura; item in *Apologia Cy-  
rilli ad Theodos. de synodo Ephesina Oecume-  
nica tertia*, & passim in actis concilii Calche-  
donensis, Constantinopolitani in Trullo, Niceni  
secundi, quorum loca Doctissimus Christo-  
phor. Justellus, optime de jure & antiqui-  
tate ecclesiastica meritis, in *Prefatione ad  
Codicem canonum Ecclesie universae* refert. De 41. Item  
proposito codice canonum habemus te- de codice  
stimoniam concilii Calchedonensis, quod cano-  
num.  
eo canones citat, & de controversiis ex  
iis pronunciat. Sic actione IV. Aetius Ar-  
chidiaconus Constantinopolis, dixit; Regula est  
hac cum aliis posita à sanctis Patribus, quam  
custodientes sanctissimi Episcopi, docent & Cle-  
ricos & Monachos & omnes Christum colentes;  
si autem inveniant aut insultantes, aut acquie-  
scere non volentes, hac utuntur, regula: & ex  
Codice relegit hac (nempe canonem v. con-  
cilii Antiocheni) si quis Presbyter aut Diaco-  
nus suum contemnens Episcopum &c. Omnes  
Episcopi clamaverunt, hac juxta regula, hac  
regula patrum. Iterum actione XI. Stephanus  
Episcopus Ephesi dixit; supplico ut canones re-  
legantur, qui dicunt: ut is, qui in alia civi-  
tate ordinatus est, constitui non possit in altera.  
Gloriosissimi judices dixerunt: relegantur hi ca-  
nones: Leontius reverendissimus Episcopus Ma-  
gnesia ex Codice relegit regulam nonagesimam  
quintam

b 3



*quintam* (est iste canon 16. concilii Antiocheni, in codice vero canonum Ecclesiæ universæ, canon xcv.) *si quis Episcopus vacans, super ecclesiam vacantem &c.* Idem Reverendissimus Leontius ex eodem Codice legit regulam nonagesimam sextam. *Si quis Episcopus Ordinationem acceperit Episcopatus &c.* tandem **Actiōne XIII.** Gloriosissimi iudices dixerunt: *Canones legantur.* Beronicianus Secretarius divini Consistorii ex codice legit: *Episcopos oportet quidem præcipue ab omnibus Episcopis provincialibus ordinari &c.* qui est canon quartus synodi Nicænæ. Exinde patent duo, primum, quod volebamus probare, etiam codicem canonum in conciliis præsto fuisse, & ex eo diremtas controversias; Item alterum, quod quædam collectio canonum, post concilium Nicænum facta fuerit; quod ex eodem Calchedonensi concilio etiam odoratus est; Baronius tomo 3. *An. 341. n. 34.* Illud compertum est, inquit, ex quadam antiquiori nobis incomperta collectione (quæ nunc edito Codice Canonum Ecclesiæ catholicæ Græco notissima est) in concilio Calchedonensi duos canones Antiochene synodi, in actione IV. atque XI. ad verbum esse citatos, sed absque titulo Antiocheni concilii, quorum quidem in eo codice, qui in synodo probatus & lectus est, actione XI. prior nonagesimus quintus, alter nonagesimus

41. Ad-  
ferta col-  
lectio  
cano-  
num post  
conci-  
lium Ni-  
cænum.

uagesimus sextus erat numero consignatus; cum tamen iidem in concilio Antiocheno sextus decimus & septimus decimus ordine describantur. Ut plane appareat non ex ipso Antiocheni concilii codice editos esse, sed ex quadam ante jam facta collectione, communi majorum auctoritate probata. Hujus concilii Calchedonensis beneficio, modum restituendi Codicem antiquum expiscatus est Auctor anonymus, sed Doctissimus; consultationis de controversia inter Paulum Quintum Papam Romanum & Remp. Venetam, qui est *Jacobus Leschassérius*, ubi docte multa de hac codice commentatur. Eoque concilii Calchedonensis testimonio Noster Antonius Augustinus, lib. I. dial. XI. nostræ editionis pag. 175. probat Canones Antiochenos esse authenticos & probatos. *Receptos*, inquit, *esse constat*, & in Corpore Canonum positos ante concilium Calchedonense, ut in ejus concilii actione XII. Græcis, Latinis XI. apparet: ex libro etiam Latino, quem eodem nomine, Corpus Canonum dicimus, quem aperte Leo IV. in Epist. ad Episcopos Britannia approbat. Vocat Augustinus librum illum Corpus Canonum, quem nos cum antiquis rectius, Codicem canonum dicimus, adstipulantibus citationibus plerisque sequentibus. *βίβλος κανόνων* Græcis appellatur. Hujus etiam

43. Nomina hujus collectionis, corpus canonum.

44. Codex canonum.

45. Testi-  
monia an-  
tiqua de  
Codice  
anonum.

mentionem *Iustellus* in doctissima sua *Præfatione*, fieri testatur in *synod. Bracharenſi prima, can. XVIII. Toletana IV. can. III. apud Nicolaum & Leonem quartum Papas Romanos*, quos citat *Gratianus, c. ſi Romanorum diſt. 19. & de libellis diſt. 20. Burchardus quoque memorat eum inter libros, quibus in ſua collectione eſt uſus, & Gratianus. c. ha vero 27. q. 1. item Gregorius Pontifex Romanus in inſcriptione. c. non liceat. x. de præbend. & dignitat. Tribus manuſcriptis exemplaribus hujus codicis ex vaticana bibliotheca depromptis, uſos ſe teſtantur in *Præfatione*, ſelecti ſeculo anteriore viri ad emendationem Gratiani. Putat Doctiſſ: *Iuſtellus* editum fuiſſe hunc codicem primum *Moguntiaſe* ſeculi anterioris anno xxv. dein *Lutetiaſe* anno ſuperiori (id eſt nono hujus ſeculi) quam is ea ſcriberet, ſed is, quod & credo de Exemplaribus Manuſcriptis Vaticanis, non eſt Codex eccleſiaſe univerſæ, ſed Eccleſiaſe Romanæ, qui *Moguntiaſe 1525. & Pariſiis 1609.* eſt editus, attamen ex illo codice Eccleſiaſe univerſæ depromptus, quod & conſitentur ipſi Recognitores Romani, de quo poſtea, ubi ad collectionem *Dionyſii Exigui* pervenero. Græce primus ſeculi ſuperioris anno quadrageſimo ex antiquiſſ. Eccleſiaſe *Hilarianaſe Pictarienſis* codice.*

46. Editio  
hujus Co-  
dicis, &  
error  
*Iuſtelli.*



dice, hunc Canonum codicem edidit Joh. Tilius, Lutetiæ, qui post hanc editionem, quam Cardinali Turnonio dicaverat, Episcopus Meldensis est factus, sedulus in hisce antiquitatis ruderibus eruendis & publicandis; dedit quippe & Codicem Theodosianum; item auro contra caros, libros Caroli Magni, de imaginibus, quos ipse primus sub nomine Eli Philii in Gallia publicavit, seculi anterioris anno 1549. addita sua præfatione, cujus authenticum exemplar adservamus in bibliothecula nostra, contra Pontificiorum vanos conatus, hunc fœtum ~~reſeſas~~ incusantium & exemplaria bonæ notæ in Gallia edita, abolentium. vid. sis Amicum nostrum Virum Nobiliss: & Consultiss: Dn. *Vincentium Placejum* J.C. *Hamburgensem*, quem honoris causa Nomino, in Tractatu nuper edito, de Scriptoribus Anonymis & Pseudonymis detectis, in *Caroli Magni Imperat. scriptis. pag. 174.* Cœpit postea hic *Codex canonum* vocari *Corpus canonum*, observante id *Ant. Augustino* nostro, loco jam adducto. & c. si *Romanorum. dist. 19.* ubi *corpus Codicis canonum* appellatur, item *Innocentio III. in Epistola ad Petrum Compostellanum tom. 2. concil. Emeritense*, sunt verba ejus, *concilium authenticum esse, multis rationibus adstruebat, tum quia cum aliis conciliis*

47. Vocatur corpus canonum & corpus codicis canonum, liber canonum. Patrum Canones &c.

48. Cause  
cur cano-  
nes in cor-  
pus con-  
gesti.

continetur libro , qui CORPVS CANONVM  
appellatur. Vocatus etiam est Liber canonum  
vide infra Bedam & Gregor. Turon. Inscri-  
ptio Codicis M. S. Chr. Justelli. Incipit  
liber , qui appellatur , Corpus canonum , qui  
tamen fuit Isidori Mercatoris, Item Patrum  
canones & canonicarum constitutionum liber. sy-  
nod. Nicæna. II. act. II. Tharastius sanctis-  
simus Patriarcha inquit : legatur canonicarum  
constitutionum liber. Quare autem in corpus  
vel volumen certum compactum à veteri-  
bus fuerint Canones ; tradit Lefchassierius ,  
in laudata consultatione ; Voluerunt , in-  
quit, Patres, Ecclesiam habere corpus cer-  
tum regularum sui juris, quas ex certis con-  
ciliis collegerint , & concilia certo ordine  
disposuerint , certoque & immutabili nu-  
mero canones illorum complexi sint , cui  
neque addi neque detrahi à quoquam pos-  
set , ut hoc quasi vallo & muro septum ju-  
ris corpus adversus falsi crimen undique tu-  
tum esset. Neque tantum ut falsum præve-  
nirent solebant veteres jura sua in certa cor-  
pora colligere , sed etiam ut vim omnem  
juribus extra collectiones publica authori-  
tate factas vagantibus & dispersis adimerent.  
Ob easdem causas Theodosius Imperator  
Novella de confirmatione corporis suarum  
Novellarum , ait se in corpus unius codi-  
cis

eis constitutiones præcessorum suorum re-  
 degisse : ne aliter nisi ex ipso codice in ju-  
 dicio proferrentur. Eandem rationem &  
 consilium sequutus Justinianus codicem  
 suum fecit , constitutiones in multa volu-  
 mina dispersas in unum corpus colligendo,  
 quod ipse testatur *l. unic. C. de emendatione  
 codicis Justiniani* : unde jura extravagantia  
 posteritas appellavit quæ non in corpore  
 codicis , sed extra corpus divagarentur, ut  
 Justiniani verba usurpem , quibus eodem  
 loco usus est. Ea fuit primum , antequam  
 componeretur codex Theodosianus , pro-  
 videntia & vigilantia Patrum Ecclesiæ ca-  
 tholicæ quæ collectionem suam *Corpus co-  
 dicis canonum nuncupavit* , quemadmodum  
 & Imperatores *Corpus codicis constitutio-  
 num* suarum dixerunt. Quare etiam in mo-  
 re habebat Ecclesia alia jura quæ illi obtru-  
 debantur codice suo non comprehensa, ve-  
 lut notha & adulterina nulliusque autori-  
 tatis rejicere , quod Gallicani Episcopi fa-  
 ctitarunt , teste acerrimo authoritatis Ro-  
 manæ defensore Nicolao I. Papa , qui in  
 epistola quam ad illos scripsit relata in codi-  
 cem Gratiani can. si Romanorum distin. 19.  
 hæc illorum verba recenset , *Quamquam* ,  
 inquit , *quidam vestrum scripserint haud illa de-  
 cretalia priscorum pontificum in toto corpore co-  
 dicis*

49. Canones in  
diptycha  
Ecclesiastica  
relati.

*dictis canonum inveniri descripta.* Neque illud negligendum canones Ecclesiasticos in diptycha Ecclesiastica & quidem speciatim ad hanc rem comparata, fuisse conjectos. Fidem faciet Justiniani l. 7. C. de summ. Trinit. §. 5. Μηδεὶς πίνων μάρτυρ ἡμᾶς παρεξάτω ἐλπίδι ματαίᾳ κρατέμεν· ὅτι ἡμεῖς ἐναντίον τῷ εἰρημύων. δι. σιωδῶν ἐπεάξαμεν ἢ πεάξαμεν ἢ παρεχθῆναι πᾶσι συγχωρήσμεν ἢ φιλαρεθῆναι τὴν τῷ αὐτῶν ἀγίων. δι. σιωδῶν ὅσιαν μνήμην ἐκ τῶν εἰρημύων τῷ ἐκκλησίας διπύχων ἀνεξόμεθα. Nullus itaque frustra nos turbet spe vana inuixus, quasi nos contrarium à supradictis quatuor conciliis fecerimus aut faciamus, aut fieri à quibusdam permittamus, aut aboleri eorundem sanctorum quatuor conciliorum piam memoriam ex dictis Ecclesie diptychis subinamus. Quod confirmatur sexta synodo collat. 2. Nam sanctas quatuor synodos Majestas ipsius (Justinianum intelligit) sacris diptychis inferi & publicari fecit: quod ante imperium ei divinitus concessum non procedebat. Hocque forte denotat verbum φιλιπύσασθαι in Novell. 115. cap. 4. §. 14. pr. quod tum perperam verteretur amplecti & recitare, melius diptychis inferere vel inscribere, tumque hæc verba ejus Novellæ, ἐν ἣ πάντες οἱ μακαριώτατοι Πατριάρχαι τὰς ἀγίας τέσσαρας σιωδῆς, τὴν ἐν Νικαίᾳ καὶ τὴν ἐν Κωνσταντιν

νύπληις

50. Quid in  
novella 115  
verbum  
φιλι-  
πύσε-  
σθαι  
significat.



ἐκπύλει, τὴν ἐν Εφέσῳ πρῶτην καὶ τὴν ἐν  
 Χαλκηδόνι, ἀεπιύστεον, ἤτοι ἀναφέρειν γι-  
 νώσκωνται; melius sic verterentur: in qua  
 beatissimos Patriarchas sanctas quatuor syno-  
 dos Nicenam, Constantinopolitanam, Ephe-  
 sinam primam & Calchedonensem in dipty-  
 chis describere & publice recitare compertum  
 est. Quod, ut & morem hunc observa-  
 vit quoque Philippus Bertherius *πρωτων*  
 diatrib. 2. cap. 6. pag. 226. Confirma-  
 tus est Codex ille, canone primo concilii  
 Calchedonensis, sexcentorum & triginta  
 Episcoporum seculo quinto medio fere. Ca-  
 nones sanctorum Patrum per unamquamque sy-  
 nodum nunc usque constitutos obtinere statuimus.  
 Postea eundem confirmavit Imperator no-  
 ster Justinianus Novella 131. Ex qua me-  
 rito cum clarissimo Eichelio præfatione, ad  
 Procopii *ἀνέκδοτα* colligimus, Codicem  
 hunc esse partem nostri juris Justinianæ,  
 Meritoque istam novellam constitutionem  
 sequeretur, utpote qui Justiniani auctori-  
 tatē confirmatus, vim legis obtinet. Verba  
 Constitutionis supra sunt relata. Maxime  
 cum statim ex synodi sextæ collatione 2.  
 adsertum, hoc primum ab Imperatore Ju-  
 stiniano introductum, ut prima quatuor  
 concilia Oecumenica in diptycha Ecclesia-  
 stica referrentur, publice recitarentur, &  
 vim

51. Confir-  
 matur in  
 concilio  
 Calchedo-  
 nensi, & à  
 Justiniano  
 Imperato-  
 re.

52. Codex  
 canonum  
 est pars  
 juris civilis.

53. No-  
vella 131.  
explicata.

vim legis haberent ; quod quando factum sit ; indicat victor Tunnunensis in Chronico. *Justiniano Augusto Cos. Orientales Ecclesie ejusdem Principis jussione quatuor synodos presentibus sacrificiis publica voce suscipiunt recitari.* Notandum porro Imperatorem mentionem facere in d. Nov. 131. canonum

τῶν τῶν ἀγίων πατέρων συνόδων ἐκτεθέντων, ἡ βεβαιωθέντων constitutorum, aut confirmatorum per constitutos canones intelligit canones in ipsis quatuor conciliis sancitos ; per confirmatos intelligit canones priorum conciliorum ante Nicænum primum, qui in eo sequentibus sunt suscepti & confirmati, nempe synodorum Ancyranæ, Neocæsariensis, Gangrensis, Antiochenæ, Laodicensis. Quorum canones pari passu, in iisdem diptychis asservabantur, in quibus ipsi canones quatuor conciliorum. Ex hoc codice passim depromsit suas constitutiones Ecclesiasticas Imperator noster Justinianus, qui in Codice & Novellis extant, quod demonstrat passim in notis *Christophorus Justellus* doctissimis, quas ad hunc codicem scripsit. Post Justinianum Imperatorem Græci quædam huic codici addiderunt, quæ enumerantur in synodo sexta Oecumenica, can. II. Anno 681. celebrata. Canones nempe Apostolorum LXXXV. de quibus postea dicemus,

54. Quid  
additum  
post Justi-  
niani tem-  
pora.

dicemus, Sardicensis concilii canones **XXI.** item Africæ concilia, sanctorumque Patrum canones sive Canonicas quasdam Epistolas, Theophili, Dionysii, Petri, Athanasii, Timothei Alexandrinorum Episcoporum; Gregorii Neocæsariensis, Basilii Cæsareæ Cappadociæ, Gregorii Nysseni, Gregorii Theologi, Amphilocho, Iconii & Gennadii Patriarchæ Constantinopolitani. Quem postea sic auctum confirmat synodus Nicæna secunda anno 787; citat enim ex eo canonem **LIII.** Apostolorum, & **VIII.** synodi Nicænæ **I.** Videatur ejus actio **II.** & *Christophori Justelli Præfat. ad Codicem illum sæpius jam laudata*, ubi recte ab hoc Codice jus canonicum quod nunc vocamus, dicit, originem duxisse; atque antiquissima illa canonum collectione, utramque cum orientis, tum occidentis Ecclesiam diu usam fuisse. Ex oriente quippe canones & eorum collectiones in Occidentem & Africam transiverunt; Ita ut orienti originem juris canonici merito tribuamus. Occidentalis Ecclesia, ante concilium Nicænum nullos canones noverat, sed sacræ scripturæ auctoritate, moribus seu jure non scripto utebatur; post Nicænum concilium, ejus canones solos recepit, usque ad tempora Innocentii Primi, qui seculo quinto

ineunte

55. Iterum confirmatus à concilio Nicæno secundo.

56. Ab hoc Codice jus Canonicum habet originem.

57. Collectionis canonum studium ex oriente progreditur in Occidentem, & Africam.

58. Occidens quando ceperit uti canonicis.

ineunte seu anno secundo ad Episcopatum Romanum pervenit, quod probat ejus Epistola ad Clerum Constantinopolitanum apud Sozomenem. lib. 8. c. 26. relata his verbis: ὅτι καὶ παρὰ τῶν κανόνων παρὰ Φυλακῆς τέτοις δὲν ἔπειθ' ἡγάγομεν οἱ πῆνες ἐν Νικαίᾳ εἰσὶν ὠρισμένοι, οἷς μόνοις ὀφείλει ἐξακολουθεῖν ἡ Καθολικὴ Ἐκκλησία, καὶ τέτοις γνωρίζειν εἰ δὲ ἔτεροι ὑπὸ πῶν πρὸςφέρονται οἷνες ἀπὸ τῶν κανόνων ἐν Νικαίᾳ ἀφωνῆσι, καὶ ὑπὸ αἵρετικῶν ἐλέγχονται σωπεταῖσθαι, ὅτι παρὰ τῶν καθολικῶν ἑπισκόπων ἀποβάλλονται &c. Nos enim quantum ad canonum observantiam attinet, illis obsequendum esse scribimus, qui Nicæa determinati sunt, quibus solis obtemperare & suum suffragium addere Ecclesia Catholica debet. Si qui vero & alii quibusdam proferuntur, qui à canonibus Nicæis discrepant, & ab hæreticis compositi deprehenduntur, hi vero ab Episcopis Catholicis rejiciuntur. Hæreticorum enim commenta catholicis canonibus adsuere non licet, semper enim vel per contraria, vel per illicita, labefactare student voluntatem concilii Nicæni. Non solum igitur his non obtemperandum esse dicimus, sed ipsa potius una cum hæreticis ac schismaticis dogmatibus esse condemnanda: Quomodo & antea in Sardicensi synodo ab Episcopis prædecessoribus nostris factum est. Ita ex recitato loco Sozomenis arbitratur

Petrus



*Petrus de Marca*, lib. 3. cap. 2. de concord. sacerdot. & Imperii. Vereor tamen ne sub Nicænis canonibus in hac Epistola Innocentii, etiam lateant ii, qui ante synodum Nicænam in particularibus conventibus sunt sanciti, quos supra retulimus esse confirmatos & receptos à synodo Nicæna, ut & hos habuerit Ecclesia Romana, cum Nicænis primos in *diptychis suis Ecclesiasticis*, seu in corpore suo canonum. Quamquam eos conetur remove cap. 3. l. cit. *Petr. de Marca*. Quod mihi ideo probabilius videtur, quia ut supra adsertum n. 28. & 34. post Nicæna tempora cœptum est studium colligendi canones atque in Corpus seu codicem congerendi, & in prima conceptione fuerunt præter Nicænos, Synodorum provincialium anteriorum canones, probati & suscepti à patribus Nicænis, quos per *Βεβαίως* intellexit Justinianus *Novella 131*; Si itaque Romana Ecclesia recepit Nicænos canones, oportet quoque eos qui in eodem corpore, seu libro cum Nicænis cedebantur Ancyranos, Neocæsarienses, Gangrenses & Laodiceños receperit, quia hi omnes apud antiquos sæpe nomine Nicænorum tanquam primorum & principalium veniebant; ut patebit ex fraude Zosimi, qui studens eminentiæ Episcopi Romani,

colle-

collegit Nicænos canones , iisdemque Sardicenses subiecit , hosque etiam sub Nicænis vendere voluit; quam collectionem quia à Nicænis orsus fuerat, ab iis quoque sequentes denominaverat omnes , de qua fraude postea. Illud hic inferendum est, quod supra post numerum Marginalem trigessimum septimum poni debuisset; Istam primam collectionem materiam sequentibus vel collectionibus vel additionibus dedisse , primamque illam Nicæni concilii & in eo adsumptorum canonum non habuisse certum autorem , nulliusque collectoris nomen ; sed postea cum cresceret illa collectio , ab illis qui sequentia addiderunt , aliquando accepisse nomen. Sic cum Stephanus Episcopus quidam Ephesinus , tempore Theodosii Magni, post Concilium Constantinopolitanum primum , canonibus Nicænis , Ancyranis , Neocæsariensibus , Gangrensis , Antiochenis & Laodicensibus , addidisset Constantinopolitani primi canones septem , suum quoque nomen præfixit , quod prætulit Codex verus bibliothecæ cheu ! quondam Palatinæ , quem vidit Christophorus Justellus , ut refert Petrus de Marca, Archiepiscopus Tholosanus. Ex quo male deducere mihi videtur , Henricus Justellus, Christophori filius, qui patris biblio-

59. Prima collectio materiam dedit sequentibus.

60. Nul- lum habuit certum auctorem.

61. Accepit postea nomen etiam ab iis qui sequentium synodorum canones addiderunt , ut patet exemplo Stephani Episcopi Ephesini.

62. Duo errores Henr. Justelli filii.

thecam juris Pontificii veterem, cum Guil-  
lielmo Voello Parisiis ante quatuordecim  
annos edidit, *in Prefatione bibliotheca ista  
pramissa*; Codicem Ecclesiæ universæ, cœ-  
pisse demum post concilium Constantino-  
politanum primum, id est post annum 381.  
sub Theodosio Magno, ejusque collecto-  
rem esse Stephanum illum Ephesinum Epi-  
scopum, idque ob memoratam inscriptio-  
nem codicis, quondam Palatini; cum ille  
Nicænis canonibus, & qui cum Nicænis  
ambularunt, tantum septem Constantino-  
politani concilii, aut forte etiam xxv. Lao-  
dicens provinciales addere potuerit, Ni-  
cæni vero cum quatuor conciliis anteriori-  
bus, in unum collecti corpus ante eum  
fuerint. Stephanum illum postea imitati  
sunt Episcopi sequentes, qui suo tempore,  
addiderunt canones concilii Ephesini &  
Calchedonenses. Isque fuit Codex Ecclē-  
siæ universæ, seu Catholicæ, quo usus O-  
riens & quem Occidens in Latinum vertit.  
Quem Justellus seculi hujus anno x. vulgavit  
& restituit, iterumque publicavit filius anno  
1661. in bibliotheca juris canonici veteris,  
additis canonibus Ephesinis & Calchedo-  
nensibus. Qui paulo obscuratus fuit, postquā  
Græci habita synodo Constantinopoli in  
Trullo ediderunt alium Codicem, qui fuit

63. Co-  
dex Ec-  
clesiæ u-  
niversæ,  
à poste-  
riori co-  
dice Ec-  
clesiæ  
orienta-  
lis di-  
stinctus.



64. Re-  
futatus  
Perroni  
error.

Codex Ecclesiæ orientalis, paulo diversus, à Codice Ecclesiæ universæ. Quæ neglecta & ignorata distinctio, impulit Cardinalem Perronium in respons. ad Magnæ Britaniæ Regem. lib. 1. c. 53; ut imperitiæ & malæ fidei sine causa Christophorum Justellum arguerit, quod in Codicem universæ Ecclesiæ Sardicenses canones non admiserit. Cum certissimum sit, sunt verba filii patrem excusantis, in præfat. bibliothecæ juris canonici præfixa, Ut omnes eruditi norunt, Codicem Ecclesiæ universæ, non debere confundi cum eo, qui nunc orientalis Ecclesiæ Codex dicitur, qui à Joh. Tilio (ex quibus rogo, ut explices, quæ supra num. 46. de Tilii editione dicta sunt) editus est primum Lutetiæ, Anno 1540. ex M. S. Codice Ecclesiæ Pictaviensis, illius summi viri tota argumentationis strues corruat necesse est, cum falso innitatur fundamento; Et certe non erat cur in Justello genuinum infringeret ob canones Sardicenses; cum inter emunctæ navis viros compertissimum sit, Synodi Sardicensis Canones in illo primario codice non extitisse. Hujus adsertionis testis idoneus est Dionysius Exiguus, qui Codicem Græcum versione nova donavit, dum in Præfatione ad Stephanum Episcopum ait, in Chalcedonensis synodi decretis finem esse Græcorum canonum, quibus se subjicere Sardicensis & Africani concilii decreta, quæ

ta, quæ Latine sunt edita, declarat. Ex quibus verbis colligimus synodum Sardicensem à Græcis inter Orientales synodos non fuisse relatum, quippe cujus canones non Græce sed Latine primum editi fuissent; Sed alia eaque potissima ratio exitit, cur statim ab initio illius synodi canones ab Orientalibus Ecclesiis non fuerint admissi; nimirum ob canones de appellationibus ad Romanam sedem, qui è Diametro canonibus Antiochenis adversabantur, quos Episcopi Orientales ediderant, qui appellationes extra diocessim graviter & iniquo animo ferebant. Quemadmodum & Africani patres, qui eandem ob causam Sardicenses Canones neglexerunt, nec appellationes transmarinas lubenter admittebant, quippe qui eadem qua orientales prerogativa sequebantur, ut ex variis Codicis Ecclesiæ Africane canonibus palam est. Vindicandus etiam hic est titulus, Codicis Canonum, qui dicitur esse Ecclesiæ universæ seu Catholice, quem perstringit Franciscus Florens in *dissert. de orig. jur. Canonic. part. 2.* Idque verbis ejusdem Justelli, quia nobis non licuit inspicere istam Florentis dissertationem, etiamsi longe lateque conquisitam. Rationes, inquit, quas ad adstruendum, decorari Codicem illum, titulo specioso & nimis generali ECCLESIAE UNIVERSÆ, adsumit Fr. Florens, adeo leves sunt, ut per se facile dissolvantur. Non

65. Adfer-  
rus titulus  
Codicis  
Ecclesiæ  
Catholice,  
seu univer-  
sæ.

*enim necesse est, ut illa collectio codicis universa Ecclesia titulo gaudeat, ut omnes conciliorum canones à singulis Ecclesiis receptos & editos complectatur; sed sufficere videtur, quod primis Ecclesie temporibus quibus editus fuit hic Codex, illo solo, nec alio uteretur Ecclesia universalis in disceptandis de disciplina controversiis, quemadmodum à concilio Calchedonensi factum legimus.*

66. Regressus ad Ecclesiam Romanam, quæ non diu usa solis canonibus Nicænis.

Sed è diverticulo in viam; Certum est non diu Ecclesiam Romanam solis Nicænis, & qui cū Nicænis ambulabant canonibus, usam fuisse. Sed eam eodem studio cū Orientalibus collegisse canones, quibus cum iisdem hostibus, qui utramque impugnabant Ecclesiam pugnaret. Eos autem conquistavit ex Oriente, & in Latinam Linguam vertit. Fuisse enim Codicem Canonum in Ecclesia Romana, ante versionem *Dionysii Exigui*, apparet affatim, Primo ex fraudente illa Collectione *Zosimi* Pontificis Romani, qui seculi quinti anno decimo septimo, ad synodum sextam Carthaginensem 227. Episcoporum *Fauftum* Potentiæ Episcopum, *Philippum* & *Asellum* Ecclesiæ Romanæ presbyteros misit, potissimum ut Episcopi *Africæ* ad Romanum appellarent. Quod ut probaret allegavit Canones synodi Nicænæ, sed ex sua Collectione quæ continebat Nicænos canones xx. Ancyranos xxv. Neocæsarienses

67. Id probatum, spuria seu fraudulenter collectione *Zosimi* Papæ.

caſarienſes xiv. Sardicenſes xxi; qui ſi-  
mul computati faciunt canones lxxx. Hanc  
collectionem Zoſimus nomine Canonum  
Nicænorum protrulit patribus; à potiori  
parte nempe canonibus Nicænis, & Nicæ-  
na ſynodo probatis, quibus adjunxit Sar-  
dicenſes ab orientalibus ut ſtatim adſertum  
& Africanis patribus repudiatos, iisque tan-  
quam Nicænis adſtruere appellationes ad  
Romanam ſedem voluit. Tantum etiam  
negotii patribus illis fecit, ut pro detegen-  
da fraude ad Conſtantinopolitanum, Ale-  
xandrinum & Antiochenum Episcopos mit-  
terent, petitum canones authenticos Nicæ-  
nos. Vide totam rem accurate narratam &  
examinatam, à Doctiſſimo Mornæo in *My-  
ſterio Iniquitatis. mihi pag. 51. edit. Daven-  
triens.* Inde natus error de lxxx. canonibus  
Nicænis, & diſputatio de numero canonum  
Nicænorum. Quorum tamen conſtat, vi-  
ginti tantum eſſe genuinos, quos probant,  
præter Codicem canonum Eccleſiæ univer-  
ſæ, ejus verſiones variæ & hiſtoria Eccle-  
ſiaſtica verior. Vide *Theodoretum* itemque  
*Socratem. Stephanum Papam cap. 13. diſt. 16.*  
quam rem diſquiſitioni accuratiori reſerva-  
bimus, & nunc monemus iſtos lxxx,  
quos Alphoſus Piſanus & Franciſcus Tur-  
rianus Jeſuitæ ediderunt ex Arabico trans-  
latos;

68. Origo  
erroris  
LXXX.  
canonum  
concilii  
Nicæni.

69. Verus  
numerus  
canonum  
Nicænorum  
adſertus.



70. Pro-  
bata ite-  
rum ver-  
sio anti-  
qua Lati-  
na Codi-  
cis cano-  
num.

71. Ipsa  
versio  
antiqua  
edita à  
Justello.

latos, esse spurios & suppositos. Acceperunt autem illos, ut fertur, ab Alexandrino Patriarcha duo Legati quos ad eum miserat Pius Quartus, ut ad concilium Tridentinum invitarent. Secundo patet versionem antiquam Codicis Canonum, usque ad Calchedonensem synodum habuisse Ecclesiam Romanam, ex iustis Dionysii Exigui querelis, ad Stephanum Episcopum Salonitanum, cuius hortatu suam versionem suscepit; in qua se *prisca translationis confusione offensum* dicit, quod & Magnus Baronius ad Annum 527. n. 72. adserit; Dionysium ideo Græcos canones transtulisse, non quod *Latina Ecclesia hactenus caruisset iisdem canonibus latinitate donatis, sed quod sive vitio interpretis, sive librariorum incuria iidem reperirentur valde mendosi.* Sed quid opus est conjecturis, cum ipsam versionem antiquam habeamus ex bibliotheca *Christophori Justelli*, quam filius ejus in *bibliotheca juris canonici* veteris tomo primo pag. 277. repræsentavit. Est illa à cæteris editionibus editis latinis diversa. Editæ ex Codice M. S. literis majusculis & bene quadratis, quod antiquitatem istius Codicis demonstrat. Conjicit enim Justellus septingentorum annorū fuisse. Continet canones conciliorum Ancyranī, Neocæsariensis, Nicæni,

cani, Sardicensis, Gangrensis, Antiocheni, Laodicensis, Calchedonensis, & Constantino-  
politani I. Perierant injuria temporis in isto Codice canones Laodicensi omnes, maxi-  
ma pars Sardicensium, & pars postrema subscriptionum concilii Nicæni. Justellus putat hunc interpretem & collectorem non dignitatem conciliorum, sed ordinem temporis secutum fuisse, quod Ordo enumeratus conciliorum qui & sic in editione invenitur, satis probat: neque obstat, quod Calchedonensis synodus ante Constantinopolitanam ponatur, & canon xxviii. Calchedonensis, inter Constantinopolitanos, hoc enim magis descriptori quam collectori imputandum esse videtur, ut & errata quæ passim in isto libro occurrunt, & ex religiosa antiquitatis observantia, ut invenerat, à Justello sunt typis expressa, additis sphalmatis in margine. Putat Petr. de Marca in Concordia sacerdot: & imperii lib. 3. pag.

414. *Post synodum Calchedone habitam Canones Græcos Latinitate donatos esse, & Occidentibus communicatos, interpretatione in eam rem elaborata, cujus meminit Dionysius Exiguus; Meminit ibidem exemplaris quod extat in antiquissima bibliotheca vaticana, & alterius quem habuit Justellus, quem editum esse diximus. Ex allato supra Innocentii*

primi testimonio, vereor ne aliter statuendum, nempe jam ante tempora Calchedonensis synodi in Ecclesia Romana receptos canones Nicænos, & cum iis à Nicæna synodo adoptatos, itemque versos ex Græco, & post concilium Calchedonense tantum sequentium conciliorum canones additos & versos fuisse. Usa est Ecclesia Romana antiqua codicis Græci versione minus accurata, usque ad tempora Imperatoris Justiniani, quibus vixit *Dionysius Exiguus* Abbas Romanus, qui rogatu Stephani Episcopi Salonitani (male *Sixtus Bibliothecarius. libr. 2.* observante idem *Cl. Justello*, putat id fecisse Stephanum urbis Episcopum, cum temporibus Justiniani neque duobus seculis post ea federit Romæ Stephanus) vertit ex græco Codicem Canonum. Fuit autem hic *Dionysius* ex Scythia oriundus, *Exiguus* cognominatus, instituto Monachus, dignitate Abbas. Elogium Bellarmini de eo est hoc. *Dionysius Exiguus, natione Scythæ, sed moribus Romanus, quemadmodum cognomento Exiguus, sed doctrina & sanctitate Maximus.* Sub Theodorico Rege & successoribus claruit, & scripsit, & quidem primo Cyclum Paschalem, ab an. 525. in quo, omissa profana numeratione annorum Æræ Diocletiani Imp.

72. Quamdiu usa sit Romana Ecclesia antiqua versione.

73. Quis fuerit *Dionysius Exiguus*; & quæ ille Codici in sua versione addiderit.



Imp. computari annos cœpit à nativitate Domini Nostri ; Illustre est ejus elogium apud *Cassiodor.* ejus synchronum *de Divin. lect. cap. 23.* quod affabre virum hunc depingit ; Generat etiam hodieque Catholica Ecclesia viros illustres probabilium dogmatum decore fulgentes : fuit enim nostris temporibus, & Dionysius monachus, Scythæ natione, sed moribus omnino Romanus, in utraque lingua valde doctissimus, reddens actionibus suis, quam in libris Domini legerat æquitatem, qui scripturas divinas tanta curiositate discusserat, atque intellexerat, ut undecunque interrogatus fuisset, paratum haberet competens sine aliqua dilatione responsum, qui mecum Dialecticam legit, & in exemplo gloriosi magisterii plurimos annos vitam suam Domino præstante transegit. Pudet me de consorte dicere, quod in me nequeo reperire. Fuit enim in illo cum sapientia magna simplicitas, cum doctrina humilitas, cum facundia loquendi parcitas : ut in nullo se vel extremis famulis anteferreret, cum dignus esset Regum sine dubitatione colloquiis. Interveniatur pro nobis, qui nobiscum orare consueverat : ut cujus hic sumus oratione suffulti, ejus possimus, nunc meritis adjuvari. Qui petitus à Stephano Episcopo Solonitano,

Ionitano, ex Græcis exemplaribus canones Ecclesiasticos moribus suis, ut erat planus atque disertus, magnæ eloquentiæ luce composuit, quos hodie usu celeberrimo Ecclesia Romana complectitur. Hos etiam oportet vos assidue legere, ne videamini tam salutare Ecclesiasticas regulas culpabiliter ignorare. Alia quoque multa ex Græco transtulit in Latinum, quæ utilitati possunt Ecclesiæ convenire. Qui tanta Latinitatis & Græcitatæ peritiâ fungebatur: ut quoscunque libros Græcos in manibus acciperet, Latine sine offensione transcurreret, iterumque Latinos Attico sermone legeret, ut crederes hoc esse conscriptum, quod os ejus inoffensa velocitate fundebat. Longum est de illo viro cuncta retexere, qui inter reliquas virtutes hoc habuisse probatur exitium, ut cum se totum Deo tradidisset, non aspernaretur secularium conversationibus interesse. Castus nimium, cum alienas quotidie videret uxores, mitis cum fere gentium vesano turbine pulsaretur. Fundebat lachrymas motus compunctione, cum audiret garula verba lætitiæ: jejunabat sine exprobratione prandentium, & ideo conviviiis grantanter intererat, ut inter corporales epulas inquisitus spirituales copias semper exhiberet. Quod si tamen aliquando comederet, parvo quidem

quidem cibo, sed tamen escis communibus utebatur. Unde summum genus æstimo patientiæ, inter humanas esse delicias, & abstinentiæ custodire mensuram. Sed, ut bona mentis ejus infucata laude referamus, erat totus Catholicus, totus paternis regulis perseveranter adjunctus, & quicquid possunt legentes per diversos quærere, in illius scientia cognoscebatur posse fulgere. Cujus nomini aliqua pravi homines calumniose nituntur ingerere, unde sua videantur errata aliquatenus excusare. Sed ille jam seculi perversitate derelicta, præstante Domino, in Ecclesiæ pace sepultus, inter Dei famulos credendus est habere consortium, dicerem adhuc fortasse reliqua de sancto viro quæ nobis totius probationis veritate comperta sunt, sed necesse est ut propositum nostrum potius exequamur, ne cum simus debitores alterius promissionis, aliud diu referre importuna loquacitate videamur. Addo aliud Bedæ, de temp. rat. cap. 45. *Primi decennalis circuli cursu temporum ordo præfigit; quem Græci calculatores à Diocletiani principis annis observavere: sed Dionysius venerabilis Abbas Romanæ urbis & utriusque linguæ Græcæ videlicet & Latine non ignobili præditus scientia, Paschales scribens circulos, noluit eis (sicut ipse testatur) memoriam impii persecutoris innecte-*

*innectere, sed magis elegit ab incarnatione Domini Nostri Jesu Christi tempora prenotare; quatenus exordium spei nostræ notius nobis existeret, & causa reparationis humane, id est, passio redemptionis nostræ evidentius eluceret.* De eo Joh. Trithemius quoque & ejus operibus in lib. de scriptor. Eccles. hæc habet. Dionysius, Abbas Romanus, cognomento Exiguus, Vir ingenio & scientia Magnus atque Clarissimus, in scripturis sanctis eruditus, & in disciplina secularium literarum nobiliter doctus, Græco & Latino Eloquentia Clarus, computista & calculator temporum egregius, scripsit latino sermone nonnulla opuscula. De quibus Ego tantum reperi subjecta. Annorum DXXXII. Cyclum Paschalem Magnum. Transtulit de Græco in Latinum vitam sancti Pacomii Abbatis, librum quoque Gregorii Emisseni de conditione hominis & scripta Proterii Alexandrini Episcopi ad Leonem Papam, & quædam alia. Inchoavit autem Cyclum suum anno Domini DXXXI. claruit sub Justiniano Magno anno DXL. Hæc ex supra relatis sunt emendanda. Romæ ejus summam æstimationem fuisse, adserit Baron. ad ann. 533. n. 30. fin. Scripta ejus in Bibliotheca sua fuisse, testatur, Cassiodorus in divin. instit. cap. 23. Quid autem Dionysius hic præstiterit



cerit in versione canonum, id ex ejus Epistola ad Stephanum Episcopum Salonitanum patebit, quam ex collectione canonum Cresconii subjicimus. Habet eam quoque *Baronius in annal. ad Annum 527. n. 73.* Et edita est cum Indice canonum collectionis ipsius ex manuscripto Viri eruditissimi N. Fabri, tandemque inserta bibliothecæ Juris Pontificii Henrici Justelli.

*Domino venerabili mihi, patri Stephano Episcopo. Dionysius Exiguus in Domino salutem.*

*Quamvis charissimus frater noster Laurentius assidua & familiari cohortatione parvitatem nostram regulas Ecclesiasticas de Græco transferre impuleris, confusione credo prisca translationis offensus: nihilominus tamen ingestum tua beatitudinis consideratione suscepi, cui Christus omnipotens Deus, solita populo pietate prospiciens, summi sacerdotis contulit dignitatem; ut inter plurima virtutis ornamenta, quibus Ecclesiam Domini morum sanctitate condecoras, etiam sacratissima jura Pontificalibus per Dei gratiam digestis conveni-  
tibus intemerata conservans, perfecto regimine clorum plebemque moderareris; nullatenus nostræ seculi more contentus, quo pronius desideramus recta nosse quam facere: sed divino junctus auxilio, quæ fieri præcipis, ante perficias, ut efficacissimo Fidelibus prosis exemplo. Magna est siqui-  
dem*

dem jubentis auctoritas, eadem primitus jussa complentis: quatenus inconvulsa Ecclesiastici ordinis disciplina inviolabilis permanens, ad capefendum perenne premium Christianis omnibus præstat accessum: per quem & sancti Præsules paternis muniantur regulis & obedientes populi spiritualibus imbuantur exemplis.

In principio itaque canones, qui dicuntur Apostolorum, de Græco transtulimus: quibus quia plurimi consensum non præbuere facilem, hoc ipsum ignorare vestram nolimus sanctitatem: quamvis postea quadam constituta Pontificum ex ipsis canonibus assumpta esse videantur. Deinde regulas Nicænæ Synodi, & deinceps omnium Conciliorum, sive quæ ante eam, sive quæ postmodum facta sunt usq; ad Synodum centum quinquaginta Pontificum, qui apud Constantinopolim conveniunt, sub ordine numerorum, id est, à primo capitulo usque ad centesimum sexagesimum quintum, sicut habetur in Græca auctoritate, digessimus. Tum sancti Chalcedonensis Concilii decreta subdentes, in his Græcorum canonum finem esse declaramus.

Ne quid præterea notitiæ vestræ videamur velle subtrahere, statuta quoque Sardicensis Concilii, atque Africani, quæ Latine sunt edita, suis à nobis numeris cernuntur esse distincta. Unversarum vero definitionum titulos post hanc præfationem strictius ordinantes, ea quæ in singulis passim

*passim sunt promulgata Conciliis, sub uno aspectu locavimus, ut ad inquisitionum cujusque rei compendium aliquod attulisse videmur.*

Ex qua pater Dionysium Exiguum suæ interpretationi, in qua Græcos canones continua, nec interrupta serie numerorum computavit ad modum codicis Græci, addidisse *Canones* qui vocantur Apostolorum, Sardicense concilium, item Africana quædam concilia. Cujus codex in eo diversus est à Codice Romano, qui Moguntia & Parisiis est editus, ut supra notatum, quod hic non numeret canones una serie, seu non interrupto ordine; sed cuique concilio suos assignet, atque novo incipiente concilio, novos quoque incipiat numeros; decurrit autem Dionysii Codex usque ad numerum CLXV. qui est tertius canon concilii Constantinopolitani primi, cujus septem inveniuntur in Codice Ecclesiæ Universæ Græco, tres vero etiam tantum in Codice Canonum Romano. Postea apud Dionysium nova numeratione sequuntur XXVI I. canones concilii Calchedonenfis, & nova item numeratione canones synodi Sardicensis, qui tantum Latine editi sunt. Tandem claudunt agmen ex variis Africanis conciliis, itidem nova numeratione ejus Canonicam collectionem CXXXVI I. canones Africani.

74. Quid differat Codex Dionysii Exigui, à Codice Romanæ Ecclesiæ.

d

Adeo



Adeo ut Dionysianus hic codex partim ex Græcorum partim ex Occidentalium synodis collectus & compilatus fuerit. Meminit hujus collectionis Hincmarus Remensis Archiepiscopus, in opusculo LV. capit. adversus Hincmarum Laudunensem Episcopum cap. 43. Qui sunt, inquit, quos & Apostolica sedes, & omnes Episcopi per universum Orbem, & omnis Ecclesia Catholica canones appellat? Quique à Nicæno concilio, quod primum in nostris codicibus, quos ab apostolica sede majores nostri acceperunt sequendos, per ordinem usq; ad Africanum concilium, pro canonibus recipiendis, venerandis & observandis, retinent. Hisce conciliorum canonibus Dionysius Exiguus Romanorum Pontificum decreta, quotquot inveniri potuerunt, sub una numerorum serie, eodem quo patrū canones digessit modo, & primus collectioni canonum subjunxit. Antiquiores enim Collectores, decretales Pontificum Romanorum Epistolas omiserunt, synodorum contenti regulis. Incipit autem à Siricio, quod indicium, eum antiquiores non reperisse: in Anastasio desinit. Quæ vero ab Hilario ad Gregorium Juniores visuntur, ad hanc primam Collectionem Dionysii non pertinent, sed ab aliis Dionysio posterioribus addita sunt. Est vero hæc collectio Decretalium inscripta Juliano presbytero,

75. Dionysius primus collector Decretalium.

76 Decretales incipiunt à Siricio.

tero, titulo S. Anastasie, à Dionysio; qui Presbyter subscripsit synodis Romæ celebratis, sub Felice Papa Dinamio & Siphidio Coss. an. Christi 488. & sub Symmacho post Cos. Paulini, an. 499. Hocque nobis monstrat tempus collectionis Dionysianæ, nempe vel sub finem seculi quinti, vel principio seculi sexti factam esse, & quidem primo eum vertisse canones Græcos, postea collegisse Decretales; Ipsa Epistola ad Julianum præmissa est à Justello Patre & Filio, collectioni Decretalium ejus. Hæc est collectio, quam Zacharias Papa in Epistola ad Pipinum Majorem Domus, & Episcopos Gallie **LIBRUM DECRETORUM** vocat, atque ex eo citat quædam capitula Siricii, Innocentii, Leonis & Gelasii. Observanda quoque obiter differentia inter codicem Dionysii Exigui, & Codicem Ecclesie Universalis, nam Canones, I. IV. V. XVI. & XVII. concilii Antiocheni, quod ex concilio Calchedonensi probatur, in veteri Græco Codice **XXC. XXCI. XXCIV. XCV. & XCVI.** fuere, qui in Latino Dionysii Exigui Codice **LXXIX. XXCIV. XXCV. XCVI. & XCVII.** sunt. Verum hæc differentia, orta videtur, quod Ancyranum concilium in Græco canonum Codice, habeat viginti quinque canones, & Neocæsariense

77. Differentia inter codicem Dionysii Exigui, & Ecclesie Universalis in dinumeratione canonum.

78. Dionysii collectio & versio statim Romæ recepta.

quindecim ; in Latina vero Dionysii collectione quatuordecim & viginti quatuor tantum. Canonesque quartus & quintus Ancyрани concilii , item tertius & quartus decimus Neocæsariensis pro unico habeantur ; ut ex codicum collatione facile est observare. Vide sis , *Doctissimum Lescassarium in consultatione de contro. inter Paul. V. & Remp. Venetam. & Henr. Jusstell. Præfat. in codicem Dionysii Exigui.* Illud de collectione & versione Dionysii observandum ex ejus συλλογῶν Cassiodoro supra relato, eam potissimum ab Ecclesia Romana esse probatam & receptam, quare etiam absolute CORPUS CANONUM appellari meruit c. 1. dist. 19, eoque nomine à posterioribus laudari solet. Quod confirmant Gratiani emendatores Romani , in *Præfat. quam Gratiani decreto præfixerunt.* Hæc ab Adriano I. Papa Carolo Magno ad ordinandas Ecclesias occidentis Romæ data est. Quod quando factum disquirat Doctiss. Sirmund. in *Tomo II. conciliorum Gallie pag. 117.* ubi probat non epitomen canonum Orientalium & Africanorum, quæ edita Ingolstadii primum tomo II. Antiq. Lect. Canisii, deinde Coloniae tom. III. conciliorum, ut ibidem dicitur ; sed integram collectionem canonum & Decretalium Dionysii Exigui, quæ  
codex

codex canonum vocatur, Carolo Magno oblatam esse. Hoc declarant plurima, quæ in Bibliothecis Gallia visuntur, Collectionis hujus exemplaria: quorum in fronte, velut oblatis muneris dedicatio præfixa est, Hadriani ad Carolum epistola, quæ primis singulorum versuum litteris hunc titulum reddit, DOMINO EXCELL. FILIO CARULO REGI HADRIANUS PAPA. Epistola autem ipsa sic habet, tum in aliis passim, tum in vetustissimo S. Germani codice, Caroli ipsius Magni temporibus exarato, anno regni ejus xxxvii. id est Christi dcccv.

EPISTOLA HADRIANI PAPÆ  
AD CAROLUM MAGNUM REGEM,

Quæ in antiquis exemplaribus Codici  
Canonum præponitur.

**D**IVINA fulgens doctrina sceptrâ præcellit regni,  
Origo regum felix, semper genitura beata,  
Molem perspicimus legis gratiam laudis habere.  
Iusto gignitur rege Ecclesiæ almæ defensor,  
Numquam enim vinci potest disciplina cælestis,  
Olim jam sumens paterni triumphans regni  
Exemplum, quo devota fides victoria gaudet.  
Christo juvante, ac beato clavigero Petro,  
Cunctas adversas gentes regalibus subdit plantis.  
En radix beata instar contulit prole.  
Lata Deum colere, legem semper amare divinam,  
Laudabilem servare fidem, sanctamque defendere vitam,  
Fautorem prorsus habens janitorem in triumphis cæli.  
Ipsius freta virtute victrice persistit semper.

LI O C A R U L O M A G N O R E G I S H A D R I A N I V S P A P A  
 Lumen sequens doctrinæ fidei Apostolicæ Sedis,  
 In hanc sanctam sedem magnus Rex Carolus splendet.  
 Omnibus per eum ditata bonis triumphat ubique,  
 Cæleste semper in his habere meruit regnum.  
 Arma sumens divina gentes calcavit superbas.  
 Reddidit prisca dona Ecclesiæ matri suæ,  
 Urbesque Magnas, fines simul & castra diversa.  
 Langobardam & Erulam virtute divina prostravit gentem.  
 Ovans amplectitur fidem, quam suscepit ab avis.  
 Magna profapia hæc in toto rutilat mundo:  
 Altus, nobilis, nitens, regit diversa regna.  
 Gaudens celer ad limina venit Apostolorum sospes,  
 Nimis laudibus hymnisque populo celebratur ab omni.  
 Obnix pro se summum orare Antistitem poscit,  
 Redimi sibi noxas à juventute commissas.  
 Exutus suffragiis almis spondebat lingua magistro  
 Genium servare sanctæ Ecclesiæ in ævo Romanæ,  
 Iustitias almi Petri sui protectoris tueri  
 Habilem ut super donans in ejus Confessione libavit.  
 Adhæc Hadrianus Præsul Christi prædixit triumphos,  
 Dextera protegi diu divina Petro comitante Pauloque.  
 Romphæam victoriæ donantes, atque pro te dimicantes,  
 Inlæsus cum tuis victor manebis, nempe per ipsos  
 Aditum petuat urbis Papiæ te ingredi victorem.  
 Nefa perfidi regis calcabis Desiderii colla,  
 Vires ejus prosternens merges baratro profundi.  
 Septus Langobardorum regno, munus reddes tuum  
 Pollicita sacra dona clavigeri aulæ Petri,  
 Amplius donans tibi victoriam, simulque honorem  
 Per sæcla regnare cum tuis hic, in futuroque soboli.  
 A lege nunquam discede, hæc observans statuta.

Hactenus Hadriani Epistola, ut ex corruptis exemplaribus elici potuit. Est ea monumentum vergentis ad barbariem seculi. Quod verò ad tempus attinet, cum Carolus ter in urbem Hadriano superstite venerit, anno nimirum DCCCLXXIV, cum Papiam obsideret, anno iterum DCCXXCI, cum ejus filii Pippinus



Pippinus Italiæ, Ludovicus Anquitaniæ Reges ab Hadriano inuncti sunt, anno denique DCCXXCVII, cum inde Capuam quoque, ac Beneventum adversus Grimoaldum Ducem profectus est: nos, tametsi res incerta est, Codicem Hadriani ad postremam potius profectionem referendum diximus, quam quod aliis placuit ad primam, cui multa, quæ in ejus Epistola leguntur, convenire vix possint. Præter Sirmondum in Gallia multa exemplaria manuscripta proflare testatur *Anonymus, in Præfatione Breviarii canonum Fulgentii Ferrandi*, quam præfixit editioni Parisiensi Anni 1609. Insertæ sunt postea huic Codici ut dictum Epistolæ Paparum Romanorum, Syricii, Innocentii, Zosimi, Cœlestini, Leonis & Gelasii; Quorum etiam meminit Cresconius in suo Breviario, item Hilarii Symmachi, Hormisdæ, Simplicii, Gregorii Junioris, qui Episcopatum Romanum seculo quarto decurrente usque ad octavum incipiens, administrarunt; Hoc ordine quoque recenset seriem Codicis hujus Leo IV. Papa. Apud Gratianum *c. de libellis. dist. 20.* De libellis, *inquit*, & commentariis aliorum non convenit aliquem judicare, & sanctorum conciliorum canones relinquere, vel decretalium regulas, id est, quæ habentur



79. Conve-  
nientia &  
dissensus  
codicis  
Romani  
cum ordi-  
ne memo-  
rato Leonis  
Papæ.

tur apud nos simul cum canonibus, quibus autem in omnibus ecclesiasticis utimur judiciis, sunt canones Apostolorum, Nicænorum, Ancyranorum, Neocæsariensium, Gangrensium, Antiochenium, Laodicensium, Constantinop. Ephes. Chalcedonensium, Sardicensium, Africanensium, Carthagenensium, & cum illis regulæ præfulum Romanorum, Sylvestri, Syricii, Innocentii, Zozimi, Cælestini, Leonis, Gelasii, Hilarii, Symmachi, Hormisdæ, Simplicii, & Gregorii junioris. Qui ordo compareret quoque in Codice Canonum Romano, Moguntia & Lutetia edito, nisi quod ille Codex non habeat Epistolam decretalem quæ Sylvestro tribuitur, & synodi Ephesinæ canones octo; Sed loco eorum *Johannes Wendelstinus*, qui istum Codicem Moguntia primus Anno 1525. edidit, se synodicam Epistolam Ephesini concilii, cum XII. capitulis contra Nestorium huic adjunxisse scribit. Quod facile condonandum homini, qui isto seculo quod potuit præstitit, & non animadvertit istos anathematismos non esse concilii Ephesini, sed esse Cyrilli & synodi Diocæseos Ægypti. Quod inscriptio epistolæ, quæ actis concilii Ephesini inserta legitur in editione Romana anni 1608. sat probat, & observavit

Doctiss;

**Doctiff:** Justellus *ad Canonem* 171. *Cod. Eccles. univers.* cujus filius istam Epistolam cum anathematismis in Bibliotheca juris Pontificii, Gr. & Lat. Codici Dionysii Exigui, ex ejus interpretatione subjecit, cum Præfatione ad Petrum quendam Episcopum; vid. sis *Præfat. Henr. Justelli ad Cod. Dionys. Exig. in fine.* Habet deinde iste Codex Bonifacii I. & Anastasii secundi Epistolas, quarum nec Cresconius, neque Leo in citato *C. de libellis* meminit. Est & alia levis differentia, quam observavit *Anonymus ille in consultatione de contro. inter Paulum Quint. & Remp. Venetam*, quem diximus esse *Doctiff: Jacob: Leschasserium.* Quod nimirum canon XVI. synodi Antiocheni, in codice canonum, quo usa est synodus Calchedonensis, sit nonagesimus quintus in codice vero Romano, si suo nimirum loco restituatur omissum concilium Ephesinum (quod tamen non animadvertit, saltem non monuit Leschasserius) nonagesimus quartus, & in Codice Græco quem edidit Tilius, sit nonagesimus sextus, unde differitas illa promanet, ipse Leschasserius late disquirat, & causas indicat, quæ eadem fere sunt, quas nos retulimus supra, num. 77. Hæc initia & progressus sunt Codicis Canonum in Ecclesia Romana, nunc lustrandæ aliæ Occidentis

d 5

Ecclesiæ,

80. Aliæ  
Ecclesiæ  
Occidentis

præter Romanam, habuerunt quoque olim Codicem Canonum, habuit Gallia.

81. Cujus versionis disquisitæ.

Ecclesiæ, videndumque quæ fata in iis habuerit. In Galliam eum deportandum dedisse Carolo Magno Adrianum Papam Romanum seculi octavi an. 773. ut vult Justellus, anno vero 787. ut voluit supra Sirmondus, dictum. Sed ante hæc tempora Galliam habuisse Codicem Latinum, vel ex antiqua versione, vel ex versione Dionysii Exigui probat illustris locus ex Gregorio Turonensi, seu potius acta concilii Parisiensis An. 580, in causa Prætextati Episcopi Rothomagensis, à Gregorio relata. Ipse vero (Rex Chilpericus) *ad metatum discessit, transmittens Librum Canonum, in quo erat quaternio novus adnexus, habens canones quasi Apostolicos, continentes hæc: Episcopus in homicidio, adulterio & perjurio deprehensus, à sacerdotio divellatur.* Est ille canon apostolicus 25. Ita censet *Doctissimus Justellus*. Mihi ex hoc loco valde probabile, imo certum videtur, Ecclesiam Gallicam habuisse versionem antiquam primo, non illam Dionysii Exigui; Quia Gregorius dicit librum illum canonum, habuisse adsutum quaternionem novum, in quo continebantur canones quasi *Apostolici*. Hi enim in versione antiqua non continebantur; ex Præfatione enim Dionysii Exigui supra relata, patet, eum primum eos vertisse, & suæ collectioni inseruisse.

feruisse. Ita ut probabile sit Chilpericum Codici illo antiquo & in Gallia recepto (novum enim nunc concilio obtrudere non audebat) addidisse ex versione Dionysii istos canones quos vocat Gregorius *quasi Apostolicos*, ad hæc usque tempora in Gallia incognitos, saltem non receptos. Imo circa tempora Dionysii Exigui mentio *Gallicanorum canonum* invenitur: refert Gratianus. c. si quis Diaconus. dist. 50. testimonium Hormisdæ Episcopi Romani, anni 515. Secundum titulos antiquorum Patrum sancto spiritus suggerentem conscriptos, & secundum sententias CCCXVIII. Episcoporum, quas etiam GALLICANI CANONES continere videntur, clerici in adulterio deprehensi &c. Facit & horum mentionem canon XI. concilii Tarraconensis Anno 517. habiti. Vt nullus Monachorum Forensis negotii susceptor vel executor existat, nisi id quod monasterii poscit utilitas, Abbate sibi nihilominus imperante. Canonum ante omnia Gallicanorum de eis constitutione servata. An vero per Gallicanos illos canones sit intelligendus Codex Canonum Ecclesiæ universæ, ambigo, probo hac in re Doctissimi Justelli sententiam, qui (quod etiam in plerisque aliis Ecclesiis videmus factum, ut postea patebit) duplicem codicem Ecclesiæ Gallicanæ agnoscit, unum quem cum Ecclesia

82. Duplex  
Codex Ec-  
clesiæ Gal-  
licanæ.



clesia univerſa recepit; alterum, qui Galli-  
 canos canones habuit, id eſt eos qui in con-  
 ciliis Galliarum erant decreti. Quod non ob-  
 ſcure collegit ex duobus Agobardi Lugdu-  
 nenſis Episcopi locis, qui ſub Ludovico  
 Caroli M. Filiò vixit. Primus eſt ex libro  
*de diſpenſ. Eccleſ.* Sunt, inquit, qui Gallica-  
 nos canones aut aliarum regionum putent non  
 recipiendos, eo quod Legati Romani ſeu Impera-  
 toris in eorum conſtitutionibus non interſuerint.  
 Ex quo clarum loqui illum de Galliarum con-  
 ciliis, & hos eum vocare *Canones Gallicanos*.  
 In œcumenicis enim conciliis & legati Im-  
 peratoris, & Episcopus Romanus vel ipſe  
 vel legati ejus comparebant. Alter eſt ex  
*Epistola ad Imperator. de duello.* Huc accedit  
 quod pia conſideratione dignum videtur de cano-  
 nibus ſcilicet Gallicanis, qui quaſi ſuperflui aut  
 inutiles à quibusdam reſpuuntur, eo quod Neo-  
 terici Romani eos non commendaverint, cum an-  
 tiqui religioſe eos venerati ſint; neque hoc idcir-  
 co dicitur, ut paſſim omnium Episcopaliū con-  
 ventuum ſanctiones aequali auctoritate recipienda  
 credantur, ut Nicani, Calchedonenſis & cete-  
 rorum Generalium ex totius Mundi conſenſu  
 congregatorum & receptorum; ſed quia congrua  
 veneratione pro cauſis neceſſariis, quarum defini-  
 tiones in illis generalibus non inveniuntur, fides  
 ſit eis adhibenda religione debita. Quod idem  
 videtur

videtur confirmare concilium Vasense II. anni 529. canone primo, dum distinguit, inter *canones antiquos & novos*. ubi per *antiquos Canones* indicatur Codex canonum Ecclesiæ universæ, per *novos* vero ii, qui proprii sunt conciliorum Galliarum. Successu temporis in hunc Codicem Gallicum adoptati etiam canones exterorum conciliorum. Veluti Africani, qui & in codicem Ecclesiæ Romanæ sunt recepti. Colligi id potest ex Concilio Matisconensis II, quod celebratum an. 588. canone VI. *Fam enim (sunt verba canonis) de tali causa, & in conciliis Africanis definitum est, quam definitionem nostro quoque dignam duximus sociare decreto & adlocare: ut sacramenta altaris, non nisi à jejunis celebrentur.* Receptas etiam quasdam decretales epistolas Pontificum Romanorum, esse, probat concilii Agathensis celebrati anno 506. canon ix. ubi Siricii decretalis adsumitur, & canonibus inseritur. Quæ est Siricii epistola ad Himerium Tarracensem, quæ legitur in Codice canonum Romanæ Ecclesiæ. Ut valde probabile sit, antiquum illum Codicem Gallicum ambulasse pari passu cum Romano, eo crescente etiam crevisse. Quod non obscure quoque probant Capitularia Caroli Magni, quæ varia capitula ex Codice Romano & epistolis decre-

83. Quo-  
modo cre-  
verit Co-  
dex Galli-  
cus ex con-  
ciliis Afri-  
canis.

84. Ex de-  
cretalibus.



85. Quæ  
Decretales  
in Codice  
Gallicum  
receptæ.

decretalibus Episcoporum Romanorum in eo contentis, laudant. Quod tamen verum tantum de Decretalibus, in codicem Romanum antiquum relatis, non de iis quas postea Isidorus Mercator, (de quo infra dicemus) collegit, vel finxit & supposuit à Clemente ad Silvestrum: de quibus verum, quod *Episcopi Gallie* scribunt ad Nicolaum primum urbis Episcopum Anno 860. *Decretalia* priscorum Pontificum in toto corpore Codicis canonum non inveniri descripta, contra quos insurgit Nicolaus Papa in c. *si Romanorum. 1. dist. 19*; Sed ut dictum, id accipiendum de Decretalibus à Siricio usque ad Gregorium Juniores, quousque comparent quoque in Codice Canonum Romanæ Ecclesiæ. Patet id ex citatione Hincmari Rhemensis Archiepiscopi, qui temporibus Nicolai primi vixit; qui passim istas tantum decretales citat; Exemplum præbeat Epist. 6. cap. 23. ubi Innocentii Papæ Romani laudat epistolam ad Victricium Rothomagensis Archiepiscopum, *ex sacris canonibus promulgatam.* Improbatur vero Sylvestri decreta, Epistol. 8. cap. 22. & 23. Caterum, inquit, quoniam quidam quasi in auctoritatem proferunt S. Sylvestrum Papam decrevisse talia quæ Catholica Ecclesia inter synodalia decreta non computat, quæ majores nostri inde nobis tenenda suis posteris

posteris reliquerunt, hic necessarium ponere du-  
 ximus. Scriptum namque est in quodam sermone  
 sine exceptoris nomine de gestis S. Sylvestri ex-  
 cepto, quem Isidorus Episcopus (Hispalensis) col-  
 legit cum Epistolis Romanæ sedis pontificum à S.  
 Clemente usque ad B. Gregorium, eundem Syl-  
 vestrum decrevisse, ut nullus laicus crimen cle-  
 rico audeat inferre, &c. quæ dicta quam adver-  
 sa sibi & quam diversa à sanctis canonibus, &  
 sacris legibus sint, nemo est qui dubitet, qui &  
 hæc dicta cum ratione attenderit, & sacras re-  
 gulas, ac leges diligentius legit. Ubi per Isi-  
 dorum intelligendus Isidorus Mercator, de  
 quo postea. Ex Gallia in Hispaniam trans-  
 eamus, ubi quoque Codex canonum rece-  
 ptus, & quidem ut in Gallia duplex. An-  
 tiquus ille, Ecclesiæ universæ, quem pro-  
 babile est, eos accepisse à Romanis. Eum  
 habere primo potuerunt ex antiqua La-  
 tina, postea etiam ex nova Dionysii Exi-  
 gui versione, usque ad Martini Bracharen-  
 sis Episcopi interpretationem; Quamquam  
 non valde probabile, eos Dionysii Exigui  
 versionem habuisse aut recepisse, quia ea  
 satis accurata erat, ut nova versione Mar-  
 tini Bracharensis potuissent supersedere;  
 Utraque enim eodem seculo adornata est,  
 nempe sexto, illa Dionysii Exigui paulo ante,  
 vel sub Justiniano Imperatore, altera Mar-  
 tini

86. Codex  
 canonum  
 in Hispania  
 receptus.

87. Du-  
 plex, ille  
 Ecclesiæ  
 universæ.

tini Bracharenfis septimo anno poſt mortem Juſtiniani, nempe anno 572. Solet is Codex Hiſpanicus Eccleſiæ univerſæ, citari ſub titulo *Prifcorum canonum*, ut cenſet Doctiſſimus Juſtellus, in ſua ſæpius allegata *Præfat. Cod. canon. item antiquorum canonum*. Veluti in ſubſcriptione concilii Toletani ſecundi, quod habitum fere circa ea tempora, quibus Dionyſius Exiguus ſuam interpretationem adornavit, *Salva auctoritate priſcorum canonum*. Imo & Codicis canonum mentio fit, in concilii Bracharenſis primi canone XVIII; quod Novennio ante verſionem Martini Bracharenſis eſt habitum, ſecundum quosdam. Canonis verba ſunt hæc: *Lucretius Epiſcopus dixit: Neceſſarium arbitror ſi veſtræ fraternitati videtur, ut inſtituta ſanctorum Patrum, recenſitis antiquis canonibus, innotescant: quæ eſi non omnia, certe pauca vel quedam, quæ ad inſtructionem clericalis diſciplinæ ſuſtinent, relegantur. Omnes Epiſcopi dixerunt: placet quod dictum eſt, congrua res eſt; ut quibus fortasſe per incuriam abolita ſunt eccleſiaſtica conſtituta, audiant ſanctorum canonum regulam & obſervent, Relecti ſunt ex CODICE coram concilio, tam generalium ſynodorum canones, quam localium. & canone XL. Placuit ut præcepta antiquorum canonum, quæ modo in concilio recitata ſunt, nullus audeat præterire: Fit quoque*

que mentio *Codicis Canonum* in concilio Tol-  
 tano quarto, seculi septimi anno trigesimo  
 tertio habiti, Can. III. *Diaconus, CODI-*  
*CEM CANONUM* in medio proferens, capi-  
 tula de conciliis agendis pronunciat. Alter Co-  
 dex Canonum Hispaniæ specialis, & col-  
 lectus fuit ex conciliis potissimum Hispa-  
 niæ. Quibus *Clariss: Justellus* addita probat  
 quædam ex conciliis Galliæ, item epistolis  
 decretalibus Pontificum Romanorum. Con-  
 cilium Tarraconense anni 517. can. xi. ju-  
 bet observari canones Gallicanos. Ilerdense  
 concilium habitum anno 524. & Valenti-  
 nium can. 2. synodi Agathensis & Rhegi-  
 nensis meminere; plura testimonia vide a-  
 pud *Justellum*. Decretalium pontificum Ro-  
 manorum facit mentionem concilium To-  
 leranum III. canon. 1. Anno 589. & Bar-  
 cinonense can. III. Anno 599. Quas itidem  
*Justellus* probat esse eas epistolas, quæ in  
 codice canonum Ecclesiæ Romanæ legun-  
 tur. Quia Canone xvi. Concilii Toletani  
 iv. dicitur. *Synodica Presulum Romanorum*  
*decreta apocalypsin Johannis inter divinos libros*  
*recipiendum constituere*, idque factum apparet  
*Epistola Innocentii I. ad Exuperium Tho-*  
*losanum Episcopum*. Deinde quia in con-  
 cilio Toletano vi. anni 638. laudatur Leo-  
 nis I. Papæ Romani sententia, ex *Epistola*

88. Et al-  
 ter spe-  
 cialis  
 conciliorum Hi-  
 spaniæ

e

ad



89. Co-  
dex Ec-  
clesiæ  
Britan-  
nicæ.

ad Rusticum Narbonensem Episcopum scri-  
pta. Utraque autem & Innocentii & Leo-  
nis Epistola in Codice canonum Ecclesiæ  
Romanæ legitur. Oceanum si trajiciamus  
in Britanniam, cognitus ibidem fuit codex  
canonum, sed qualis ille fuerit, an Eccle-  
siæ universæ, an vero particularis quidam  
proprius, non ita clarum; Item nec quo tem-  
pore collectio illa facta, aut recepta. In  
*Antiquitatibus Britannicæ Ecclesiæ* proditum est,  
Theodorum Archiepiscopum librum pro-  
tulisse, qui *Patrum canones* vocabatur, quem  
& in concilio Herefordiensi anno 673. pro-  
batum esse, ex lib. 4. *Hist. Ecclesiæ venerab.*  
Bedæ conjicere licet. *Anno tertio*, inquit,  
*Ecgfridi Regis Theodorus cogit concilium Episco-*  
*porum, una cum eis qui canonica Patrum statu-*  
*ta diligenter & nossent magistris ecclesiæ pluri-*  
*bus &c.* Subjicit postea Theodori, præsidis  
huius concilii verba: *Rogo dilectissimi Fratres*  
*ut quæque decreta ac diffinita sunt à sanctis ac*  
*probabilibus Patribus, incorrupta ab omnibus no-*  
*bis serventur. Hæc & alia quàmplura, quæ ad*  
*charitatem pertinebant, unitatemque Ecclesiæ*  
*conservandam persecutus sum. Cumque expleissem*  
*proloquutionem, interrogavi unumquemque eorum*  
*per ordinem, si consentirent ea quæ à Patribus ca-*  
*nonice sunt antiquitus decreta custodire; ad quod*  
*omnes consacerdotes nostri dixerunt; optime omni-*  
*bus*

## JUIRS ECCLESIASTICI. 67

bus placet, quæque definiverunt sanctorum canones Patrum, nos quoque omnes alacri animo libentissime servare. Quibus statim protuli eundem Librum Canonum, & ex eodem libro decem capitula, quæ per loca notaveram, quia nobis maxime necessaria sciebam, illis coram ostendi. Hactenus ille. Ut vero gustus istius codices exhibeatur, ex eodem Beda, decem illa capitula subjicimus.

### *Primum Capitulum.*

Ut sanctum diem Paschæ in communi omnes servemus dominica post XIV. Lunam primi mensis.

90. Sp.  
cimen  
Codicis  
Britan-  
nici.

### *Secundum.*

Ut nullus Episcoporum parochiam alterius invadat, sed contentus sit gubernatione creditæ sibi plebis.

### *Tertium.*

Ut quæque monasteria Deo consecrata, nulli Episcoporum liceat ea in aliquo inquietare: nec quicquam de eorum rebus violenter abstrahere.

### *Quartum.*

Ut ipsi Monachi non migrent de loco ad locum, hoc est de monasterio ad monasterium, nisi per missionem proprii Abbatis: sed in ea permaneant obedientia, quam tempore suæ conversionis promiserunt.

### *Quin-*



*Quintum.*

Ut nullus Clericorum relinquens proprium Episcopum, passim quolibet discurrat, nec alicubi veniens absque commendatitiis literis sui præsulis suscipiatur. Quod si semel susceptus est, & noluerit invitatus redire, & susceptor & is qui susceptus est, excommunicationi subjacebit.

*Sextum.*

Ut Episcopi atque Clerici peregrini contenti sint hospitalitatis munere oblato; nulloque eorum liceat ullum officium sacerdotale absque permisso Episcopi, in cujus parochia cognoscitur, agere.

*Septimum.*

Ut bis in anno synodus congregetur. Sed quia diversæ causæ impediunt, placent omnibus in communi ut Kal. Augusti in loco qui appellatur Clofaes semel in anno congregetur.

*Octavum.*

Ut nullus Episcoporum se præferat alteri per ambitionem, Sed omnes agnoscant tempus & ordinem consecrationis suæ.

*Nonum Capitulum.*

In communi tractatum est, ut plures Episcopi crescente numero fidelium augerentur; sed de hac re ad præsens filemus.

Deci

*Decimum.*

Pro conjugii, ut nulli liceat nisi legitimum habere connubium. Nullus incestum faciat, nullus conjugem propriam, nisi, ut sanctum Evangelium docet, fornicationis causa relinquat. Quod si quisquam propriam expulerit conjugem, legitimo sibi matrimonio conjunctam, si Christianus esse recte voluerit, nulli alteri copuletur. Sed ita permaneat, aut propriæ reconcilietur conjugii.

His itaque capitulis in communi contractis ac definitis, ut nullum deinceps ab aliquo nostrum orietur contentionis scandalum, aut alia pro aliis divulgarentur; Placuit ut quæque diffinita sunt, unusquisque nostrum manus propriæ subscriptione confirmaret. Quisquis igitur contra hanc sententiam juxta decreta canonum, nostra etiam consensione ac subscriptione manus nostræ confirmatam quoquo modo vivere vel venire, eamque infringere tentaverit, noverit se ab omni officio sacerdotali & nostra societate separatum. Divina nos gratia in unitate sanctæ Ecclesiæ suæ viventes custodiat incolumes; Facta autem est hæc Synodus anno ab incarnatione Domini DCLXXIII.

Hactenus specimen Codicis Canonum

91. De Autore hujus Codicis disquisitum, ubi negatur esse eum Theodorum Archiepiscopum

Britannicorum ex Beda. Fuit autem hic Theodorus Roma missus in Angliam, ut Archiepiscopus Doruvernensis esset, Patria Tharsensis, seculari & divina literatura & Græce instructus & Latine, ut de eo refert Beda eod. *lib. 4. cap. 1.* Valde itaque probabile, illum *Librum canonum* quem ille protulit in concilio Herefordiensi, fuisse *Codicem Canonum Ecclesiæ Romanæ*; In allocutione enim ad Episcopos, rogat, *si consentirent ea quæ à PATRIBUS CANONICE sunt ANTIQVITVS decreta*; Respondent illi. *Optime omnibus placere, quæ definiverunt SANCTORUM CANONES PATRUM.* Quibus verbis satis innuere videntur eos intelligere antiquorum conciliorum canones; qui continebantur libro illo, quem Theodorus protulit in concilio. Illud unde habeat Justellus *Præf. ad Cod. can. Eccles. univers.* scripsisse Theodorum hunc *Librum canonum*, invenire non potui, saltem Beda ex quo sua probat, nil de eo tradit, & ex dictis magis probabile illum, ut jam conjectum, fuisse *Codicem Romanæ Ecclesiæ*; Deinde etiam ausim affirmare nec Theodorum hunc fuisse collectorem istius Codicis vel Libri; Idque ex eo conficio, quod in allocutione jam memorata Theodorus roget Episcopos, de iis, *quæ à Patribus Canonice sunt*

ANTI-

92. Adfertur eum esse Codicem Ecclesiæ Romanæ;

93. Probatur neque esse ab eo collectum.

*ANTIQUITAS DECRETA*; Illis annuentibus, dicit significanter Beda, eum protulisse *eundem Librum Canonum*. Quæ antea *antiquitus à Patribus decreta* nominaverat, postea dicit se proferre in libro, aut *eundem Librum* se proferre qui continebat *quæ à patribus antiquitus canonice sunt decreta*. Neque etiam ausus fuisset Theodorus alium Codicem quam Romanum Ecclesiæ Britannicæ obtrudere, quia Inspector ei additus erat Adrianus Monachus; *ut Doctrina*, ait Beda *l. c. cooperator existens, diligenter attenderet, ne quid ille contrarium veritati, fidei Græcorum more, in Ecclesiam cui præerat, introduceret*. Ipsi etiam canones supra memorati satis conveniunt, ratione materiæ, cum canonibus antiquis, quod facile demonstrari posset, si quidem id otium & properans typographus nunc permetterent. Colligunt alii etiam aliquid de Codice Anglicanæ Ecclesiæ ex Leonis IV. Epistola *in c. ex libellis, dist. 20, ad Justellum in Præfat. allegata*. Ex Anglia in Germaniam properemus. Qualem hæc habuerint Codicem, & quam collectionem, non usque adeo clarum est. Certe pars ejus mature ad fidem Christianam conversa est, quo autem codice canonum usa sit primis temporibus, ob historicorum penuriam & silentium vix potest determinari.

94. Germani quem codicem, quam canonum collectionem habuerint.

Temporibus Riculphi Episcopi Moguntini, Isidori Mercatoris compilatio vel potius suppositio in Germaniam delata est, de qua re dicemus postea, ubi ad Isidori collectionem pervenerimus. Africa nobis quoque adeunda est, Ibi quoque Codex Canonum duplex in usu, ille universæ Ecclesiæ; deinde particularis quidam ex synodis Africanis compilatus. De Codice universæ Ecclesiæ in Ecclesiis Africanis usitato, facit fidem Collectio Fulgentii Ferrandi, Diaconi Ecclesiæ Carthaginensis, de quo infra dicemus, quam ille ex conciliis supra memoratis, quæ in Codice Ecclesiæ Catholicæ continentur, composuit ac digessit; Habuit autem Latinam antiquam versionem, floruit enim Ferrandus cum Dionysio Exiguus sub Justiniano, qui novam Latinam ex Græco fonte fecit. Specialis Collectio canonum Ecclesiæ Africanæ, est ex conciliis propriis Africanis facta sequentibus.

I. Concilio Carthaginensi, post Cons. Honorii XII. & Theodosii VIII. an. Christi 419. cujus canones xxxiii. præmittuntur, idque ideo, quia in hoc concilio confirmatus est hic Codex Particularis Africanus.

II. Concilio Hipponensi, Theodosio III. & Abundantio Coss. Anno Christi 393. habito.

III. Car-

95. Africa  
duplicem  
habuit Co-  
dicem.

96. Eccle-  
siæ univer-  
sæ.

97. Et spe-  
cialem A-  
fricano-  
rum con-  
ciliorum.



III. Carthaginensi, Arcadio III. & Hono-  
rio II. Coss. Anno Christi. 394.

IV. Carthaginensi, Casario & Attico Coss.  
Anno Christi 397, cujus memorantur  
canones xxiii.

V. Carthaginensi alio iisdem consulibus.

VI. Carthaginensi, post Cons. Honorii IV.  
& Eutychiani V. Anno Christi 399.

VII. Carthaginensi, post Cons. Fl. Stilico-  
nis. Anno Christi 401. cujus sunt cano-  
nes ix.

VIII. Carthaginensi, Vincentio & Flavito  
Coss. eodem anno Christi, cujus sunt  
canones xx.

IX. Milevitano, Arcadio & Honorio V.  
Coss. Anno Christi 402. cujus memo-  
rantur canones v.

X. Carthaginensi, Theodosio & Rumori-  
do Coss. Anno Christi 403. cujus sunt  
canones vi.

XI. Carthaginensi, Honorio VI. Coss. Anno  
Christi 404. cujus tantum unicus est ca-  
non.

XII. Carthaginensi, Stilicone II. & Anthe-  
mio Coss. Anno Christi 405. cujus quo-  
que unicus tantum recensetur canon.

XIII. Carthaginensi, Honorio VII. & Theo-  
dosio II. Coss. Anno Christi 407. cujus  
numerantur canones xii.

XIV. Carthaginensi, Basso & Philippo Coss.  
Anno Christi 408.

XV. Carthaginensi, Honorio VII. & Theodosio III. Coss. Anno Christi 409.

XVI. Carthaginensi, post Consulatum Honorii VIII. & Theodosii III. anno Christi 410.

XVII. Carthaginensi, Honorio XII. & Theodosio VIII. Coss. Anno Christi 418.

XVIII. Carthaginensi, post Consulatum Honorii XII. & Theodosii VIII. Anno Christi 419. *cujus sunt canones VII.*

*Quæ concilia memorantur in actis concilii Carthaginensis supra primo loco positi, in quo hic Codex Africanus à CCXVII. est confirmatus. In fine enim primæ sessionis, quæ VIII. Kal. Jun. habita est, in qua etiam editi canones XXXIII. hæc leguntur. Recitata sunt etiam in ista synodo diversa concilia universe provincie Africæ transactis temporibus Aurelii Carthaginensis Episcopi celebrata. Fuit itaque ante hæc tempora Codex ille, sed ab hoc tempore confirmatus auctoritate CCXVII. Episcoporum Africæ & publice receptus in tota Provincia, & actis concilii insertus, in quibus etiam hodie extat. Cardinalis Perronius in Respons. ad Magnæ Britanniæ Regem in utramque partem disquirat, an hæc collectio sit privati alicujus*

98. Num privata auctoritate, an vero publica sit collectus ille codex Africanus.

alicujus industria facta, an vero sit concilium aliquod, & prius magis probat, cum tamen posterius verius sit, probantibus id satis *Editoribus Bibliothecæ juris Canonici veteris, in Præfatione*. Ex eo, quod Dionysius Exiguus in *Præfatione suæ collectionis*, hosce canones Africanos, vocet *Concilium Africanum*, & in contextu incipit *synodus apud Carthaginem Africanorum quæ constituit Canones CXXXVIII*. Deinde quia in *Capitularibus Caroli Magni* & in aliis collectionibus Anonymis iidem canones sub titulo hoc, *ex concilio Africano* citati leguntur, quem titulum manuscripti codices, itemque codex Ecclesiæ Romanæ retinuerunt. Tertio Cresconius etiam in utraque collectione sua, cap. xxx. & CLIV. hanc synodum Africanam vocat, *Concilium Carthaginense universale*, non quod concilium totius Africæ diœcæseos velit indicare, tum enim omnia Carthaginensia potuisset vocare universalia, sed quia hoc ex pluribus conciliis Africanis compactum & compilatum erat. Porro nil evidentius dici potest, quam quod supra ex actis concilii Carthaginensis adductum est, esse hanc collectionem post illud concilium publicatam; quibus tandem addi potest, quod ante triginta canones hujus concilii dicitur: *Deinde quæ in conciliis Africanis promulgata sunt, actis præsen-*

*præsentibus inserta noscuntur. Græci etiam, ut postea patebit, & ex Photio, Zonara, Balsamone constat, hanc collectionem semper concilium Carthaginense vocant. Illud facile concesserim, ante concilium illud Carthaginense, in quo probata hæc collectio, à privato quodam vel potius à singulis Episcopis ad usum Ecclesiasticum factam esse; postquàm autem in concilio probata fuit, non amplius pro privata collectione censeri debet. Scriptus est hic Codex, primum Lingua Latina, postea ex ea in Græcam tractus, quo auctore incertum est. Quamquam alii aliter censeant, arbitantes Græce Africanos sua concilia scripsisse. Sed illi falluntur, quod satis ostendit Dionysius Exiguus, in Epistola suæ collectioni præmissa supra relata, ubi *statuta* dicit *Sardicensis concilii atque Africani, quæ Latine sunt edita suis numeris cerni distincta*, Dionysius quoque Alexandrinus Episcopus, synodicam Epistolam concilii Carthaginensis anno 254. tempore Cypriani habiti contra Novatum, Latine scriptam dicit apud Eusebium *lib. 6. H. E. cap. 35. Epistola quidem Cornelii Episcopi Romani scripta ad Fabium Episcopum Ecclesiæ Antiochenæ, ad nos pervenerunt, quæ tum, illa quæ acta sunt in concilio Romæ habito, tum quæ ab omnibus**

99. Scriptus primū  
Latine,  
postea in  
Græcum  
versus.

*bus in Italia, in Africa, inque aliis locis de eo errore decreta fuerant, evidenter declarant, aliæ item extant Epistolæ Latino sermone à Cypriano & aliis, qui cum illo erant, in Africa compositæ. Lingua quoque Latina magis in Africa usitata quam Græca, quæ videtur cum Imperio Romano recepta esse cum lingua Punica, quæ postea rarior fuit ipsa Latina, quod vel unus Augustini locus, de verb. Apost. serm. 25. satis probat. Proverbium notum Panicum, quod quidem Lazine vobis dicam, quia punice non omnes nostis; quod pluribus demonstratum vide apud Christ. Fustell. in Prefat. Codicis Canonum Ecclesiæ Africanæ, prope finem. Quando versus sit hic Codex in Græcum idioma incertum est. Postquam autem versus fuit, sub titulo Concilii Carthaginensis insertus est codici Ecclesiæ Orientalis, teste concilii Constantinopolitani VI. Oecumenici, anno 692. habiti, canone II; in quo concilia recepta in Oriente, interque ea Africana recensentur, quem ordinem etiam repræsentat Codex canonum Ecclesiæ Orientalis Joh. Tili anno 1540. Græce editus. Facit quoque ad auctoritatem hujus codicis Africani particularis, quod in Codicem canonum Ecclesiæ Romanæ sit relatus & receptus. Fecit hoc primum Dionysius Exiguus, qui suæ*  
*versioni*

100. Inse-  
ritur Codici  
Ecclesiæ  
Orientalis.

101. Rec-  
ptus quo-  
que in  
Codicem  
Romanæ  
Ecclesiæ.



versioni ex Græco Africana concilia, eodem ordine & numerorum serie distincta, inferuit, & codici Ecclesiæ universæ notabile hoc augmentum addidit. Justellus loco citato, putat Græcam versionem post tempora Dionysii Exigui factam esse, sed nullam suæ conjecturæ rationem adfert, potest dari ea, quod Dionysius Exiguus in sæpe laudata præfatione, dicat expresse post canones Calchedonensis, *Græcorum Canonum finem esse; se addere statuta Sardicensis concilii atque Africani*. Ordo varius invenitur in hoc codice; In Dionysii Exigui editione ut & editione Græco Latina, omnes numeri canonum decurrunt, à primo usque ad centesimum trigesimum octavum. In Codice vero Ecclesiæ Romanæ, primo ponuntur xxxiiii. canones concilii Carthaginensis, tum nova numeratione anteriorum conciliorum, in hoc concilio confirmatorum, canones recensentur centum & tres, qui cum memoratis triginta tribus juncti, eundem numerum centum & triginta octo canonum efficiunt. Græce & Latine edidit hunc codicem Christophorus Justellus primum anno 1614. Parisiis, doctissimasque notas adjecit; postea secundum filius, in bibliotheca juris canonici veteris, anno 1661. Editus autem est ex vetustissimo codice manu-

102. Ordo  
ejus.

103. Edi-  
tio.

manuscripto Nicolai Fabri, quem suprema voluntate Justello commiserat, ut post editionem Magno Jacobo Augusto Thuanio restitueretur, ut testatur Justellus in *Epistola dedicatoria* ad memoratum Thuanum, qua ei quoque suam editionem & notas inscribit. Græca repræsentavit Justellus ex codice Tilii, quibus Manuscriptis usus sit, ostendit in principio notarum. Atque hæc sunt fata codicis canonum Ecclesiæ universæ, cujus quanta fuerit auctoritas ex prædictis patet, quæ evincunt fuisse quasi jus aliquot gentium receptum utrobique; Imo Justinianus in Novell. 131. tantam agnoscit quatuor synodorum Oecumenicarum, quæ in codice canonum universæ Ecclesiæ habebantur, auctoritatem, ut non vereatur dicere. Τῶν γὰρ προειρημμένων ἀγίων συνόδων καὶ τὰ δόγματα καθάπερ τὰς θείας γραφὰς δεχόμεθα καὶ τὰς κανόνας ὡς νόμους φυλάττομεν. Prædictorum conciliorum dogmata, sicut divinas scripturas accipimus, & canones sicut leges servamus. Neque novum est, ut propter excellentiam hæc concilia quatuor œcumenica prima comparentur scripturæ sacræ, non quasi ejusdem plane auctoritatis cum scriptura habita sint, sed quod post eam maximum momentum & pondus habuerint in decidendis controver-

104. Aucto-  
ritas  
Codicis  
canonum  
Ecclesiæ  
universæ.

fin

fiis religionis & ordinandis ritibus Eccle-  
 siasticis. Ideoque *Isidorus lib. 7. Etymol. cap.*  
*16. quasi quatuor Euangelia, vel totidem Para-*  
*disi flumina, quatuor venerabiles synodos, to-*  
*tam principaliter fidem complectentes, esse di-*  
*cit; non simpliciter euangelia, sed quasi euan-*  
*gelia, quod similitudinem quandam infert,*  
*nominat. Nimum progreditur Gregorius*  
*Papa Romanus, relatus in cap. sicut sancti. dist.*  
*15. Qui se, sicut sancti Euangelii quatuor libros,*  
*sic quatuor concilia suscipere & venerari fatetur.*  
 Itaque recte Doctiss: Rittershusius *part. 1.*  
*Nov. cap. 2. n. 17.* monet verba Imp. Justin.  
*in d. Nov. 131.* cum grano salis accipienda  
 esse; ne scilicet ob id parem auctoritatem  
 per omnia tribuamus quorumlibet concilio-  
 rum decretis, illa veneratione quæ sacris  
 debetur. Nam conciliis & horum canoni-  
 bus credimus propter scripturam: sed scri-  
 pturæ sacræ, quæ sit *αὐτότης* & propter se  
 ipsam, quia divinitus est inspirata: Dein-  
 de Scriptura sacra infallibilem habet certi-  
 tudinem; concilia vero non aliter, nisi  
 quatenus ejus vestigiis insistant, apposite  
*Salvianus Massiliens. lib. 3. de provid. seu guber-*  
*natione Dei. in edit. Rittershusii. p. 68. Alia o-*  
*mnia, id est humana dicta, argumentis ac testibus*  
*indigent, Dei autem sermo ipse sibi testis est: quia*  
*necesse est, quidquid incorrupta veritas loquitur,*  
 incor-



*incorruptum sit testimonium veritatis. Potissima tamen auctoritas concilio Nicæno delata, cujus venerabilis quædam & decisoria vis in singulis fere id sequentibus conciliis est firmata & repetita. Quare etiam merito ab eo exordium collectionis canonum constituitur. Quod agnovit quoque non obscure Isidorus, quando canones à temporibus Constantini cœpisse adserit. lib. 7. Etymol. c. 16. relatus à Gratiano in c. canones. dist. 15. Canones, inquit, generalium conciliorum à temporibus Constantini cœperunt. In præcedentibus namque annis persecutione fervente, docendarum plebium minime dabatur facultas. Inde Christianitas in diversas hæreses scissa est: quia non erat licentia Episcopis in unum conveniendi, nisi tempore supradicti Imperatoris. Ipse enim dedit facultatem Christianis libere congregari, sub hoc etiam sancti patres in concilio Nicæno, de omni orbe terrarum convenientes, juxta fidem Evangelicam & Apostolicam, secundum post Apostolos symbolum tradiderunt. Sed magnam nobis controversiam faciunt illi, qui non à Nicænis temporibus, ut à nobis factum, sed à temporibus Apostolicis canones deduci volunt, idque famosis, si non fumosis, Constitutionibus Apostolorum (quarum libros octo sub nomine Clementis, Romani Episcopi obtrudunt)*

105. Ob-  
jectio de  
constitu-  
tionibus  
& Cano-  
nibus A-  
postoli-  
cis.

106. Constitutiones  
Apostolicæ  
examina-  
tæ, &  
vō *ſeius*  
accuſatæ.

107. Quis  
fuerit ille  
Clemens  
Romanus,  
quibus  
adſingun-  
tur conſti-  
tutiones  
apoſtolicæ.

dunt) deinde etiam 85. vel 90. canonibus Apostolorum, probare nituntur. Quare antequam ad alias digestiones & compilationes canonum tranſeamus, hæc collectio constitutionum Apostolicarum primum, dein & hi canones Apostolici ad examen revocandi sunt; Eſſe utrumque opus ſuppoſitium, falſique nominis & falſæ antiquitatis, evicit ſingulari commentario, inſcriptis in eo argumentis demonſtravit, antiquitatis Eccleſiaſticæ promus condus, Johannes Dalæus, in *Pſeudepigraphis Apoſtolicis, libri tribus*. Quare nos ſumma capita tantum tangemus, & quæ in adverſariis collegimus variorum judicia ſubnectemus; plura deſiderantem lectorem ad ipſius Dalæi commentarios ablegantes. Adſcribuntur autem conſtitutiones iſtæ Apoſtolicæ Clementi Episcopo Romano; Primo (ſiquidem Petrus non fuit Romæ aut Episcopus Romanus) an tertio hic non longe diſquiremus, quia non conveniunt hic hiſtorici, probamus interea opinionem adſerentium, hunc Clementem cum Lino, & Cleto, eodem tempore fuiſſe Romæ Compresbyteros, tanquam magis veriſimilem. Eſſe eum cujus facit mentionem Paulus Apoſtolus in *Epistol. ad Philip. c. 4. verſ. 3.* quidam cenſent. Annos eum tradunt in Episcopatu Romano tranſegiffe novem



novem & dimidium. Scripta varia ei tribuuntur pleraque adfinguntur. Epistolæ binæ ad Jacobum Fratrem Domini, qui septennio ante Petri Martyrium fati jam concesserat. Deinde tres aliæ adhuc, quas omnes tot argumentis invincibilibus *vothias* convicit & peregit Magnus Blondellus, in *Pseud-Isidoro & Turriano vapulante* à pag. 1. usque ad 101. (ubi quoque ipsæ Epistolæ legi possunt) ut nemo amplius contra mutire possit. Præterea tribuuntur ei Epistolæ encyclicæ tres. Interpretatio Epistolæ S. Pauli Apostoli ad Hebræos; liturgia, Disputatio Petri & Appionis, Disputatio Petri contra falsitatem Simonis Magi, Libri decem Recognitionum, quæ & Odeporicon, vel circuitionum, vel periodorum, vel itinerarium Petri, vel à Beda Historiæ Clementis vocantur. Item constitutionum Apostolicarum seu præceptionum libri octo; quibus solent accedere Canones Apostolorum, Concionum Petri in populo suo habitarum compendium; De Responsionibus Petri ad interrogata Tripolitano- rum, quæ pleraque in censum Apocryphorum sunt relata à Gelasio, in *c. sancta Romana dist. 15.* ab Hieronymo, Honorio Augustodunensi olim, postea etiam à plerisque Pontificiis, & Protestantibus, Riveto

108. Quæ  
ejus scri-  
pta, sup-  
polita &  
genuinæ.

*lib. 1. Crit. sacr. c. 7. & 8.* Rob. Coco. aliis  
 que bene multis; Unicum adhuc genuinum  
 cunctis, præter Gathakerum Cinni pag. 19.  
 hujus Auctoris monumentum superesse cre-  
 ditur, Epistola ejus prior ad Corinthios scri-  
 pta, quam & laudat Hieronymus in Ca-  
 talogo, eamque valde utilem & nonnullis  
 locis publice lectam dicit, quæque ei vi-  
 detur Characteri epistolæ quæ sub Pauli no-  
 mine ad Hebræos fertur, convenire. Lau-  
 dant eam quoque Euseb. *lib. 3. c. 12.* Iren.  
*lib. 3. c. 3.* Clemens Alexandrin. *lib. 4. 6. &*  
*7. Strom.* Quam Baronius, Bellarminus, Mi-  
 ræus, aliique periisse arbitrati sunt; sed cum  
 fragmento secundæ, A. 1633. Oxoniæ in lu-  
 cem producta est, ex reliquiis vetustissimi  
 exemplaris Bibliothecæ Regiæ Anglicanæ,  
 notisque illustrata à Patritio Junio Viro Cla-  
 riss: Regis Britanniarum Bibliothecario. Po-  
 stea secundum edita & adserta est à Joach.  
 Joh. Madero Helmæstadii 1654. quorum  
 præfationes inspicere possunt. Nobis cum con-  
 stitutionibus & Canonibus Apostolicis nunc  
 res est, quibus historica nostra collectio ca-  
 nonum impetitur. Hosce fœtus esse suppositi-  
 tios nobis probandum. Varia de hisce con-  
 stitutionibus sunt Doctorum judicia, qui-  
 busdam probantibus, quibusdam improban-  
 tibus & rejicientibus, quibusdam interpola-  
 tas

109. Va-  
 ria judi-  
 cia de  
 constitu-  
 tionibus  
 Aposto-  
 licis.

tas clamantibus. Inter Evangelicos uno ore hæc sententia refedit, & invictis argumentis adserta est, mentiri has constitutiones nomen & ætatem Apostolicam. Pontificiorum quidam probant, quidam in totum rejiciunt. Probantium sunt paucissimi, & plerique vel obscuro vel quos partium studium adversus nos agit præcipites. Inter hos præcipui sunt & alicujus nominis Carolus Bovius Episcopus Ostunensis, qui eas in Latinum transtulit, & anno LXIII. seculi superioris edidit. Franciscus Turrianus Jesuita, Famosus defensor istiusmodi quisquiliarum, qui easdem Latine vertit. Item Th. Stapletonus Jesuita; qui quod parum à blasphemia abest, *in def. Eccl. author. lib. 2. c. 11.* non veretur de iis adserere, Librum harum constitutionum, Spiritu Apostolico plenissimum esse. & *in princ. fid. doct. contr. 5. q. 2. art. 5.* nullam rationem ob stare, quin si præsens Ecclesia referret has Constitutiones Apostolicas, à Clemente editas in canonem sacre scripturæ; nos eas pro canonicis admittere debeamus, æque atque Epistolam Jacobi. Ejusdem tenoris sunt hæc Alani Copi. *diab. 3. c. 5. pag. m. 232.* Summo Dei beneficio Clementis διατάξεις & Cyrilli ανατάξεις, multis seculis recondita, ad reprimendam Magdeburgensium & Apologeticorum istam contra sanctos insolentiam in lucem prodierunt.

110. Probantium.

III, Im-  
proban-  
tium.

tunt. Quorum certe testimonia, etiamsi alia  
deessent, homini non nimis praefracto, ad hanc  
totam, qua de agitur, questionem sufficere pos-  
sent. Alios qui superstitiones iis fulcire co-  
nantur, easque probant, vid. apud Rob.  
Cocum. in *Censura scriptorum veterum*, non  
longe à principio. Alii contra Doctiores &  
emunctioris in literis nasi è Pontificiis, no-  
biscum sentiunt esse supposititias. Inter quos  
est Bellarminus de script. Eccles. in Clemente,  
ubi Clementis Recognitiones cum inter A-  
pocrypha retulisset, subjicit. De libris con-  
stitutionum Apostolicarum, quae Clementi au-  
ctori tribuuntur, idem fere iudicium fieri debet,  
ac de libris recognitionum. addit porro: Mul-  
ta in illis utilia sunt, & à Græcis veteribus ma-  
gni sunt; sed in Ecclesia Latina nullum fere vo-  
men habere, ipsosque etiam posteriores Græcos  
in concilio Trullano can. 2. improbare has con-  
stitutiones, ut ab hæreticis depravatas. Audio  
Æthiopes his constitutionibus uti, ut vere A-  
postolicis, & ea de causa in erroribus versari  
circa cultum Sabbati & diei Dominica, & circa  
ministerium Sacramenti baptismi, & in aliis qui-  
busdam dogmatibus. Nam lib. 7. cap. 24. jubent  
servari diem Sabbati & Dominica, & lib. 5. con-  
stit. cap. 10. prohibetur absolute, ne laici ba-  
ptizent, & lib. 6. cap. 15. jubent rebaptizari  
eos, qui baptizantur ab hæreticis, ea de causa,  
quia



quia heretici non sunt Sacerdotes. Ac ne forte obiceretur, quod Philippus Diaconus baptizabat, ut dicitur Act. 8. in iisdem constitutionibus lib. 6. cap. 7. dicitur Philippum, qui baptizavit Simonem magum, fuisse Apostolum, quod manifeste falsum est. Habentur in iisdem Constitutionibus alia non pauca, quae abhorrere videntur à veritate: ut quod lib. 3. cap. 2. quartas nuptias appellent manifestam fornicationem. lib. 5. cap. 6. distinguant Mariam Magdalenam à Maria sorore Lazari. lib. 8. cap. 14. Jacobum fratrem Domini velint esse Apostolum ex duodecim. & lib. eodem c. 26. 27. & 28. velint imponi manum Subdiacono, & Lectori, & ipsi etiam Diaconisse, dum ordinantur: & lib. eodem cap. 32. dicant, Exorcistas non ordinari, & cap. 38. dicant, ancillam soli domino obsequentem recipi; si cum aliis intemperans fuerit, rejici. In eadem sententia est Baronius, ad ann. 32. §. 18. Ubi quædam cum sibi ex his libris de Maria Magdalena objecisset, tanquam diversa à Maria Lazari sorore. Uno verbo, inquit, his liberari possemus, si apocryphum esse librum exciperemus, Sane quidem, si hæc dicta sunt à Clemente, quomodo ea latere potuerunt tot antiquos Patres, qui de ea re scripserunt? Cum præsertim tanti Auctoris præcipua fuerit auctoritas in Ecclesia; ut licet ejus Epistola ad Corinthios scripta penitus exciderit; tamen quod sæpius



citata reperiat, pene reviviscat integra in fragmentis. Idem quoque ad ann. 44. §. 36. Apocryphis accenset. adde eum ad annum 102. §. 9. Neque abit ab his iudicium Jacobi Davii Perronii Cardinalis, lib. 2. c. 1. de Eucharistia pag. 174. ubi hæc de opere constitutionum habet. Hoc opus à multis gravibus auctoribus veteris ac recentioris memorie in dubium vocatur. Epiphanius Hæres. Audian. libri meminit id nomen præferentis, atque multos suo tempore in dubium revocare, se vero eum nequaquam rejicere. Synodus Constantinopoli in Trullo, multis post Epiphanium temporibus sub Justiniano Rhithymeto habita, opus condemnat. Photius in Bibl. cod. 113. ipsa illa synodo recentior, vix Arianismo purgari posse ait. Quod suspicari cogit librum hunc vel non eundem esse, cum eo qui Epiphanii tempore hoc nomine censebatur, vel certe ab Arianis postea corruptum adulteratumque fuisse. Sane multa apud veteres inde descripta reperiuntur, quæ cum iis quæ nunc circumferuntur exemplaribus non congruunt. Cardinalis Bessarion Marco Ephesio, Sixt. Senens. in biblioth. sanct. quendam ex his Constitutionibus locum objectanti, respondet opus esse Apocryphum. Idem lib. 1. Repl. cap. 24. Quæ Clementis nomine Apostolicæ constitutiones circumferuntur, non sunt ejus fidei, ut in rebus ad religionem pertinentibus, auctoritatem habeant decisivam  
sive

*sive enim ab initio Clementis nomine suppositus, sive ab hæreticis postea interpolatus atque adulteratus fuerit hic liber, constat suspectam ejus esse auctoritatem.* Margarinus de la Bigne, editor bibliothecæ Patrum, tomo 3. in *Anast. Nic. q. in script. col. 44.* in margine pro Apocryphis habet has constitutiones Clementis, & Gabriel Albaspinæus *obs. Eccles. lib. 1. c. 13. p. 37.* Non tantum Apocryphas censet, sed insuper eos, qui aliter sentiunt, stultitiæ insinuat, tacite supramemoratos perstringens. Hæc autem sunt ejus verba. *Certe si quis esset qui canones Apostolorum, & Divi Clementis Constitutiones Apostolorum auctoritate sancitas publicatasve certo affirmaret, imperitus censeretur. Nam qui antiquarum consuetudinum gnari, quo quidque tempore, aut loco observari desitum sit, aut mutari coeptum norunt, de iis ne quidem dubitare possunt. Quod ille postea pluribus ostendit, & nos infra ostendemus. Eandem sedisse Doctissimo Jesuitæ Petavio sententiam patet, quia ad locum Epiphaniï agnoscit alias fuisse constitutiones illas Apostolorum, quam quæ hodie libris octo circumferuntur, quæ tamen etiam dubiæ habitæ sunt; nec ea etiam in hodiernis, imo contraria inveniri. Et ad eundem Epiphan. in *Expos. Fid. pag. 349. & 360.* expresse *Pseudodiatxin Clementis* vocat. & in *Dogmatis Theolog. tom. 2.**

*lib. I. de Trinit. c. 3. §. 7. pag. 15. Poterat, inquit, ante omnes illos, nempe Athenagoram Tatianum, Theophilum, Ireneum, vetustatis unius nomine commemorari Clemens Romanus; siquidem Germana essent, quæ illius inscripta nomine circumferuntur, sed non sunt. Hic igitur in constitutionibus Apostolicis ridiculum nescio quid & hæreticum posuit. Quod nos postea in argumentis adducemus. Non necesse est, plures ex recentioribus addere, è choro Pontificorum, isti memorati eruditione & nominis claritate omnes vincunt. Hi itaque si constitutiones has Clementis nomen mentientes, pro dubiis, incertis, apocryphis, falsis, corruptis, adulteratis, & nullius in religionis fidei, vel auctoritatis adserant, & merito nos è numero canonum & juris Ecclesiastici dejicimus, nec ab iis nostram Historiam & Canonum collectionem ordinamus. Antiquorum judicia etiam addemus, Humbertus Cardinalis, Episcopus Sylvæ Candidæ, qui vixit seculi XI. anno LIV. fuitque legatus Pontificis Constantinopolim, Nicææ Pectorato, in Tractatu contra hunc Nicetam scripto tom. 4. biblioth. Patr. part. 2. p. 243. a. b. & in append. tom. II. Annal. Bar. quædam loca ex his constitutionibus objicienti, respondet, eum sua adserere ex Apocryphis libris, & canonibus pari sententia sancto-*

212. Anti-  
quorum  
judicia La-  
tinorum.

*sanctorum Patrum repudiatis ; Nam Clementis Librum , id est , Itinerarium Petri , & canones Apostolorum numeravere inter Apocrypha , exceptis capitulis quinquaginta , quæ decreverunt regulis Orthodoxiæ adjungenda . Unde nos quoque omne Apocryphon abjicientes dedignamur audire eorum fabulosas traditiones , quia non sunt ut Lex Domini . Ex quo loco & id videtur notandum , Humbertum non recognitionum opus , & itinerarium Petri , nomine Clementis editum , ut fecit & censet Bellarminus ; sed libros constitutionum & itinerarium Petri , ut vocatur , pro iisdem habere , & à Gelasio inter apocrypha relatum putare . Quod quidem numerus librorum confirmare videtur ; nam recognitionum libri referuntur decem , Itinerarii ut & Constitutionum Libri octo . Quod si verum , jam pateret seculi quinti anno 94 , ab Ecclesia Romana inter Apocrypha relatas has Constitutiones Pseudapostolicas Humbertum censuisse ; quam ejus sententiam videntur innuere hæc verba jam citata : *Pari sententia sanctorum Patrum repudiatis* . Ante hæc Gelasii tempora , nulla extat memoria constitutionum harum Apostolicarum sub nomine Clementis editarum : non apud Hieronymum in Catalogo ; quod satis arguit ei notas non fuisse ; ut yana & falsa sit con-*

fit conjectura Bovii & Turriani in Praefatione ad has Constitutiones, quando hos libros ab Hieronymo, ut concilient eis auctoritatem, versos suspicantur. Cum apud omnes in confesso sit, à nato Christo usque ad Hieronymum in quatuor seculis inter Latinos nullum fecisse harum constitutionum mentionem, quod tamen fieri debuisset, si auctor fuisset Clemens, isque Episcopus Romanus. Æthiopes habent has constitutiones pro vere Apostolicis, teste Bellarm. *de script. Eccles. A. D. 29. in Clemente*. Quod firmat Alvares *in suo de Abyssinis libro. c. 81. extr. in vol. navig. di Gioan. Batt. Romasio*, ubi narrat Æthiopes habere librum in octo partes divisum, quem ab universis Apostolis Hierosolyma congregatis scriptum ferunt: quemque ipsi vulgo Manda & Abetilis vocant. Quæ bene conveniunt cum constitutionibus Pseudapostolicis, quarum etiam feruntur libri octo. Sed an idem sit liber ille apud Æthiopes, & eadem referat, quæ Constitutiones Apostolicæ à Bovio & Turriano versæ, illud non est proditum.

Græci nunquam hasce constitutiones æstimarunt; ut falsus sit Bellarminus l. c. qui *Græcis veteribus magni fieri scribit, apud Latinos nullius esse nominis*. Antiquissima constitutionum Apostolicarum mentio apud Epiphanium,

113. Æthiopum.

114. Græcorum.



phanium, qui floruit seculi quarti, anno 75. Hic variis locis eas laudat; quas tamen ipse Hæresi 70. §. 10. dubiæ apud multos, fidei fuisse, dicit. Loca ipsa congeffit & examinat late Doctissimus Dalæus in *Pseudeptigraphis Apostol. lib. 1. cap. 2.* probatque cum Petavio, quia multa ex citatis ab Epiphania in hodiernis Bovii & Turriani constitutionibus non, imo contraria inveniuntur, non esse easdem Epiphania & Bovianas constitutiones Apostolicas; Ideoque turpiter abuti & fallere incautos Turrianum, auctoritate Epiphania, dum adserit in *proæmio versionis suæ Latinæ. Tales habere nostram ætatem Apostolorum Constitutiones, sanas scilicet & incorruptas, quales Epiphania ætas habuit.* Probat deinde multis invictissimis argumentis, neque Constitutiones Apostolicas quas Epiphanius habuit, pro Apostolicis esse habendas, aut receptas ab Ecclesia aut pro apostolicis habitas, sed & ipsas falsas & Apostolis adfectas esse. Producit quoque Bovius pro suis Constitutionibus Cyrillum Hierosolymitanum, qui in *Cateches. 18. p. 213.* ex Clemente recenset fabulam Phœnicis, quasi hæc ex quinto libro Constitutionum apostolicarum sit decerpta: sed & is in eo falsus est. Invenitur enim hæc fabula in genuina & ab Hieronymo

nymo aliisque sæpius laudata Clementis epistola ad Corinthios priore, ex qua desumpsit auctor Catecheseos eam, quod ex collatione phrasium & verborum satis patet; utitur enim sæpe iisdem verbis, quæ reperiuntur apud Clementem in Epistola ad Corinthios, non vero iis quæ in constitutionibus Bovianis leguntur; quare, sola hac diversitate observata, Doctissimus Rigaltius in obs. ad lib. Tertull. de resurrectione, diversos auctores Epistolæ & Constitutionum facit. *Etsi*, inquit, *ejusdem Phœnicis historia exemplum reperiatur etiam in Constitutionibus supra citatis, tamen ex earum cum epistola Clementis comparatione hoc videmur adsequi, vix esse, ut ejusdem auctoris utrumque opus censeari debeat.* Aliud testimonium ex Athanasio & Eusebio detortum de libro, qui διδασχὴ τῶν ἀποστόλων olim vocatus, apud quosdam in usu, communiter tamen pro spurio habitus & reprobatus fuit, nil facit ad Constitutiones Apostolicas Bovianas, quoniam ex ipso Athanasio patet, Clementis opera & hæc διδασχὰς ἀποστόλων esse diversas, nec etiam Eusebium lib. 3. c. 25. edit. Gr. Christophorsoni. c. 19. eas adscribere Clementi, quia in aliis locis ubi expresse de Clementinis scriptis genuinis & spuris agit, hæc διδασχὰς ἀποστόλων ei non adscribit. vid.



fœtus nequaquam admittentes, & germane ac integræ Apostolorum doctrinæ inferentes. Post hos Patres earum meminit Photius in Biblioth. Cod. 113. qui vera argumenta, quare rejicienda essent vidit, sed studio partium contra Latinos, qui ex iis oppugnari poterant, excusari posse contendit. Post hunc plerique omnes Græci rejiciunt, uno aut altero excepto, qui ob idem partium studium contra Romanos iis utuntur. Balsamo, qui in fine seculi duodecimi scripsit, ad Canon. 85. Pseudapostol. hæc de iis habet. Σὺ δὲ γίνωσκε ὡς εἰ καὶ γέγραπται ἐν ταυτοῖς ἀναγινώσκουσιν ἡμᾶς τοὺς Ἀρεταγὰς τῷ κλήμέντῳ, πλὴν μὴ δημοποιεῖν αὐταῖς, ἀλλ' ὁ δὲ κανὼν τῆς ἐκτικῆς σωόδου ἀπηγόρευσε τὴν τέτων ἀνάγνωσιν, Ἀρετὰ τὸ γενέσθαι περὶ μοίῃσιν ἐν αὐτοῖς. Tu autem intelligas, quod etsi hic scriptum est, Constitutiones Clementis legi à nobis, sed non divulgari debere, synodi tamen sexta canon secundus earum lectionem prohibuit, quod in eis adulteratio facta sit. In eundem Canonem Zonaras hæc habet. Αὐτὰ κατὰ καθόξων πινῶν, ἐνοχεύουσιν τε καὶ παρεφθάρησαν. διὸ καὶ ἀναγινώσκουσιν ὅπως αὐταῖς ἀπηγόρευσε ἡ ἐκκλησιαστικὴ ἐκτικὴ σωόδοσ. Ab heterodoxis & sectariis quibusdam adulterate & corrupte fuerunt. Quapropter istas omnino legi vetuit Oecumenica sexta synodus. Similia habet Alexius Aristenus apud

apud Usserium *dissert. de Ignat. ο δεύπερ*  
*καπὼν τῆς ἐν Τρελλῶ γυρομένης ἑκτῆς σιωδῶ*  
*σπαντελῶς ὑποβαλλετὶ τὰς ποικύτας διατάξας,*  
*Διὰ τὸ ἐν αὐταῖς ὑπὸ τῆς ἑτεροδόξων πρεθετῆ-*  
*ναί τινα νόθα καὶ ξένα τῆς εὐσεβείας. Secundus*  
*canon synodi sextæ in Trullo habitæ, hæcæ Con-*  
*stitutiones omnino rejicit, propterea quod iis non-*  
*nulla adulterina ab heterodoxis adjecta fuerint*  
*atque à pietate aliena. Ut quoque sciamus*  
*quid Moderni Græci de hisce sentiant, ad-*  
*do Heremiæ Patriarchæ Constantinop. ju-*  
*dicium ex ejus Resp. I. c. 13. p. 103. ad*  
*Wirtenbergenses. νεοθεύθη τὰς Κληρικτεῖας*  
*Διγτάξεις, adulteratas fuisse Clementinas Con-*  
*stitutiones. Ex quibus testimoniis videmus*  
*quid de hisce Pseudapostolicis Constitutio-*  
*nibus censuerint Græci quid Latini, quid*  
*Antiqui, quid recentiores; nempe esse eas*  
*spurias, confictas, suppositas, depravatas,*  
*heterodoxiis maculatas, & uno verbo apo-*  
*cryphas, inter quæ etiam habet noster An-*  
*tonius August. in Dialogo 6. lib. primo, pag.*  
*edit. nostræ 99. & seqq. ex quo pete ejus de*  
*hisce Constitutionibus judicium, quod o-*  
*mittendum hic nec negligendū erat. Quod-*  
*nam sit Cardinalis Bonæ lib. I. liturg. cap. 8.*  
*§. 5. de hisce Constitutionibus judicium id*  
*commodius infra referemus, ubi de tem-*  
*pore suppositionis aliquid dicemus. Alios*  
*g bene*



115. Ra-  
tiones  
quare pro  
spuriis  
habendæ  
constitu-  
tiones  
Pseuda-  
postoli-  
cæ.

bene multos Magni Nominis Viros, Salma-  
sium, Vossium, Usserium, Filescum, Vos-  
tium, & innumeros præterea præterimus,  
qui omnes in censum scriptorum suppo-  
sititiorum & quæ sunt dubiæ fidei hæc  
constitutiones retulerunt, quorum testimo-  
nia ex adversariis adducere possemus, nisi  
superiora sufficere censeremus. Ne vero  
auctoritatibus sed & rationibus cadat au-  
toritas harum Constitutionum Pseudapo-  
stolicarum, ex bene multis quas Doctissi-  
mus Dalæus coacervavit paucas adduce-  
mus. Magnum argumentum exinde peti  
potest, esse has constitutiones alicujus Im-  
postoris, non Apostolorum, quod cum A-  
postolorum nomen referant, tamen nun-  
quam cum aliis Apostolorum scriptis in ca-  
nonem scripturæ, neque à Græcis neque  
à Latinis receptæ sint; quod certe oportu-  
issimum foret si verè essent apostolicæ & o-  
porteret eos facere, qui pro Apostolicis con-  
stitutionibus Orbi audent obtrudere. Quan-  
quam enim Auctor falsarius in Canone 85.  
seu ultimo, ut suæ inserviret causæ, eas  
ante acta Apostolorum, inter Canonicos  
libros Novi Testamenti collocaverit, attamen ipse Bovius, qui eas edidit & vertit,  
in Præfatione fatetur, *nunquam obtinuisse,  
ut in canonem sacrarum Scripturarum referren-*

tar, nec se iis tantam auctoritatem tribuere, quo velut una litura delet, quidquid constitutionum Apostolicarum Orbi sub Clementis nomine ausus est obtrudere. Pro Apostolorum constitutionibus habere, & non in canonem scripturæ referre, apud Theologos implicat contradictionem; ut & pro apostolico aliquid protrudere, nec auctoritatem tantam, id est sacræ scripturæ, ei attribuere. Hoc argumentum urget, in repudianda Christi ad Abgarum Epistola, Bellarminus, de scriptor. Eccles. in Petro. init. Ea (inquit Epistola) nunquam fuit admissa ab Ecclesia inter scripturas canonicas, inter quas sine dubio admissa fuisset, si ab ipso domino scriptam fuisse constaret. Porro etiam sermo & voces quædam harum constitutionum à caractere Apostolorum sunt alienæ: exempli causa paucas recenseo. lib. 2. c. 10. & alibi νεοφώτιστος ponitur pro recenter baptizato, μύησις pro baptismo, κατήχημα & ἀκροώμενον lib. 8. c. 7. pro catechumeno, & audiente. Θυσία & θύσια ἀναμνηστική, pro Eucharistia. ἄρχιερεὺς lib. 8. c. 12. Pontifex pro Episcopo, ἱερεῖς lib. 8. c. 13. Sacerdotes pro Episcopis & Presbyteris, ἱεραπικὸς κατάλογος lib. 3. c. 15. Sacerdotum catalogus vel dyptycha, θυσιόσηλον altare lib. 8. c. 12. pro mensa domini. Ejusmodi voces ista signi-

ficatione apud Apostolos non, sed scriptores  
 sequentium seculorum inveniuntur; ideo-  
 que probant, sequentibus seculis, non vero  
 ab Apostolis esse scriptas. Quod etiam scri-  
 ptor stylo suo, qui est inflatus aliquando &  
 Rhetoricus; non humilis & depressus: imo  
 ipso etiam sæpe loquendi modo, qui est eo-  
 rum, qui post Apostolos vixerunt, sufficien-  
 ter prodit: Exempla *vid. lib. 2. c. 41. lib. 5.*  
*c. 16.* ubi quoque ex controversia celebra-  
 ndi Paschatis satis colligitur, post seculum sal-  
 tem secundum vixisse scriptorem. *add. lib.*  
*6. c. 10.* Omnem vero stultitiam superat,  
 quod *lib. 7. c. 47.* occurrit. *οἱ δὲ τὸ ὑφ' ἡμῶν*  
*χειροτονηθέντων ἐπισκόπων ἐν τῇ ζοῇ τῇ ἡμε-*  
*τέρᾳ γνωρίζομεν ὑμῖν.* De Episcopis vero, qui à  
 nobis dum viximus, vel in vita nostra ordinati  
 sunt, certiores vos facimus. Quæ satis ostendunt,  
 scriptas esse post mortem Apostolorum.  
 His addi possunt tertio, quæ contra Apo-  
 stolorum doctrinam hæ Constitutiones ha-  
 bent de Dei filio, quem negant esse Deum.  
*lib. 6. c. 6.* *ἑτέροι δὲ ἐξ αὐτῶν, αὐτὸν εἶναι τὸ*  
*Ἰησοῦν τὸ ἐνὶ πάντων θεὸν ἐκπαιδεύουσιν.* Alii ex  
 iis (hereticis) suspicantur ipsum Jesum esse Deum  
 super omnia. Quæ magis Arriani, Photiniani  
 vel Ebionæi, quam Apostoli sunt voces;  
 his adde ejusdem fere commatis *ex lib. 5.*  
*c. 6. & 10. lib. 8. c. 12. lib. 2. c. 44.* & non  
 meliora

meliora de Spiritu Sancto lib. 2. c. 26. lib. 3. c. 17. lib. 8. c. 37. pr. & alibi. Quæ causa est, quare Petavius, supra memoratus dicat, tomo 2. Theol. dogm. pag. 15. Clementem ridiculum nescio quid, & hæreticum de trinitate posuisse. lib. 2. c. 26. Nam Episcopum in Ecclesia instar Dei patris esse ait; Diaconum itidem ut Christum, qui patri adsistit, & in omnibus ministrat, quæ si Christus ut homo est, consideretur, non improbe dicta videri possunt. Sed pestilens est, quod addit, Diaconissam figuram spiritus sancti habere: quæ nihil sine Diacono facere debeat, aut loqui; Quemadmodum neque Paracletus à seipso aliquid loquitur aut facit, sed Christum glorificans voluntatem illius expectat. Quod quidem Macedonianum pus, ac venenum sapit. Photius de Clementis operibus agens Cod. 113. in constitutionibus asserit quædam inesse Arianæ impietatis vestigia, quæ non nisi violenter excusari possint. Cujusmodi iste locus fuerit quem adduximus, neque alius modo ad similem labem implicatus occurrit. Hæc Petavius; cujus sequentia, quæ huc aliquid adhuc faciunt ex ipso peti, & ipsi alia insuper loca hujus impietatis ex supramemoratis, suggeri possunt; maxime ex lib. 6. c. 25. Fatetur etiam Bovius ipse in Præfatione constitutionum, Auctorem istarum de Spiritu Sancto exiliter loqui, de verbo

quoque duriores quasdam interdum voces fundere. Tamen cum summa impudentia, non veretur orbi pro Constitutionibus Apostolorum obtrudere, iisque adfingere voces exiliter & dure ubi de mysteriis fidei loquuntur. De conjugio non est æquior sententia constitutionum. lib. 3. c. 2. *Tertium conjugium intemperantia signum esse ajunt, quartum vero conjugium & deinceps manifestam esse scortationem & indubitatam impudicitiam.* Mitior non verior de fornicatione lib. 8. c. 38. edit. Bovii & Lamb. Gruteri. *Pellex infidelis ancilla, soli domino obsequens recipiatur, si cum aliis intemperans fuerit rejiciatur.* Quæ Bovius, similis suis Apostolis aut Impostoribus hæc scribentibus his excusat. *Cum Ancilla sui corporis potestatem non habeat, merito culpa non in eam, sed in dominum est rejicienda.* Quod si Josepho olim istiusmodi interpretis legis divinæ adfuissent, potuisset & ille Dominae morem gere-re impune, quia ejus servus erat, & culpam in eam conjicere. In baptismo lib. 3. c. 15. 16. & 17. lib. 7. c. 23. præter aquam oleum etiam requirunt, & post baptismum Chrismate inungi præcipiunt, quod nec ab Apostolis constitutum, nec apostolici seculi est, & nisi addita sint hæc. lib. 7. c. 45. *Baptizatum in solam aquam descendere dicunt, ut Judæum & corporis tantum non etiam animæ sordes*



*des deponere.* Neque etiam apostolici seculi est, infantibus seu pueris dare Eucharistiam, sed seculi tertii & sequentium, uti nec illa frequens distinctio Episcoporum & Presbyterorum, *lib. 2. c. 25. lib. 3. c. 11. lib. 8. c. 28. & c. 46.* qui Apostolis unius officii nomina sunt, seculo demum tertio, secundum Blondellum, distincta. Inaudita etiam tempore Apostolorum, Subdiaconorum, Acolythorum, Exorcistarum, Lectorum, Ostiariorum, voces & officia, quæ passim occurrunt in constitutionibus istis. Inaudita potestas illa quam passim tribuunt Episcopis. *l. 2. c. 11. & 12. & 14. & 20. & 26. 28. 30. & 52.* tributa *lib. 2. c. 34.* & decimæ *ibid. & c. 35.* De conjugio Personarum Ecclesiasticarum, quod non liceat Episcopis & Presbyteris, si jam sint ordinati & in ministerio ducere uxores, neque ad secunda vota migrare: contraria docent veris Apostolicis Constitutionibus in S. Scriptura revelatis *lib. 6. c. 17.* Contra quas inducunt quoque delectum ciborum, *lib. 5. c. 18.* Jejunia statuta. *lib. 5. c. 12. 14. 19, 20. lib. 7. c. 24.* festos dies. *lib. 5. c. 12. c. 17. c. 19. c. 20. lib. 8. c. 33.* Sabbati & Dominicæ celebrationem *d. lib. 8. c. 33. lib. 7. c. 24.* Jejunium ante baptismum *lib. 7. c. 23.* precationem versus orientem baptizati: quæ ceremonia

est quarti seculi, teste Cyrillo, non Apostolici. *lib. 7. c. 46. & lib. 2. c. 57.* Porro Catechumenorum, & pœnitentium ritus, qui seculo tertio & quarto demum cogniti in Ecclesia & politi, satis probant mentiri constitutiones istas Apostolorum nomina & ætatem: vid. eas *lib. 8. cap. 6.* Absurdum est, quod prohibent fidei etiam domi cum catechumeno precari. *lib. 8. c. 34. fin.* Baptizari statim eum qui imprudenter eucharistiam gustavit, *lib. 5. c. 19. lib. 7. c. 26.* Ridicula quæ mandantur in celebratione Eucharistiæ, *lib. 8. cap. 12.* Duo Diaconi ex utraque parte altaris teneant flabella ex tenuibus membranis, aut ex pennis pavonis, aut ex lintheo, ut parva animalia volitantia abigant, ne in pocula incidant. Otiosorum hominum, non Apostolorum est, hasce minutias sectari, ut & tam operose præscribere formam Basilicarum *lib. 2. c. 57.* Falsum & contra historiæ veritatem in Actis Apostolicis proditam est, quando septē diaconi Hierosolymæ, una cum Paulo Apostolo congregati finguntur *lib. 8. c. 4.* ad scribendas istas constitutiones; cum jam Stephanus ante Pauli Apostolatū fuerit sublatus; quem stupidus ille Impostor in eodem hoc libro ante scriptionem constitutionum harum pro Christo vitam impendisse memorat, vide *c. 46. adde lib. 5. c. 7. & lib.*

*lib. 8. c. 33.* Ejusdem commatis est, quod Jacobum Zebedæi filium, Johannis fratrem ab Herode gladio *act. 12. v. 2.* sublatum, septennio post mortem fingat interesse concilio Hierosolymitano *Act. 15.* & historiam narrare. *lib. 6. c. 22.* quem *lib. 5. c. 7.* inter Martyres recensuerat. Item per Clementem Romanum Episcopum missas istas constitutiones, qui certe ante mortem Jacobi anno Christi 44. non potuit esse conversus. Lepidissimum porro est id, & ad risum excitandum aptissimum, quod *lib. 2. c. 57.* de libris suis legendis ita præcipiunt Apostoli, *Deinde acta nostra legantur, item Epistola Pauli cooperarii nostri, & postea Diaconus aut Presbyter legat, quæ ego Matthæus & Johannes tradidimus vobis, & quæ Pauli cooperarii Marcus & Lucas acceperunt & reliquerunt vobis.* Cum Euangelium Johannis demum post ejus revocationem ex Pathmo, id est annum domini 97. sit scriptum; quo tempore omnes fere Apostoli fati concesserant. Hujus est quoque farinae, quando *lib. 6. c. 6.* mentionem faciunt *Ebionæorum*, qui secundum Epiphanium *Hæres. 30. §. 2.* & Baron. *a. 74. §. 6.* post excidium Hierosolymæ cœperunt, quo tempore non modo Jacobum, sed & Petrum & Paulum, itemque alios ex Apostolis vita excessisse cuncti consentiunt;

qui tamen finguntur hasce Constitutiones scribere. *Lib. 7. c. 48.* narrant se Jacobo in Hierosolymitano Episcopatu Simeonem Cleopæ suffecisse, qui secundum Halloixium in *notis ad vitam Ignat. c. 2.* post Clementem nostrum vixit; qui tamen fingitur hisce constituentibus adfuisse. *Lib. 6. c. 8.* mentionem faciunt hæreticorum *Marci, Basilidis & Saturnili*, quos ex Irenæo sci-  
mus post Clementis & Apostolorum mor-  
tem exortos esse. vid. eum *lib. 3. c. 3. ad-*  
*vers. hæres. & Euseb. lib. 4. H. E. cap. 6. edit.*  
*Gr. & in Chron.* in quo a. 136. Basilidem ex-  
hibet; cui concinunt Theodoret. *lib. 1. hæ-*  
*ret. fabul. c. 2.* & Clemens Alexand. *Stro-*  
*mat. lib. 7.* Adducunt etiam ad probandam  
resurrectionem versus decem Sibyllinos. *lib.*  
*5. c. 6.* cum opera Sibyllina sub Antonino Pio  
& Marco Aurelio, xxx. vel xl. annis post  
mortem omniurn Apostolorum ficta demum  
sint, & in lucem edita. *Lib. 6. c. 24.* Roma-  
nos in Deum credidisse, & à Deorum multitu-  
dine atque injustitia discessisse dicunt, quod non  
ante Imperium Constantini, seculo quarto  
factum. His adde testimonia librorum A-  
pocryphorum eorumque laudes, Susannæ  
*lib. 2. c. 51.* Judithæ. *lib. 3. c. 17.* Baruchi.  
*lib. 5. c. 2.* Ecclesiastici. *lib. 4. c. 11.* quod  
veros Apostolos non fecisse constat: item  
falsam

falsam Etymologiam & significationem vocis Israel ὁ ὀπών Ισραὴλ. *lib. 7. c. 37. & lib. 8. c. 15.* & contra eam Hieronym. *tradit. Hebr. in Genes. c. 32. tom. 3. mihi pag. 220. editionis Froben. Basil. 1553.* Falsa est adsertio *lib. 6. c. 7.* de Philippo Apostolo, qui fuit tantum Diaconus; ut & de Jacobo Domini Fratre, cui apostolatum abrogant, & Episcopum Hierosolymitanum ordinatum à se dicunt. *lib. 6. c. 14. & 12. lib. 8. c. 4. lib. 7. c. 48.* contra quod vid. Bellarm. *de script. Eccles. in Clement. & Baron. ad ann. 44. §. 36. & 37.* Porro falsum quod Mariam Lazari sororem faciant diversam à Maria Magdalena *lib. 3. c. 6.* contra quod insurgit Baron. *ad ann. 32. §. 19.* & Bellarm. *l. c.* Falsum etiam quod *l. 6. c. 24.* adserunt vetare *Mosen Judæos Aram extra Hierosolymam collocare, & legem extra Judææ terminos legere.* & *lib. 5. c. 20.* Judæos Baruchū legere consuevisse. Falsa item est citatio *lib. 6. c. 2.* ubi Α' Εδαδων citant, qui *2. Sam. 20. v. 1.* Schebah dicitur: quod hausisse videtur Falsarius ille ex Pseudignatii Epistola ad Masuesianos. Ex quibus omnibus affatim patet, non esse has Constitutiones Apostolorum. Non esse quoque à Clemente Episcopo Romano scriptas, primo patet ex ipsis constitutionibus, quæ eas non à Clemente, sed ab ipsis Apostolis scriptas dicunt,

116. Non  
sunt scri-  
ptæ à Cle-  
mente.



dicunt, Clementis vero tamquam portitoris vel ministri, qui ad Episcopos & Ecclesias deferat, meminerunt. vid. eas *lib. 6. c. 14. lib. 8. c. 4. & lib. 6. c. 18.* Epiphanius etiam, qui, ut supra dictum, sæpius meminit *Ἀποστόλων* & *Ἀποστόλων*, nunquam tamen eas Clementinas vocat, aut Clementi adscriptas refert, sed simpliciter aut *Ἀποστόλων Ἀποστόλεις*, vel singulari numero *Ἀποστολὴν* appellat. vid. eum *Hæres. 80. §. 7. Hæres. 70. §. 10. & Hæres. 75. §. 6. Hæres. 45. §. 2.* Neque etiam Athanasii & Eusebii *Ἀποστολὴ τῶν Ἀποστόλων* ullibi adscribitur Clementi. Itaque non immerito dubitat Dalæus, an non illa *Ἀποστολὴ* addita fuerint titulo ab alia manu; temporibus Trullani Concilii Constantinopolitani, videntur jam habuisse id nomen; in ejus enim *Canone secundo* eas Patres vocant *παῖς τῶν Ἀποστόλων Ἀποστολὴ & Ἀποστόλεις*. Neque negligenda hic nobis ejusdem Dalæi conjectura, *lib. 1. cap. ult. Pseudepigraphῶν Apost.* ex antiquis Constitutionibus Apostolorum, Epiphanii temporibus notis, & *Ἀποστολὴ τῶν Ἀποστόλων* Athanasio & Eusebio memoratis, hoc quod Bovius opus propinavit forte potuisse esse consarcinatum, & majoris auctoritatis causa Clementi inscriptum. Verum hæc tantum conjectura est. Id majori attentione

rentione dignum; quod libro secundo latissime & solidissime probat, neque ipsi Clementi, cui adfinguntur cognitae fuisse ex ejus genuina epistola; neque postea Justino Martyri & Philosopho, neque Athenagoræ, neque Irenæo, neque Clementi Alexandrino, Tertulliano, Origeni, Cypriano, Dionysio vel Petro Alexandrinis, neque Patribus Eliberitani, aut Nicæni concilii quidquam de his innotuisse, neque Arrianos aut Catholicos quarti seculi, neque Laodiceos Patres, neque Basilium, neque quinto seculo nisi decurrente Græcos vel Latinos, eorum notitiam habuisse: sequentibus autem seculis apud Latinos usque ad undecimum, imo ante Bovii editionem vix innotuisse, nunquam receptas fuisse. Si quis conjecturæ tamen locus ex ritibus tertii, quarti & quinti seculi, qui in iis obvii, censet Dalæus in fine seculi quinti esse scriptas & suppositas, non post quintum, quia quæ post id seculum recenter sunt inducta, non memorantur in iis: nil de imaginibus & reliquis ritibus inventis. Ab hac sententia non abludere videtur, quod eodem tempore quo scriptæ propter multas absurditates in nativitate quasi oppressæ videantur, à Gelasio & 70. Episcopis in concilio Romano, in quo damnatæ, inter apocrypha relatæ tamdiu delituerunt, donec

117. Non notæ patribus trium primorum seculorum.

118 Vix notæ Latinis usque ad Bovii editionem.

119. Conjectura de tempore scriptis & suppositionis.

120. Unde  
haufit.

donec iterum in lucem à Bovio revocarentur. Materiam impostor inficetus ex scriptura, Ecclesiasticis ritibus & disciplina, suo tempore usitata, tum etiam libris quibusdam ritualibus, veluti Epiphanii tempore notis Constitutionibus Apostolicis, & doctrina Apostolorum Athanasio & Eusebio memorata forte haufit, & stultissime digessit. Quod eo magis probabile, saltem de Constitutionibus Apostolorum, quia & ab iis titulum mutuatus videtur, & quædam quæ Epiphanius ex iis recenset, hodie in Bovianis constitutionibus leguntur; quædam vero, ut supra quoque dictum, non comparent. Hæreticum & Arriana labe infectum fuisse harum constitutionum scriptorẽ, ex iis satis superque colligi potest, quæ de filii & Spiritus sancti persona ex eo in medium produximus. Rectissime itaque suam crisin Magnus Dalæus hisce finit, *vix ullum aliud esse opus Apocryphum quod sic undique ab omni parte laboret, ut Boviana Αγαθής*. Hanc etiam causam esse arbitror, quare in editione conciliorum anni 1636. Parisiis facta Constitutiones hæ Pseudapostolicæ penitus ex opere isto exturbatæ sint. Ex quibus, hætenus disputatis, judicare lector poterit, quid de judicio Cardinalis Bonæ sit statuendum, & quo id loco habendum, quod ille, ut suam fulciret

121. Cardinalis Bonæ  
judicium  
rejectum  
de Constit.  
Pseudapostolicis.

fulciret Missam Pseudoclementinam, de hisce Constitutionibus Pseudapostolicis, in lib. I. *liturgicōv cap. 8. §. 4. pag. mihi 52. edit. Parisiens.* prodidit. Recenseri item, inquit, potest inter Apostolicas sancti Clementis Romani Liturgia in Libro Constitutionum descripta & ab Apostolis accepta, ut ille ait, à qua paucis me expediam. Testimonium de illa perhibet Proclus initio tract. *de traditione Missæ*, asserens B. Clementem Apostolis dictantibus eam edidisse: cujus sententiæ adhærent Baronius anno 102. num. 23. Bellarminus *lib. de Scriptorib. Ecclesiasticis*, & alii, qui eam legitimam esse purant, sed auctam à successoribus. Sicut enim formulam Symboli ab Apostolis traditam Patres deinde auxerunt, ut fidei mysteria clarius exprimerent; ita Liturgiæ ab illis prout ferebant tempora contextæ, ab aliis postea amplificatæ fuerunt. Alii tamen non infimi subsellii scriptores, qui negant Clementem apostolicarum Constitutionum auctorem esse, ab eo consequenter Missam abjudicant, quæ pars illarum notabilis est. Photius Cod. 112. tria capita ipsis Constitutionibus opponi ait, sed quæ facile dilui possint. Epiphanius hæresi 70. num. 10. citat Librum Constitutionum Apostolicarum, tum ait: *Qui Liber tamen si dubia apud nonnullos*

nonnullos fidei sit , non est tamen improbandus ;  
Nam in eo quæ ad Ecclesiæ disciplinam attinent  
omnia comprehenduntur ; neque quidquam aut  
in fide ac Catholica professione depravatum , aut  
Ecclesiæ administrationi ac decretis contrarium  
continet. Sed has Constitutiones quas Epi-  
phanius citat , diversas videri ab his quæ  
octo libris comprehensæ circumferuntur ,  
observat Petavius in suis animadversioni-  
bus : quædam enim illarum sententiæ ab  
Epiphanio citatæ in vulgatis non extant.  
At hæc Petavii conjectura est , qua non  
obstante haud improbabile existimo easdem  
esse , sed interpolatas , & aliquibus in locis  
vel librariorum incuria , vel hæreticorum  
fraude depravatas. Quidam putant ad eas  
alludere Dionysium Alexandrinum in epi-  
stola quam refert Eusebius lib. 7. cap. 7. in  
qua nihil prorsus deprehendo , quod ad  
Clementem referri possit. Quicquid autem  
sit de Auctore harum Constitutionum , cer-  
tum apud omnes & exploratum nunc est ,  
quod si ab Apostolis immediate dictatæ non  
fuerunt , Concilio tamen Nicæno antiquio-  
res sunt , & his continetur disciplina Eccle-  
siastica , qua Orientalis Ecclesia sub Ethni-  
cis Imperatoribus ante Magnum Constan-  
tinum regebatur , ut Vir eruditissimus Joan-  
nes Morinus docet *Parte 2. de sacris Ordinat.*

pag. 20.



pag. 20. Cui adstipulatur Joannes Fronto in prænотatis ad Kalendarium Romanum §. 5. Petrus item de Marca *lib. 3. Concordiæ cap. 2.* ejus libri Auctorem saltem sæculo tertio floruisse ait, idque omnibus hodie persuasum esse. Est igitur Missa Clementis antiquissima, ejusque testimonio sæpius utar, si non præcise ut ab Apostolis editæ, & à successoribus auctæ, quod valde probabile est, saltem ut à Patribus secundi vel tertii sæculi usurpatæ. Hæc ille. Oscitanter inspectas Constitutiones oportet esse à Cardinale, qui ait, Clementem dicere in Constitutionibus istis Pseudapostolicis, se liturgiam ab Apostolis accepisse, quod ille in toto opere non scribit. Sed paucissima tantum verba hæc. *lib. 8. c. 46.* profatur. *Et ego Clemens: constitutus sum ab Apostolis Episcopus.* Ubi autem Clementis fit mentio, ea tanquam de ministro fit, ut supra dictum. vid. *lib. 6. cap. 18. const. Pseud-Apost.* Sed his diutius non est opus immorari, quia alii sufficienter probarunt omnes istas liturgias veteres esse aut suppositas, aut saltem depravatas, quod posterius vel ipse Bona, de sua Clementis Liturgia fatetur. Ut possit itaque jactata hæc alicujus auctoritatis esse, accessiones tolli primum debent, & probari quæ sint genuina; quod Cardinalis Bona non magis in hac

h                      Clemen-

Clementis, quam in aliis liturgiis ipse vel quisquam alius unquam facere poterit. Iis vero quæ adfert de interpolatione istarum Constitutionum, opponimus ea quæ in eadem materia contra Trullanos Patres, easdem interpolatas & depravatas adferentes solidissime disseruit, sapius jam laudatus D: Dalæus in *Pseudepig. Apost. lib. 2. cap. 15.* & iis quæ ille de ætate harum Constitutionum profert, quasi Concilio Nicæno sint antiquiores, eundem *lib. eod. capitib. octo prioribus*, & quæ jam disputata sunt. Nunc ad Canones Apostolorum, ut vocantur, transimus. Sunt hi pars libri octavi Constitutionum Pseudapostolicarum secundum Turrianum *cap. 1. pro Canonib. Apost. contra Magdeburg.* in cuius editione, post ultima capitis XLVI. verba, sequuntur, *Canones Ecclesiastici*, ut ibidem vocantur, illi qui vulgo appellantur Apostolorum; quod & videtur firmare canon eorum ultimus, ubi ipsi Apostoli ita ad Episcopos se convertunt. *Hæc vobis, Episcopi, constituimus &c.* Inde forte totum opus hoc Constitutionum Apostolicarum *Auctor Operis imperfecti in Mattheum*, antiquus quidem sed tamen hæreticus, vocat *Libros Canonum Apostolorum*, & citat librum octavum *Homil. 53.* cuius citata inveniuntur libri 8. *const. cap. 2.* Hoc si verum,

122. Canones  
Apostolorum  
pars constitutionum  
Pseudapostolicarum  
sunt, juxta quosdam.

rum, quod anterioris operis, latissime refutati, partem faciant, hi canones; non opus foret, pluribus contra eos exprefso agere: sed videtur verius & probabile magis Impoftorem quendam canones & constitutiones, duo diverfa opera combinasse, & novos quosdam iis addidisse, quod vel istud solum evincere potest, quod ea quæ in canonibus leguntur, pleraque in ipsis constitutionibus fusissime inveniuntur. Adde, quod canon ultimus Pseudapostolicus etiam satis indicet esse diversum opus illud canonum à Constitutionibus Pseudapostolicis, & quod Gelafius in *c. sancta Romana. dist. 15.* distinguat hæc duo opera. Item Photius in *Bibliotheca Cod. 112. & 113.* Quare, & quia hi canones magis adhuc, quam præcedentes Constitutiones Apostolicæ, ad Historiam nostram Juris Ecclesiastici facere videntur, & quia jam à multis retro seculis, collectionibus Juris Ecclesiastici additi sunt, opus ut seorsim eos examinemus. Diversæ sunt hic quoque Doctorum sententiæ. Turrianus homo ferrei stomachi, & æneæ frontis in propugnandis apocryphis singulari volumine eos defendit contra Magdenburgenses Centuriatores, & omnes pro Apostolicis habet. Quem sequitur Lambertus Gruterus, in sua Clementis Romani opere

h 2 rum

123. Verius autem & probabilius videtur, Impostorem hos canones sua farragini inseruisse.

124. Sententiæ Doctorum de Canonibus dictis Apostolicis.

125. De  
scriptore  
eorum.

rum editione, *qua prodiit Colon. anno 1576.* Baronius, *ad An. 102. § 14.* & Bellarmin. *de Script. Eccles. in Clemente*, quinquaginta pro genuinis agnoscunt, cæteros xxxv. vel secundum alios xxxiv. repudiant. Hisce subscribit Possevinus *in apparatu. verb. Clements.* & Binius quoq; ita tamen ut & cæteri, excepto lxxv. & ultimo per eum inter authenticos haberi jure meritoque possint. vid. *ejus not. in tit. Can. Apost. tom. I. concil.* & miraberis judicium, quod eodem halitu probet eos canones, & à Gelasio Papa inter apocrypha relatos confitetur. Apostolis certo adscribere nemo audet, Baronius l. cit. *Incertum esse*, ait, *ab ipsis Apostolis esse conscriptos*, neque id ipsum, *Turrianum contendere.* Qui diserte id negat. *tract. pro iis in princ.* Quis, inquit, *unquam ex Catholicis scriptos ab Apostolis dixit.* Postea tamen à Clemente omnes scriptos contendit, & quidem impudentissime fingit ab Apostolis post decretum de legalibus factum Hierosolymæ constitutos, à Clemente exceptos, idq; anno Christi xlv. Claudii VI. P. Valerio Asiatico II. Cos. Binius, incertum relinquit, quis quinquaginta priores scripserit, quos maxime pro certis & indubitatis habent, hos *traditione Apostolica vult ad nos dimanasse.* De cæteris dubitat, *an sint ex Apostolorum Canonum Codice*  
à Pon-

à Pontificibus conciliis ac Patribus accepti, an potius ex ipsorum sententiis in hunc Codicem translatis. Aliud est Judicium de auctoritate, nomine & auctoribus Gabrielis Albaspinæi lib. 1. observat. c. 15. ubi pro imperitis habet, qui canones istos Apostolorum auctoritate sancitos publicatosve certo adfirmant. Tum Ab antiquitate eos Apostolicos appellatos esse existimant. Nam, addit, cum eorum aliquot ab Apostolorum successoribus, qui teste Tertulliano de Prescriptionibus Apostolici Viri nominabantur, facti essent, Apostolicorum primum canones; deinde nonnullorum Latinorum ignorantia aliquot literarum detractio, Apostolorum dicti sunt. Et apud Græcos quoque res ita processisse videtur. Aucti sunt postea, cum adjecti essent, & eodem volumine comprehensi Græcæ Ecclesiæ canones. Græci hos canones, non priores quinquaginta tantum, sed & posteriores triginta quinque jam ultra mille & quod excurrit annos, habuerunt pro apostolicis.

126. Græcorum sententia.

Patet id ex Canone 2. Synodi Constantinopolitane in Trullo, seculo septimo decurrente habitæ. Cujus verba hæc sunt. Εἰδοξε καὶ τὸ τῇ ἁγίᾳ ταύτῃ συνόδῳ καλῶσαι τε καὶ συνδαιότατα, ὥστε μὴ εἶναι καὶ διὰ τὸ νῦν βεβαίως καὶ ἀσφαλῆς πρὸς ψυχῶν θέρσιν, καὶ ἰατρῆαν παθῶν τὰς ἐπὶ τῶν πρὸς ἡμῶν ἁγίων καὶ ἐνδόξων Ἀποστόλων οὐδεμίαν πεντε κανόνα.



127. Novella 6.  
Just. explicata de  
canonibus A-  
post.

Hoc quoque huic sanctæ synodo pulcherrime & honestissime placuit, ut deinceps ad animarum medelam & perturbationum curationem firmi stabilesque maneant, qui ab iis qui nos præcesserunt, Sanctis & gloriosis Apostolis traditi sunt octuaginta quinque canones. Ipse etiam Justinianus Imperator noster in Constitutione ad Epiphanium Patriarcham Constantinopol. hisce canonibus perhibet testimonium luculentum Novell. 6. quæ etiam refertur in princ. nomocanon. Joh. Scholastici. Καλῶς δὲ αὖν ἅπαντα πράττοιτο, καὶ προσκύνωντας, εἴτερ ἢ τῷ πράγματι & δόξῃ γένοιτο πρέπασαι καὶ φίλη θεῷ. τὸ το δὲ ἐσεσθαι πισδύομεν, εἴτερ ἢ τῶν ἱερῶν κανόνων παρὰ τήρησις φυλάττοιτο, ἢ οἱ τε δικαίως ὑμνεύμενοι καὶ προσκυνησέμενοι, καὶ αὐτόπται καὶ ὑπὸ τῆς τοῦ θεοῦ λόγου παρὰ δεδωκάσιν δόξασοι, καὶ οἱ ἄγιοι πατέρες ἐφυλάξαντό τε, καὶ ὑφηγήσαντο. Recte, inquit, atque congruenter omnia agerentur, si ipsum rei initium gratum Deo esset, quod quidem certe futurum credimus, si sacri illi canones. (vulgatus interpres habet regulas) diligenter observentur, quos nunquam satis laudati, adorationeque digni, & qui ipsi filium Dei conspexerunt, illique ministrarunt Apostoli nobis reliquerunt, ac sancti Patres custodiverunt & interpretati sunt. Intelligi autem hic Canones Apostolorum octuaginta quinque à Justiniano Doctissimus Usserius

Usserius *dissert. ad Ignat. cap. 6. pag. 37. & seq.* evincere conatur. Primo quod totidem in Nomocanone ab ipso Justiniano confirmatum, & eidem Epiphanio commendatum relatos fuisse fides sit ex Arabico illius Codicis interprete, qui in Oxoniensi bibliotheca habetur, à Thoma Roe, ex Oriente allatus, & donatus. Deinde quia idem numerus à Johanne Scholastico, de quo postea, relatus est in ejus Nomocanone, qui vixit sub Justiniano, quam causam esse arbitror quare in corpus nostrum juris relati sint hi Canones Apostolici, non tamen suo loco: vel enim post hanc Novellam sextam, ut Codex canonum Ecclesiæ Catholicæ post Novellam 131. vel saltem post novellas Justiniani Constitutiones collocari debuissent, non in fine ante consuetudines feudales. Tanti hos fecit Johannes Damascenus, quod nullus Græcorum ausus est, ut *lib. 4. c. 18.* de orthodoxa fide eos retulêrit in canonem sacræ Scripturæ. Ita enim ille. Παύλος Ἀποστόλος Ἐπιστολαὶ δεκάτεσσαρες, Ἀποκαλύψις Ἰωάννης εὐαγγελιστῆς. Κανόνες τῶν ἁγίων Ἀποστόλων διὰ κλήμηντος. *Pauli Apostoli Epistola quatuordecim, Apocalypsis Johannis Evangelistæ. Canones sanctorum Apostolorum per Clementem.* Hujus singulare est judicium, ut & Photii, qui unus fere

128. Canon-  
nes apostolici  
pars  
corporis  
juris.

Græcorum, quantum quidem nobis com-  
pertum est, quosdam de hisce canonibus  
dubitasse scribit, in *Prolegomenis Nomocano-*  
*nis sui* in principio fere, quæ nunc ex Bi-  
bliotheca Justelli edidit Filius, in *Biblio-*  
*theca juris Canonici veteris. Tom. 2. p. 790.*  
*ὡς δὲ τὰς λεγομένας τῶν ἁγίων Ἀποστόλων, εἰ*  
*καὶ πνὲς αὐτὰς ἀμφιβόλους διὰ πνὰς αἰτίας*  
*ἤγισαντο.* Nec non (digessimus) etiam eos ca-  
nones, qui sanctorum Apostolorum esse dicuntur.  
Quamvis nonnulli quibusdam causis moti, pro-  
dubiis eos habuerint. Quos ille putet, qui du-  
bitaverint de hisce canonibus, incertum est.  
Putat Dalæus eum forte intelligere Latinos;  
quod non est necesse, quia ex Græcis aliqui  
& forte ipse Photius, librorum censor ac-  
curatissimus dubitavit. Latinis tantum co-  
gniti canones quinquaginta, quod satis pa-  
tet ex Dionysii Exigui versione, qui pri-  
mus, ut supra ex ejus Præfatione indica-  
tum, quinquaginta Canones Apostolicos  
suz versione præmisit, & tot agnoscit quo-  
que codex Romanæ Ecclesiæ Moguntiæ &  
Parisiis editus, qui fere idem cum Dionysii  
Codice, exceptis quibusdam, quæ supra  
sunt indicata. Idem confirmat c. *Clementis*  
*dist. 16.* quod falso inscribit Gratianus Leo-  
ni IX. cum sit Humberti Cardinalis; de quo  
vid. Ant. August. lib. 1. dial. 6. a. pag. 98.  
nostra

119. Lati-  
norum sen-  
tentia de  
canonibus  
Apostoli-  
cis.

*nostra edit. & seqq.* Neque plures Isidorus Mercator, Impostor ille, suæ collectioni inseruit; Hi quinquaginta qui Latinis noti fuerunt, apud eos non ejusdem fuerunt auctoritatis, qua apud Græcos: nullo apud eos, ut Græcos concilio sanciti aut recepti, sed manifeste jam seculo quinto exeunte à Gelasio & 70. Episcopis reprobatu & inter Apocrypha relati *c. sancta Romana. dist. 15.* Cui concinit Isidorus Hispalensis, qui seculi septimi anno 39. vita functus est, relatus à Gratiano in *c. Canones. dist. 16.* Canones qui dicuntur *Apostolorum*, seu quia eosdem nec sedes apostolica recepit, nec sancti Patres illis ad sensum præbuerunt, pro eo quod ab hæreticis sub nomine *Apostolorum* compositi dignoscuntur, quamvis in eis utilia inveniantur: tamen ab auctoritate canonica atque Apostolica eorum gesta placet esse remota, atque inter Apocrypha deputata. Quem Isidorum dubie separant ab Isidoro Mercatore in notis Emendatores Gratiani, qui in eadem distinctione *c. placuit* contraria dicit; quod mascule facit l.c. Anton. Augustinus noster, quem vide. Notabile est hoc Isidori testimonium, quo adempta est omnis auctoritas hisce canonibus Pseudapostolicis. Quos enim Turrianus, ab Apostolis conditos, à Clemente scriptos mentitur, ille ab hæreticis sub nomine *Apostolorum*

130. Auctoritas apud Latinos non eadem quæ apud Græcos.

*lorum compositos dicit. Quos ille receptos persuadere conatur, Isidorus, receptos vel à Patribus probatos negat; quos ille pro legitimis & Ecclesiasticis obtrudit, hos Isidorus, inter Apocrypha deputatos & ab auctoritate Canonica, atque Apostolica remotos fuisse, adserit. Quod certum indicium seculi septimi principio, non fuisse alicujus apud Latinos auctoritatis hos canones Pseudapostolicos, quare etiam Ferrandus Diaconus Carthag. qui eodem tempore fere, quo Dionysius Exiguus vixit, suum Breviarium canonum scripsit, eos suæ digestionis non inseruit. Agnovit hoc quoque Dionysius Exiguus, qui idcirco hæc præfationi supra relatæ inseruit; In principio itaque canones QUI DICUNTUR, Apostolorum de Græco transtulimus, quibus quia PLURIMI CONSENSUM NON PRÆBUERE FACILEM, hoc ipsum vestram nolimus ignorare sanctitatem; quamvis postea constituta Pontificum ex ipsis canonibus adsumta esse videantur. Quibus suam versionem videtur voluisse mitigare & munire, cum sciret non ita diu à Gelasio damnatos esse hos canones, & ut conciliaret quondam iis auctoritatem subjecisse: postea Constituta Pontificum ex ipsis canonibus adsumta videri. In quo certe non omnino falsus fuit, posterius enim, quanquam semper cum odii cujusdam contestatione*



testatione & timide, eos admiserint, & aliquo loco habuerint, nunquam tamen tanti æstimarunt, ut quod inscriptio cantat pro Apostolicis reputaverint. Ex his patent fata horum canonum apud Latinos. Nempe primo inter apocrypha relatos esse à Gelasio, mox à Dionysio Exiguo verfos, & canonibus conciliorum additos, attamen adhuc, ut constat ex Isidoro supra relato, reprobatos esse; donec tandem à Leone IV. seculo nono medio admitterentur. Turrianus ut Gelasii auctoritatem eluderet, homo in fabulis comminiscendis major Æsopo fabulatore celeberrimo, fingit sine ulla antiqui testis auctoritate, canones Apostolicos à Priscillianistis suppositos, eosque damnare Gelasium. Isidori auctoritatem foedissima ignorantia eludere conatur, opponendo Isidorum Isidoro in *cap. 1. & 4. dist. 16.* tanquam eundem; quos tamen recte Antonius Augustinus noster ut *supr. monstratū*, agnoscit esse diversos, unum Hispalensem, & alterum Mercatorem. Vide accuratissime Turriani commenta resellentem Dalæum in *Pseudepigr. Apostol. lib. 3. cap. 3. pag. 442. & multis seqq.* Aliter enervat auctoritatem Gelasii Bellarminus, *de Script. Eccles.* qui cum Humberto seculi undecimi mediū scriptore & legato Pontificis, agnoscit

agnoscit quinquaginta genuinos; triginta quinque spurios, & de posterioribus vult loqui Gelasium. Sed hoc commentum ipse Gelasius in *d. c. sancta Romana. dist. 15.* inspectus abunde refellit; qui totum librum Canonum Apostolorum inter Apocrypha refert, nullos genuinos aut priores, à spuris & posterioribus distinguit. Deinde etiam Dionysius Exiguus, qui eodem fere cum Gelasio tempore vixit, & quinquaginta canones Codici canonum primus adjunxit, ille de his quinquaginta dicit; *plurimos his consensum facilem non praeuisse*; porro ipse Isidorus Mercator, qui etiam quinquaginta tantum conciliis præposuit, *eos à quibusdam Apocryphos dici* scribit. *d. c. 4. dist. 16.* Neque plures quam quinquaginta agnoscit Gratianus *ante. c. 1. dist. 16.* neque plures noti aut compositi fuerunt tempore Gelasii. Certum itaque est hos ab eo & patribus septuaginta fuisse damnatos, cæteri enim xxxv. postea conficti sunt, & à Justiniano Imperatore & Johanne Scholastico in Nomocanonem relati. Quod vel ex eo patet, quod Dionysius non longe post Gelasium vivens, tantum quinquaginta verterit, cæteros certe etiam versurus, si extitissent, quod non obscure agnoscit Baronius ad Ann. 102. §. 11. *qui tantum quinquaginta*

ginta reperisse Dionysium Exiguum ingenue refert, & confitetur hos quinquaginta canones à Gelasio inter apocryphos esse relatos; Sed alio effugio, ejus damnationem evitare, aut interpretari conatur. Ea, inquit, ratione, canones isti, quod cum Apostolorum nomine censerentur non essent in Canone librorum Novi Testamenti, merito sunt Apocryphorum censura signati; Quod vero à sanctis Patribus, privatim & à sacris Synodis publice sunt recepti, merito authentici dici debent. Sed & hoc commentum abscondendæ vel obvelandæ veritatis causa fictum, ipsum decretum Gelasii satis refellit, quod prima parte præter scripturas sacras recenset etiam ea scripta, quibus Ecclesia Catholica uteretur, sed infra sacra Scripturæ auctoritatem. Posteriori vero parte enumerat scripta, quæ repudiata sunt, iisque diserte accenset Librum Canonum Apostolorum, adeoque nec sacris, nec Ecclesiasticis libris annumerari vult eos; imo quod magis est ipse Gelasius accenset libris quæ ab hæreticis sive scismaticis conscripti, vel prædicati sunt, quos nullatenus recipit Catholica & Apostolica Ecclesia; è quibus pauca, quæ ad memoriam venerunt, & à Catholicis vitanda sunt, credit esse subdenda. Post recensionem istorum librorum, & inter hos canonum Apostolicorum subdit. Hac & cetera  
his

*his similia, quæ Simon Magus, &c. nec non & omnes hæretici eorumque discipuli, sive scismatici docuerunt, vel conscripserunt, quorum nomina minime retinentur, non solum repudiata, verum etiam ab omni Romana Catholica & Apostolica Ecclesia eliminata atque cum suis auctoribus auctorumque sequacibus sub anathematis indissolubili vinculo in æternum confitemur esse damnata. Ejusmodi vero libros Baronius nobis pro Ecclesiasticis obtrudere conatur, quos diserte Gelasius in æternum damnatos dicit, & cum aliis pessimæ notæ libris apocryphis accenset; quæ sola vox apocryphi Baronii fucum eludit & eliminat, concinente vel ipso Bellarmino, lib. 1. de verb. Dei. c. 20. cujus verba rei præsentī aptissima recensebo. Interdum vocant apocryphos libros eos, qui errores admixtos habent. Sic utitur hac voce Origenes homil. 1. in Cantic. Hieronymus in Epistola ad letam de institutione filie, & Augustinus lib. 15. de civit. Dei. c. 23. Quam significationem secutus Gelasius, in decreto de libris Ecclesiasticis, eos libros vocat Apocryphos, qui sunt editi ab auctoribus hæreticis, vel certe suspectis. Neque quidquam Turrianum juvare potest figmentum, quasi ipse Gelasius multa ex hoc Apostolicorum canonum libro laudet in Epistolis suis, quoniam hoc aperte falsum est, & clarum, quod ille sua vel ex sacris Scripturis,*

pturis, vel ex Concilii Nicæni scitis hauerit, quæ Turrianus impudenter eum ex hoc ab ipso damnato libro adferre fingit. vid. sis Dalæi *Pseudep. Apost. lib. 3. c. 4.* Zepherini Papæ Epistolam summa cum impudentia à Gelasio probatam adserere audet Turrianus, quam infra ab Isidoro Mercatore septem seculis post Zephyrinum confictam demonstrabimus. Verum itaque est de his Canonibus judicium Magni Dalæi. *lib. 3. Pseudepigr. Apost. cap. 4. pag. 479. & seqq.* quod adscribo; Profligatis ergo quacunque ad hunc locum à Turriano, Bellarminoque & Baronio objecta, vel excogitata sunt; firmum ac verum stat Gelasii in Romana 70. episcoporum Synodo decretum, Liber Canonum Apostolicorum apocryphus. Vnde clarum certumque fit primo Dionysium Exiguum quinquaginta Apostolorum Canones à se in Græcis exemplaribus inventos, temere ac inscite & præter disertissimam Episcopi, Conciliique Romani sententiam Ecclesiastico codici primum omnium inseruisse; multo pejus, atque periculosius paulo post peccasse Justinianum, & Joannem ex Scholasticis, qui eundem canonum Apostolicorum librum, & quidem triginta quinque capitulis auctiorem, in publicum Nomocanonem retulerunt; gravissime omnium peccasse Damascenum, qui non modo falsos ac nuperos, sed etiam à Papa & Concilio Romano

*Romano damnatos canones divinis libris per intolerabilem, planeque sacrilegam audaciam exaquavit; peccasse & Trullanos Patres, qui eundem librum firmare & authoritate summa donare non dubitarunt, eodemque in flagitio herere reliquos omnes Græcos, qui hujus Synodi placita sequuntur; errasse postremo Leonem IV. & Nicolaum I. & ceteros Latinos, quotquot Dionysiacæ collectionis specie decepti, adversus sacra canitie veneranda Gelasii & majorum statuta, ac contra luculentissimam Isidori Hispalensis admonitionem, damnatos, qui Apostolorum dicuntur, canones, inter Ecclesiasticas regulas habere ac recensere ausi sunt. Horum omnium quocunque, ac quancunque de cætero sint, authoritatem omnem obterit antiquius Gelasii, Romanaque Synodi decretum; neque ullis posterorum sententiis convalescere possunt, quæ jam tot ante sæculis legitimo, ac canonico, non Romani modo Præsulis, & quidem ejus, qui inter sapientissimos habetur, sed & Romana, & quidem LXX. Episcoporum Synodi, statuto convulsa & ex Ecclesiæ Catholice finibus exterminata fuerunt. Hoc ego Romana veteris Ecclesiæ decretum omnibus recentiorum scitis, ac disputationibus oppono; hoc unum pluris facio, quam & Trullanæ Synodi, & Græcorum omnium canones & psephismata. Neque satis mirari possum degenerem Turriani & aliorum ignaviam, qui in tota hac causa Romani nominis*



nominis dignitate foedissime prodita, unius Scythæ nugæ, & Græcorum levitatem sui Gelasii, sueque Synodi authoritati anteponunt. Ac illis quidem, si moribus, quos jactant, Romanis vere essent, hæc ad contemnendos, & ad Apocrypha relegandos Apostolorum, quotquot dicuntur, Canones, satis esse deberent. Non satis potest mirari degeneres Latinorum animos Dalæus, quod tanquam pro aris & focis propugnent Constitutiones & Canones Pseudapostolicos; ego desino hoc mirari, quando video eos præcipua sua dogmata ex iis confirmare. Constitutiones citat Bellarminus *lib. 1. de clericis. c. 12.* pro antiquitate ordinum Ecclesiasticorum. *lib. 2. de Monach. c. 26.* pro voto continentia. *lib. 1. de purg. cap. 6.* pro oratione pro mortuis *lib. 3. de cultu sanct. cap. 7.* pro aqua lustrali. *lib. 4. c. 4. de Euchar. pro reservatione sacramenti. & cap. 10. ibid. pro mistione vini & aquæ in sacramento Eucharistia. lib. 2. c. 15. de Missa. pro lotionem manuum ante consecrationem. lib. 2. de confir. cap. 3.* pro confirmationis sacramento. Anglo-Remenes citant easdem, ut probent ab Apostolis institutum esse quadragesimæ jejunium, *in annot. ad Luc. 4. 1.* Canones Apostolorum adducuntur fere ab omnibus Pontificiis. Bellarminus canonem primum laudat, *lib. 1. de Cler. cap. 3. & lib. 4.*

131. Causæ quare propugnent posteriores Pontificii Constitutiones & Canones Apostolicos.

*de not. Eccles. cap. 8.* ut probet, Episcopum non nisi à tribus Episcopis ordinandum esse. Canonem item 3. & 4. idem pro ritu altarium, ut probet Missam esse sacrificium propriè dictum. *de Missa. lib. 1. c. 16.* Canon. 12. 13. & 15. pro distinctione Clericorum & Laicorum. *lib. 1. de Cler. c. 1.* Canonem 27. pro cœlibatu ordinibus initiatorum. *ibid. c. 19.* Canon. 48. pro insolubilitate matrimonii quoad vinculum. *de matrim. lib. 1. c. 26.* Canon. 68. pro jejuniis quadragesimali. *lib. 2. c. 14. de bon. operib.* Canon. 2. adducit Stapleton. *relect. contr. 2. q. 4. art. 3.* ut probet Presbyterum ab uno Episcopo esse ordinatum. Canon. 34. pro appellationibus ad Pontificem Romanum. *ibid. contr. 3. q. 7.* Alanus Cardinalis canonem ultimum profert, ad probandam auctoritatem canonicam librorum Machabæorum *lib. de suffragio pro defunct. c. 3.* Alii alios laudant, ut suas quisquilijs colorent; Atque hæc est causa quare hæc Apocryphas delicias ita affectent, ut ex orco, in quem damnatæ sunt à Gelasio & 70. Patribus, revocent, quo fucum multis faciant & novis inventis antiquitatis speciem & faciem concilient. Non abs re itaque erit, larvas paucis detrudere his Apocryphis quoque canonibus; Bellarminus in *Clemente de script. Eccles.* itemque

pro Ca-  
nonibus  
Pseuda-  
postoli-  
cis exa-  
minata;

itemque Possëvinus, laudant pro Canonibus Apostolorum, testimonium Tertulliani in libro adversus Praxeam. Sed utrumque decepit Sixtus Senensis lib. 2. *Bibliothec.*

Tertullianus enim ut jam antea observavit Magnus Ussërius, in *Dissert. de script. Ignatii. cap. 6. pag. 35. & seqq.* neque in libro adversus Praxeam, neque in aliis libris meminit canonum Apostolicorum, aut dicit eos esse nobis per manus Apostolorum traditos, quod Bellarm. & Possëvinus asserunt. Quinimo certum est Tertulliano nullos fuisse istiusmodi canones cognitos, multa enim alias ex eorum auctoritate firmasset, aut aliter quam fecit, decidisset. Falsa quoque est allegata à Sixto & Bellarmino auctoritas Athanasii, vel alijs auctoris synopsis, qui nullibi meminit Canonum Apostolicorum, sed tantum τὰ Κλημύνεια *Clementina* refert inter ea Novi Testamenti, quibus contradicitur cum Petri, Joannisque & Thomæ periodis, sive itinerariis. Per Clementina autem non intelligi posse canones Apostolorum, vel ex eo patet, quod multis demum post Clementem annis sint scripti & congesti, ut postea patebit. Testimonia primorum Urbis Romæ Episcoporum, Anacleti, Alexandri, Julii, Eleutherii, Marcelli, Fabiani, Eusebii, Aniceti, Callixti,

Lucii, Eutychiani, pro Canonibus Apostolicis, nemo cordatus, qui in antiquitate Ecclesiastica non est totus Hospes, etiam ex Pontificiis, pro genuinis habet, sed impudentis seculi noni ineuntis impostoris, quod postea, ubi de Isidoro Mercatore, ejusque collectione nobis sermo erit, pluribus demonstrabimus. Mentitur porro strenue Turrianus, pro Canonibus istis contr. Magdeb. pag. 69. & Binius, in canon. 51. Apost. tom. 1. Bibl. Patr. quando notos & citatos origini dicunt canones istos, lib. 8. & 3. contra Celsum, quia quædam refert, quibus similia leguntur in Canonibus Apostolorum; cum vel pueri sciant nullum legitimum argumentum inde duci posse; mores quidam in usu tertio seculo decurrente, laudati ab origine, inveniuntur quoque in Canonibus Pseudapostolicis, ergo Origini illi fuerunt noti, & ab eo citati. Eodem modo adducit Turrianus quædam ex Cypriano, & synodis quarti seculi, quæ certe si doceret Turrianus patres illos ex Canonibus Apostolicis hausisse, aut hausta dicere, jam probaret, quod sibi adsumserat. Magisque verum, imo forte certum est, quod Impostor ille, qui seculo quinto exeunte (ut probabile est) hos canones Apostolis supposuit, sua ex conciliis aut Patribus, quam Patres aut concilia  
sua

sua ex his canonibus, quos ignorarunt, sumserint. Maxime cum nullibi sua Patres muniant auctoritate Canonum Apostolorum, quod religiosi certe non præteriissent, si scivissent tales extare. Neque etiam Nicæni Patres passim τ καίνοντα simpliciter. can. 1. 2. 15. citassent, sed illud Α'πὸς ὁλων, vel illud Α'πὸς ὁλων διὰ Κλήμεντος, itemque numerum procul dubio subjecissent, si Apostolos tradidisse, & extare illos canones iis compertum fuisset. Verum hic mos est Turriani, si apud quendam ex Patribus, aut in concilio tantum legatur: *secundum canonem, regulam, morem Ecclesiasticum* & simile quid inveniatur in Canonibus Pseudapostolicis, statim id sufficiens argumentum est, & probatio, Patrem illum, vel Synodum respexisse vel citasse canones Apostolicos. Sic adducit cap. 12. *pro canonibus hisce pag. 31. & seqq.* ex seculo quinto Epistolam Innocentii Romani Episcopi ad Victorium Rothomagensem, quæ scripta est Anno 404; in qua tota ne γὰρ invenitur pro hisce canonibus. Quædam ex tredecim capitulis quæ ibid. leguntur, inveniuntur quidem præcepta etiam in canonibus hisce, sed non dicit se ea hausisse ex iis Innocentius, nec horum auctoritate sua fulcit; quod certe non neglexisset, cum in capite pri-

mo & septimo citet synodum Nicænam, si habuisset epos cognitos. Qui neglectus firmitus argumentum contra Turrianum præbet, tum incognitos fuisse, & postea ex hac Epistola in suam rapsodiam transtulisse quædam auctore istorum canonû; quam convenientia dictorum quorundâ pro Turriano & canonibus. Nec magis patrocinator synodus Ephesina, in cujus act. 7. Turrianus iis *cap. 13. & 14. d. tract.* præter fidem codicis canonum Ecclesiæ universæ, Latinæ versionis, & editiones conciliorû pro voce *πατέρων* legit *Ἀποστόλων*, quam lectionem editiones conciliorum Græco Latinæ in margine habent & notant, quæ à Græcis hos canones probantibus, videtur efficta & excogitata. Ejusdem notæ sunt quæ ex synodo Calchedonensi, Cyrillo & Leone pro canonibus istis à Turriano proferuntur, quæ recensione & refutatione indigna sunt, qui ea desiderat, adeat Dalxi *Pseudepigraph. Apost. lib. 3. cap. 10.* Sufficiat demonstrasse non esse istos canones Apostolicos, neque ab Apostolis, neque à Clemente constitutos aut scriptos. Quod de posterioribus triginta quinque Latini contra Græcos tam veteres quam recentiores præter Turrianum fere omnes, saltem celebriores defenderunt, Humbertus, Ant. Augustinus noster, *lib. I. dial. 6. pag. nostr. edit. 99. & seqq.* Bellarminus,



nus, Baronius, qui omnes post Turrianum scripserunt. Quod & probant illi ex Latinis, qui tantum quinquaginta agnoscunt; Dionysius nempe Exiguus, item Cresconius Afer in concordia canonum seculo sexto, Hadrianus primus seculo octavo, Isidorus Mercator seculi noni scriptor, Impostor volebam dicere, Gratianus compiler Decreti seculo duodecimo. Neque scio quod quisquam, præter unum Turrianum, intra quindecim & quor excurrit secula, usque dum ille suam infelicem Apologiam seculi superioris anno 73. pro his canonibus edidisset, dissentiat. Probat falsitatem posteriorum 35. canonum primus, alias in ordine 51<sup>mus</sup>, qui lapsos promiscue recipiendos sanxit; quod ante seculi tertii medium, quo tempore de lapsis dispensari cœpit, ignotum fuisse, ipse agnoscit sagax ruspator antiquitatis Ecclesiasticæ Albaspinæus, *lib. I. obs. cap. 13*; deinde ante Cyprianum rigor ille in lapsos idolatras nondum fuit remissus, hoc est anno Christi 254. Pater idem ex canone nono, supra quinquagesimum, in quo τὰ Ὑδρα-πιγροφα καὶ ἀσεβῶν βιβλία, falso inscripti libri impiorum publicari ab Ecclesia prohibentur. Intelligit autem edita Apostolorum nomine scripta supposititia (de quibus nos, Deo volente, ad famosum Gelasii & 70. E-

piscoporum capitulum, relatum à Gratiano  
*dist. 15. c. sancta Romana*, aliquid commenta-  
 bimur,) quæ sane non nisi post Apostolos  
 fuerunt vel potuerunt publicari aut prohibe-  
 ri. Evincit hoc etiam in canone 62. adducta  
 ratio prohibiti esus sanguinis, quæ hæc est :  
*quia lex id prohibuit.* Quæ sane non est ratio A-  
 postolorum; qui ob scandalum Judæorum ad  
 tempus id prohibuerunt. Lex enim, utpote  
 ceremonialis, abrogata jam erat; scandalum  
 autem temporalem abstinentiam adhuc sua-  
 debat, vid. *Apost. I. ad Corinth. 10. ̄. 25. & 27.*  
 Quod latissime executus est præter alios  
 contra Schookium & Curcellæum. Johan.  
 Henr. Heideggerus in *Hist. Patriarcharum &*  
*tractatu proprio.* Canonem 65: non esse Apo-  
 stolicum, evincet pro nobis Baronius, *ad*  
*Annum 102. §. 15. & cum eo Bellarmin.*  
*de Pontif. Roman. lib. 2. c. 27.* Possevinus *In*  
*apparat. sac. verb. Clemens.* Binius in not. ad  
 istum canonem, Petavius & alii. Canonis  
 verba sunt hæc: *Si quis Clericus inventus fue-*  
*rit jejunare die Dominico vel Sabbatho, præter-*  
*quam uno solo, deponatur; sin autem Laicus se-*  
*gregetur.* Ad hæc notat Baronius; *Quomodo*  
*quæso, tot tamque disertos antiquos Patres, qui*  
*de jejunio Sabbathi instituerunt Disputationem*  
*canoni ille præterit, ut à nemine citatus reperia-*  
*tur? Vel quonam pacto, obsecro, Romana Ec-*  
*clesia*

*eclesia contra omnium Apostolorum canonem Sabbathi jejunium suscepisset, vel eorum Episcopus Clemens, id fieri permisisset, qui quod statuis-  
sent Apostoli & ipse scripsisset, perquam optime  
sciret? vel quomodo ex traditione Petri & Pauli  
Apostolorum Principum, ejusmodi dies Sabba-  
thi jejunii sibi vendicari est solita eadem Eccle-  
sia observantiam, quam Apostolorum Canonibus  
penitus adversari nosset. Petavius ad Epipha-  
nium pag. 359, rejicit hunc canonem tan-  
quam spurium, negatque fieri potuisse, ut is  
ab Apostolis communi decreto constitueretur, ob  
illam Augustini, præscriptionem neque scri-  
ptura auctoritate, neque universalis Ecclesiæ tra-  
ditione determinatum esse, sabbatho ne jejunare  
deceat an prandere, sed ejus in qua versaris Ec-  
clesiæ consuetudini obtemperandum esse. Quod  
probat Tertullianus quoque de coron. milit.  
capit. 3. & latius exequitur tractatu singu-  
lari Doctiss: Dalæus de jejunio, & in Pseud-  
epigraph. Apostolicis. lib. 3. cap. 12. pag. 562.  
Eadem ratione se prodit canon 58. qui  
quadragesimæ jejunium sancit, quod tem-  
poribus Apostolorum incognitum, nec ab  
Apostolis institutum fuit. Ita nec Aposto-  
los aut eorum ætatem redolent, quæ canone  
71. leguntur: Si quis vel Clericus vel Laicus  
ceram vel oleum à sancta Ecclesia abstulerit,  
segregandus est. Nullum enim oleum nulla*

cera cognita Apostolis in usum Ecclesiæ, uti nec aurea vel argentea vasa vel vela sanctificata, de quibus loquitur canon. 72. Insuper quoque & contra plerosque Patres est ille canon sacræ scripturæ, qui in canone ultimo, 85. aliis penultimo & ultimo legitur. In quo libri Machabaici omnes, contra Eusebium, Athanasium, Gregorium Nazianzenum, Amphilochium Iconiensem, Cyrillum Hierosolymitanum, Epiphanium Damascenum, Hilarium, Philastrium, Rufinum, Hieronymum in Canonem admittuntur. In quo etiam contra omnium sententiam, etiam ipsam Synodum Tridentinum admittitur & canonizatur (ut hac voce hic utar) liber tertius Machabæorum. Porro Constitutiones Pseudapostolicæ, supra repudiatae in censum Apocryphorum, etiam in numerum sacrorum voluminum cum summa impudentia adsumuntur; in quo articulo etiam ipsi Græci, alias horum canonum propugnatores acerrimi hos respuunt. Tertio duæ Epistolæ Clementis pro divinis scripturis obtruduntur, quas nec vetus nec recentior ecclesia pro talibus agnovit. Quarto in canone omittit Esdram in Veteri, in Novo Testamento Apocalypsin. Illud, ne omnia sectemur, ridiculum est, quod cum hi Apostoli, & quidem ut supra Turrianus

rianus voluit An. 45. æræ Christianæ, constituent canonem Novi Testamenti, in eum etiam referant Euangelia, actus Apostolorum & Epistolas, quorum omnium nil, aut fere nihil eo tempore scriptum fuit. Saltem non Euangelium Johannis, quod constans fama vult scriptum esse in fine vitæ ejus, & sic quinquaginta annis post hujus canonis constitutionem, in quo tamen tanquam jam scriptum recensetur, & quidem ab omnibus Apostolis, cum tempore scriptio- nis ejus nullus præter Johannem superesset. Quibus ineluctabilibus argumētis moti Latini omnes, præter unicum impudentissimum Turrianum, huncce trigessimum quintum canonem, in Apocryphorum numerum lubentes meritoque ablegarunt, videatur unus pro omnibus Baronius *ad Ann. 102. §. 15. & 16.* Neque magis genuini sunt quinquaginta priores, quos Græci pariter & Latini pro Apostolicis recipiunt & defendunt: Gelasius vero & septuaginta cum eo Episcopi in synodo Romana damnant, & in Apocryphorum censum referunt. Dionysius Exiguus supra in Epistola ad Stephanum, qui fere circa natales horum canonum vixit, multos fatetur *is non præbuisse consensum facilem.* Postea septimo seculo Isidorus Hispalensis testis

133. Quinquaginta priores canones examinati.

testis classicus, *negat ab Apostolica sede receptos esse*, *negat à sanctis Patribus esse probatos seculo nono præcipite Hincmarus. lib. quinquaginta quinque cap. c. 24. pag. 473. ait de his canonibus, non credi ab Apostolis esse conscriptos, quædam in iis esse non servanda, eos duntaxat ad instructionem propter vulgatam famam seorsim ante concilia in canonum libris poni; sic legendos, ut sequamur cautelam à Gelasio (intelligit. c. Sancta Romana. dist. 15. de Apocryphis) præmonitam; Cum hæc ad Catholicorum manus advenerint, B. Pauli Apostoli præcedere debere sententiam: Omnia probate, quod bonum est retinete. Istud vero non tantum testes, sed & rationes evincunt. Ex can. 1. & 2. videmus distinguere Presbyteros & Episcopos, quæ duo vocabula synonymos veris Apostolis usurpata fuerunt, & demum seculo tertio ceperunt distinguere, de quo latissime Blondellus de Episcopis, Salmasius de primatu & de Episcopis, Seldenus & alii; Clerici quoque non fuerunt noti Apostolis, præter Episcopos, Presbyteros & Diaconos; quibus tamen canon secundus alios Clericos addit. Ejusdem notæ sunt, primitiæ, quas canon quartus jubet solvi Episcopo & Clericis. Incognitum Apostolis quoque est *ἱερὸπύρα* seu incensum, quod tempore sanctæ oblationis offerri jubet canon*

non



non tertius, in Dionysii editione quartus: quod etiam notum non fuit tempore Tertulliani, cujus hæc sunt *Apologet. cap. 24.* *Thura plane non emimus; si Arabia quaruntur, scient Sabæi pluris & carioris suas merces Christianis sepeliendis profligari, quam aliis fumigandis.* Canon septimus de celebratione Paschæ prodit se ipsum, qui jubet celebrari Pascha post vernale æquinoctium, non ante cum Judæis; quæ controversia est tertii seculi; & contrariam traditionem Apostolicam refert Epiphanius, quæ tamen utraq; falsa est, nil enim Apostoli de Paschate celebrando statuerunt unquam. De octavo Canone, in quo communione privantur Clerici, qui facta oblatione non communicant, pro me loquatur Binius ad istum canonem. *Totum hoc, inquit, decretum non divino sed humano jure constitutum, jam contraria consuetudine est abrogatum.* quæ satis probant non esse eum Apostolicum. Eadem consuetudo apud Romanos nonum abrogavit, qui Dionysio est decimus, utpote apud quos plerique sunt ingredientiæ Ecclesiam, auditores verbi pauci communicantes, quod est contra canonem, qui severissime non communicantes, communione privat. Pariter abolitus est decimus sextus canon, vel 17. Dionysio, in quo Bigami & concubinarij sunt

sunt irregulares, ut loquuntur nunc canonistæ, quod hodie de concubinariis secus est, & teste Binio secundum Magnum illum JurisC: Covarruvium *Clement. si furiosus. part. 1. §. 2. n. 2. usu nunc revocatum & sublatum.* Ea quoque quæ can. 21. 22. 23. vel aliis 22. 23. 24. de Eunuchis & qui seipsos castrant, leguntur, magis factum Origenis cujusdam, ejusdemque, vel quod adhuc probabilius est, posteriorem ætatem, quam Apostolos eorumque tempus redolent, uti quoq; quæ 33. canone aliis 35. de Metropolitanis eorumque juribus statuuntur, qui seculo tertio cœperunt demum innotescere, & quarto in synodo Nicæna sanciri & fulciri; de quibus synodus ipsa provocat ad antiquam tantum consuetudinem, *can. 6.* nullius Apostolicæ legis vel canonis meminit; quod certe non intermisisset illa, si ipsi cognitus fuisset iste canon Apostolicus: firmitus quippe sanctione Apostolica expressa, quam consuetudine fulcirentur jura Metropolitanorum. Tandem ex canone penultimo 49, aperte constat non esse canones hos Apostolicos, in quo præcipitur depositio istius Episcopi vel Presbyteri, qui sine trina mersione quæquam baptizaverit. Quod plerique Patres, qui ejus meminerunt, adscribunt antiquæ traditioni. *Tertullian. de Coron. Milit. c. 3.*  
inter

inter eas observationes, quas sine ullius scripturæ instrumento, solius traditionis titulo, & exinde consuetudinis titulo vindicabant, numerat diserte, ter mergitamur. Basiliius de Sp. sanct. c. 27. *quærit, τὸ τίς βαπτίζεσθαι ἢ ἄνθρωπον, πόθεν*; jam illud ter immergi, unde est? Id est ut ex antecedentibus patet *ἐκ πρὸς λόγῳ γὰρ γεγραμμένῳ*; ex qua scriptura? quod facete quæreretur, si extaret scriptus à Clemente canon Apostolicus. Huc quoque faciunt hæc, quæ habet Hieronym. *dialog. ad vers. Lucifer*. Multa alia, quæ per traditionem in Ecclesiis observantur, auctoritatem sibi scriptæ legis usurpaverunt, veluti in lavacro ter caput mergitare. Qua de re latissime videatur, Clariss. Vossius. *de Baptism. disp. 2. thes. 1. & seq. à pag. 41. & Vicecomes de antiquis ritibus. Baptism. lib. 4. cap. 8.* quod his verbis incipit. *Utrum vero unica an trina immersio fieret, nihil certi responderi potest, utrovis enim modo quondam in Ecclesia baptismum vere confectum esse, ex S. Gregorii Epist. 41. ad Leandrum Episcopum & concilio Toletano 4. cap. 5. satis apparet.* Postea tamen pag. 612. impudenter vel imprudenter hæc, de trina immersione effudit. *Quidquid autem sit, de traditione vel præcepto, nemini dubium esse debet, quin ab ipsis Apostolis sape idem traditum fuerit. Nam canon. 49. Episcopos vel Presbyteros,*  
qui

qui simplam merfionem usurpaverint, sacerdotali honore spoliari jubent. Ex quibus patet, quam frivole & sine reverentia, isti homines Apostolicos canones & traditiones habeant; quando neglecta ista, de qua nemini dubium esse dicit, traditione Apostolica, utroque modo baptismum rite administratum veteribus esse, in principio capitis supra citato, adserit; quod etiam Gregorius Magnus & concilium Toletanum quartum probat. Sed ad canones revertamur, ipsa oratio, phrasis & voces etiam, probant eos non esse seculi Apostolici. Invenitur enim κληρικὸς, pro eo qui in functione Ecclesiastica est, item ἀναγνώστης & ψάλτης, ἱερεὺς, ἱεραπικὸς κατάλογος, ἱεραπικὴ διοίκησις, quæ denotant lectorem, cantorem, sacerdotem, sacerdotalem catalogum, sacerdotii administrationem; legitur & κατάλογος τῶν κληρικῶν, catalogus clericorum, θυσιαστήριον altare, pro mensa Eucharistiæ, can. 3. c. 30. θυσία sacrificium pro Eucharistia, can. 45. & προσφορὰ oblatio pro eadem; πρῶτος ἐν Ἐπισκόποις, primus inter Episcopos. can. 33. (35.) est ille Metropolitanus. Τὰ κυριακὰ, Dominica, pro rebus ab Ecclesia possessis, c. 39. quas & vocant τὰ τῆς ἐκκλησίας πρεσβύτητα Res Ecclesiæ. can. 37. (39.) Ὑπερερεταῖος October. can. 38. (36.) Quæ voces ab Apostolis ista signifi-

significatione non leguntur usurpatæ, sed à patribus sequentium seculorum, & liquido probant, sequentibus seculis hos canones etiam esse effectos & Apostolis suppositos. In dogmate de rebaptizandis iis, qui ab hæreticis sunt baptizati ab orthodoxa, itemque Romana Ecclesia dissentiunt, utpote, qui rebaptizari semel ab hæreticis baptizatum volunt; Can. 45. (46.) & can. 67, cujus jam ab ultima antiquitate, & Episcopatu Stephani, anno nempe 254. Ecclesia Romana contrarium observavit, & can. 19. Nicænus, tantum à Paulianistis rebaptizandos sancit. Ex quo certissimum ducitur argumentum Cyprianum & Patres synodi Carthaginienſis ignorasse hos canones, qui quidem eandem cum hisce fictitiis canonibus Apostolicis sententiam foveant, attamen nullibi eorum auctoritate utuntur, quæ sola alias suffecisset ad hujus controversiæ decisionem; Neque etiam Donatistæ, qui Cypriani sententiam hac in parte sequuti sunt, Augustino ullibi canonum Pseudapostolicorum auctoritatem obijciunt, quod indicium quinto seculo ineunte, non fuisse illos cognitos. Quibus argumentis adductus, negat Albaspinæus, hos esse Apostolorum canones. *Obſer. lib. 1. c. 13. pag. 37.* Si Canones, inquit, isti constitutionesque ab

*Apostolis probata, sancitaque fuissent, quis existimet ea in dubium fuisse revocata, quæ ab Apostolis decreta sancitaque fuissent? An adeo ignorantes erant illius ætatis Patres, ut si existissent, illi Apostolorum canones eos continuo non produxissent? Adde Possevinum, qui ob canon. 67. in apparatu verbo Clemens omnes triginta quinque posteriores spurios esse adserit; & tacite simul quinquaginta priores; utpote qui eadem de rebaptizandis ab hæreticis baptizatis constituunt, quos tamen ille omnes probat. Eodem modo errat Bellarminus de script. Eccles. in Clemente. vers. at contra. Adde his, ut absolvamus hoc de canonibus Pseudapostolicis examen, neminem Patrum in quatuor seculis prioribus facere ullam horum tanquam ab Apostolis sancitorum, & à Clemente scriptorum mentionem; & cum jam exeunte seculo quinto compositi & suppositi essent, non fuisse probatos, teste Dionysii Exigui supra relata Præfatione; Ideoque nec à Ferrando in Breviarium, nec à Martino Bracarenfi in collectionem Orientalium canonum relatos. Repete quoque huc supra num. 81. adductum testimonium Gregorii Turonensis, quod probat in Gallia anno 580. ignotos fuisse, Quaternione novo codici canonum annexos, & ad imminuendam eorum fidem*



fidem & auctoritatem vocari QUASI APOSTOLICOS. Huc quoque facit Hincmarus in libro quinquaginta quinque capitulorum. cap. 43. testimonium seculi noni decurrentis, quod clare probat, neque tunc temporis in codice canonum Gallico probatos fuisse & receptos. Adserit ille ibidem esse canones, quos & Apostolica sedes & omnes Episcopi per universum orbem à primæ sedis Pontificie, usque ad illum, qui novissime etiam post Te (Hincmarum Laudunensem putat) est ordinatus Episcopus; imo & omnis Catholica Ecclesia canones appellant, quique à Nicæno concilio, quod primum in nostris Codicibus (quos ab Apostolica sede majores nostri acceperunt) sequendos per ordinem usque ad Africanum Concilium pro canonibus recipiendis; venerandis & observandis retinent; & Innocentius, Zosimus, Bonifacius, Cælestinus, Leo, Hilarius, Symmachus, Gelasius, Hormisda, Gregorius & ceteri quique observandos canones nominant. His itaque abunde satis confectum censemus, esse istos Canones opus spurium, futile, quod nunquam Apostolos, vel Clementem Apostolorum discipulum habuit auctores, aut Apostolicis temporibus; aut etiam primis quatuor seculis natales; sed in fine seculi quinti à tenebrione & hæretico quodam Græco quinquaginta primos ex variis conciliis, moribus &

134. Orig-  
go, auctor  
& tempus  
suppositio-  
nis horum  
canonum.

ritibus Ecclesiæ esse corrasos, atque ut auctoritatem sibi nomine suo magnam statim conciliarent, vocatos esse Apostolicos. Quos statim in natalibus, tanquam ab hæreticis fictos, & Apostolis falso suppositos, Gelasius Episcopus Romanus inter Apocrypha merito damnavit. Post hoc decretum damnationis, probabile est accessisse posteriores triginta quinque, vel ab eodem nebulone vel alio, qui istiusmodi nugis delectatus fuit: deinde ab Imperatore Justiniano commendatos, & à Johanne Scholastico in nomocanonem omnes 85. susceptos esse; quod factum paulo post annum 560, quo tempore ille Johannes floruit, ut infra demonstrabimus. Quare nullius momenti est Albaspinæi iudicium, Magni alias in antiquitate Ecclesiastica Viri, *lib. 1. Obs. cap. 13.* qui censet, non uno tempore esse conditos istos canones, sed alios primo, alios secundo seculo ab Apostolicis Viris, quos vult esse Apostolorum successores, postea alios successive esse additos seculo tertio, retento tamen *Apostolicorum* Canonum nomine, quod postea oscitantia vel ignorantia Latinorum in *Apostolorum* degeneravit; Nihilque aliud esse hanc farraginem, quam *Breviarium & epitomen privatorum conciliorum & rerum ab Episcopis privatis sancitarum, qui Ecclesias*

*clesias Græcas ante Concilium Nicænum admini-*  
*strarunt.* Illud primo à vero videtur alie-  
 num, quod hic codex Albaspinæo videtur  
 esse epitome privatorum conciliorum & re-  
 rum ab Episcopis Græcis sancitarum, cum  
 manifeste contineat contraria Græcis do-  
 gmata, quod vel ille canon sacre scripturæ  
 in ultimo canone relatus liquido demon-  
 strat. Deinde si ante Nicænam synodum,  
 fuisset id *Breviarium Ecclesiasticorum Decreto-*  
*rum*, proculdubio Codici Canonum Eccle-  
 siæ Universæ fuisset insertum, tanquam an-  
 tiquitatis illustre monumentum; aut saltem  
 citassent Ancyrani, Neocæsarienses, Nicæ-  
 ni aut Antiocheni Patres, idque sub certis  
 numeris, siquidem hoc Breviarium colle-  
 ctum fuisset: quemadmodum videmus fa-  
 ctum à Patribus Calchedonensibus, qui  
 sub suis numeris laudant Codicis Ecclesiæ  
 Catholicæ canonem quartum, octuagesi-  
 mum tertium & quartum; item nonagesi-  
 mum quintum & sextum, ut supra indica-  
 tum est. Porro si fuisset id Breviarium,  
 quod Albaspinæus ex eo facit, ab apostoli-  
 cis Viris compositum & ab Episcopis sanc-  
 tum ante concilium Nicænum, certe à Ge-  
 lasio & Episcopis LXX. cum eo congrega-  
 tis, Apocryphis accenseri non debuisset;  
 deinde etiam in hoc Breviario, seu colle-  
 ctione;

etione, ut in aliis Græcorum omnibus, habita fuisset ratio temporis, si non ab uno, nec uno tempore, quod vult Albaspinæus, sed successive coaluisset, auctores quoque & concilia, ex quibus desumpti essent hi canones, nominata fuissent, ut in aliis quoque factum collectionibus diversorum auctorum videmus. Inspiciatur solummodo Codex Ecclesiæ Catholicæ, & Codex Ecclesiæ Orientalis; ubi novæ synodi canones incipiunt, id semper solet indicari, item si ex Basilio aut alio quid sit depromptum. Sed manifeste refutant ipsi canones Albaspinæi sententiam, qui non plures sibi succedentes auctores, diversisque seculis scriptos, sed Apostolos auctores agnosci volunt, quod etiam argumentum est, non esse à Clemente conscriptos; Quod non tantum ex calce & peroratione, sed ipsis etiam canonibus, apparet tam prioribus, quam posterioribus triginta quinque. Canone 28. (30.) qui est contra Simoniacum, Petrus nominatur unus ex auctoribus, & sancit. *Dejiciatur & ipse & ordinator ejus & à communione modis omnibus excindatur, ut Simon Magus à me Petro.* Iterum Canon. 49. (50) ex versione Dionysii. *Non enim dixit NOBIS (Apostolis) Dominus in morte mea baptizate, sed euntes docete omnes gentes, baptizantes &c.*

Item



Item canon. 81; in quo de servo sermo, atque hæc leguntur. *Qualis noster quoque Onesimus visus est.* Ex quibus satis patet, Impostorem illum voluisse & intendisse hos canones tanquam ab ipsis Apostolis profectos orbi obtrudere. Quod si itaque Albaspinæus velit suam defendere sententiam, unum ex duobus confiteri debet, vel canones ipsos mentiri, quod verissimum est; vel si veraces sint, ab ipsis Apostolis, non à Clemente aut Patribus sequentium seculorum, scriptos esse; & sic perit quoque ejus somnium de Viris Apostolicis, à quibus scriptos putat, & oscitantia Latinorum qui eos in Apostolos levi mutatione verterunt. Vide hæc latius contra Albaspinæum exequentem Dalæum *d. l. c. 21.* & si plura desideras de hisce Canonibus & eorum *νοθήα*, præter Dalæi libros sæpius laudatos, *Pseudepigraphῶν Apostolorum*, adi Criticos sacros: Rivetum, *in crit. sacr. lib. 1. cap. 1.* Cocum. *in Censur. in princ. fere.* Doctiss. Usserium *in accurata dissert. de scriptis Ignatii Polycarpi, Apostolicis constitutionibus & canonibus Clementi Romano tributis, quæ præfixa Polycarpi & Ignatii Epistolis ex editione ejus Anni 1644.* Melchiorem Canum celebrem inter Pontificios Episcopum, *in locis Theolog. lib. 2. cap. XI.* ubi pro Apostolicis non habet eos, nec in-

ter sacros libros numerari vult *lib. 5. c. 5.*  
 item Casp. Zieglerum *Dissert. præmis. Lancel. Instit. Jur. can: §. 8. & seqq.* & multos  
 alios. Novissime Joh. Cabassutium in *Notitia Concilior. pag. 16.* ubi iis detrahit auctoritatem Apostolicam; cujus utpote Pontificii judicium, quod consensu superiorum, ut illi dicunt, nuper est editum adscriberem, quia liber iste adhuc paucis est cognitus, nisi prolixius esset, & jam refutatio nostra Constitutionum & Canonum Pseudapostolicorum sub manibus nimium crevisset. De numero hæc tantum addo, neminem agnoscere plures quam octuaginta quinque: unus Lambert. Gruterus, in editione operum Clementis Romani, quæ prodiit Coloniae An. 1570. post dedicationem & præfationem, ubi Elenchum in editione ista contentorum exhibet, LXXX. Canonum Apostolorum, conscriptore Clemente meminit; qui tamen in ipso volumine, ut alii, tantum LXXXIV. repræsentat Græce & Latine, postea vero cum scholiis Balsamonis Latinos LXXXV. Ut arbitrer priorem numerum nonaginta canonum, esse mendum typographicum; Hæc autem est causa quare supra §. 105. consulto duplicem numerum expresserim, 85. vel 90. canonum; quamquam sciam, ab omnibus, qui posteriores

135. De  
 numero  
 Canonum  
 Apostolorum  
 error  
 Lambert.  
 Gruteri  
 notatus.



riores etiam agnoscunt, non ultra 85. agnosci, ab aliis tantum octuaginta quatuor. Alios insuper impudentissime finxit, vel saltem fictos obtrudit nobis canones Apostolicos novem Antiochenos, quos Apostolos in Synodo Antiochena; in antiquitate Ecclesiastica inaudita, à nullo historico fide digno memorata, vult constituisse & sancivisse; non alio fini, quam ut hisce fulciat improbum imaginum cultum; Hos operose refellere non est operæ pretium, sufficit altissimum quindecim & quod excurrit seculorum, usque ad Turriani somnia silentium, deinde abunde sufficiunt quæ contra hos solide disseruit Magnus Dalaus, in *Pseudepigraphis Apostolicis*, lib. 3. cap. 22. & seqq.

136. Ant  
Canones  
Apostolici  
Antioche-  
ni spurii  
& ficti.

Refutatis itaque iis, quæ contra certa initia collectionis Canonum ex constitutionibus & canonibus Apostolicis adferri poterant, persequamur Historiam nostram & collectiones sequentes, quæ multæ & variæ fuerunt, ideoque quædam de varia colligendi & digerendi methodo vel modo sequentium Canonistarum præmittenda; tum observato ordine temporis singulos eorumque collectiones & opera persequemur & attexemus. Genera colligendi & digerendi potissimum quinque observo, quæ sequen-

137. Me-  
thodus &  
modus di-  
versus col-  
ligendi &  
digerendi  
canones.

138. Pri-  
mus.

tes collectiones confirmabunt. Primum & simplicissimum genus est, enumerare & recensere tantum nude canones, eo ordine quo in conciliis sunt scripti & subscripti, hocque vel est unius tantum concilii, veluti Nicæni Constantinopolitani, vel diversorum conciliorum, habita tantum ratione temporis, sub una serie numerorum: & hæc collectio vocata fuit *corpus*, vel *codex canonum*, de quo supra late. Inter quæ duo tamen, quod obiter hic addo, Doctissimus

139. Cor-  
poris & co-  
dicis diffe-  
rentia Ca-  
pelli.

Capellus in tractatu, *de sedis Romana fide, seu stellationatu cap. 5.* hanc agnoscit differen-  
tiam. Ex canonibus, inquit, ad disciplinam pertinentibus conflatum *syntagma minus* & *vetustius dicebatur corpus*, ubi augescere cæpit *codex dictus est*. Quod speciose quidem dictum, sed veritati mihi consonum non videtur, à Græcis enim primum collectiones

140. Re-  
jesta.

factas supra docuimus, hi autem βιβλον κανόνων, ut supra quoque observavimus, appellarunt collectionem istam, quod vel unica Synodus Calchedonenfis affatim probat, quæ sæpius meminit βιβλις τῶν κανόνων.

Action. 4. καὶ ἀπὸ βιβλίσ ἀνεγνώ τῶντα. & ex Codice relegit hæc. & iterum καὶ λαβὼν τὴν βίβλον Ἀέτως Ἀρχιδιακόν & ἡ περιμνηστὴς τῆς μεγάλης Εκκλησίας ἀνεγνώ. Summoque Codice Actius Archidiaconus & Primicerius Magna

Ecclesia

*Ecclesia legit.* Iterumque sic occurrit actione XI. & act. XIII. ejusdem synodi pag. 377. & 388. tom. 2. edit. Roman. Apud Latinos passim sine differentia legas; *Codicem canonum*, *Corpus canonum*, & *Corpus codicis canonum*, ut supra notatum & probatum est. Hoc genus posterius, quando plurimum conciliorum canones una serie numerorum decurrunt, Græci vocarunt ἀκολουθίαν κανόνων. Concil. Ephesin. act. 2. Cum δὲ τῶ ἐκκλησιαστικῶν θεσμῶν ἀκολουθίαν, *Per Ecclesiasticarum Sanctionum CONSEQUENTIAM* controversias in medium positas examini oporteat. & postea. Cum animadverteremus causa sua defensionis diffidere, quæ temere ὡς τῶ τ κανόνων ἀκολουθίαν, contra CANONUM CONSEQUENTIAM adversus Cyrillum & Memnonem scripto mandaverat ea irrita & prorsus vana judicavimus. Ita quoque apud Georg. Alexandrin. in vita Joh. Chrysostomi, καὶ δὲ ὡς ἀγνώστοι ἐπίσκοποι καὶ μητροπολίται, καὶ τὴν κανόνων ἀκολουθίαν ἐκοινώνησαν τῷ Ἰωάννῃ, *Advenientes autem Episcopi & Metropolitani, juxta Canonum consequentiam, Joanni communicarunt.* & concil. Chalcedonenf. act. 3. ἀγνωστὴ καὶ οἰκουμενικὴ συνόδος, τέτις ἤδη κλήσιν ταύτῃ πειρμένη, καὶ τῶ ἀκολουθίαν τῶν αἰγίων κανόνων. Sancta & universalis synodus tertiam jam hanc vocationem

141. ἀκο-  
λυθία  
κανόνων  
qua

tionem faciens, secundum consequentiam sanctorum canonum. Addo unum locum adhuc ex collectione Canonum Johannis Antiocheni Presbyteri Scholastici, ex quo constat ratio denominationis, qui hanc ἀκολουθίαν seu consequentiam se omisisse, dicit. Ταῖς, inquit, ἐκδοθέντα καὶ καὶ καὶ διελόντες εἰς πέντε ν. ἢ πέντε πνὴν ἢ ἀκολουθίαν δριβμὼν ἐφυλάξαμεν. Quae pro tempore definita sunt, (canonica nimirum decreta) in titulos quinquaginta distribuimus, non servato ordine, ut vides, & consequentia numerorum. Quia numeri se consequuntur sine interrupta serie, ideo hæc collectionis species vocata est ἀκολουθία.

Quam ECCLESIASTICAM CONSEQUENTIAM vocant Episcopi Provinciæ Europæ tom. 2. concil. pag. 477. edit. Roman. Eos qui in damnationem, inquiunt, locus ab eo (Timotheo) sunt constituti, sive Episcopi sunt, sive Archimandrita, sive Presbyteri, sive Diaconi, sive quilibet in Clero humiliori consistens, hos indignos graduum, in quibus sunt præter ECCLESIASTICAM CONSEQUENTIAM ordinati, decrevimus. Vocatur & alibi passim

142. ταῖς  
ξίς τῶν  
κανόνων.

hæc species ταῖς τῶν κανόνων, series canonum ex eadem ratione. Actione prima Concilii Ephesini. tom. 1. pag. 327. edit. Rom. Proinde quæ jam præ manibus sunt ea capeffantur, ritæque καὶ τὴν τῶν κανόνων ταῖς, secundum SE-

RIEM

RIEM CANONVM constituantur. In Concil. Calchedon. act. 3. tom. 2. pag. 243. & apud Euagr. Hist. Eccles. lib. 2. cap. 2. Manifesta facta sunt, quæ à Dioscuro quondam Alexandria Magnæ civitatis Ecclesiæ Episcopo commissa sunt, καὶ τῆς τῶ κανόνων τάξεως καὶ τῆς ἐκκλησιαστικῆς καταστάσεως, contra CANONVM SERIEM & Ecclesiasticam disciplinam. Et in Epistola Mappini Archiep. Remensis ad Nicetium Episcopum Trevirens. in concil. Gallie tom. 1. pag. 293. Licet nihil novi vos de his rebus invenire cognoscimus, quod prisca Patrum solertia non potuit reperire, tamen absurdum esse videtur, ut à nobis recipiantur, quia vobis secundum SERIEM CANONVM Ecclesiastica severitate abdicantur. Secundus collectionis & digestionis modus est eorum, qui acta cum canonibus colligunt & recitant, non nudos tantum canones, & hic modus multum facit ad historiam, & seriem rei gestæ, itemque dogmata Ecclesiastica. In actis enim plerumque recensentur disputationes & argumenta de dogmatibus fidei, quæ ab hæreticis & contra hæreticos sunt ventilata. Istiusmodi collectores fuerunt noti jam ab ultima antiquitate. Socrates lib. 1. Hist. Eccles. cap. 5. ἐκνεύειτο τε ἡδε καὶ ἐγγράφως δι' ὑποσημειώσεως ἐκάστη τὰ κοινῇ δεδογμένα. Jam vero quæ communi omnium sententia de-

creta

143. Sc  
cundus  
modus col  
lectionis,



creta erant cum cujusque manu subscripta essent; rata habebantur, & in commentarios referebantur. Exemplum statim subjicit in Sabino Socrates ibidem. Σαβίνου ὁ τῶν ἐν Ἡρακλείᾳ καὶ Θρακίᾳ Μακεδονιδῶν ἐπισκοπῶν, συναγωγῇ τῶν ἀγέφοροι συνόδων ἐγγράφως ἐξέδωκεν, ποιησαμένης &c. Sabinus Macedoniorum qui Heracleam civitatem Thraice incolunt, Episcopus, tum ea quæ varia Episcoporum concilia scriptis ediderant, in unum volumen colligit. Ex quo duo patent: primum ante hunc Sabinum Episcopos jam varia concilia scriptis complexos edidisse; deinde hæc acta omnia & concilia in unum volumen compegisse Sabinum. Non tamen ex fide; subdit enim Socrates: Quinetiam nonnulla dedita opera prætermittit, quadam etiam pervertit; quæ autem ad eum exitum, quem sibi proposuerat, facere videbantur, omnia diligenter excerpit. & postea libro 2. cap. 13. Σαβίνου μὲντοι ὁ τῆς Μακεδονίας αἵρεσεως, & ἡ ἤδη πρῶτον ἐμνημονόσαμεν; τὰς αὐτῶν ἱερίᾳ ἐπιστολὰς ἐν τῇ συναγωγῇ τῶν συνόδων &c. ἐθηκεν &c. Sabinus erroris Macedoniani propugnator; de quo jam antea mentionem feci, quanquam in libro ejus, qui rerum in conciliis gestarum collectio inscribitur, Epistolam Episcoporum Antiochia convocatorum ad Fulium scriptam minime prætermisit, Epistolas tamen ipsius Fulii in eodem neutiquam intexuit.



texuit. Duplicem hunc modum colligendi facit Doctissimus Christ. Justellus, in *Præfat. ad Codic. canon. Eccles. African.* non longe à principio. Synodicarum autem collectionum, inquit, duo genera fuisse constat, quarum primum conciliorum acta, quæ ad dogmata, & fidei doctrinam spectant, continebat; Et συναγωγὴ τῶν συνόδων, vel συνοδικῶν, à Socrate vocatur *libr. 3. Hist. Eccles. cap. 21.* Alterum vero canones conciliorum, qui ad disciplinam Ecclesiasticam sacramque πολιτείαν pertinent, & βιβλίον κανόνων in Calchedonensi nuncupatur. *Actione 4. II. & 13.* Hinc frequens ἀκτεπώσεων & κανόνων distinctio apud Græcos Ecclesiasticæ historiæ scriptores. Ac synodaliū quidem gestorum monumenta pauca exstant, permulta desiderantur, hæc Justellus. Nobis autem videtur posterior ille modus melius referri ad primum illum simplicem, quem supra retulimus; & debere distingui acta & sancita in conciliis à se invicem, ut qui sancita tantum referunt, ad primum modum referantur, qui vero acta & sancita conjungunt ad secundum. Quod faciunt operosa illa Generalium & Provincialium conciliorum volumina, quorum hodie habemus editiones varias, quarum præcipuas obiter hic recensemus, quia multum conferunt ad studium

144. Editiones conciliorum.

dium juris Ecclesiastici. Prima prodiit Colonia An. 1530. postea Petrus Crabbe edidit An. 1551. secundam duobus voluminibus; hunc excepit Surius, qui quatuor voluminibus concilia edidit, An. 1567. Dominicus Nicolinus quinque, Severinus Binius Canonicus Colonienſis Volum. octo Colon. 1606. & 1618. Romæ quoque Conciliorum Generalium Ecclesiæ Catholicæ, Græco Latina facta est editio jussu Sixti V. An. 1608. & novissime Collectio Regia Lutetiæ Parisiorum prodiit 37. voluminibus cum Indice separatim excuso anno 1636, cui cum decretalibus Romanorum Pontificum epistolis, inserta sunt concilia Gallica J. Sirmon-di, Hispanica Garſiæ Loayſæ, Anglicana Henr. Spelmani, Lemovicenſe è Bibliotheca Thuani, Florentinum Horatii Justiniani, &c. Sed hæc obiter. Ad modos colligendi revertimur. Tertius modus colligendi est magis artificiosus, priores illi magis naturales; Estque quando sub certos titulos & rubricas referuntur & digeruntur canones diverſorum conciliorum, qui de iisdem rebus agunt, aut qui sunt ejusdem argumenti, veluti concilii Nicæni, Gangrenſis, Calchedonenſis. Hic modus est duplex iterum, aliquando enim Canones diverſorum conciliorum unius tenoris & ſententiæ, seu

145. Tertius modus colligendi & digerendi.

146. Duplex;

seu de iisdem rebus agentes, sub uno titulo aut rubrica digeruntur & citantur tantum, ut quis sciat esse concordantes, non vero recitantur verba; quod vocant veteres *Breviationem Canonum*, & istiusmodi opera seu collectiones *Breviaria*, quale Cresconii infra videbimus; aliquando vero insuper etiam recitantur verba canonum concordantium, & hoc appellant *concordiam canonum*; cujus exempla postea quoque occurrent. Quartus digerendi modus itidem artificialis est, & tertio modo insuper aliquid adjungit. Recitat nempe, aut citat canones diversorum conciliorum concordantes, sub certis titulis, tum etiam subiungit, concordantes Imperatorum leges; quam collectionem, quia sociantur leges & canones, *Nomocanonem* appellare solent; cujus exempla præbebit infra Johannes Scholasticus & Photius. Tandem quinto latissime se diffundunt collectores, & canonibus, Leges Imperatorum, Decretales Epistolas Pontificum & Episcopum, sententias Patrum sub certos titulos seu rubricas corradunt & digerunt; quale opus exhibebunt postea plures, maximæ molis Gratianus. Possunt & aliæ collectionum differentię observari, nempe. quod sint vel *publicæ*, quæ publica auctoritate fiunt; vel *privatæ*, quæ

147. Breviatio canonum & breviarium canonum. quid.

148. Concordia canonum quæ.

149. Quarta digerendi ratio.

150. Nomocanon quis dictus.

151. Quintus colligendi modus.

152. Aliæ collectionum differentię.

quæ privatorum industria perficiuntur. Deinde & collectiones quædam sunt particulares, quæ tantum unius Ecclesiæ Canones colligunt, de quibus supra satis actum, & demonstratum plerasque Ecclesias habuisse collectionem Codicis Ecclesiæ Universæ, & insuper collectionem privatam suæ Ecclesiæ; inde diversitas codicum; Africani, Romani, Gallici, Hispanici, &c. Aliæ sunt Collectiones Universales, exque iterum duplici respectu, ut supra observavimus, vel quod complectantur omnes omnium synodorum canones universalium & particularium; qualis collectio fortasse nondum extat; in hoc Genere perfectissima est Collectio Regia, cujus jam facta est mentio: vel ideo universalis dicitur, quod ubique recepta sit in Orbe Christiano, & ejusmodi habita fuit olim auctoritate & confirmatione Concilii Calchedonensis & Justiniani Imperatoris, *Codex canonum Ecclesiæ Universæ seu Catholica.*

153. Digestiones post codicem canonum Ecclesiæ Universæ.

His prælibatis, ipsas collectiones aggrediamur, habita ratione tantum temporis, quo sibi successerunt. Post primæ istius collectionis, quæ post concilium Nicænum cœpit, & lente ut dictum, per sequentia concilia progressa est, confirmationem, cœpit magis magisque studium colligendi canones inclarescere,

scere, ut plerumque fieri solet, progressu temporis, quando utilitatem, laudem, & favorem studia conciliant; tum quilibet animum ad ea solet applicare. Maxime hic fervor se cœpit exserere tempore Justiniani, à quo non tantum confirmatus Codex Ecclesiæ Universalæ, & laudati atque commendati ex facilitate quadam, quam passim in hoc Imperatore taxant interpretes nostri, canones Pseudapostolici: Sed sub eo etiam multi collectores & compilatores canonum floruerunt; fortè accensi famosa illa digestionem juris civilis. Prima hoc tempore est collectio Dionysii Exigui, de qua supra abunde dictum; qui primus canones Apostolorum Latinos fecit, & Codici canonum Ecclesiæ Universalæ adjecit. Hic duas fecit Collectiones, unam canonum, alteram vero Decretalium Epistolarum Romanæ urbis Præsulum, ut supra notatum: quibus hoc tantum adjicimus, recte Justellum Patrem & filium utramque collectionem distinguere, & Præfationibus quas singulis præmisit Dionysius ornare, ut videri potest in Bibliotheca juris Canonici veteris tom. 1. Excipiat hanc Dionysii collectionem ea, quam adornavit Fulgentius Ferrandus Ecclesiæ Carthaginiensis Diaconus; quæ si non præcessit eam, saltem simul aut paulo post adornata est,

154. Dionysii Exigui duas Collectiones.

155. Fulgentii Ferrandi collectio.

156. Quis  
fuerit  
quando  
vixerit.

ita ut alterum alterius labores non vidisse;  
sit verosimile; De Ferrandi enim Colle-  
ctione. Henr. Justellus filius adserit, nullam  
esse apud Latinos antiquiorem, floruit e-  
pim Justinii & Justiniani temporibus in Ec-  
clesia Carthaginiensi, in qua Diaconatus  
officio functus est, ut ex Chronico Victo-  
ris Tununensis constat, qui cum clauisse  
refert, anno sexto post consulatum Basilii,  
id esset, anno Christi 547. Cum Fulgentio  
Ruspensi Episcopo vixisse, eumque Ma-  
gistrum agnovisse & se discipulum ejus, ex  
scriptis ejus constat. Excessit autem vita  
Fulgentius Ruspensis anno 529; De Fer-  
rando nostro hæc refert Auctor incertus,  
*de XII. script. Ecclesiast. qui Isidoro & Ildefonso  
subjici solet, cap. XI. Ferrandus, Carthaginiensis  
Ecclesie Diaconus, multum in Scripturis sacris  
floruisse adseritur; multasque cum beato Fulgen-  
tio propositiones alternis epistolis habuisse narra-  
tur. Iste ad Pelagium & Anatolium Romanos  
Diaconos, consulentes cum utrum liceat quen-  
quam damnare post mortem, edidit rescriptum,  
ubi inter alia sic locutus est, dicens: Quid pro-  
dest dormientibus Ecclesiam perturbare? Si quis  
in corpore mortis hujus accusatus & damnatus,  
antequam mereretur absolvi, de Ecclesia raptus  
est, absolvi ulterius non potest humano judicio.  
Si quis accusatus & absolutus ante diem sacri  
examinis,*



*examinis, repentina vocatione praeventus est: intra sinum matris Ecclesiae constitutus, divino intelligendus est iudicio reservari. De hoc nullus homo potest manifestam proferre sententiam: cui si Deus indulgentiam dedit, nihil nocet nostra severitas, sed si supplicium praeparavit, nihil prodest nostra benignitas. Meminit ejus quoque cum honore, Facundus Episcopus Hermianensis, pro defensione trium capitulorum concilii Calchedonensis ad Justinian. Imperat. nostrum. lib. 4. cap. 3. pag. mihi 169. edit. Jac. Sirmondi. Nam venerabilis Pelagius & Anatolius Romani Diaconi, debitam officio suo & loco sollicitudinem pro Ecclesia Dei gerentes, Laudabilis in Christo memoriae Ferrando Carthaginensi Diacono scripserunt, ut habito de causa diligenti tractatu, cum Reverendissimo ejusdem Ecclesiae Carthaginensis Episcopo, vel aliis, quos & zelum fidei, & divinae scripturae sciret habere notitiam consulentibus responderet, quid observandum in commune omnibus videretur: & quibusdam interjectis: sed & ille qui consultus fuerat, rescribens interrogantibus, retractandam non esse docuit epistolam, quam universalis synodus approbavit. Prodiere hi libri Facundi, ut tradit Victor Tunnunensis in Chronico, anno x. post Consulatum Basilii, id est Christi 551. quo tempore jam mortuus fuit noster Ferrandus, qui sexto*

anno post Consulatum Basilii, ut supra ex eodem Victore observatum adhuc floruit. Meminit quoque reverenter Ferrandi Cresconius in Præfatione sui Breviarii, ubi *reverendissimum Carthaginis Ecclesie Diaconum* vocat, & postea *Virum sapientissimum*. Scripta ejus memorant varia. Paræneticum ad Reginum Comitem, qui in Bibliotheca Patrum extat, item Epistolam amplam ad Anatolium Diaconum urbis Romæ, & alias duas ad Fulgentium Episcopum Ruspensem, aliam adhuc ad Eugypium Abbatem, Thesauri ex operibus S. Augustini concinnatorem, quæ primum Romæ sunt publicatæ, postea insertæ *tomo 6. Bibliothec. Patr. edit. Colon.* Sunt quoque qui eum censent auctorem esse vitæ S. Fulgentii Ruspensis, Episcopi, quam habemus *in vit. sanct.* inter quos est Justel: Pater in Præfatione ad Ferrandi nostri Breviationem; & Miræus *in notis ad incerti script. opusculum de XII. scriptor. jam citatum in Biblioth. Eccles. p. 106.* Scripsit quoque *Breviationem Canonum*, quæ pertinet ad institutum nostrum. Eam primo edidit cum Cresconii Breviario, Petr. Pithœus ex Codice MS. Ecclesiæ Trecentis, Lutetiæ An. 1588; quod falso Altaferranus Nicolao Fabricio adscribit; edita est postea cum codice canonum Ecclesiæ Romanæ Parisiis an. 1610; à Chif-

158. Scripta ejus.

159. Breviatio canonum.

à Chiffletio vero Augustoriti Pictonum anno 1630, & ab Altalerrano Divione 1649, tandem vero in Bibliothecam juris Canonici veteris retulerunt Voellus & Justellus Filius, ex destinatione tamen Patris. Non sequitur in hac Collectione Ferandus canonum consequentiam ut Dionysius, sed, habita materiarum ratione, canonicam omnem disciplinam capitibus ducentis & triginta duobus, inclusit, & singulis capitibus concordantes canones & decreta subjecit. Duplex vel triplex error Baronii ex his cavendus. Primus, quod Ferrando trecenta tribuat capitula. tom. 5. ad. Ann. 419. n. 90. his verbis: *Ferrandus Diaconus Carthaginensis Ecclesie in hujus seculi fine magno splendore clauit non Carthagine tantum, sed in Universa Ecclesia Africana, hic quidem in suo Breviario, seu concordantia Canonum, quam diligenter elucubratam trecentis distinxit capitibus, eorundem (Sardicensium) canonum mentionem habet, recensens eos sub titulo concilii Sardicensis. Citat tum in margine Breviarium Ferrandi, c. 149. 153. apud Cresconium. Pergit porro. Immo ipse recte interpretatus, alteri hujusmodi præfixit titulum: De provinciali synodo retractanda per vicarios Episcopi Urbis Romæ, si ipse decreverit. In margine citat. Conc. Sard. 6. 7.* Secundus, quod hic & tom. 7. Anno

160. Error  
res Baro-  
nia

*Christi 527. n. 76* : Ferrandi & Cresconii Breviarium confundat ; & censeat , Cresconium suæ collectioni subjecisse eam , quam eodem ferme tempore elaboravit Ferrandus , sed alio plane ordine dum sub unoquoque collegit capite & citando eos , non recitando , qui diversorum conciliorum de eadem re tractantes reperirentur canones , collocavit ; quod opus jure Cresconius Breviarium appellandum putavit. Tertius , quod Cresconium faciat æqualem Fulgentio , qui fere duobus seculis post eum vixit , ut postea videbimus , ubi de eo ex professo agendum est ; Observarunt hoc Voellius & Justellus in *Bibliotheca juris Canonici veteris præfatione*. In qua post indicatos errores , hæc , quæ multa singularia de utriusque collectione continent , subjiciunt. Etenim licet in methodo & ratione tradendi convenient , Ordo tamen Ferrandi multo spectabilior est & accuratior , quam Cresconii. Si de materia item quæstio sit , non parum inter se differunt , quippe multa habent propria & peculiariora. Ferrando certe propria sunt , quæcunque refert ex conciliis Constantino-politano , Zellenfi seu Tiellensi , Suffertulensi , Septimunicensi , Macrianensi , Juncensi , Mazaranensi seu Maradianensi , Thenitano & Thufdritano , seu Thufduritano , quorum ne meminit quidem Cresconius.

Similiter

161. Con-  
venientia  
& differen-  
tia Ferran-  
di & Cres-  
conii.

Similiter Cresconio proprii sunt Canones Apostolorum & Calchedonenſis concilii, decreta item Romanorum Pontificum, Siricii, Innocentii, Zoſimi, Cœleſtini, Leonis & Gelafii, quæ à Ferrando nuſquam laudantur. Ferrando quidem & Cresconio communes ſunt canones Nicæni, Ancyrani, Neocæſarienſes, Gangrenſes & Antiocheni, Laodicenſes & Sardicenſes; Sed cum hoc discrimine; quod Cresconius has ſeptem ſynodos ex editione Dionyſii Exigui iisdem verbis & numeris exhibeat, non item Ferrandus, qui codicibus uſus eſt in utroque plane diverſis & Dionyſiana editione vetuſtioribus. Quod indicium eſſe poteſt, Ferrando labores Dionyſii Exigui fuiſſe ignotos, & nunquam viſos; ideoque non diu unum ante alium ſuam collectionem perfeciſſe. In Ferrando quoque diverſi ſunt numeri canonum Carthaginienſium, à Dionyſianis & Cresconianis. Quæ diverſitas ex eo nata eſt, quod omnes pariter collectione Canonum Carthaginienſium uſi non ſunt; Græci enim, itemque Dionyſius Exiguus omnes cxxxiii. una ſerie numerarunt, tanquam unius ſynodi, ut revera ſunt. Alii vero ex una ſynodo quaſi duas fecerunt, nec eodem plane modo. Nam Codex vetus canonum Eccleſiæ Romanæ edi-



tus Moguntia Anno 1525. prius exhibet primos xxxiii. canones sub nomine concilii Africani. Eadem divisione usus est Cresconius, qui canones illos xxxiii. priores adscribit concilio quod Carthaginense ἀνωτῶς nuncupat, sed alios centum velut ex altero concilio refert, quod cap. 30. & 154. Carthaginense Universale appellat. At Ferrando minus placuisse illam collectionem verosimile est; sive quod in ea quædam deesse, quædam redundare, alia inconcinne sejuncta vel connexa esseprehenderit: sive quod ipsos fontes adire, quam ipsos revulos sectari maluerit. Quapropter ex toto illo concilio anni cdxix. ex quo Africana Collectio emanavit, sex tantum ultimos canones, qui soli sunt ejus proprii, spectavit, & ex eis titulos 2. 3. 4. & 6. capitulis suis 73. 195. 196. & 197. inseruit, reliquos canones, ex quibus Africana constat Collectio, non ex ipsa Collectione, sed ex singulorum conciliorum Africae integris actis retulit. Plures convenientias & differentias ostendet duplex ille index, quem in Fulgentium & Cresconium publicarunt Voellius & Justellus in sæpius laudata *Bibliotheca juris Canon. veter.* ex manuscripto Guilielmi Blueti, in Senatu Parisiensi Advocati, quorum unus Materiam canonum,



canonum, alter vero consonantiam & discrepantiam inter utrumque declarat.

Ferrandum sequitur Johannes Antiochenus Presbyter, qui Scholaſticus vocatur, quod quidam volunt fuiſſe officii cujusdam Eccleſiaſtici nomen, & idem cum Proto-notarii eſſe, ſed falſo. Temporibus enim Juſtiniani & anterioribus Scholaſtici vocabantur Advocati & Patroni, qui in foro cauſas dicebant. Probat hoc vel unicus Agathias, quem Suidas *Scholaſticum* vocat.

Ἀγαθίας ſχολαſτικός Σμυρναῖος, ὁ γράλλας τὴν μὲν Προκόπιον ἱστορίαν ἔ Καιοπαρέα. *Agathias Scholaſticus Smyrneus ſcripſit hiftoriam poſt Procopium Caſarienſem.* Agathias autem ipſe cujus fuerit profeſſionis docet lib. 1. *Hiftor.* Ἀγαθίας μὲν ὄνομα, Μύρρινα δὲ πατρίς, Μερμόνιον πατήρ, τέχνη δὲ τὰ Ρωμαίων νόμιμα, ἣ οἱ τῷ δικαſτηρίῳ ἀγῶνες. *Agathias mihi nomen eſt, Murrina patria, Memnonius Pater, ars quam profiteor, jura Romana & judiciorum certamina; Quod iterum teſtatur libro 3. vide quoque Synefii Epiſtolas, in quibus cauſidici paſſim vocantur Scholaſtici. Epiſt. 105. 155. & 156. ad Domitianum Scholaſticum. Hoc quoque nomine judices per Provincias ſunt appellati. Sigebert. in Chronico: Franco Scholaſticus Leodicenſium & ſcientia literarum & morum probitate claret. Walafrius Strabo de reb.*

*Eccle-*

162. Jo-  
hannis An-  
tiochenſ  
Presbyteri  
collectio-  
nes.

163. Quare  
Scholaſti-  
cus voca-  
tus.

*Ecclesiasticis cap. xxv. Quales composuerunt Ambrosius, Hilarius, & Beda Anglorum Pater, & Prudentius Scholasticus Hispaniarum. Scholæ tum temporis erant Collegia Jurisperitorum. Vid. Joh. Meurs. Glossar. Græco-barbar. voce Σχολαστικός, & Vossium de Histor. Græc. lib. 2. cap. 22. in vita Agathæ. Fuerunt & alii Scholastici dicti, sed hos nunc, quia ad institutum nostrum nil faciunt, prætermittimus. Noster Johannes inde quoque est dictus σχολαστικός, quia in foro ex Scholasticorum seu advocatorum*

164. Fuit Presbyter & Apocryfarius; & quale hoc officium.

numero erat. Fuit primum Presbyter Antiochiæ, & Apocryfarius, quales vocabantur, qui legati Ecclesiæ negotia tractabant. Justin. Novell. 6. c. 2. *Ἐξ τῶν τὰ πράγματα περὶ τῶν τῶν ἀρχιεπισκόπων ἐκκλησιῶν, ὡς ἀποκρισάμενοι καλῶσιν. Propterea sancimus, si propter ecclesiasticam occasionem inciderit necessitas, hanc aut per eos qui res agunt sacrarum ecclesiarum, quos Apocryfarios vocant &c. Postea tamen indifferenter pro quovis legato positum legitur. Incepit hoc munus & nomen temporibus Constantini Magni. Hincmarus Epist. 3. cap. 13. Cujus (Apocryfarii) ministerium eo tempore sumsit exordium, quando Constantinus Magnus Imperator Christianus effectus propter amorem & honorem sanctorum Apostolorum Petri, quorum doctrina ac ministe-*

rio

rio ad Christi gratiam baptismatis sacramenti pervenit, &c. Habuerunt honorem hunc primum Episcopi; postea, quia satius ut illi ecclesias curarent, plerumque adhibiti Presbyteri aut Diaconi. Officium eorum erat regere omnem palatii Clerum; habebant adjunctum Protocapcellarium: dicti quoque fuerunt *Capellani*, & *custodes Pallatii*. Videatur Hincmarus d.l. Ex Apocrisario Johannes noster factus est per Justinianum Imperatorem Patriarcha Constantinopolitanus, idque in Eutychii locum, qui in exilium ejectus fuit. Factum id an. 564. vid. Baron. ad istum Annum num. 14. ubi hoc ei tribuit elogium vel potius vituperium. Ubi primum autem de exilio Eutychii sententia lata est: continuo de successore eligendo actum delectusque fuit Johannes cognomento Scholasticus ex apocrisario Ecclesie Antiochena, homo plane servus glorie & nundinator rerum sacrarum, qui-que pretio adulationis eam mercatus est dignitatem. Quod tamen elogium ille nullius auctoritate probat. Sedit in Episcopatu usque ad annum 578, quo tempore revocatus est Eutychius, post mortem Justiniani. Huius est duplex opus in jure ecclesiastico elaboratum, primum præfert titulum *συλλογῆς κανόνων*, Collectionis canonum, alterum *Νομοκανονίς*. In collectione omnium conciliorum

165. Postea Patriarcha Constantinopolitanus factus est.

166. Scripta ejus & collectiones.

167. συλλογῆς κανόνων.

liorum canones in codice Ecclesiæ Univer-  
sæ se secundum temporis rationem conse-  
quentes, in quinquaginta titulos digerit,  
& eos qui sunt ejusdem argumenti, sub ea-  
dem capita seu titulos refert, & ταξιν πινὰ, καὶ  
ἀκολουθίαν ἀριθμῶν ἐφυλάξαμεν, inquit ipse  
in *Præfatione collectioni præfixa*, ἀλλὰ ὁμοίᾳ  
τοῖς ὁμοίοις ὡς οἶόν τε σωμαρμόσαντες, καὶ ἴσω  
κεφαλαίῳ συμπλέξαντες, *Non ordinem quen-*  
*dā & seriem numerorum servavimus: sed simi-*  
*lia similibus, quantum fieri potuit, copulantes,*  
*& par pari capiti connectentes &c.* Inseruit suæ  
collectioni primus inter Græcos Canones  
Apostolicos LXXXV; ante semper fere secu-  
lum effectos & suppositos, Sardicenses XXI.  
eosque præmittit Antiochenis antiquiori-  
bus, & Basilii LXVIII; quos omnes non  
summatim recenset, sed longe lateque de-  
scripsit. Ad hanc Collectionem respexisse  
videtur Nicolaus I. Papa, eamque vocare  
*concordiam canonum*, quia unius argumenti  
canones, sub eodem titulo in concordiam  
rediguntur; ita enim scribit ad Photium,  
Patriarcham Constantinopol. *Quomodo non*  
*sunt penes vos canones Sardicenses, quando in-*  
*ter quinquaginta titulos, quibus CONCORDIA*  
*CANONUM apud vos texitur, ipsi quoque re-*  
*periuntur.* Alterum ipsius opus est *Nomoca-*  
*non*, isque est epitome Collectionis quin-  
quaginta

168. Νο-  
μοκάνον.

quaginta istorum capitum seu titulorum, om-  
missis integris canonibus, notata tantum sen-  
tentia & numero, quibus concordēs leges, τὰ  
συνάδοντα νόμιμα, potissimum Justiniani Im-  
peratoris Novellas Constitutiones subjicit.  
Ad hunc Nomocanonem Johannis Scho-  
lastici putat Justellus Pater *Præfatione ad  
eum*, respexisse Theodorum Balsamonem  
*ad canonem I. Concil. Constantinopol. in Trullo  
habiti*, in exemplari Græco Joh. Tili, quo  
olim usus Gentianus Hervetus, in cujus  
Latina interpretatione hæc verba reperiun-  
tur, quæ in Græca editione Parisiensi de-  
siderantur. *Nomocanonum autem*, inquit,  
*quod in quinquaginta titulos leges & canones  
redegit, & reliquas Justiniani Novellas, quæ  
exoleverunt, ut quæ in Imperio non sunt rece-  
ptæ, & alias quasdam leges ex Digestis & Co-  
dice.* Hinc facile est colligere Johannem  
Scholasticum, cum adhuc Presbyter esset  
Antiochiæ Collectionem suam Canonum  
quinquaginta titulis distinctam composuisse,  
Nomocanonem autem postquam Pa-  
triarcha Constantinopolitanus designatus  
est. Sunt qui συναγωγὴν κανόνων, seu Colle-  
ctionem canonum non Johanni Scholasti-  
co, sed Theodoreto Cyri Episcopo adscri-  
bunt, qui centum & triginta annis nostrum  
Joh. Scholasticum præcessit, inter quos est,  
auctor

169. Theo-  
doreto qui-  
dam colle-  
ctionem  
hanc ad-  
scribunt.

auctor in jure Canonico alias non hospes;  
 Francisc: Florens, *de origine Juris Canonici.*  
*part. 2.* qui deceptus est à codice Manuscri-  
 pto Bibliothecæ Regiæ, in quo Nomoca-  
 non habetur, qui præfert auctorem Theo-  
 doretum Episcopum Cyri, quasi Johannes  
 Scholasticus tantum leges subjecisset. Hunc  
 titulum Justellus d. l. vocat *adjectitiam*, &  
*supposititiam epigraphen*, & subdit, *Nec enim*  
*alibi unquam, ab ullo quovis auctore Græco, ejus*  
*Nomocanonis, sub Theodoreti nomine, mentio*  
*facta est, sed Joh. Scholastico tribuunt omnes*  
*codices MSS.* Sic enim habet Codex Illu-  
 strissimi Franciæ Cancellarii Petri Seguierii.  
 Ἰωάννης Ἐπισκόπος Κωνσταντινουπόλεως τῆς μῆσος  
 Εὐτυχίς, συναγωγή κανόνων εἰς ν'. τίτλους διη-  
 ρημένη; Codex vero Claromontensis. Ἰωάν-  
 νης πρεσβύτερος Ἀντιοχείας, διὰ σχολαστικῶν ἔ-  
 ρα συντάττει τὰς ὅλας κανόνας εἰς ν'. τίτλους.  
 Et Codex Oxoniensis. Συναγωγή κανόνων  
 ἐκκλησιαστικῶν εἰς πεντήκοντα τίτλους διηρημέ-  
 νη, & postea: Ἰωάννης ἀρχιεπισκόπος Κωνσταν-  
 τινουπόλεως εἰς τὸ νομοκανόνα περίλογος. Quin-  
 imo ipse Codex Manuscriptus Regius in fi-  
 ne exprimit, nomen Ἰωάννης ἀρχιεπισκόπος  
 Κωνσταντινουπόλεως, τῆς διὰ σχολαστικῶν. Unde  
 planum est, subdit Justellus, & indubium,  
 utramque hanc collectionem esse ejusdem auctoris,  
 Joh. videlicet Scholastici. Nec sane Theodoro  
 digna



*digna est hæc Collectio, cujus stylus non redolet gravitatem tanti Viri, planeque Doctissimi. Nec verosimile est Theodoretum inseruisse canones Apostolicos & Sardicenses, sua ætate à Græcis nondum receptos (adde quoad canones Apostolicos, nondum effectos aut suppositos) nec veteri Codici canonum, quo usa est Ecclesia universa in concilio Calchedonensi, cui ipse interfuit insertos, & quos Joh. Scholasticus, Collectionis quinquaginta titulorum & Nomocanonis auctor, suæ Collectioni primus inseruit, & postea Ecclesia Orientalis in synodo Trullana probavit, & confirmavit, anno demum DCCVII. sub Justiniano II. Imp. Sunt & multa alia quæ eam collectionem non esse Theodoretum, atque post ejus obitum, factum indicare videantur: sed in tanta luce sufficit hæc adnotasse. Conatur nihilominus Fr. Florens dicto loco suam sententiam adstruere, esse collectionis auctorem Theodoretum, quia concilii quinti Oecumenici sub Justiniano celebrati collectio illa mentionem non facit. Præterea quod Theodoretus conciliorum & Patrum canones non integros referat, sed sententiam tantum brevissimo verborum compendio certis titulis includat. Denique quod ex duabus Basilii Epistolis tantum xxvii. non plures canones auctor collectionis adducat. Quæ omnia si vera essent, attamen non evincerent,*

rent, quod Fr. Florens intendit, nempe Theodoretum, non Joh. Scholasticum esse auctorem istius collectionis. Tum etiam nititur falso supposito primum argumentum, quasi synodus illa sub Justinirno ediderit canones, quæ nullos edidit; tandem duo sequentia ex ipsa inspectione apparebunt esse falsa. Quod indicium est, Florentem non vidisse labores Joh. Scholastici, qui tum adhuc in bibliothecis delitescabant. Produxit eos primus Justellus Pater, & Filius in Bibliotheca juris Canonici veteris, in cujus tomo secundo utrumque opusculum primum occupat locum Græcè & Latinè versum. Tria, ut Nomocanonis jam recensita, sic etiam *συναγωγὴς κανόνων*, seu *Collectionis Canonum* memorantur manuscripta; Unum perquam vetustum Romæ in Bibliotheca Vaticana, Heidelbergæ allatum, insigne quidem & eximium, sed exesum & mutilum. Alterum æque antiquum, sed integrum in Bibliotheca Franciæ Cancellarii Petri Seguierii, Tertium in Bibliotheca Collegii Claromontani Parisiensis, quod à Jacobo Sirmondo accepit Justellus, & typis exprimi curavit. Collectiones hæ Johannis Scholastici ab initio fuerunt magni usus & auctoritatis, utpote quæ in suo genere diu apud Græcos solæ fuerunt. Deinde

Magnus

170. Auctoritas  
Collectionum  
Johannis  
Scholastici.

Magnus Usserius in *dissert. de script. Ignatii. cap. 6. pag. 37. & seq.* prodidit, ejus Nomocanonem ab Imperatore Justiniano fuisse confirmatum, & Epiphanio Patriarchæ, ad quem Nov. 6. scripta est, commendatum. Sed tum ante Patriarchatum debet supponi scriptus Nomocanon, contra quam supra Justellus censuit. Verba Usserii subjicimus. Cum igitur, inquit, sub sexti seculi, ut diximus initia, quinquaginta tantum extiterint Canones, iidemque à pluribus habiti apocryphi: triginta quinque alios à falsario, de quo nunc agimus, mox adjectos animadvertimus; Justiniani Imperatoris temporibus & primum natos, & in Ecclesiasticum Nomocanonem unâ cum reliquis mox admissos. tum illum, quem à se confirmatum Epiphanio Constantinopolitano Patriarchæ commendavit ipse Justinianus (si qua fides Arabico hujus Codicis interpreti adhibenda, quem Viri clarissimi & optimi D. Thomæ Roe, equitis aurati & Serenissimi Regis nostri apud Turcarum Imperatorem nuper Oratoris, beneficio Bibliotheca Oxoniensis jam possidet:) tum alterum, à Johanne Epiphaniensi Scholastico (qui Eutychio in Patriarchatu Constantinopolitano, sub finem imperii Justiniani, est suspectus) concinnatum; cui in quibusdam exemplaribus Theodoreti Cyrensis Episcopi nomen perperam est adscriptum. Hac ille. Postea vero testan-

te Balsamone *in supplem.* per Photii Nomo-  
 canonem pleniorē & uberiorē hi Johan-  
 nis labores penitus sunt offuscati, & me-  
 moria fere plane deleta. Ex eo quod octua-  
 ginta quinque canones Apostolicos non ita  
 diu fictos & Apostolorum nomine ornatos,  
 à nullo adhuc probatos vel receptos, sta-  
 tim ille admiserit, & collectionibus suis in-  
 seruerit, forte etiam Justiniano eorum com-  
 mendationem persuaserit, videtur colligi  
 posse, fuisse Hominem non magni judicii:  
 (alias facile hos canones deprehendisset, nil  
 minus quam Apostolos auctores aut aetatem  
 spirare) sed ingenii Græci, quæ facilia sunt  
 in admittendis istiusmodi nugis. Quamob-  
 rem non obscure, nec immerito nostrum  
 hunc Scholasticum taxat, Doctissimus Da-  
 læus *de Pseudepigraph. Apostolicis. lib. 3. cap. 3.*  
*pag. 456. & cap. 21. fin. pag. 686.*

171. Mar-  
 tinus Bra-  
 charenfis,  
 eodem tem-  
 pore in Hi-  
 spania col-  
 lectionem  
 aut versio-  
 nem no-  
 vam fecit.

Ordo temporis nunc exigit, ut Marti-  
 num, primum Dumienfis Monasterii Abba-  
 tem, postea Episcopum Bracarensem in sce-  
 nam producamus. Fuit is natione Panno-  
 nius, teste Gregor. Turonens. *Hist. Franc.*  
*lib. 5. c. 38.* Errat itaque Garfias Loaysa,  
*Prefat. ad Mart. Bracar. capit. in collect. concil.*  
*Hispan.* qui eum Græcum fuisse bis terve  
 affirmat, & ne existimes eum id de co-  
 gnitione linguæ Græcæ intellexisse, diserte  
 homi-

hominem Græcum vocat. En Elogium ejus. Martinus Bracarenſis Episcopuſ capitula edidit ſynodorum Græcarum quæ citantur à Gratiano cap. propter Eccleſiaſticas diſtinct. 18. Erat Græcus & hæc capitula Græca Latina fecit, vocatur liber Capitulorum Martini. Hic cum eſſet Græcus ad utilitatem Eccleſiarum Hiſpaniæ hæc capitula Græca Latina fecit, & alia quedam ex Latinis addidit, & à Græcis aliqua detraxit, ut eſt in cap. propter Eccleſiaſticas, quod deſumptum eſt ex concilio Antiocben. cap. 20. Alia etiam ex Toletanis conciliis poſuit Græcuſ homo, & ad mores noſtrorum hominum Græcos ritus ſancte & prudenter accommodavit. Ex patria in Orientem progreſſuſ, bonas literas & ſcientias ibidem hauſit, & tantos in iis profectus fecit, ut doctiſſimos ſui temporis æquaret, aut ſuperaret. Ex Oriente in Galliciam trajecit, ibique converſis ab Arriana impietate Suevorum populis, regulam fidei & ſanctæ religionis conſtituit. Eccleſias confirmavit, Monasteria condidit; vid. Iſidor. Hiſpal. de Viris Illuſtr. cap. 22. alias 35. Qui etiam in Hiſtor. ſive Chro. Gotthor. hæc de eo refert. Poſt multos deinde Reges regnum Suevorum ſuſcepit Theudemiruſ, qui fidem Catholicam adeptuſ, Arrianæ impietatiſ errore deſtructo, Suevos unitati fidei reddidit. Hujus temporibus Martinuſ, Monasterii Dumienſiſ Episcopuſ,

*scopus, fide & sanctitate claruit; cuius studio & pax Ecclesia reddita est, & multa monasteria condita. Ipsius quoque Dumienſis Monasterii conditor dicitur, vid. Concil. Toletani. X. decret. 3. cuius fuit primum Abbas, & ex Abbate factus est Episcopus Braccarenſis; in quo sacerdotio eum plus minus triginta annis exegisse, & plenum virtutibus ad Dominum migrasse dicit Gregor. Turon. cit. loc. & Aimoinus Monach. de gestis Francor. lib. 3. c. 38. alias 39. Ea tempeſtate, inquit, B. Martinus Gallicenſis migravit ad Dominum. Hic Pannoniâ oriundus loca in Oriente circumiens, abunde se illis litteris imbuit, & per Galliciam revertens, in basilica, quæ prima apud Hispanos in honore S. Martini dedicata est, Pontifex ordinatus, triginta in hoc officio explevit annos. Anno 7. Childeberti Regis, qui fuit 21. Chilperici atque Guntranni, &c. Testamenti ejus fit mentio in Concilii Toletani X. decret. 3. Scripta ejus recenset Isidorus, loc. cit. à quo omiſſa ſupplet Miræus in Bibliotheca Ecclesiast. Hæc recenset Isidorus. Copioſa præcepta piæ institutionis composuit. Cujus quidem ego (ipse) legi librum de Differentiis quatuor virtutum, & aliud volumen Epistolarum, in quibus hortatur vitæ emendationem, & conversationem fidei, orationis instantiam, eleemoſynarum distributionem, & super*

172.  
Scripta  
ejus.



per omnia cultum virtutum omnium, & pietatem. Floruit regnante Theodemiro Rege Suevorum, temporibus illis, quibus Justinianus in Republica, & Athanagildus in Hispaniis imperium tenuerunt. Eadem fere ad verbum habet Honorius Augustodun. de luminarib, Ecclesiæ, sive de Scriptorib. Ecclesiast. lib. 3. cap. 4. Quæ hisce supplet Miræus. Martinus Dumienfis in Galacia monasterii primum Abbas & conditor, postea Bracarenfis in Lusitania Episcopus anno 572. floruit, Æra 598. Bracarenfi synodo prima, & Æra 610. secunda præfuit. Baronius existimat ipsum anno 573. obiisse. Scripsit librum de quatuor virtutibus, falso Seneca à nonnullis attributum, sive Formulam honestæ vitæ, quæ tomo VI. Bibliothecæ Patrum extat. Isidorus huic libro dat titulum de quatuor virtutum Cardinalium differentia. Idem Collectionem Canonum ex Græcis synodis adornavit, quæ in Tomis Conciliorum legitur. In appendice ad vitas Patrum typis Plantinianis 1628. editas, extant sententiæ Ægyptiorum Patrum ab homine Græco anonymo collectæ, & à Martino Dumienfi in Latinum translatae. Fuit autem natione Pannonius, ut ex ejus epitaphio constat. Interrogationes illæ, quarum in fine meminit Miræus, translatae sunt per manum Paschasii Diaconi. ut refert Sigebertus, de Scriptor. Eccles. cap. 117. Martinus, inquit, Episcopus

m 4

transtulit

transtulit per manum Paschasii Diaconi interrogationes & responsiones plurimas sanctorum Aegyptiorum Patrum, in Dumienſi Monasterio. Idem librum de quatuor virtutibus, inscriptum docet; *Honestæ vitæ formulam. cap. 19. de iisd. script. Eccles.* Ad nostrum institutum

173. Collectio canonum ejus.

174. Quando facta.

tantum pertinet *Collectio Canonum* ejus, quæ facta est eodem fere tempore, quo Dionysius Exiguus Romæ suam *Collectionem* & *versionem*; & in Africa & quidem Carthagini suam *Digestionem* adornaret Ferrandus: utrique tamen posterior est. Nam Ferrandus, ut supra notatum ex Facundo Hermianensi anno 551. jam vita exceſſerat, & Dionysius Exiguus in principio Iustinianæ Imperii, seculi sexti anno trigesimo præter propter suam versionem adornavit, aut etiam citius adhuc, ut supra ex eo ostendimus, quod decretales, quæ post versionem canonum sunt collectæ, Iuliano Presbytero sint inscriptæ, vid. num: marg. 76. Martinus autem noster, si triginta annis in Hispania, ut supra probatum, exegit, & anno 573. secundum Baronium, vel 580. secundum Dalæum vita exceſſit, anno 43. vel 50. in Hispaniam venit. Propius ad eam accedit συναγωγή κανόνων Ioh. Scholastici, quæ facta ante annum 564. ut supra quoque observavimus. *Collectionem* suam fecit

cit eandem ob causam, ob quam Dionysius Exiguus suam versionem adornavit, nempe, ob antiquæ versionis incommoditatem; quod ille in *Prefatione*, quam suæ collectioni præmisit satis innuit. *Canones*, inquit, qui in partibus Orientis ab antiquis Patribus constituti sunt, Græco prius sermone conscripti sunt; postea autem succedenti tempore in Latinam linguam translati sunt. Et quia difficile est, ut simplicius aliquid ex alia lingua transferatur in aliam; simulque & illud accidit, ut in tantis temporibus scriptores, aut non intelligentes, aut dormitantes multa prætermittant, & propterea in ipsis canonibus aliqua simplicioribus videantur obscura. Ideo visum est ut cum omni diligentia, & ea quæ per translationes obscurius dicta sunt, & ea quæ per scriptores sunt imminuta, simplicius & emendatius restaurarem.

175 Quare suam collectionem fecerit Martinus.

Quod tamen non satis accurate observavit aut præstitit. Pleraque quidem ex Græco vertit, aliqua tamen immiscuit ex conciliis Occidentalibus, Africanis, item Hispanicis, veluti Toletano I. & Bracarense, quia ibidem erat antistes. Aliquando etiam non ita Latina facta sunt, ut habentur in Græcis, sed ex duobus aut tribus capitibus diversorum conciliorum unum ille facit caput, quod observat Anton. Augustinus. in *judicio de Collectoribus canonum*, quod extat,

176. Unde hauserit.

177. Quo-  
modo di-  
viferit.

178. Edi-  
tionum di-  
versitas.

*part. 2. Epit. jur. Pontif.* Opus ejus bipartitum est, & aliqua arte & methodo pollet. Prima pars continet canones, qui de personis, rebus & ritibus Ecclesiasticis agunt, altera res ad Laicos, ut vocant, pertinentes, complectitur. Quod & ipse in statim laudata *Præfat.* indicat. *Id primum, inquit, observans, ut illa quæ ad Episcopos vel. universum Clerum pertinent, una in parte conscripta sunt: similiter & quæ ad Laicos pertinent, simul sint adunata, ut de quo capitulo scire aliquis voluerit, possit celerius invenire.* Hujus collectionis duæ sunt editiones, una vulgaris & vetus, quam omnes conciliorum collectiones exhibent; Altera recens, quam ex antiquis Manuscriptis dicit se edidisse *Garfias à Loaysa* in collectione conciliorum Hispaniæ. Veterem illam & vulgarem exhibuere Editores sæpius laudatæ *Bibliotheca juris Canonici veteris*, *Voellius* & *Justellus Filius* in *appendice tom. I.* ita tamen ut novum opus, ut illi præfantur, jure censeretur ac dici mereatur, ut quæ singulari cura ab eruditissimo Viro *Johanne Doviatio* sacrorum Canonum interprete Regio cum cæteris editionibus & libris Manu exaratis collata sit, annotatis, ad marginem versionibus tum variis lectionibus, tum conciliis ex quibus, tanquam fontibus suos *Martinus* canones depromsit. In quo

quo id monendus es lector, ne credas Do-  
 viatio, aut ei, qui in editione Voelli &  
 Justelli fontes adjecit, quando in indican-  
 dis fontibus etiam memorat canones Pseud-  
 apostolicos; hos nunquam in suam Colle-  
 ctionem retulit, nec eorum meminit, ne-  
 que etiam eo tempore quo is in Oriente  
 fuit, ante nimirum seculi quinti medium  
 ficti aut Apostolis suppositi fuerunt, ut pa-  
 tet ex iis quæ late supra disputata sunt. Fa-  
 ciunt huc quæ refert Doctiss: Dalæus. in  
*Pseudepig. Apostolic. lib. 3. cap. 19. pag. 653.*  
*fine.* Itaque, inquit, non Latinis magis, quam  
 Græcis, quarto seculo, quintoque jam ad annum  
 51. adulto cogniti erant isti Apostolorum cano-  
 nes. Ac tamen si sexto ineunte seculo quinquagin-  
 ta Dionysiaci jam extarent, ne tum quidem in-  
 ter regulas Ecclesiasticas ab omnibus admissi sunt.  
 Nam neque iis Ferrandus Ecclesiæ Carthaginen-  
 sis Diaconus locum ullum in Breviario canonum  
 dedit, quod circa sexti seculi principia concin-  
 navit, atque publicavit; neque qui in Hispania  
 a. D. 580. obiit, Martinus Bracarenfis, eos vel  
 memoravit, vel usurpavit, aut inseruit in sua illa  
 Græcorum Canonum interpretatione, quam Col-  
 lectionis Orientalium Canonum nomine ad  
 Nitigesium a. D. 572. missam edidit. Quod  
 & observavit & fatetur Antonius Augusti-  
 nus, statim adducendus. Illud hic non ne-  
 gligendum

179. Ca-  
 nones A-  
 postolici  
 Martino  
 Ignori, er-  
 ror Dovia-  
 tii caven-  
 dus.

180. Martini hæc collectio per errorem, pro Martini Papæ canonibus habita.

gligendum sed monendum, quod ante Antonii Democharis editionem Decreti Gratiani, Collectio hæc Martini Bracharenfis, citata sit, quasi essent capitula Martini Papæ Romani, qui tamen multis annis posterior est Martino nostro. Hosce errores Gratiani correxit in sua editione Demochares & Contius, qui in margine quando Gratianus scribit: *Ex concilio Martini Papæ*, notant: *Martini Bracharenfis* nomen, ex capitulis Græcarum synodorum. Latissime hac de re agit Ant. Augustinus noster, *Dialogorum lib. I. Dialog. x. xi. & xii.* quorum primus sic incipit, & hæc quæ potissimum ad rem præsentem faciunt, habet. Credo vos non ignorare, si Gratiani librum ab Ant. Demochare, vel ab Ant. Contio editum legistis: in omnibus fere capitibus, quæ habent hanc inscriptionem: *Ex concilio Martini Papæ*: additum esse in margine *Martini Bracharenfis* nomen, ex capitulis Græcarum synodorum. Quod à Demochare factum est, sumitur ex libris conciliorum, in quibus post secundum Bracarense concilium, illa capita sunt Martini Episcopi, qui se ex Orientis conciliis ea sumere dicit, offensus varia interpretatione eorum. Unde autem singula capita sumantur, non adscripsit, quod sciam? sed ego ea conferens cum

Græcis



Græcis inveni, paucis exceptis, quæ non in Græcis, sed in Latinis conciliis reperta sunt. Concilium Martini Papæ insigne fuit contra Monothelitas habitum ante sextam synodum, in quo non hi canones editi fuerunt, neque confirmati. Tamen nescio quomodo à collectoribus referri solent, ut Martini Papæ in synodo. Sic fit, ut à Gratiano Martini Papæ appellentur, & cum Græcis jungantur quasi diversi. Exemplum sumamus à concilio Nicæno; nam canones Apostolorum præteritos ab eo esse video. Idem observavit in *secunda parte Epitom. juris Pontificii* Ant. August. Baronius ad ann. 572. num. 14. postquam ipsam Martini Præfationem recitasset, subjungit. *Extat ipsa collectio canonibus octoginta quinque locupletata.* Intelligit, nisi fallor, Canones Apostolicos, qui sunt additi collectioni Martini, ab ipso autem, ut dictum, neglecti.

Nunc ad Cresconium transeamus, ejusque Collectionem. Fuit ille Episcopus Africanus, Eruditissimis Viris annumeratus ætate Leontii Imperatoris. Carmine panxit historiam eorum quæ Johannes Patricius gessit in Africa, cujus libri summam ex Cedreno cognoscere possumus; qui refert, quod, cum Arabes tertio Leontii anno (is erat Christi 696.) Africam occupassent, Leontius

181. Progressus ad Cresconium, quis ille.

182. Scripta ejus historica.

Leontius Imperator eo miserit Joannem Patricium Virum Strenuum, qui hostes fuderit, castraque eorum in Africa ceperit universa. Vid. Vossium *de Histor. Latin. lib.*

3. *cap. 3.* quem miror Cresconium neglexisse in Poëtarum Latinorum historia. Eadem testatur inscriptio Codicis MSti Bibliothecæ Vaticanæ, quam adducit Baron. *ad Ann. 527. num. 76:* quæ est hæc. *Concordia Canonum à Cresconio Africano Episcopo digesta, sub capitibus trecentis. Iste bella & victorias, quas Johannes Patricius apud Africam de Sarcenis gessit, hexametris versibus descripsit. In*

183. Ca-  
nonica.

jure Canonico duplex ejus fertur opus, vel ut alii volunt, unius operis duæ partes. Una, quæ *Canonum Breviarium* vocatur. Cujus epigraphe est hæc in editione Parisiensi quæ Codici Ecclesiæ Romanæ est annexa, & in Bibliothecâ Juris Canonici Veteris.

CRESCONII. EPISCOPI. AFRICANI. BREVIARIUM. CANONICUM. HIC. HABETUR. CONCORDIA. CANONUM. CONCILIORUM. INFRASCRIPTORUM. ET. PRÆSULUM. ROMANORUM. ID. EST. CANONUM. APOSTOLORUM. NICÆNORUM. NOVÆCÆSARIENSIIUM. GANGRENSIUM. ANTIOCHENSIIUM. LAODICENSIIUM. CALCHEDONENSIIUM. SARDICENSIIUM. CARTHAGINENSIIUM. ITEM. PRÆSULUM. SIRICII. INNOCEN-

TII.

**III. ZOSIMI. CELESTINI. LEONIS. ET. GELASII.** In hoc opere disciplinam Ecclesiasticam ad exemplum Fulgentii Ferrandi, trecentis titulis vel summulis inclusit, citatis tantum canonibus aut Pontificum decretis, non recitatis verbis. Quem modum supra *Breviarium Canonum* vocari diximus. Ipse Cresconius, in Præfatione sua, Fulgentii opus vocat *Breviatum*. Alterum opus ejus, seu altera pars operis eodem ordine, iisdem numeris & titulis decurrit usque ad trecentissimum, & iidem canones conciliorum, & decreta Pontificum citantur non tantum, sed *ὡς ἀπὸ πλάτῳ* etiam recitantur. Quod opus in Manuscriptis inscribitur **CONCORDIA CANONUM, vel LIBER CANONUM.** Ita docti hætenus censuerunt, & opus vel opera Cresconii distinxerunt: mihi ruminanti accuratius, suspicio oritur Cresconium tantum scripsisse posterius opus, in quo canones integri recensentur; Idque ex eo con-jicio, quod ille in Fulgentii Breviario taxet, quod illud magis ad recolligendam memoriam sit scriptum, quam ad instructionem & doctrinam imperitorum: quoniam citabantur quidem capitula & decreta ex variis libris, quibus multi carebant, aut in quibus citata quærere nec invenire poterant. Huic difficultati occurrere volens  
**Cresco-**

184. Dis-  
quisitio de  
opere Cres-  
conii accu-  
rator.

Cresconius, non tantum, quemadmodum Ferrandus citavit concordantes canones, verum etiam ipsa canonum verba subiecit. Res magis aperta fiet ex ipsius Cresconii verbis, quæ ex præfatione ad Liberinum, vel ut alii libri habent Liberium Pontificem, Breviario præfixa (quam tamen secundum dicta Concordiæ vel Libro canonum præmitti potius debere censemus) hæc sunt. Cælesti auxilio præmanitus, obsequi malui imperatis, vestrisque votis, Deo favente, libentissime subservire, illa maxime invitatus ex parte, quod antefatus venerabilis Vir (Ferrandus) ad conversationem memoriæ eorum hoc effecisse noscitur Breviatum, quia illa ipsa jam bene cognita perceperant, quo per eum cum voluerint, quæ cupiunt recorderentur; Indoctorum vero, quorum est maxima multitudo, in eodem opere studium probatur, ut ita dixerim, sequestrasse, dum eos ad inquisitionem earum rerum præmisit, quæ nec ab omnibus reperiuntur, nec reperta sine fastidio perleguntur. Nulli siquidem dubium est, quam molestissime perferat Lector, dum avidius cujusque rei cognitionem, expectat, & ad librum præmittitur, quem aut forte non legit, aut ubi reperiat non novit. Quamobrem antefati Viri laude prælata, necessarium duxi profectioni subserviens parvulorum, juxta vestrum imperium, cuncta ecclesiastica, ut dictum est, constituta,

constituta, quæ ad nostram notitiam pervenerunt, in hoc opere sub titulorum serie prænotare; & ea condiscere valentibus, & volentibus dubitationis ambagem auferre; ut eorum plena instructio non ex difficultate scriptoris, sed ex desidia jam dependeat Lectoris. Ex quibus apparet illum voluisse aliquid corrigere, quod Ferrandus neglexerat, nempe, ne tantum doctis, sed insuper quoque indoctis & rudibus novam scriberet suam collectionem: deinde quoque succurrere eis qui sub certis titulis, tantum nude citatos canones vel non poterant ob defectum librorum, & investigandi imperitiam, aut nolebant ob desidiam quandam requirere & investigare; huic fini observata methodo Fulg. Ferrandi, conquisivit ex variis libris integros ipsos canones. Sed quid tum fiet Breviario? Potest id esse decerptum ab alio, cui Cresconii opus prolixum nimis, vel qui nudam notitiam tantum memoriæ causa habere voluit. Quod & in aliis videmus factum. Exemplum potest præbere syllabus & tituli illi canonum Dionysii Exigui, qui seorsim sunt editi, & ab opere seu versione & collectione Dionysii avulsi; quod præter alia demonstrat satis editio Parisiensis Codicis canonum Ecclesiæ Romanæ, in cujus fine cum Præfatione Dionysii Exigui, subjiciuntur

ciuntur tantum lemmata & tituli canonum; ex quo tamen nemo dixerit duo opera Dionysium edidisse, unum quod titulos canonum, alterum quod ipsos canones contineret. Si quis tamen aliter verba Cresconii supra adducta interpretari, & utrumque opus Cresconio adscribere velit, non multum repugnabo. Est hæc tantum conjectura nostra; non enim inficias imus, posse etiam hæc: *Necessarium duxi, subserviens profectui parvulorum, cuncta Ecclesiastica constituta in hoc opere sub titulorum serie pranotare, & ea condiscere valentibus & volentibus dubitationis ambagem auferre. &c.* Ad utrumque opus applicari, ita ut *pranotare* illud denotet *Breviarium Canonum*, ad colligendam tantum memoriam juxta exemplum Ferrandi factum; cætera *Concordiam Canonum* indicent, qua *condiscere valentibus & volentibus dubitationis ambagem voluit auferre*, ut eorum plena instructio non ex difficultate scriptoris, sed ex desidia jam dependeat lectoris. Quæ supra de convenientia & differentia, item de confusione Ferrandi & Cresconii, & tandem de erroribus Baronii dicta sunt, non opus est hic repetere, videantur *numeri marginales* 160. 161. Illud monendum adhuc, in *Concordia Canonum*, seu *Libro Canonum Cresconii* initium non esse ipsius Cresconii,

185. Initium  
Concordiæ  
canonum  
Cresconii.



conii, sed ab aliena manu profectum & additum ipsi libro, post Cresconii scriptionem. Videtur autem præmissum titulo primo, *de ordinatione Episcopi*, quia cum isto titulo affinitatem habet. Monuerunt hoc quoque editores Bibliothecæ juris Canonici veteris in margine. Incipit illud adsummentum, ob res quas continet non quidem contemnendum; *Qui Episcopus ordinandus est: exit: sed Patrum diffinitionibus acquiescat.* Solet addi Cresconii Breviarium, ob materiæ adfinitatem, Ferrandi Breviario, cujus variæ editiones supra memoratæ sunt. vid. *num. marg.* 159. commendanda imprimis, ea quæ est in Bibliotheca juris Canonici veteris, & ea quam Petrus Franciscus Chiffletius Jesuita Divione anno 1649. cum suis notis emisit. *Concordiam vero canonum*, vel *Librum canonum* Cresconii anno hujus seculi LXI. in publicam lucem Editores sæpius laudati Bibliothecæ juris Canonici veteris, in *appendice tomi primi*, ex Manuscripto antiquo Bibliothecæ Collegii Claromontani, beneficio Caroli Labbæi Jesuitæ, primum protulerunt, & contulerunt cum Manuscripto Bibliothecæ Thuanæ, qui Cresconii quidem nomen præferebat; sed multis canonibus & decretis interpolatus, & diversa methodo abs vero & genuino Cresconii

Cresconii, ab aliena manu additum

186. Editiones variæ.

187. Cresconius primus decretales Epistolas Pontificum Romanorum inter canones locavit.

foetu conscriptus erat. Illud etiam non prætereundum, Cresconium primum Romanorum Pontificum Epistolas, inter Canones regulasse, & eas eo canonizasse, ut ita loquar, seu iis auctoritatem canonicam addidisse, quæ antea non majoris fuerunt valoris, quam aliorum Episcoporum Responsa; Decretales hæ Epistolæ à consulendo habent originem, quemadmodum enim in civilibus Imperatores Sacratissimi, ita in spiritualibus & sacris consulebantur Episcopi. Inter quos cum emineret Romanus, is quoque præ aliis consultus sæpius, ejusque responsa majorem præ cæteris auctoritatem acquisiverunt, & diligentius etiam adservata sunt; reliquorum vero Episcoporum non tanti æstimata, perierunt pleraque. Hæc causa Cresconium forte movit, quare Decretalibus Romanorum Pontificum, tantam detulerit auctoritatem, ut inter canones conciliorum ausus sit eos locare. Verum quidem est, quod Dionysius Exiguus primus cœperit colligere Decretales, orsus à Syricio; Sed ille tantam iis auctoritatem non detulit, ut inter canones recensuerit; verum speciali volumine vel opere hanc collectionem, ut supra memoratum, digessit, quod postea incuria, vel potius quia ejusdem auctoris, cum Codice canonum ex conciliis versorum coaluit, aut cum eo editum

editum est; non tamen in eum finem, ut ejusdem cum canonibus conciliorum auctoritatis essent. Hoc forte Cresconium, qui non bene Canonum & Decretalium differentiam distinguebat se duxit; ut, cum Codicem Dionysii, qui tantum ordinem temporis, tam in canonibus quam in decretalibus sectabatur, in concordiam canonicam redigere vellet, utramque Dionysii collectionem sine distinctione inexcusabili audacia vel imprudentia digesserit. Ad hoc exemplum postea in Orientali Ecclesia coeperunt valere, adservari & colligi responsa Patriarchalia, uti postea patebit ex codice Ecclesiae Orientalis. Hæc hic obiter monenda fuerunt; de Decretalibus vero & eorumque collectoribus postea expresso tractabimus.

Cresconii Collectionem sequitur Codex Ecclesiae Orientalis; de quo jam aliquid dictum supra *numero marg. 54.* qui in concilio sexto Oecumenico Trullano anno 681. vel potius in quini-sextæ synodi canone secundo confirmatus & approbatus est. Constitat autem ex Codice Canonum Ecclesiae Universae, deinde additionibus iis, quas ipse Canon 2. refert, quem Latine subjicimus, ut eum editio Parisiensis, Gr. Latin. repræsentat. *Hoc quoque huic sanctæ Synodo pulcherrimè & honestissimè placuit, ut ab hoc nunc*

188. Codex Ecclesiae Orientalis.

tempore deinceps ad animarum medelam, & perturbationum curationem firmi stabilesque maneant, qui à sanctis Patribus, qui nos praeceperunt, suscepti ac confirmati, atque adeo nobis etiam traditi sunt, sanctorum & gloriosorum Apostolorum nomine, LXXXV. canones. Quoniam autem in his canonibus nobis praeceptum est, ut eorundem SS. Apostolorum per Clementem ordinationes suscipereamus, quibus jam olim ab iis qui à fide aliena sentiunt, adulterina quaedam & à pietate aliena introducta sunt, quae divinatorum nobis decretorum elegantem ac decoram speciem obscurarunt; has constitutiones ad Christianissimi gregis aedificationem ac securitatem conducibiliter rejecimus, haeretica falsitatis foetus nequaquam immiscentes, & germanae ac integrae Apostolorum doctrinae inserentes. Obfirmamus etiam reliquos omnes canones, qui à sanctis & beatis nostris Patribus expositi sunt, id est, à trecentis decem & octo sanctis ac divinis Patribus, qui Nicæa convenerunt: iisque qui Ancyra, & iis etiam qui Neocæsarea: similiter & qui Gangris: præterea & iis qui in Antiochia Syria, atque iis etiam qui in Laodicea Phrygia: præterea autem & C. L. Patribus, qui in hac Dei cultrice & Imp. civitate convenerant; & ducentis, qui in Ephesiorum Metropoli prius coacti sunt: & sexcentis triginta sanctis & beatis Patribus, qui Calchedone: similiter & iis qui Sardica, & qui

qui Carthagine, & qui rursus in hac Dei cultrice & Imp. urbe convenerunt sub Nectario, qui Imperiali huic civitati præsidebat; & Theophilo, qui fuit Alexandria Archiepiscopus. Quinetiam canones Dionysii, qui fuit Archiepiscopus magnæ Alexandrinorum civitatis: & Petri, qui fuit Alexandria Archiepiscopus & martyr: Gregorii Neocæsareæ Episcopi, qui Θωμάτσεργος, id est, mirabilium operum effectus, dictus est: Athanasii Alexandrini Archiepiscopi, Basilii Archiepiscopi Cæsareæ Cappadociæ, Gregorii Episcopi Nyssæ, Gregorii Theologi, Amphilochoi Iconii, Timothei Archiepiscopi Alexandrini, Cyrilli ejusdem Alexandria Archiepiscopi, & Gennadii, qui fuit Patriarcha hujus Dei culticis & Imp. civitatis. Præterea vero, & à Cypriano, qui Asrorum regionis fuit Archiepiscopus & martyr, & synodi quæ sub eo fuit, emissum canonem, qui in prædictorum Præsulum locis, & solum secundum traditam eis consuetudinem, servatus est. Et nulli licere prius declaratos canones adulterare vel abolere, vel alios præter prius hic propositos canones admittere, à quibusdam falsa adjecta inscriptione compositos, qui veritatem cauponari nati sunt. Si quis autem, quod prædictorum canonum aliquem innovare vel subvertere conetur, convictus fuerit, reus erit secundum eum canonem, ut ipse pronuntiat Canon, pœnam luens, & per ipsum in eo,

189. Quid additum sit Codici Ecclesie Orientalis, quod in Codice Ecclesie Universalis non continetur

*in quo offendit, medelam suscipiens.* Ex quo canone patet, quod multa sint addita à Trullanis Patribus Codici Ecclesie Universalis, post Justinianum Imperatorem: nempe, canones Pseudapostolici, (quam temere supra abunde dictum) item canones Sardicenses, Africanorum conciliorum, de quibus supra, ubi de Codice Ecclesie Africanae actum est. Deinde etiam Episcoporum & Patrum & Patriarcharum quorundam canones & Epistolae, quia idem factum videbant ab Occidentalibus. Quae additamenta ex editione Parisiensi anni 1620. cum Ballamonis commentariis in Codicem hunc Canonum Ecclesie Orientalis, ad intellectum allegati Niceni canonis omnia subjicimus. Sunt autem isthaec: Beati Dionysii Archiepiscopi Alexandrini Epistola ad Basilidem de diversis capitibus, ad quae per Epistolam Dionysius responsa dedit, quae tanquam canones sunt admissa. Canones Beati Petri Archiepiscopi Alexandrini & Martyris, qui feruntur in sermone de poenitentia. Epistola Canonica sancti Gregorii Archiepiscopi Neocæsariensis, qui Thaumaturgus dictus est, de iis qui in barbarorum incursione idolothyta comederant, & alia quaedam peccata commiserant. Sancti Athanasii Archiepiscopi Alexandrini epistola



stola ad Ammum monachum. Ejusdem ex xxxix. festiva epistola. Ejusdem epistola ad Ruffinianum. Sancti Patris nostri Basilii Archiepiscopi Cæsareæ Cappadociæ, ad Amphiloichium Iconii Episcopum Epistola Canonica prima. Ad eundem Canonica epistola 11. Ejusdem alia epistola ad Amphiloichium, de differentia ciborum. Ejusdem ad Diodorum, de eo qui duxit duas sorores in matrimonio. Ejusdem Epistola ad Gregorium Presbyterum, ut separetur à muliercula cum qua habitat. Ejusdem ad Chorepiscopos, ne sine ipso fiant ministri præter canones. Ejusdem ad Episcopos qui ei suberant, ne pecuniis ordinent. Ejusdem ex xxvii. capite, eorum quæ de sancto Spiritu ad beatum Amphiloichium scripta sunt, & ejusdem ex xxix. cap. ejusdem operis excerpta. Epistola canonica sancti Gregorii Nysseni Episcopi ad sanctum Letoium Melitines Episcopum. Responsa canonica Timothei sanctissimi Alexandrini Episcopi, qui fuit unus ex cl. Patribus qui Constantino- poli convenerunt. Edictum Theophili Archiepiscopi Alexandrini, cum Theophania in die Dominico instarent. Ejusdem commonitorium quod accepit Ammon propter Lyco. Ejusdem expositio de iis qui dicuntur Cathari, Ejusd. Ep. ad Agathonē Episcopum,

& altera ad Menam Episcopum. Sancti Patris Cyrilli Archiepiscopi Alexandrini Epistola canonica & altera ad Episcopos qui sunt in Libya & Pentapoli. Sancti Patris nostri Gregorii Theologi ex metricis ejus poematibus quinam libri sint legendi veteris & novi testamenti. Sancti Amphiloerii Episcopi Iconii ex Jambis ad Seleucum de eodem argumento. Gennadii Patriarchæ Constantinopolitani & sanctæ cum eo congregatæ Synodi ad sanctissimos omnes Metropolitanos, & ad Papam urbis Romæ epistola circularis, quæ incipit. *Religiosissimo & sanctissimo in sacris comministro Gennadius, & quæ in Christi amante regia civitate Constantinopoli coacta est sancta synodus.* Ex epistola Magni Basilii ad Nicapolitanos quædam. Post Trullanam approbationem, quæ facta seculi octavi anno septimo, acceperunt canones ipsi Trullani in synodo quini-sexta sanciti CII. & canones XXII. synodi Nicænæ secundæ anno 787. habitæ. Ex quibus omnibus constat codex canonum Ecclesiæ Orientalis à Nicænâ prima, ad Nicænâ secundam synodum, cui titulus est κανόνες τῶν ἁγίων Ἀποστόλων, καὶ τῶν πατέρων; & hic est Codex ille, quem supra diximus editum esse seculi superioris anno XL. à Joh. Tilio, Græcè ex Bibliotheca Canoniorum Divi Hilarii Pictaviensis, quem

quem postea Elias Ehingerus ex Bibliotheca Augustana Witebergæ, A. c15 l5c xiv. iterum edidit, ad quem Zōnaras & Balsamo suas interpretationes fecerunt. Illud de hoc codice Orientali observandum, in eum primum sententias patrum esse receptas & canonibus exæquatas; ad modum Cresconii, qui in Occidente decretales Pontificum Romanorum, canonibus immiscuerat primus; nisi quod antea etiam Joh. Scholasticus Basilii canones suo Nomocanoni addiderit.

190. In codice canonicum Ecclesie Orientalis, primum receptas sententias Patrum.

Eodem tempore fere, quo in Oriente in synodo Nicæna secunda confirmatus Codex Ecclesie Orientalis, & in Occidente sua incrementa habuit Jus Canonicum. Hadrianus enim primus Papa Carolo Magno misit collectionem canonum & Epistolarum Decretalium, ad usum Ecclesiarum Occidentis: quam olim Dionysius Exiguus concinnarat, qua de re supra *num. marg.* 78. Hanc quoque in Germaniam nostram, si non antea, saltem tum transisse valde probabile, usque ad tempora Ricolphi Episcopi Moguntini, qui Isidori Mercatoris, Impostoris volebam dicere, collectionem in eam per tulit, ut infra, ubi Mercatoris collectio examinanda est, observabimus. Hujus Collectionis auctor non fuit Hadrianus, quare ideo nec inter Collectores canonum locum

191. Hadriani Papae Collectio.

cum aut laudem meretur. Sed alia est  
 ejus Collectio Canonum aliquot, in gra-  
 tiam Ingelrami Episcopi Metensis seu Me-  
 diomatrix urbis, ex Græcis & Latinis  
 Canonibus & Synodis Romanis atque De-  
 cretis Præfulum & Principum Romano-  
 rum facta & tradita Ingelramo An. 785.  
 Indict. 9. 13. Cal. Octobr. Complectitur  
 canones septuaginta duos quos collectio-  
 ni suæ inseruit Isidorus Mercator. Eosque  
 forte intelligendos esse conjicit Doctissimus  
 Blondellus, in *Pseudo-Isidoro & Turriano va-  
 pulante*, quorum idem Impostor meminit  
 in supposita Epistola Zopherini Papæ pri-  
 ma. Ita ille in  *censura istius Epistolæ in fine pag.  
 246. Si quis, inquit, in re obscura conjectandi  
 locus esse debeat, suspicari non immerito quis pos-  
 sit, non alias 70. Apostolorum sententias Merca-  
 tori nostro in mentem venisse, quam quas A. D.  
 785. Indict. 9. 13. Cal. Octob. in gratiam In-  
 gelramni Metensium Episcopi, ex Græcis & La-  
 tinis canonibus, & synodis Romanis, atque  
 decretis Præfulum ac Principum Romano-  
 rum collegisse dicitur Adrianus primus urbis E-  
 piscopus. Sunt enim numero 72. eas semper in  
 ore habet impostor, præter 6. 12. 28. 35. 36.  
 38. 40. 41. 44. 45. 46. 52. 55. 57. 58. 59.  
 60. 61. 62. 64. 68. 72. quas vel silentio præ-  
 terire, vel oblique tantum tangere videtur; re-  
 liquas*

*liquas 50. citat sub nomine Apostolorum, quorum hic 70. sententias memorat; & synodi Nicena, cui totidem canones tribuit. Vide Epist. Pseudo-Athanasii ad Marcum, Pseudo-Marci, Pseu-Julii secundam, & Pseudo-Felicis secundi primam. Nisi quis velit præferre sententiam Magni Usserii, in Dissert. de script. Ignatii. cap. 6. pag. 39, qui mendosum locum Pseudo-Zepherini Epistolæ de can. Apost. intelligit & corrigit ex Gregorii Presbyteri Polycarpo, ubi non septuaginta sententiæ, sed quinquaginta leguntur, quam sententiam ut simpliciorē & vero magis similem probat Doctiss: Dalæus de Pseud-epigraph. Apost. lib. 3. cap. 4. pag. 478. Hanc Adriani collectionem Ludovicus Jacob à S. Carolo, Cabilionensis Burgundus Ordinis Carmelitarum Alumnus (auctor futilis, qui in omnibus fere paginis errores cumulat, maxime ubi de Scriptoribus protestantibus loquitur) in Bibliotheca Pontificia libro I. in vita Hadriani, pag. mihi 102. vocat: Conciliorum volumen. & hæc de ea refert. Scripsit Hadrianus primus, Conciliorum volumen, ubi præfixit præfationem & epigramma Acrostichis versibus, seu Collectionem canonum octoginta à se elaboratam, quam dedit Ingelramo vel Angeranno Episcopo 38. Metensi, tunc Romæ commoranti. Extat ex versione Dionysii Exigui. De quorum veritate & pondere ex jam dictis judicare æquus Lector poterit.*

*Tem,*

192. Caroli  
Magni Le-  
ges Eccle-  
siasticæ.

Temporibus Hadriani vixit quoque Carolus Magnus Gloriosissimus Imperator, cujus multæ extant leges Ecclesiasticæ, ut & successorum ejus; quæ postea collectæ sunt ab Anlegiso Abbate Lobienſe, & Benedicto Levita. Ad Imperium pervenit Carolus Magnus Longobardis devictis seculo nono incipiente, & usque ad annum decimum & quartum imperavit. Magnam rei ecclesiasticæ curam gessit: concilia, & synodos varias habuit; de quibus multa passim vitæ ejus scriptores, ita Reghino Abbas Prumiensis in *Chronico. sub ann. 813. de eo refert. Concilia jussu ejus super statu Ecclesiarum per totam Galliam ab Episcopis celebrata sunt, quorum unum Moguntia, alterum Remis, tertium Turonis, quartum Cabillone, quintum Arelate congregatum est, & constitutiones, quæ in singulis factæ sunt, ab Imperatore confirmatae sunt; quas qui nosse voluerit, in supradictis civitatibus invenire poterit, quamquam & earum exemplaria in archivo Palatii habeantur.* Memorabilis quoque est synodus Francofurtensis ab eodem celebrata, ubi contra Græcorum synodum Imaginum adoratio est damnata, unde profecti libri illi de imaginibus sacris, qui Caroli Magni nomen præferunt à Tilio editi, de quibus supra aliquid in transitu dictum. Has leges Eccle-



Ecclesiasticas Caroli Magni, ut & Ludovici Pii ejus filii, & Lotharii ejus Nepotis collegit Ansegisus Abbas Laubiensis, vel Lobienſis, (quod eſt Benedictinorum illuſtre cœnobium ad Sabin Fluvium in diœceſi Cameracenſi, ſed ſub ditione Leodiceſi) poſtea Archiepiſcopus Senonenſis, & in duos & ſeculares leges itidem in duos libros retulit, publicavitque anno Chriſti 827, Imperii Ludovici Pii Anno XIII. Indict. quinta. ut ipſe teſtatur in *Prefationis initio*. quam capitulis præmiſit: in qua quia totius operis rationem reddit & modum digeſtionis, eam ſubjicere operæ pretium duximus. Dominante p̄ ſecula infinita omnium dominatore Chriſto ſalvatore noſtro, creatore univerſa creatura, Anno incarnationis ipſius DCCCXVII. indictione v. anno vero XIII. Imperii gloriſſimorum Principum domini Ludovici Auguſti Chriſtiane religionis magni propagatoris, & Lotharii Caſaris filii ipſius, Anſegisus nullis præcedentibus meritis, ſed gratia omnipotentis Dei abba, pro amore bonæ memoria domini Caroli Magni Imperatoris Chriſtianorum, atque præcellentiffimi ac piiffimi domini Ludovici Auguſti filii ipſius ſincera dilectione, necnon & præclari Lotharii Caſaris filii piiffimi Ludovici Imperatoris, hac ſubter deſcripta adunavi capitula. Quæ proculdubio quia ad ſanctæ Eccleſiæ

193. Anſegis Abbatis collectio Capitularis Caroli Magni & Ludovici Pii.

clesia profectum facta sunt, pro utili firmiter tenenda sunt lege. Fuerant nanque quondam tempore predicti magni domini Caroli Imperatoris, necnon & nunc prefatorum Principum hoc in tempore domini piissimi Ludovici Augusti, & praelari Lotharii Caesaris jussu per intervalla temporum ad Christianam religionem conservandam, atque ad concordiam pacis & dilectionis in Ecclesia Catholica tenendam edita: sed quia in diversis sparsim scripta membranulis per diversorum spatia temporum fuerant, ne oblivioni traderentur pro dilectione nimia, ut prefatus sum, predictorum gloriosissimorum Principum, & pro amore sanctissima prolis eorum, sed & pro sanctae ecclesiae statu, placuit mihi predicta in hoc libello adunare, quae invenire potui, capitula predictorum Principum jussu descripta: ut ad sanctae ecclesiae statum longævis conservandum temporibus, atque ad meritum prefatorum Principum gloriosius in vita perpetua augmentandum proficiant. Amen. Sed hoc notum sit Lectori, quia predicta capitula quae per intervalla temporum à prefatis sunt principibus edita, in quatuor distinxi libellis. Illa scilicet quae dominus Carolus Imperator fecit ad ordinem pertinentia ecclesiasticum in primo adunavi libello. Ea vero ecclesiastica, quae dominus ac piissimus Ludovicus Imperator & Lotharius Caesar filius ipsius ediderunt, in secundo descripsi. Illa autem quae dominus Carolus in diversis

*versis fecit temporibus ad mundanam pertinentia legem, in tertio adunavi. Ipsa vero, quæ dominus Ludovicus præclarus Imperator & Lotharius Cæsar filius illius fecerunt ad augmentum mundanæ pertinentiæ legis, in quarto congressi. Præmittitur libro primo ipsius Caroli Magni præfatio, quæ est suasoria & confirmatoria capitulorum, lectu sane digna, quæ merito subjici deberet, nisi nimium cresceret hæc tractatio, & festinatio operarum aliud juberet. Complectitur liber ille primus capitula CLXVIII. Secundum incipit Ansegisus alia, sed brevi præfatione, in qua tantum monet se in eum librum conjecisse capitula Ecclesiastica, quæ dominus Ludovicus Cæsar piissimus & Lotharius Imperator filius ipsius condiderunt, complectiturque iste capitula XLVII; quorum primum est præfatio ipsius Imperatoris. Tertium librum itidem nova præfatione ut & quartum orditur Ansegisus, monens se tertio illa ad mundanæ augmentum legis pertinentia, quæ Dominus Karolus Imper. edidit, & quarto ejusdem argumenti, quæ præclarissimus Dominus Ludovicus Augustus & Lotharius Cæsar fecerunt, capitula adunavisse libello. Continet tertius capitula LXXXIX. quartus vero LXXV. Post librum IV. sequuntur tres appendiculæ. De hisce libris, seu collectione*

194. An-  
toritas,  
vita &  
obitus.

Sige-

Sigebertus Gemblacensis Monachus in Chronico an. 827. Ansegisus, inquit, Abbas Lobienfis Edicta Imperatorum Karoli Magni & Ludovici filii ejus ad Ecclesiasticam legem pertinentia duobus libellis digessit. Idem eorum etiam edicta ad Mundanam legem pertinentia in duobus aque libellis digessit, Longævum fuisse & alia de eo scimus ex Odoranni Monachi Senonensis Chronico. Anno ab incarnatione Christi DCCCLXXXII. obiit Ansegisus venerabilis Senonum Archiepiscopus, totius Gallie & Germania Papa secundus feliciter, VII. Kalend. Decemb. & sepultus est in monasterio S. Petri. Hic Karolum Calvum unxit in regem, & postquam primatum totius Gallie obtinuit, & superna moderatione secundus Papa appellari meruit, in synodo habita in loco qui dicitur Pontigonis XVI. Kal. August. ann. DCCCLXXVI. Indict. IX. Judeos certi causa & moniales ab urbe Senonica expulit, & ne ulterius in ea habitaculum manendi haberent, sub anathematis jugulo interdict. Mortuo Epitaphium hoc scriptum est.

*Antistes Senonum, reverentia magna potentum  
Ansegisus in hoc conditus est tumulo.*

*Ut primas fieret Gallorum, Papa Joannes  
Instituit, meritis hoc tribuendo suis.*

*Karli Romana cinxit caput iste corona,  
Et dedit in cunctos imperium populos.*

*Gregoriz*

*Gregorii Papæ secum caput abstulit inde.*

*Hic locus ossa fovet, spiritus astra tenet.*

His quatuor libris ab Ansegiso non satis diligenter, aut potius satis plenè collectis, postea Benedictus Levita libros tres, quintum nempe, sextum & septimum adjecit, in quos non tantum supra memoratorum Imp. capitula, sed alia insuper inseruit, quorum rationem ipse optime, quanquam paulo prolixius, sequente præfatione, reddit. *Præcedentes, inquit, libelli nonnulla gloriosissimorum Karoli atque Ludovici Imperatorum continent capitula, quæ eorum tempore ab Ansegiso abbate sunt collecta, atque in prædictis coacta libellis, sicut in eorundem præmio continentur. Sed quia ab eo ne media, ut rati sumus, sunt forsitan inventa vel collecta, necesse erat, ut à fidelibus ubicumque inveniri potuissent, quærerentur, & ob recordationem tantorum principum, vel eorundem capitum, ita emendo, utilitatem coadunarentur, & membranæ insererentur, atq; à fidelibus memoria commendarentur. Quæ propter ea, quæ ille aut invenire nequivit, aut inserere fortasse noluit, & illa quæ postmodum à fidelibus sanctæ Dei Ecclesiæ, & Pipini ac Karoli atque Ludovici didicimus in jam dictis libellis minimè esse inserta, pro Dei omnipotentis amore, & sanctæ Dei Ecclesiæ ac servorum ejus, atque totius populi utilitate fideliter investigare curavimus: & in tribus subsequentibus libellis*

195. Collectio Benedicti Levita.

196. Præfatio ejus collectioni præmissa.

*distinctè cum titulis suis coadunare. Ac Ludovico, Lotharioque, atque Karolo nobilissimis regibus, filiis videlicet Ludovici piissimi Imperatoris habenda & omnium Christianorum fidelibus tradenda scribere non distulimus, ut scirent qualiter juxta normam avi, proavi, ac genitoris, secundum Domini scilicet voluntatem, sicut & illi fecerunt, clerum & populum sibi commissum Domino opem ferente regere mererentur. Hæc vero capitula quæ in subsequen-  
 tibus tribus libellis coadunare studuimus, in diversis locis, & in diversis schedulis, sicut in diversis synodis, ac placitis generalibus edita erant, sparsim invenimus. maxime sanctæ Magontiacensis metropolis Ecclesiæ scrinio à Riculfo ejusdem sanctæ sedis metropolitano reconditas, & demum ab Autcario secundo ejus successore atque consanguineo inventa reperimus, quæ in hoc opusculotene-  
 re superscripto inferere maluimus. Monemus ergo Lectores, ut si eadem capitula duplicata vel triplicata repererint, non hoc nostræ imperitiæ reputent, quia ut diximus, diversis ea in schedulis invenimus. Et ob id tam cito hæc emendare nequivimus: sed cunctis scientia repletis Lectoribus hæc corrigenda dimisimus. Invenimus insuper quædam ex his paria initia habentia, & impari-  
 rem finem: quædam vero pares fines: sed non paria initia. In quibusdam autem minus, & in quibusdam plus. Et propterea illa sic dimisimus: sicut invenimus. Precamur etiam omnes, ut si*



ut si deinceps plura ex his invenerint, quæ memoratus Ansegisus non inseruit, nec nos potuimus hæcenus invenire, ut ea illis in quarto aut quinto libello distincte inserere non pigeat, quatenus ipsi ex hoc gratiam Dei habeant, & clerus ac populus eorum utilitatibus non careat. Quoniam valde sunt utilia hæc capitula, & scire volentibus oppido profutura: quæ pro lege tam Ecclesiastica, quam & seculari jure firmissimo sunt tenenda. Primum igitur in loco posuimus nonnullos versiculos in laudem prædictorum Principum mercede compositos: deinde sequuntur capitula primi libelli subjectis numeris suis, ut facilius inveniri possit sententia quæ queritur. His ita peractis, est in fronte primi libelli posita Zachariæ Papæ epistola omnibus Episcopis, ac reliquis Ecclesiastici ordinis gradibus, & cunctis ducibus atque comitibus, omnibusque Deum timentibus per Gallias, & Francorum provincias constitutis directæ, sicut in ea continetur. Quam sequuntur duo synodales conventus, quos sanctæ Romanæ & Apostolica ecclesiæ legatus Bonifacius memoratæ Magontiacensis Ecclesiæ Archiepiscopus vice prædicti Zachariæ Papæ una cum Carlomanno Francorum principe canonicè tenuit, ut agnoscant omnes hæc prædictorum Principum capitula maxime Apostolica auctoritate fore firmata. Post ista quoque quæ sequuntur, eadem auctoritate maxima, ut diximus, ex parte, & omnium Francorum

o 3

utriusque

utriusque ordinis virorum assensu sunt roborata. Secundò vero in libello post capitulorum numerum prima fronte posita sunt quadam ex lege divina excerpta capitula, sicut ea sparsim in eorum mixta capitulis reperimus, ut omnes hæc capitula legibus divinis, regulisque canonicis concordare non ignorent. Tertio siquidem in libello post ejusdem libelli capitulorum numerum quadam ex canonibus à Paulino Episcopo, & Albino magistro, reliquisq; jussione Karoli invictissimi Principis magistris sparsim collecta sunt incerta capitula, & quibusdam interpositis sequuntur alia regula monastica congruentia, & demum ea quæ sequuntur ad sanctæ Dei Ecclesiæ servorumque ejus atque totius Christiani populi utilitatem sunt conscripta capitula, sicut in eodem continentur libello. Precamur quoque lectores omnes, cunctosque judices & sapientes, ut non ea sinistra interpretatione ullo unquam tempore dignentur exponere: aut quemquam injustè judicare, vel eo quod non sint quadam ex his juxta regulam Grammatica artis composita reprehendere, sed pro ipsis Principibus eorumque & sanctæ Dei Ecclesiæ fidelibus, qui hæc eadem simul cum eis tractaverunt, atque pro nobis, qui ea colligere ac describere certavimus, orare studeant: & jam dicta capitula pariter nobiscum & cum illis amplecti, venerari, amare, legibusque tenere decerent, annuente Domino, ut parem omnes ex hoc mercedem

*mercedem habere mereamur. Amen.* Quare in Ansegisi Præfatione nomen Lotharii adjectum sit, cum tamen in ista collectione nil sit Lotharii proprium, illud explicat Pithœus in Præfatione ad capitularia his verbis. Sane quod in Ansegisi præfationibus, Lotharii nomen adjectum est, datum id scias exemplarium quorundam antiquitatis, quæ sub ejus ditione, ut verisimile est, primum descripta, non hoc solum ipsius honori tribuerant, sed & ex versibus quibus Benedicti collectionem præcedunt, in Lotharii sui gratiam illos de Ludovici filiis ita permutatos habuerunt:

*Ex quo prosequitur soboles veneranda per orbem*

*Ipsius insigni nomine digna patris.*

*Lotharius primum regnum sortitus avitum*

*Ardunna nemoris incolæ factus ovat.*

*Hinc Hludovicus heros Rheni cis littora genti*

*Imperat, & populis effera colla terit.*

*Tum Karolus cari species genitoris amata*

*Gallorum cœtus ordinat atque domat.*

*Illis nos qui fata tenent loca partibus æquis*

*Hæc ferimus.*

„ Et tamen Lotharii ejus inter hæc nihil proprium esse putamus, cujus tantum nomine extant quædam ex his ipsis decerpta Capitula ad Italiæ regnum, quæ jam olim Langobardicarum legum libris inserta & Ka-

197. Lotharii nomen quomodo in præfationem Ansegisi irrepperit, conjectura Pithœi.

„ roli cujusdam Cotti Siculi, five is Toccus  
 „ fuit, commentario ante annos CCCLXXX.  
 „ exposita leguntur. Sed neque Karoli fratris  
 „ (quem nostrum, id est, Francorum Gallo-  
 „ rumve regem verè proprieq; dixeris) quic-  
 „ quam hic adjectum reperias, præter ea Ca-  
 „ pitula quæ circa initia regni sui in Sparnaco  
 „ probaverat observarique præceperat. Hæc  
 Pithœus. Continet quintus capitula CCLI.  
 sextus CCCXXX, septimus CCCLXXII. Se-  
 quuntur tunc appendices, prima capitulo-  
 rum LXXX. quæ anno Christi 817. Imperii  
 vero Ludovici Principis IV. Sexto Idus Ju-  
 lii Aquisgrani in domo Pallatii, quæ Late-  
 ranis dicitur, communi consilio inviola-  
 biliter à regularibus conservari decreverunt,  
 ut habet *inscriptio* hæc in meo Codice, pag.  
 339. *Anno incarnationis Domini nostri Jesu  
 Christi DCCC. XVII. Imperii vero Gloriosissimi  
 Principis Ludovici IV. VI. Idus Julii, cum in  
 domo Aquisgrani Palatii, quæ Lateranis dici-  
 tur, Abbates cum quampluribus una suis rese-  
 dissent monachis, quæ subsequuntur capitula com-  
 muni consilio ac pari voluntate inviolabiliter à  
 regularibus conservari decreverunt. Secunda ca-  
 pitulorum xxv. quorum hæc est inscriptio.  
 Capitula quæ deinceps sequuntur non tunc quan-  
 do præscripta, velut in subsequentibus habentur,  
 inventa, collecta, ordinata, hucque inserta esse  
 noscuntur,*

198. Quid  
 contineat  
 collectio  
 Benedicti  
 Levitæ.

noscentur, sed postmodum à fidelibus reperta hac in scedula, sicut acta erant sunt inserta, ut facilius à fidelibus quotiens necesse fuerit reperiantur. Tertia, continet capitula LXXIX. quibus hæc præmittuntur. Hæc capitula proprie sunt ad Episcopos vel ad ordines Ecclesiasticos pertinentia, quæ non solum observari, sed etiam sibi subjectos, vel commissos facienda perdocere debent. Quarta capitulorum CVIII. cujus etiam capitula in vetustis quibusdam exemplaribus cum præcedentibus numeris continuata sunt. Inscriptio eorum est hæc. Sequentia quædam capitula ex sanctorum Patrum decretis & Imperatorum edictis colligere curavimus, atque inter nostra capitula lege firmissima tenenda generali consultu Erchembaldo Cancellario nostro inferere jussimus. Claudunt hoc volumen capitula xx. Caroli Imp. Ludovici filii, quorum hæc est inscriptio. Hæc quæ sequuntur capitula excerpta sunt à Domino Rege Karolo Domni Hludowici Imp. filio & Principibus ejus ex capitulis quæ anno DCCCXLVI. ediderant Episcopi in synodis, Wenilo scilicet cum suffraganeis suis, Guntboldus cum suffraganeis suis, Ursmarus cum suffraganeis suis, Hincmarus cum suffraganeis suis, Amalo cum suffraganeis suis: & oblata sunt eidem Principi, sicut ipse jusserrat, collecta ad relegendum in Sparnaco villa Remensis Ecclesiæ. Et quia factione quorundam

*motus est animus ipsius Regis contra Episcopos, dissidentibus regni sui primoribus ab eorundem Episcoporum ammonitione & remotis ab eodem concilio Episcopis, ex omnibus illis capitulis hæc tantum observanda & complacenda sibi collegerunt, & Episcopis scripto tradiderunt, dicentes, non amplius de eorum capitulis acceptasse quam ista, & ista se velle cum Principe observare. Videtur Pithæus in ea opinione esse, quasi libri isti tres posteriores diversos habuerint præter Benedictum, collectores & post eum diversis temporibus diversa accrementa, non tantum ex capitulis Imperatorum, sed canonibus Gallicanis, pœnitentialibus libellis, Patrum sententiis, Juliani Antecessoris Novellis. Hæc enim habet in Præfatione: Illud etiam verendum est, ne nos quoque in hac rutuba non pauca fefellerint. quamquam nec fortassis fuerint illa tanti, præsertim quæ post Ansegisum pro cuiusque collectoris ingenio & proposito, confuse nulloque ordine aut delectu, non certa etiam plerumque auctoritate & fide, ex Gallicanis canonibus ac pœnitentialibus libellis, SS. quoque Patrum sententiis, quædam etiam ex Juliani Antecessoris CP. Novellis & Alarici breviario Anianique ad illud interpretationibus, quin & ex Wisigothorum Langobardorumque legibus*

199 Libri  
 posteriores  
 diversos  
 collectores  
 habuisse  
 videntur.

200. Unde  
 hausti &  
 collecti li-  
 bri poste-  
 riores.



bus nonnulla addita facile recognoscent  
 quibus hæc curæ erunt : quæ nec ipsa ta-  
 men omiſſa volumus ne quis deſideraret  
 ac requireret. De Benedicto Levita hoc  
 habemus incerti ſcriptoris elogium , quod  
 præmiſit Pithœus editioni primæ Capitula-  
 ris Caroli Magni : Benedictus Moguntia-  
 cenſis Eccleſiæ levita , Capitula quadam  
 Regalia, ſynodalia, & alia collegit ex iis  
 quæ in ſcriniis ejusdem Metropolis repo-  
 ni fecerant Ricolfus Archiepiſcopus qui  
 monaſterium S. Albani renovavit, & Mo-  
 gutinæ ſynodo ſub D. Karolo præfuit ,  
 & Otgarius ejus conſanguineus & ſecun-  
 dus poſt Haiſtulfum ſucceſſor , quorum  
 uterque hujusmodi Capitulorum percu-  
 ſioſus fuit , & erga S. ſedem Rom. valde  
 devotus ; adeo ut Otgario etiam Apoſto-  
 licus Gregorius ſuas vices in Germania a-  
 liquando commiſerit. Hic Hludovici Imp.  
 filiis contra patrem favit, ſed poſtea recon-  
 ciliatus eſt, & decedens an. DCCC. XLVII.  
 Lotharii Imp. VII. ſucceſſorem habuit in  
 Archiepiſcopatu D. Rhabanum Abbatem  
 Fuldenſem. Ex quibus pater , quod &  
 prodit affatim recitata Præfatio , Benedi-  
 ctum hunc Levitam valde faviſſe & addi-  
 ctum fuiſſe ſedi Romanæ. De conglutina-  
 tione collectionum Anſegii & Benedicti,  
 hi

201. Bene-  
 dictus Le-  
 vita quis  
 fuerit.

202. Fau-  
 tor Ponti-  
 ficis Rom.  
 fuit.

203. Con-  
 junctio  
 collectio-

nis Anse-  
gisi & Be-  
nedicti  
Levitæ.

hi leguntur in antiquis codicibus versiculi:

*Quattuor explicitis Lector venerande libellis,*

*Qui canonum recitant jura tenenda satis.*

*Quosque Pater quondam collegit nobilis aptè,*

*Ansegisus ovans, ductus amore Dei.*

*Otgario, ita emendo, demum, quem tunc Ma-  
gontia summum*

*Pontificem tenuit, præcipiente pio.*

*Post Benedictus ego ternos levita libellos*

*Adnexi, legis queis recitatur opus.*

*Quos patet inventos præfatio pandit ut ipsa,*

*Distinctim titulis subpositisque suis.*

*Hos igitur relegens devoto pectore biblos,*

*Gratanter studeas fundere posco preces.*

*Quatenus æterno donentur munere cælo,*

*Hæc pia sanxerunt qui quoque jura piè.*

Vide quoque de hoc capitulari, quæ brevi-

ter & accurate satis differit Ant. noster Au-

gustinus, de emend. Gratiani, lib. 2. dial. 10. &

seq. ubi de ratione ordinis hæc habet: pag.

444. nostræ editionis, vel 238. edit. Parisiens.

Ordinem noli ab eo exposcere, contenti sinus ipso

collectionis opere, & ut ajunt, quod dant, acci-

piamus. Omnia fere sine ulla inscriptione propo-

nuntur, etiam si ex aliis libris intelligamus cujus

sint. Et paulo post pag. sequent. hæc de aucto-

ritate subjungit. Quia de auctoritate Capitu-

larium dubitabas, licet verum sit, hæc fra-

gmenta esse constitutionum trium Impera-

torum

204. Col-  
lectiones  
hæc confu-  
sæ factæ &  
nullo ordi-  
ne.

205. Au-  
thoritas ca-  
pitularium

torum à privatis hominibus collecta, tamen  
 ut Benedictus ait, Apostolica auctoritate con-  
 firmata sunt. Lege etiam verba concilii Mel-  
 densis cap. LXXIIX. Ut capitula ecclesiastica  
 à Domno Carolo Magno Imp. nec non & à Do-  
 mino Ludovico Pio Aug. promulgata, obnixe obser-  
 vari præcipiantur, sicut & legalia observanda esse  
 noscuntur. & cap. LXXX. ad Carolum Calvum  
 Ludovici Pii filium. Capitula patris vestri si-  
 ne refragatione de cetero conserventur, ac capi-  
 tulis vestræ religionis ab exiguitatis nostræ mi-  
 nisterio oblati hoc diploma, si complacet, adne-  
 ctatur. Sic multa capita referuntur hujus  
 collectionis in concilio Trosleiano, in Ti-  
 cinenfi, & in Colonienfi sub Carolo tertio.  
 Leonis IV. ex epist. ad Lotharium Aug.  
 verba referunt Ivo, & Gratian. & liber Cæ-  
 saraug. De capitulis vestris, vestrorumq; præde-  
 cessorum irrefragabiliter custodiendis, & conser-  
 vandis, quanto valuimus, & valemus Christo  
 propitio, & nunc, & in ævum conservaturos,  
 modis omnibus profiteamur. De integritate ca-  
 pitularium quæ sequuntur, apud eundem  
 Augustin. illa ex supradictis emendari de-  
 bent. Multa, pergit, desiderantur, ut notatur in  
 triplici appendice post librum quartum, & libro VI.  
 post caput CCLXXXIIX. usque ad CCCXXX. &  
 lib. VII. post caput CCCCLXXIIX. ad DLIIX.  
 Adjecta sunt postea duabus collectionibus capita

206. De in-  
 tegritate  
 capitula-  
 rium.

XXVIII. & capita CCXCVI. Ex quo evenit,  
 ut non omnia, quæ Ivo, & Anselmus, & Deus-  
 dedit, & alii collectores in Capitularibus esse re-  
 ferunt, inveniantur. Habuit Augustinus co-  
 dices mutilos, nec videre editionem Pari-  
 siensem Pithœi anni 1588. potuit, biennio  
 antea jam sublatus, in qua Lacunæ libri  
 sexti expletæ, & in libro septimo quædam  
 quæ bis aut sæpius posita erant, sunt subla-  
 ta, ideoque iste non excurrit ultra nume-  
 ros supra memoratos, cum Augustinus adscri-  
 bat ei capitula 558. Testatur hoc posterius  
 ipse Pithœus in Præfatione his verbis: Nos  
 „ jam ex pluribus nostris alienisque codici-  
 „ bus plura & integriora edi curavimus, bo-  
 „ na saltem fide, Tili exemplum judicium-  
 „ que sequenti, qui non ex Benedicti mo-  
 „ do, sed & ex Ansegisi ipsius collectione  
 „ eadem non semel posita sustulerat, simili-  
 „ bus tantum quibusdam relictis, numeris  
 „ etiam capitulorum consequenter mutatis.  
 „ Quod eo monere visum est, ne quis eadem  
 „ post hac ex iisdem aut aliis etiam exem-  
 „ plaribus augere aut supplere conetur, fru-  
 „ stra. Quantæ auctoritatis fuerint Capitu-  
 laria in Gallia non tantum ex dictis pater,  
 sed magis patebit, si inspiciantur testimo-  
 nia illa, quæ Pithœus suæ editioni præmi-  
 sit: ita ut Codex ecclesiæ Gallicæ, si non  
 per

per ea absorptus, saltem valde obscuratus fuerit. Primus de restituendis Capitularibus superiori seculo sollicitus fuit Johan. Tilius, cujus supra facta mentio, verum ille morte sublatuſ perficere non potuit, pauca folia post obituſ ejus prodierunt, quibus uſi recognitores & emendatores Gratiani. Perfecit opus ex pluribus exemplaribus, Petrus Pithœus, de literis optime merituſ, atque ſeculi anterioris anno 88. cum Gloſſario vocum obscurarum in capitularibus repertarum Lutetiæ edidit, quod ibidem recuſſum eſt, anno tertio hujus ſeculi. Non præfert quidem editio nomen Pithœi, attamen ex Miræi *Bibliotheca Eccleſiaſtica*, pag. 143 & 229. & *Præſatione* Sirmondi ad *Capitula Caroli Calvi* ſcimus eum edidiſſe, & *Præſationem* præmiſiſſe; ſub Pithœi quoque nomine citat Juſtelluſ iſtam *Præſationem*, in ſine ſuæ *Præſationis*, quam *Codici Canonum Eccleſiæ uniuerſæ* præmiſit, ubi de Capitularibus adſerit, omnia in iis fere deſumta eſſe ex *Codice Canonum Eccleſiæ Romanæ & Iſidori* collectione: ſubdit deinde hæc de Ludovici Pii libro: *Nefcio*, inquit, *an inter collectiones Gallicanas Canonum recensendus ſit liber Ludovici Pii in concilio Aquigranenſi anno DCCCXVI. celebrato, confirmatuſ, cujuſ exemplar habemuſ Colonia edituſ anno MDXLIX,*

207. *Quis Capitularia primuſ ediderit.*

208. Ludovici Pii liber, qui *Reformatio abuſuſ cleri* inſcribitur.

CUM

*cum hac inscriptione: Reformationis abusu*  
 Cleri formula per Ludovicum cognomento  
 Pium, Romanorum Imperii Imperatorem  
 optimum, Karoli Magni filium. Ipseque Lu-  
 dovicus Imperator testatur, in *Epistola ad Ar-*  
*nulphum Saltzburgensem Episcopum, quæ etiam*  
*inter constitutiones Imperiales a. V. C. Melchiore*  
*Goldasto nuper editas, extat.* Hisce capitulis  
 Caroli Magni & Ludovici Pii, accessit al-  
 iud capitulare Caroli Calvi, primum Re-  
 gis Galliæ, post mortem Ludovici Secundi,  
 etiam Imperatoris, in qua dignitate pau-  
 cos annos tantum exegit. Fuit ille Caroli  
 Magni Nepos, ex Ludovico Pio & Judita  
 filia Welphi Suevi secunda Ludovici uxore.  
 Hic ad exemplum Avi & Patris rei eccle-  
 siasticæ curam habuit, & Avi & Patris  
 capitula, in conventu apud Carisiacum Anno  
 DCCCLXXVII. tit. 43. confirmavit; quod  
 caput, quia præbet quoque illustre testimo-  
 nium ipsius Caroli Calvi capitulari, subji-  
 cimus. *Capitula quæ Avus & Pater noster pro*  
*statu & munimine sanctæ Dei Ecclesiæ ac mini-*  
*strorum ejus & pro pace ac justitia populi & quie-*  
*te regni constituerunt, & quæ nos cum fratribus*  
*nostris Regibus & nostris ac eorum fidelibus com-*  
*muniter constituimus; sed & quæ nos consilio &*  
*consensu Episcoporum & cæterorum Dei & nostro-*  
*rum fidelium, pro superscriptis causis in diversis*  
*placitis*

209. Caro-  
 li Calvi  
 Capitulare.



*placitis nostris conservanda statuimus, permanere inconvulsa decernimus, similiter & à filio nostro inconvulsa conservari volumus & mandamus.*

Edidit hæc ac digessit capitula inter Jesuitas Doctissimus & Magni in literis & antiquitate nominis, Jacobus Sirmondus, cum aliorum successorum capitulis, hujus seculi anno **xxiii.** Parisiis; in qua editione præter Caroli Calvi memorata, habentur Ludovici II. Caroli filii, Carolomanni Regis Ludovici II. filii, Caroli Simplicis Regis capitula, & tum sequuntur Coronationes Caroli Calvi, & Ludovici ejus filii Regum, Judithæ item filiæ & Hermintrudis conjugis Caroli. Quibus omnibus doctas suas, ut solet, notas adjecit. Collegit hæc ex diversis locis & quinque Codicibus manuscriptis antiquis, quorum primi duo, unus ex bibliotheca Joh. Tili, alter ex bibliotheca Thua- ni, ultra titulum **xvi.** non progrediebantur; sequentes vero usque ad **xlvi.** partim ex Belluacensis, partim ex Laudunensis Ecclesiæ libris, partim ex Metensi desumpta sunt. Coronationes vero Regum, quæ capitulis subjiciuntur, ex Monasterii Laurentiani Leodicensis exemplari solo descripsit. Ipse Sirmondus titulorum numeros & nomina, in longioribus Manuscriptorum titulis commodioris usus gratia præ-

210. Sir-  
mondi edi-  
tio capitu-  
laris Caro-  
li Calvi.

211. Alio-  
rum sequen-  
tium Re-  
gum Galliarum  
capitula.

212. Ex  
quibus li-  
bris colle-  
cti & editi  
sunt.

P

notavit

213. Differentia inter Capitularia Caroli Magni & Ludovici Imp. & Caroli Calvi.

notavit. Tituli Capitulorum Caroli Calvi sunt XLIII. Ludovici Balbi III. Carolomanni II. Caroli Simplicis II. Coronationes IV. Illud interest inter Capitularia quæ edidit Pithœus, & quæ edidit Sirmondus, quod in Ansegisi & Benedicti collectionibus, Regum tantum leges sint nullo fere ordine digestæ, nullaque temporum vel locorum nota distinctæ. In illis quæ Sirmondus edidit, synodi & conventus ipsi regales, in quibus constituta sunt exhibentur; & quo quisque conventus anno ac loco, quas ad res, & per quos coacti celebratique sunt, exprimitur. Vide sis Sirmondi *Prefationem Capitulis Caroli Calvi præmissam*, à quo etiam disces, constitutum fuisse Pithœo post capitula Caroli Magni & Ludovici edere quoque, ea quæ à sequentibus Regibus profecta sunt. Capitularia autē vocantur, à capitulis, hæc à capitibus, qua voce notabant leges Regum, ut observat Sirmondus, in *Prefat.* jam laudata. In Ansegisi, inquit, *Abbatibus & Benedicti Levitæ Collectionibus*, nuda Regum ac mera leges sunt, quæ **CAPITULA** vocabant; Quod & factum in jure nostro videmus, in l. 28. §. 5. C. de *administr. tutorum*, quanquam & aliter ibidem capitulum interpretari possimus, nempe pro certo articulo, sententia, puncto rei, de qua

314. Quare Capitularia & Capitula vocentur.

qua tractamus & agimus. Dicta autem Capitula propter brevitatē, quia concisē cardinem, summam & caput rei proponebant. Apposite Papias. *Capitulum brevis multorum complexio, sic dictum, quod breviter capiat totam summam, sive quod quasi alterius sententiæ caput.* Item Catholicon. *Capitulum primo parvum caput. Secundo ille parvus locus, in quem conveniunt claustrales. Tertio illa congregatio claustralium. Quarto aliqua distinctio in quolibet libro; unde versus; distinguit, minuit, locat & collectio fertur. & iterum: Capitula librorum dicta, quod breviter capiant & contineant aliquam sententiam: sive quasi caput & titulus majoris scripti.* Græci etiam in oratione κεφάλαια vocant, quæ Latini capita & summas. Isocrates ad Nicoclem. κεφάλαιον δὲ τῶν εἰρημῶν, Summa vero supradictorum. Sic quoque Apostolus ad Hebr. cap. 8. vers. 1. κεφάλαιον δὲ ὅτι τοῖς λεγομένοις, τοῖς τὸν ἔχοντι δὲ χιερέα. quod vulgatus vertit: *Capitulum autem super ea quæ dicuntur.* Beza vero. *Eorum quæ dicimus hæc summa est.* adde ejus notas ibid. Æschines contra Ctesiphontem; ὅτι κεφάλαια διὰ βραχέων ἐγὼ πεπερῶ. Plinius lib. 2. cap. 12. *Hist. nat. effert apposite: De iis breviter & capitulatim attingam. Inde & capitula, nervosæ summulæ, quæ breviter referunt contenta tractationis majoris.*

215.  
κεφά-  
λαια.

ris. Hinc & nostris capitularibus nomen esse inditum, probabile est, quia concise exhibent summam ejus quod constitutum est. Capitula enim Caroli Magni, non sunt integra acta aut totæ leges, sed cardo & medulla seu potius sententia legis, paucis verbis expressa; ideo capitula distinguuntur ab ipsis integris actis. Alii capitula dicta volunt, quia in capitulis, id est locis ubi Ecclesiastici conveniunt, à capitularibus constituuntur. Alii *capitularia*, *capitulares* libros dictos volunt, quia libri illi multa capita complectuntur. Ita forte Glossa in *authent. Cassa. C. de Sacros. Eccles. Capitularia* interpretatur *libros statutorum*; quod sequitur Gothofred. *ibid.* Audi Anton. Augustinum, *de emendat. Gratian. lib. 2. dial. 11. pag. nostræ editionis 451.*

„C. Latinam ne vocem, an barbaram esse  
 „dicemus *Capitulare*: sive *Capitularia*? A.  
 „An non recte deducitur à *capite capitale*  
 „crimen, & *capitalis* homo. C. Recte. A.  
 „Sic igitur à *capitulo capitularis*, & *capitulare*  
 „pro *capitulalis* quod ineptum esset. sic etiam à *seculo secularis*, ab *angulo angularis*  
 „dicitur. C. Quis ex veterib. Latinis hac  
 „voce usus est? A. Non omnium veterum  
 „libros habemus: ex illis deperditis existima hanc erutam vocem fuisse. *Acta capituli* multi *capitularia* dicunt, & *syndicum capituli*

„capituli capitularem: non ineptissimum id  
 „quidem videtur. C. Qui librum capitularem  
 „dicunt, quod capituli sit, minus peccare  
 „videntur: quam qui ideo volumen capi-  
 „tulare dicunt, quod in multa dividatur  
 „capitula, & quasi collectio sit multorum  
 „capitulum. A. Non igitur de voce ipsa  
 „quærendum fuit, an esset Latina, sed de  
 „usu vocis in hac notione? Et quidem à  
 „barbaris inducendam esse arbitror Caroli, &  
 „Ansegisi, & Theodulfi temporibus. Sed  
 „ut ad Gratianum redeamus: is hac voce  
 „usus est *caussa* XI. cap. XXXI IX. Nam post  
 „duas constitutiones relatas sic ait. *Hæc si*  
 „*quis antiquata contendat, quia in Justiniani*  
 „*Codice non inveniuntur ita inserta: per Caro-*  
 „*lum renovata cognoscat, qui in suis Capitula-*  
 „*ribus ait inter cetera. Volumus, atque præcipi-*  
 „*mus &c.* Sic etiam Anselmus inscripsit, *In*  
 „*Capitularibus Caroli Imperatoris.* Fallitur  
 „Anton. Augustinus, qui vocem inventam  
 „putat Caroli Magni, Ansegisi & Theodulfi  
 „temporibus, qui vixerunt seculo nono,  
 „nam seculo octavo ineunte occurrit Capi-  
 „tulare Gregorii secundi, qui anno 714. ad  
 „Episcopatum Romanum evectus est. De eo  
 „hæc habet Ludovicus Jacob à S. Carolo, in  
 „*Bibliotheca Pontif. lib. I. pag. 88. Capitulare*  
 „*Gregorii II. datum Martiniano Episcopo, Geor-*

216. Ca-  
 pitulare  
 Gregorii  
 secundi  
 Papæ.

gio Presbytero &c. in Bavariam ablegatis, legitur etiam tomo 5. Concil. Binii, ex Codice M. S. membranaceo vetustissimo Monasterii Veingarcensis, & ab Eruditissimo Marco Velfero Duumviro Augustano communicato. Extat M. S. in Bibliotheca Bodlejana, ut ex librorum indice edito, colligo. In quo & ego illud observo. Est itaque antiquior Carolo Magno ista denominatio; superioribus enim temporibus & apud Græcos & Latinos κεφάλαια & capita, ut jam probatum, designabant summulas, sententias, concisa dicta, & aliorum longius dictorum compendia; sæpe occurrit vox apud Ciceronem, sed alia atque alia significatione. Item adhibitæ voces capituli & capituli in distinctionibus librorum, quod in Gellio, aliisq; observamus. Sed diu satis nos capitula & capitularia detinuerunt, alii nos vocant collectores, aliæ collectiones; hoc tamen adhuc de Capitulari Caroli Magni & Collectione Ansegisi addendum; eum capitula collegisse mandato & instinctu Orgarii (qui & Odogarius & Audegarius vocatur) Archiepiscopi Moguntini, qui ab an. 826. vel 827. usque ad 847. in Archiepiscopatu Moguntino sedit; de quo Serrarius in *rerum Moguntinar. lib. 4. pag. m. 620.* Colligo hoc ex versibus istis supr: n: 203. de conjunctione collectionis Ansegisi & Benedicti

217. Ansegisus capitula Caroli collegit instinctu Orgarii,



nedicti Levitæ positis; quorum hic reddenda ratio emendatorum. Leguntur vulgo sine sensu:

*Quosque Pater quondam, collegit nobilis apte  
Ansegisus ovans, ductus amore Dei.*

*Aut cario demum, quem tunc Maguntia summum  
Pontificem tenuit, præcipiente pio.*

Illa aut cario, sunt nullius momenti, & relicta à Pithœo, qui antiquam scripturam in prima editione (secundam enim non vidi) non satis percepit, aut examinavit, itaque restitui veram, de quo nullus dubito lectionem

*Otgario demum, quem tum Maguntia &c.*

Cui emendationi tempus concinit, vixerunt enim eodem tempore Ansegisus & Otgarius seculo nono, saltem usque ad annum quadragesimum septimum. Deinde ex Præfatione Benedicti Levitæ, supra recitata scimus, Riculphum & Otgarium, (qui ibidem, quod magis adhuc ad veterem scripturam accedit *Autcarius* vocatur) studiosos fuisse in colligendis istiusmodi Legibus & Capitulis ecclesiasticis. Illud quoque ex Pithœi præfatione observavimus, capitularia antiqua non habuisse titulum. Qui in Pithœi editione est, illum Joh. Tilius, ex non adeo vetusto codice editioni suæ imperfectæ præfixit, quem etiam Pithœus re-

218. Antiqua capitularia M. S. carent titulo, & unde titulus hodiernus.

219. Baro-  
nius capi-  
tularia con-  
sensu &  
auctoritate  
Pontificū  
prodiisse  
multis co-  
natur adse-  
re.

tinuit. Non est animus contra Baronium multis hic excurrere, an capitula hæc Imperatorum & Regum Galliæ, quod ille vult, cum consensu & approbatione summi Pontificis scripta & promulgata sint, hoc enim ad historiam quam teximus nil facit. Negant id Galli in hodiernum usque diem. Dicit quidem Benedictus Levita in Præfatione sua fuisse auctoritate Apostolica (sic tum temporis sedes Romana vocabatur) firmata, sed & absque ista auctoritate valuissent. Verum hoc ideo Benedictus Levita, sedi Romanæ addictus, ut supra quoque monitum, suæ Præfationi inferuit, ut & ex hoc capite capitulis alibi auctoritatem conciliaret; deinde etiam observandum hac in re faciliorem fuisse Ludovicum Pium sub quo, vixit Benedictus, quam Carolum ejus Patrem. Sed ut dixi, hæc sunt alterius loci. Habet multa huc facientia Nobilissimus Mornæus in *Mysterio iniquitatis*, quod Baronio opposuit, quæ legisse non pœnitebit.

220. Isidori  
Mercatoris  
collectio.

Hoc eodem tempore, nempe seculo nono incipiente, in lucem prodiit Collectio Impostoris nequissimi, qui se Isidori nomine tegere ausus fuit. De quo verissimum est elogium Magni Blondelli. *Erepsit, inquit, ante annos 800. è solo Iberico, lumbricus nescio quis Isidori Hispalensis larva tectus, qui*  
*pilissimas*

221. Elo-  
gium è  
Blondello.

*vilissimas fœces, pretiosissimis antiquorum urbis  
Episcoporum titulis appositis, sempiternæ gloriæ,  
(si divina providentia pateretur) commendaret,  
octo propemodum seculorum decurrit ordo, tan-  
tisper dum Latinorum omnium patientia abute-  
retur, excæcatique orbis oculum suis sublineret  
offuciis, ingenio hebes, vita turpis, existimatione  
damnatus, impudentia atque audacia, super quam  
dici potest, fretus, projectæ nequitie rabula; &  
postea, vocat, nebulonem perditissimum, eo-  
rum omnium qui scientiam ex conscientie puri-  
tate æstimant, cauterio inustum. & ejus colle-  
ctionem, mendaciorum mercem. Collegit Im-  
postor ille vel potius supposuit Pontifici-  
bus Romanis primis à Clemente usque ad  
Siricium epistolas Decretales; cum vel u-  
nica compilatio Dionysii, primi Decretalium  
& seduli conquisitoris, demonstraret, ultra  
Siricii tempora eum nullas invenisse ab E-  
piscopis Romanis scriptas. Simile audaciæ  
exemplum in omni antiquitate reperiri non  
memini; posset quidem comparari cum hoc  
nebulone, Johannes Annius Viterbiensis  
Monachus, qui Beroso libros quinque anti-  
quitatum, Manethoni supplementorum ad-  
Berosum librum unum, Xenophonti Æqui-  
voca, Fabio Pictori de aureo seculo & ori-  
gine urbis Romæ libros duos, Myrsilo Lesbio  
de Bello pelasgico librum, M. Catoni fra-*

222. Quid  
supposue-  
rit.

gmenta de originibus, *Archilochi* librum de temporibus, *Antonino Pio Cafari Augusto* itinerarium, *C. Sempronio* de divisione Italiae librum, *Matasthani* (*Megastheni* volebat dicere) de iudicio temporum & annalium Persarum librum, *Philoni* Breviarium de temporibus supposuit, & supposita commentariis illustravit; vide sis de hac fraude præ multis aliis Amicum nostrum Clariss: & Consultiss: Dn. Vincent. Placcium, *JC. in Notis ad Johan. Rhodii auctores supposititios*, quos pramisit *Syntagmati* nuper edito de *Scriptoribus anonymis & pseudonymis*, pag. 12. & seqq. & multos ab eo ibidem citatos. Sed quanto periculosius est errare in sacris, quam in profanis; ita multo gravior in iis quoque est impostura & suppositio. Quare & multis parasangis *Isidori* illius supposititii fraudulentia præcellit illam *Annii Viterbiensis*, quia ejus fraus tantum circa historiam, *Isidori* vero circa religionem, illius circa ethnicas; hujus vero circa Christianas res occupata est. Epistolas autem decretales, ut vocant, supposuit nebulo ille sequentibus *Episcopis Romanis*. *Clementi* quinque; *Aniceto* tres; *Euaristo* duas; *Alexandro* tres; *Sixto* duas; *Telesphoro* unam; *Hygino* duas; *Pio* quatuor; *Aniceto* unam; *Soteri* duas; *Eleutherio* unam; *Victori* duas; *Zephy-*

223. Quibus suppositis fuerit Decretales *Isidorus*.

*Zephyrino* duas; *Callisto* duas; *Urbano* unam;  
*Pontiano* duas; *Anterio* unam; *Fabiano* tres;  
*Cornelio* duas; *Lucio* unam; *Stephano* duas;  
*Dionysio* duas; *Felici* tres; *Eutychiano* duas;  
*Cajo* unam; *Marcellino* duas; *Marcello* duas;  
*Eusebio* tres; *Melchiadi* Epistolam unam, de  
 primitiva Ecclesia, & Munificentia Con-  
 stantini Magni Imperatoris erga eandem,  
 dein quoque decretalem Epistolam unam.  
*Synodo Nicenæ* Epistolam ad Sylvestrem Pa-  
 pam, & *Sylvestri* rescriptum ad eam; *Æ-*  
*gyptiis* ad Marcum Papam Epistolam, &  
*Marco* responsoriam ad eandem; *Julio* Epi-  
 stolam unam; *Orientalibus* ad Julium unam,  
 & *Julio* responsionem; *Liberio* Epistolam  
 XII. *Athanasio* & *Episcopis* *Ægypti* Episto-  
 lam ad Liberium, & *Liberio* responsoriam  
 ad eam Epistolam. *Athanasio* & *Ægyptiis* ad  
 Felicem secundum Epistolam, & *Felici* se-  
 cundo responsoriam, deinde eidem alteram  
 quoque supposuit; *Damaso* Pontifici Epi-  
 stolam tertiam ad Hieronymum, & *Hiero-*  
*nymo* rescriptionem; *Africano* concilio epi-  
 stolam ad Damasum, *Damaso* responsoriam,  
 quartam epistolam, eidem quintam de Chor-  
 episcopis, & septimam ad Episcopos Italiae.  
*Aurelio Carthaginensi Episcopo* ad Damasum,  
 & *Damaso* rescriptum; *Siricio* Papæ quar-  
 tam Epistolam. *Anastasio* Papæ, duas; Six-  
 to III.

20 III. Epistolam tertiam; *Leoni* epistolam  
 LXXXVIII. *Joanni primo* Epistolas duas. *Feli-*  
*ci quarto* Epistolas duas; *Bonifacio secundo*,  
 epistolam unam, *Iustino & Iustiniano* ex-  
 emplar precum; *Iohanni secundo* Epistolam  
 unam; *Agapeto* Epistolam quintam, *Silve-*  
*rio* epistolam unam; *Amatori* Epistolam ad  
 Silverium, & *Silverio* responsoriam ad eam,  
 quæ est epistola secunda; *Pelagio primo* epi-  
 stolam unam; *Iohanni tertio* epistolam unam;  
*Benedicto primo* Epistolam decretalem; *Pela-*  
*gio secundo* epistolam primam, secundam, o-  
 ctavam, nonam; *Gregorio Magno* privilegium  
 Medardi Monasterio collatum; *Felici Sici-*  
*lia Episcopo* Epistolam ad Gregorium Ma-  
 gnum; *Gregorioque Magno* rescriptionem,  
 quæ est lib. XII. epistol. 32. *Deusdedit Pape*  
 Epistolam unam. Hæ sunt merces Impo-  
 storis quas supposuit, & orbi pro genuinis  
 veterum urbis Episcoporum epistolis impu-  
 denter obtrusit: quas sunt, qui defendunt  
 collegisse Isidorum Hispalensem Episcopum;  
 inter quos est Possevinus, in *apparatus sacr.*  
 parum tamen sibi constans, imo contrarius,  
 utpote qui in verbo *Isidorus Hisp.* eum facit  
 auctorem. In verbo *Burchardus*, contra-  
 riam sententiam tuetur, eos nempe errare,  
 qui hanc (compilatorum canonum) laudem  
*S. Isidoro Hispalensi* tribuunt. Nititur primo  
 Posse-

224. Isido-  
 rus Hispa-  
 lensis, ut à  
 quibusdam  
 dicitur,  
 non est au-  
 ctor hujus  
 suppositio-  
 nis.



Possevinus hoc futili argumento, quod multa  
 verba, quæ in *Præfatione collectionis hujus* legun-  
 tur, extant in libro quinto *etymologiarum* *Isidori*  
*Hispalens.* Quod argumentum fortius stringit  
 pro contraria sententia, nisi velimus dicere  
 Isidorum Hispalensem Hominem Doctum,  
 esse inanem blateronem, qui sine necessi-  
 tate recoctam crambem bis lectoribus ap-  
 ponat. Tum etiam constat, libros *etymo-*  
*logiarum* non esse editos ab ipso Isidoro,  
 sed à Braulione post mortem Isidori, teste  
 Ildephonso, *ad finem libri Isidori de Viris illu-*  
*stribus*, & Braulione in *Catalogo operum ipsius*  
*Isidori*, qui ambo cum Isidoro vixerunt.  
 Idem quoque colligi potest ex ipsius Isidori  
*Epistola ad Braulionem*, quæ libris originum  
 est præfixa. Cum itaque post mortem de-  
 mum Isidori editi sint libri *etymologiarum*,  
 qui eos descripsit, id necessario debet post  
 mortem ejus fecisse. Alterum argumentum  
 Possevini adhuc futilius est: quod non solum  
 perantiquus sit hic Isidorus, qui Mercator dici-  
 tur, cujus collectio protenditur à canonibus *A-*  
*postolorum*, usque ad concilium *Hispalense* se-  
 cundum, habeturque in duobus codicibus *Vatica-*  
*ne Bibliothecæ*, & uno *Monasterii Dominicani*  
*S. Mariæ supra Minervam*; verum etiam quod  
 eidem ipsi concilio *Hispalensi* interfuit, ac primas  
 tenuit. Præter enim illud, quod nulla vis  
 conclu-

concludens Logica huic argumento inſit, illud perabſurdum imo impoſſibile eſt; quod collector ille Pſeudiſidorus, cum dicatur ad ſecundæ ſynodi Hiſpalenſis tempora perduxiſſe collectionem, tamen faciat mentionem Gregorii ſecundi & tertii, item Zachariæ Pontificum Romanorum, eorumque epiſtolas laudet, qui omnes poſt annum dcc. poſt ſynodum Hiſpalenſem ſecundam, & diu poſt mortem Iſidori Hiſpalenſis Episcopii vixerunt, utpote, quem qui longiſſime vitam ejus protendunt, mortuum dicunt anno 647. ut Vaſæus in *Chronic.* vel anno 643. ut Rodericus Toletanus, *lib. 2. Hiſtor. c. 18.* vel anno 635, ut officium ſanctorum Hiſpaniæ, quod ſequitur Andr. Schottus, cujus eſt anonymus edita Bibliotheca Hiſpaniæ, *tom. 2. claſſ. 1. pag. 183.* vel anno 636, quæ verior eſt ſententia, Æra nimirum 674, Cinthila regnum ineunte, Heraclii Auguſti anno 26. ut Redemptus Diaconus de *Obitu Iſidori*, teſtis oculatus & Braulio, Eccleſiæ Cæſarauguſtanæ Episcopopus, in *catalogo operum Iſidori* Lucas Tudenſis antiſtes *lib. 3. Chron.* & alii multi; Quod & probat Magnus Blondellus in *Pſeudiſidori prolegumenis. cap. 2.* In quo tractatu tam plene hunc Iſidorum ejusque commenta, item Fr. Turriani hominis, ad propugnanda apocrypha

pocrypha nati, apologiam pro istis decretalibus, seu potius nugis, refutavit, ut vix aliquid addi possit. De quo verissimum est elogium, quod ei scripsit Joh. Dalæus, de *Pseudepigraphis Apostolicis. lib. 3. cap. 5. pag. 476.* Itaque, sunt verba ejus, nihil ad Gelasium quicquid bonus ille Zephyrinus in stramine sua epistola delirat. Quæcunque vero pro ea constituenda in hoc ipso opere attulit Turrianus, ea accurate dissolvit Doctissimus Blondellus noster; ipsamque & ceteras ejusdem comminatis priorum urbis præsulum ad Siricium usque Latinas epistolas, ita plane, liquidoque demonstravit post a. D. 800. à nequissimo & imperitissimo Impostore fuisse confictas; ut ne ex ipsis quidem adversariis quisquam in eum totis his viginti annis, à quo scilicet ipsius liber lucem vidit, pro epistolis certator surrexerit. & postea pag. 493. Neque nos necesse est in confodiendis istis Decretalibus immorari; quas eruditissimus Blondellus noster proprio ac singulari opere copiosissime atque accuratissime impugnavit, ac profligavit, sigillatim confutatis iis omnibus, quæ pro illis Turrianus totis quatuor verbosissimis libris attulerat; clarissimeque ostendit, eas omnes epistolas ex ejusdem Impostoris officina circa noni sæculi initia prodisse. Tertium, quo pugnat Possevinus, argumentum est, Quod constans ferme fama per omnia tempora percrebuerit, auctorem collectionis

*etionis ejus fuisse Isidorum Hispalensem. Hinc-*  
*marus Rhemensis Archiep. in libro de synodis,*  
*Joh. Gerson, Trithemius testentur ab eodem I-*  
*sidoro Librum Decretorum fuisse conscriptum :*  
 Quartum vero argumentum ducit inde,  
 quod expurgatores atque emendatores Decreti ac  
 Decretalium Gregorii decimi tertii Pont. Maximi  
 jussu editarum, in hanc ipsam videntur sat li-  
 quido propendere sententiam, sicuti initio ante  
 corpus decreti significarunt, quamobrem & Col-  
 lector sive Compiler, est dictus. Quibus  
 addere poterat Possëvinus Pighium Hie-  
 rarch. Eccles. lib. 6. c. 6. Coccium Thesauri Ca-  
 thol. tom. 1. lib. 7. art. 6. Bellarminum de  
 Roman. Pont. lib. 2. cap. 14. Turrianum pro  
 Sramineis illis & supposititiis epistolis lib. 5.  
 cap. 23. Pamelium, in Tertullian. de pudic.  
 cap. 1. si plus recentibus novisque testibus  
 deferre & iis pugnare voluisset; quam ab  
 oculatis Braulione & Ildephonso, qui cum  
 ipso Isidoro vixerunt, ejusque operum ca-  
 talogos reliquerunt, veritatem petere; qui  
 nullibi collectionem hanc, aut ullam aliam  
 ei adscribunt. Ex quibus affatim apparet,  
 non fuisse hujus collectionis auctorem Isi-  
 dorum Hispalensem antistitem, sed alium esse  
 ab eo diversum, qui vel idem cum eo no-  
 men habuit, vel ejus nomen per fraudem  
 & falsi crimen adsumsit & cognomine di-  
 stinguatur

stinguitur; est autem illud in quibusdā libris, *Peccatoris*, quod ex facto in eum quadrat; vel ut alii libri manuscripti ferunt, *Mercatoris*. vid. Baron. *ad Martyrol.* 4. *Aprilis.* & *Ant.* *August.* *lib. 1. de emend. Grat. dial. 6. pag. 101. & 102. nostræ editionis.* Prius illud adsumere potuisset conjicit Blondellus, quia sæpius exquisitis phrasibus peccata deploravisse poenitentem Isidorum Hispalensem, cujus nomine se tegere voluit, compererat; vel quia alios id ex modestia epitheton in subscriptionibus suis addidisse legerat. Sic in concilio sexto Toletano *Silva*; in septimo *Basconius*, *Gotomarus*, *Farus*, *Sona*; duodecimo *Fulianus* & *Liuba*, alii in aliis subscripserunt, quos forte imitari voluit; & quid ni nunc retineret homo peccator, qui tam multa peccavit, finxit, mentitus est & alios decipit; cui ludus fuit Dei & hominum patientiam tentare? *Mercatoris* vero denominatio unde proficiscatur in obscuro est; fatente ipso Blondello; subnectit tamen. *l. c.* *Quidni Mercator dicatur, qui tot scorias conquistavit, quas specioso titulorum augustiorum velamine circumtectas Christianis venales obtruderet, & callidiorum quos prisca tulit ætas furum vota nuncupare è re sua duxisse videtur, Sancta Laverna, da mihi fallere, da Sanctum justumque videri? Creditum fuit Hi-*

225. Vocabatur hic Isidorus Peccator vel Mercator in aliquibus libris.

226. Cujas fuerit  
suppositus  
ille.

spanum fuisse & ex Hispania allatas has merces, quia Hispani Antistitis nomen habuit, vel adsumsit. Sed hoc displicet Clarissimo Blondello, primum quia isto seculo, nempe Caroli Magni Hispani durissimo barbarorum iugo pressi, si non oppressi fuerunt, ita ut de supponendis Canonibus & Decretalibus non, sed magis de vita & quali quali cura Ecclesiæ atque exercitio religionis solliciti fuerint; Deinde, quia parce nimis Hispaniæ ejusque Provinciarum meminit, aut paucissimas decretales ad Hispanicas provincias commentus est, cum tamen plurimas ad Gallos Italosque dictatas mentiatur. Bismeminit tantum Hispaniæ, nempe Pseudo-Sixtus II. in *Ep. 2.* & PseudoMelchiades; bis Bericæ, PseudoAnterus scilicet, & PseudoEutychianus *epist. 1.* semel Cordubensis provinciæ, PseudoDionysius nempe *epist. 2.* quod non credendum fecisse Hispanum, etiam de patriæ gloria ex Pseudepigraphis scriptoribus paranda sollicitus. Tertio, quia in turbulenta harum epistolarum congerie, multi GalloFrancorum & Longobardorum Idiotismi leguntur, Hispanorum vero, quales ex Eterii & Eulogii scriptis annotari possunt à curiosis nulli. Conjicit itaque eum fuisse GermanoFrancum, vel GalloFrancum, idque primum ob sermonis barbari, & Idiotismorum



uismorum affinitatem, quam habet cum scriptoribus temporum Caroli Magni, Stephani scilicet tertii & quarti, Adriani primi, Leonis tertii & successorum epistolis, Anastasii Bibliothecarii scriptis, Germano-Francis sub Pipino, Carolo & Ludovico Pio congregatis conciliis, & Capitularibus Caroli M. & Ludovici Pii & Caroli Calvi libris. Deinde si spurcissimi sermonis vitia abessent, absurdissima illa commenta imperitissimum historiæ politiæque non modo primitivæ Ecclesiæ, sed etiam veteris Romanorum reipublicæ nebulonem produunt, non excedere eum Caroli Magni ætatem: In hunc censum refer priscorum Magistratum conficta nomina. *Archisflamines, Primisflamines, primates legis seculi, primos legis, seculi Doctores.* vide sis Pseudo-Clementis Epist. 1. Item, *Primates, Archiepiscopos, Patriarchas* etiam *universales* in Ecclesia ante seculum quartum ignotos; Huc quoque refer *appellationes* ex toto orbe ad Romanum Episcopum. Huc paradoxa vix opinabilia. Non licere populis, imo nulli fas esse Episcopos accusare; Concilia hæc sola rata esse, quæ Antistes Romanus rata habuerit; Licere quidem Metropolitæ Episcoporum causas audire, at solius Patris esse sententiam definitivam pronunciare; Ter-  
tiò, quoque videtur de patria conjectura

duci posse, quod cum quinque Epistolas ad Hispanos tantum, ad Italos & Campanos octo, ad Ægyptios tres, ad Afros & Mauros duas, ad Orientales quinque, ad Gallos Germanosque decem finxerit, ut exinde Galliam Vetetibus urbis Episcopis charam forte ostenderet. Quartum argumentum Blondellus pro patria hujus nebulonis ducit, quod maleferiatus Impostor inter alia plurima, post annum 700. edita scripta, Bonifacii Moguntini Epistolam ad Ethibaldum Regem, post annum Domini 744. datam, & Cangith Abbatissæ Epist. aliam post annum 720. ad eundem Bonifacium scriptam deflorarit. Quæ familiares epistolæ vix eo seculo in Hispanorum, tam longe Moguntia dissitorum, nullum commercium cum iis habentium & vix animas trahentium manus venire, Germano-vero Franci eas habere poterant, quia inter eos Bonifacius ab anno 719. usque 754. vixit. Quintum pro hac sententia adducit, quod primi omnium Moguntini, epistolarum harum, Romanis Pontificibus suppositarum collectionem in medium protraxerint, & per totum orbem disseminaverint. Quod probat Præfatio Benedicti Levitæ, quam supra num: 196. retulimus, verba autem huc facientia, pag. 212, linea  
nona

nona & sequentibus inveniuntur. Aliud hujus rei testimonium anonymi exhibuimus numero marg. 201. Quibus tertium adjungo ex Hincmari Rhemenfis Archiepiscopi libro, adversus Hincmarum Laudunensem post annum 870. scripto cap. 24: hoc nimirum. *Quia forte putasti neminem alium easdem sententias vel ipsas epistolas prater te habere, & idcirco talia libere te existimasti colligere, res mira est, cum de ipsis sententiis plena sit ista terra: Sicut & de libro collectarum Epistolarum ab Isidoro, quem de Hispania allatum Riculphus Moguntinus Episcopus, in hujusmodi, sicut & in capitulis Regis studiosus (alii monent in M. S. curiosus legi) obtinuit, & istas regiones ex illo repleti fecit. Ex quibus testimoniis Blondellus concludit ex scriniis præsulum Moguntinorum promanasse primum & disseminatas esse hæcæ supposititias merces primorum urbis Episcoporum; sive Riculphi, qui anno 786. vel 787. ad Episcopatum venit, & obiit anno 814. vel 815. vid. Serrarii *Histor. rer. Mogunt. lib. 4. pag. 613. & seqq.* sive, quod magis adhuc probat, aliorum qui Riculpho supervixerunt arte conquisitas fuisse. Non obstante Hincmari testimonio, qui credidit sub Riculpho innotuisse, & eum ex Hispaniis allatas, in vulgus sparsisse; Quia adsunt*

argumenta, quæ suadeant Riculpho vel integram Pseudoli Mercatoris collectionem vel saltem epistolas aliquot, quales nunc habemus incognitas fuisse. Argumenta hæc ipsius Blondelli verbis proferemus. Ita ille *loc. cit. cap. 5. pag. 22.* Porro ne quis vel „Pseudo-Isidorianæ compilationis, vel E- „pistolarum omnium, quas hodie farrago „illa complectitur, sive auctorem, sive col- „lectorem Ricolphum fuisse suspicetur, „quod post Hincmarum alii crediderunt; „clarissimo, & quod arte nulla eludi queat „argumento, fieri id non posse probamus: „Quod scilicet, cum absurditate non careat, „Ricolphum anno Domini 814. vita fun- „ctum, Centones ex scriptis totis quatuor- „decim annis post editis consarcinatos, vel „farcivisse vel novisse, Epistolas quasdam, „verbi causa, Pseudo-Urbani & Pseudo- „Joannis 3. in quibus Concilii Parisiis sub „Ludovico Pio A. D. 829. \* coacti, sen- „tentia ad verbum leguntur; vel penitus, „vel quales hodie sunt, ignotas Ricolpho „fuisse nemo jure dubitare possit. Et qui- „busdam interjectis. Id etiam obiter moneo, „de secunda Pseudo-Joannis primi Epistola  
dici

\* *Annus Domini 829. est 15. à Ricolphi o-  
bitu, & 3. ab Aistulphi, qui Ricolpho successit  
dormitione.*

5, dici posse, eandem ejus ac epistolarum  
 6, Pseudo-Urbani & Pseudo-Joannis tertii  
 7, rationem esse debere, quandoquidem in  
 8, ea notari possunt imitationes quædam  
 9, phraseon quibus usus est Jonas Aurelia-  
 10, nensis in epistola ad Carolum Calvum,  
 11, quem regnare cœpisse anno \* à Ricolphi  
 12, obitu 25. nemo negaverit: idem forte in  
 13, aliis Epistolis alii observaturi sunt. Ex  
 14, quibus cum pateat, post obitum Ricolphi  
 15, oportere factam esse collectionem Pseudo-  
 16, Isidorianam, (nisi velimus dicere, quod sæ-  
 17, pe in ejusmodi collectionibus factum vide-  
 18, mus, eum tempore crevisse & auctam es-  
 19, se) suspicio maxima cadit in Benedictum  
 20, Levitam, de quo supra dictum, cum tres  
 21, Capitularis Caroli & Ludovici Impp. libros  
 22, posteriores collegisse; is enim primus epi-  
 23, stolas secuit, & sine mentione titulorum  
 24, in Capitulare Caroli M. & Ludovici Pii  
 25, locavit. vid. *Capitular. lib. 6. cap. 119.* Ac-  
 26, cedit huic, styli identitas in Epistolis sup-  
 27, posititiis, & tribus posterioribus capitula-  
 28, rium libris, item similis phrasium sordities,  
 29, periodorum inconcinna constructio; tum  
 30, etiam, quod isto tempore Eulogii Fra-  
 31, ter Isidorus ex Hispania, conditione vitæ

227. Bene-  
 dictus Le-  
 vita suspe-  
 ctus desup-  
 posititis  
 vel colle-  
 ctis episto-  
 lis.

q 4

Merca-

\* A. D. 839. obiit enim Ludovicus Pius  
 12. Kal. Julii hoc anno



Mercator, exul inter Germano-Francos; & quidem Moguntiacy habitaverit, ex qua urbe prima disseminatio, si non etiam in ea fabricatio epistolarum facta; cujus vel nomine abuti eo inscio vel volente Benedictus potuit, quæ late exequitur, & conjecturam hanc illustrat Blondellus in sæpe laudatis *Prolegum. cap. 6. pag. 28. & seqq.* quam tamen Lectoris arbitrio permittit, ut quantum eitribuendum sit, judicet. Quisquis sit tandem Auctor epistolarum, illas suppositas esse non tantum multa argumenta, verum etiam testes evincunt; Recte centuriatores Magdeburgenses *cent. 2. cap. 7.* *Materias, inquit, rerum quas temporis status requirebat, citra controversiam, arguere, non esse epistolarum auctores Romanos illos primos Episcopos, cum de rebus & statu eorum temporum, ne unum quidem verbum habeant; nil de persecutionibus, nil de periculis Ecclesie, nihil de doctrina, de officio Episcopali, de cura gregis, de consolatione Martyrum, de refutatione hereticorum &c. dicant, & si quid adferant, id cum controversiis & rebus seculi hujus secundi non congruat, veluti, questio isthæc, an filius sit major patre, an filius solus habeat immortalitatem? quæ Arrii tempore agitata est, non vero seculo secundo. Quæ frustra conatur eludere Turrianus harum quisquiliarum defensor,*  
*de quo*

218. Argumenta contra Epistolas, easque suppositas evincientia



de quo verissimum est Joh. Rainoldi Angli Doctissimi judicium, tom. 1. *Apocryphor.* Franciscus Turrianus Jesuita, quinque libris scriptis probare conatur, has epistolas esse scriptas ab Episcopis istis; sed ita impudenter, ut nullum credam opus unquam esse scriptum, quod potuerit Jesuiticæ impudentiæ insignius esse & luculentius documentum. Deinde Consulum in fine epistolarum falsa & erronea consignatio, magnum suppositi partus argumentum præbet, ut Baronio non plures quam decem cum vera consulum annotatione, aut saltem quam ille sequitur, conveniant. vid. eum ad annum 69. §. 35. & seqq: An. 80. §. 3. A. 103. §. 2. A. 121. §. 1. A. 142. §. 3. A. 158. §. 1. A. 167. §. 1. A. 175. §. 2 & ad alios quoque sequentium Pontificum annos, quibus supponuntur epistolæ. Cujus causam confert Annalium Pater, quod mendosissimam libri Pontificalis chronologiam ubique ferre secutus fuerit suppositor istarum epistolarum. Tertio usus vulgatæ versionis, tempus, quod ætatem Hieronymi sequitur, evincit. Quarto in omnibus epistolis idem elucet stylus, ex quo certo concludendum, non diversis temporibus, & quo quisque præsulum vixit, sed uno eodemque quicquillas has scriptas esse. Eadem quinto ubique barbaries, quæ nonum seculum redolet

observari potest. Specimen præbeant hi flosculi. *Episcopi sunt obediendi non detrahendi, sunt portandi & amandi.* Pseudo-Euarist: Epistol. 2; *Nocere aliquem* Pseudo-Victor. in Epist; *Loqui*, Pseudo-Callist. Epist. 2; *Tueri*, Pseudo-Sixtus I. Epist. 2; *Persequi* passive posita, Pseudo-Alexand. Epist. 2; *Malis alicujus particeps effici*, iterum Pseudo-Alexand. Epist. 3; *Continentia literarum paternas disciplinas injuriare*, Pseudo-Marcellin. Ep. 2; *Charitative* Pseudo-Stephanus. Ep. 2; *Potestative* Pseudo-Felix Ep. 1; *Rigorosus*, item *se cavere*, Pseudo-Euseb. Epist. 1. Sexto ubique se prodit Impostor, quod alios auctores defloret, qui seculis aliquot, post eos vixerunt, quibus ipse Epistolas supposuit; Istiusmodi Antichronismata Blondellus in omnibus epistolis observat, *In prolegumenis Pseudo-Isidori cap. 13.* quod unicum sufficit ad extorquendam etiam ab invitis sententiam, esse cunctas istas merces spurias Mercatoris. Nos, quia per omnes ire non possumus, unum tantum aut alterum exemplum recensebimus. Clemens Romanus sedisse dicitur, ab anno Domini 93. ad annum 103. In Epistola prima ei supposita, leguntur verba versionis Bibliorum per Hieronymum correctæ post A. D. 372; loci aliquot Recognitionum per Ruffinum post

post annum 386. latine redditarum ; apostrophe Cyrilli Alexandrini adversus Theodorum Mopsuest. A. D. 435. disputantis ; Sententia è concilio Romano quinto sub Symmacho Papa congregato A. D. 503. petita ; Caput quartum regulæ à Benedicto post A. D. 494. quo eremum adiit scriptæ ; Initium expositionis symboli per Venantium Fortunatum circa A. D. 590. elucubrata ; Flosculi è Gregorii Moralibus in Jobum A. D. 591. editis, & ex Isidori Hispalensis sententiis post annum 600. collectis, excerpti. Hujus epistolæ quidem mentio antiqua & versio Ruffini extat, verum Impostor ille Decretalium ei appendicem adfinxit. Aliud exemplum ab Anacleto mutuo sumemus. Hic ab A. Domini 103. ad 112. in Episcopatu Romano fuisse fertur. Huic epistola supposita prima, Damasi ad Episcopos Illyrici epistolam A. D. 369. datam ; Ambrosiani de dignitate hominis libelli caput 3 ; Concilii tertii Carthaginensis A. D. 397. coacti caput 9 ; Versionem Bibliorum vulgatam & Psalterii versionem ex Hebræo Hieronymo Auctore circa A. D. 380. editam ; Pseudo-Clementis epistolam primam Ruffino interprete circa Annum Dom. 380 ; Innocentii Epistolam secundam A. D. 404. scriptam ; Leonis Ep. paulo



paulo ante A. D. 456. datam; Ennodii, quem ab anno 490, ad 521. floruisse constat, dictiones, 8, 9, & 11. lib. 2. Epist. 14. 19. 22. lib. 4. Epist. 4. 8. 9. 19. 24. Aniani interpretationes editas A. D. 506; Histor. tripartitam circa annum D. 545. collectam. Cangit Abbatissæ Epistolam ad Bonifacium An. D. 721. scriptam; Bonifacii Moguntini Epistolam ad Ethibaldum Regem A. D. 745. datam, deflorat. Sic porro per omnes Epistolas demonstrat Solertissimus Blondellus fontes, unde sumtæ & ἀντὶγραφίσμους, quibus scatent epistolæ. His addere possumus septimo & illud argumentum, quod nemo veterum ex epistolis mutuatus sit sententias, & in sua scripta transtulerit, aut se transtulisse confiteatur, aut auctores citet harum epistolarum; quod certe non omissuri fuissent Patres, religiosi alias veterum laudatores, si extitissent, aut si earum testimonio usi fuissent. Quod argumentum urgent quoq; Centuriatores Magdeburgenses; *centur. 2. cap. 7. Auctoritate, inquit, Eusebii, Hieronymi, aliorumque testimonium excusari veteres urbis Antistites, ne Epistolarum, quibus apposita sunt ipsorum nomina auctores censeantur. Nec tantum illorum nominatorum, sed omni auctoritate usque ad ann. 830. destituuntur; ad hoc enim usque* tempus

tempus miseri illi Præsules, & præstantissima hæc cimelia delituerunt ; postea vero ab Ansegiso abbate, forte eorum parente, aut collectore saltem obstetricio, Burchardo, Anselmo Lucensi, Ivone, tanquam utiles in officinas suas decretales merces, sine ullo judicio & inquisitione admixtæ sunt, & laudatæ ; Ab anno 830. quinam eas laudarent & citarint diligenter collegit Blondellus in sæpe laudatis *Prolegum. cap. 18.* in cuius fine etiam recenset ex protestantibus quosdam, qui per Isidorum hunc subdolum Mercatorem decepti sunt, nempe Bezam, qui *adversus Saraviam cap. 24.* citat epistolas de Chorepiscopis Damasi & Leonis nomine scriptas; Fr. Junium *advers. Bellarmin. de Pontif. Rom.* qui Clementinam primam & Joh. Rainoldum *Censura Apocryph.* qui Johannis primi epistolam primam laudat, posteriorem vero Magdeburgenses *centur. 6. cap. 15.* Defendit seculi superioris anno 73; emissio tractatu Fr. Turrianus Jesuita, contra Magdeburgenses Centuriatores, eas, quæ Clementi, Anacleto, Euaristo, Alexandro, Sixto, Telephoro, Hygino, Pio, Aniceto, Soteri, Eleutherio, Victori & Zepherino affictæ sunt, cæteras indefensas reliquit. Hunc ita excepit Doctissimus Blondellus, quod jam occupatum est, ut nemo hactenus

Turrianum

Turriani defensionem suscipere ausus fuerit, nec tantum Turriani istas, sed & alias quas antiquissimorum Urbis Episcoporum nomine vulgavit Mercator Isidorus, demonstravit spurias & suppositas esse. Varia præterea argumenta contra has Epistolas & Pseudo-Isidorianam collectionē suggere possent *canones illi Isagogici ad criticam Ecclesiasticam*, quos nuper Clarissimus & Acutissimus Theologus & Historicus, *Fridericus Spanhemius*, Magni Spanhemii patris filius, in celeberrimo Leidenſi Lyceo Professor, quem honoris causa hic nomino, elegantissimæ suæ *introductioni ad historiam & antiquitates Ecclesiasticas*, majoris operis prodromo, (quod utinam publice promissum, publice hic interpellatus, monitus & rogatus bono reipublicæ literariæ repræsentaret) subjunxit; si ad eos Pseud-Isidori suppositos partus examinare vellemus; aut si cordatus quispiam de *reſeſſa* harum mercium dubitaret amplius. Itaque missis argumentis ad testimonia digitorum tantum intendemus, quæ idem cum argumentis figmentum convincunt. Non desunt testes antiqui, nec recentiores. Codex canonum Ecclesiæ Romanæ vetus, de quo supra multis actum, qui tredecim tantum Pontificum Epistolas agnoscit, Siricii nempe, Innocentii, Zosimi, Bonifacii, Cœlestini, Leonis,

229. Testes Isidori Mercatoris collectionē suspectam habentes, rejicientes & damnantes.



nis, Hilarii, Simplicii, Gelasii, Anastasii secundi, Symmachi, Hormisdæ & Gregorii junioris, affatim testatur, & evincit antiquiores decretales non fuisse receptas, aut notas; quas etiam tantum probat Leo IV. qui A. D. 847. ad Episcopatum pervenit; nisi quod Silvestri meminerit, Bonifacium & Anastasium omiserit, aut eorum oblitus, aut descriptorum incuria peccatum sit, *c. de libellis. dist. 20.* Hoc argumentum urgebant Episcopi Galliæ circa annum 865. qui idcirco Isidori suppositam collectionem, pro canonibus admittere volebant, *quia in toto Codicis canonum corpore non continebantur descriptæ.* Hincmarus Laudunensis, qui ex facilitate primo harum epistolarum testimonio usus fuit, postea cognito errore, earum auctoritatem destruere conatus est: Non enim tantum veris auctoribus restituit, quæ Pseud-Isidorus ex iis decerpserat, cap. 12. 23. 25. 36. *in libro quinquaginta quinque capitum*, sed etiam docuit, epistolas esse canonibus receptis & sibi contrarias, *Scriptum est, inquit, in præfatis Epistolis, ut accusationes Episcoporum non recipiantur, & in eisdem habetur qualiter recipiantur, & ut à suis ovibus Episcopi accusari non valeant: lib. 55. cap. 20. cap. & paulo post: In iisdem epistolis scriptum est, non debere vel posse synodum sine iussione, vel consensu Romani Pontificis,*

Pontificis; & sacri Nicani Canones dicunt: be-  
 ne placuit annis singulis per unamquamque pro-  
 vinciam bis in anno concilia celebrari. Et  
 quamquam in d. c. conetur contradictio-  
 nem excusare distinctione temporum, re-  
 rum & causarum, attamen apud Flodoar-  
 dum lib. 3. c. 22. diserte adserit, ab Hinc-  
 maro Laudunensi collectas sententias inter se  
 dissonas & contra Evangelicam & Apostolicam  
 atque Canonicam & Apostolicæ sedis auctori-  
 tem immistas; & cap. 24. libr. 55. capitum,  
 observat ipsum Collectorem seu Imposto-  
 rem, hæc epistolas reliquis decretalibus  
 æquiparare non fuisse ausum: Differentiam  
 quoque, inquit, inter Epistolas quas collegit &  
 sacros canones, ex verbis B. Gelasii, quibus & sua  
 verba interposuit, fecit. Nicolaus quoque pri-  
 mus, qui Gallicis Episcopis occurrere stu-  
 duit, consulto tamen abstinuit, citans Cle-  
 mentis epistolam 1. à Lacinia Pseudo-Isidori,  
 ut & à cæteris Clementis, Anacleti & alio-  
 rum suppositis epistolis; quod & odoratus  
 est Baronius, qui hæc notat ad an. D. 865.  
 §. 7. Ab ipsa quidem Isidori, inquit, Collectio-  
 ne consulto visus abstinuisse, quippe cum in his  
 controversiis frequens esset, in quibus de appel-  
 latione ad sedem Apostolicam ageretur, & ex  
 illis epistolis multiplicia supplerent eademque  
 fortissima testimonia sanctissimorum Pontificum  
 eorundemque

eorundemque Martyrum, quorum summa auctoritas in Ecclesia esse posset; abstinuit tamen ab illis penitus, quas saltem dubias intellexisse, non dubium sit; illis tantum usus de quibus nunquam in Ecclesia Dei fuerat dubitatum, quod illis adventitiis & recens-inventis, non egeret Ecclesia, cum eadem ex Germanis, sinceris, omnino legitimis securis, certisque, Romanorum Pontificum Epistolis abundanter accipere licuisset. Post hæc tempora invalescente potentia Romana, invaluit quoque auctoritas; ut ad seculum decimum quintum vix duo inveniantur, qui se Pseudo-Isidorianis commentis opposuerint, nempe Marsilius Patavin. qui claruit anno 1324, *defens. pacis, de re Imperatoria & Pontificia, cap. 27. part. 2.* & Gobelinus in *Cosmidromio*. Post hæc tempora cœpta contra subdolas Pseudo-Isidori merces disputatio. videatur Nicolaus de Cusa Cardinalis, *Concordia Catholica cap. 34. lib. 2. & libro 3. cap. 2.* scripsit, anno 1432. Henricus Kaltheyßen in *Tractatu, an Imperium sit unquam à Romanis ad Græcos translatum*, à Centuriatoribus allegatus, obiit iste A. D. 1465. Post hos cætervatim docti abjecerunt hæc figmenta, Joh. de Turrecremata Card. Erasmus, Driedo, Claud. Espencæus, Didac. Covarruvias, Gregor. Cassand. in *defens. libelli de offic. viri*  
T
pii.

pii. Anton. Contius in *editione Corpor. Canonici*. Qui in *c. septuaginta. dist. 16.* quæ manum censorum Belgicorum effugerunt, hæc habet. Multas supra in præfatione rationes adduxi, quibus omnes Pontificum, qui Sylvestrum præcesserunt, decretales falsas esse manifeste ostendi. Ipsa præfatio à censoribus suppressa est. Adde his Carol. Bovium Ostunens. Episcop. in præfat. præmiss. constit. Pseudapost. à se in *Latinum versis*. Bellarminus earum propugnator *lib. 2. de Pont. Roman. cap. 14.* hæc sibi tamen excidere passus est. Aliquos errores in has Epistolas irrepisse non negaverim nec indubitatas esse adfirmare audeam. Baronii iudicia in annalibus variis locis sunt dispersa; excerpta tamen & cuique epistolæ subjecta à Clarissimo Blondello, digitum intendo in locum prolixiorum. *Ad A. D. 865. §. 5.* & in *Notis ad Martyrol. ad 4. April.* Vide & Edmundum Richerium, *lib. de Eccles. & polit. potest;* ex nostris Molinæum in *Vate lib. 2. cap. ult. pag. 129. & 132.* Claud. Salmasium de *Coma pag. 186. & seq.* Dalæum de *ieiunio & quadrages. lib. 3. c. 10. & 12. pag. 537. & lib. 4. c. 6. pag. 751.* In *Pseudepigraphis Apostol. lib. 3. cap. 2. pag. 427. & pag. 434. & 448. posteriori, 476. & seq. 493.* Ioh. Rainold. *tom. 1. Apocryph. Magnum Iacob. Usser, de success. in Occid. Eccles. cap. 2. pag. 60.*

pag. 60. & 61. Robb. Cocum passim in cen-  
 sura. Rivetum in Critico sacro. lib. 1. cap. 8.  
 Withakerum de Pontifice Rom. controvers. 4.  
 quest. 5. Ioh. Gerhardum. tom. 1. conf. ca-  
 thol. lib. 1. part. 2. cap. 9. Caspar. Zieglerum,  
 in dissert. de orig. & increm. jur. Can. quam  
 præmisit Lancelotti Instit. jur. Can. §. 25.  
 & seqq. Agmen claudat elogium, Cardina-  
 lis Iohan. Bonæ, quod de hac Collectione  
 Pseudo-Isidoriana edidit nuper in liturgicis  
 „lib. 1. cap. 3. prin. Adstipulantur, inquit, Ba-  
 „ronio Ioseph. Vicecomes, & Ioh. Baptista  
 „Scortia, in suis Tractatibus de sacrificio Missæ,  
 „& Stephanus Durantus, libro de ritibus Ec-  
 „clesiæ, atque alii recentiores, qui ut pro-  
 „bent Missæ nomen Apostolicæ ætatis esse,  
 „& Christianæ religioni cœvum, ex Ro-  
 „manis Pontificibus primi & secundi seculi te-  
 „stimonia nullius roboris coacervant: dudum  
 „enim ab Eruditis observatum est illorum  
 „Epistolas decretales usque ad Siricium, suppo-  
 „sititias esse: à quodam Hispano sub no-  
 „mine Isidori, quicumque ille fuerit sub fi-  
 „nem septimi seculi (imo octavi vel initio no-  
 „vi, & forte non ab Hispano, sed Germano-Franco  
 „aut Franco-Gallo, ut supra latius dictum est)  
 „pia fraude (pace Card. Bonæ id liceat mutare  
 „in impiam imposturam) & ex sententiis ve-  
 „terum canonum, legum etiam civilium



„ & Sanctorum Patrum , qui quarto &  
 „ quinto seculo floruerunt , turpi anachro-  
 „ nismo , eodemque fere stylo ac dicendi  
 „ caractere , magna ex parte contextas ;  
 „ quas primum ex Hispania in Galliam de-  
 „ tulit (*non detulisse dixit Hincmarus Remensis, ex*  
*quo id Cardinalis colligere forte potuit, sed delatas*  
*disseminasse, ut patet ex loco supra adducto*) la-  
 „ bente octavo seculo Riculphus Episcopus  
 „ Moguntinus ; & inde in alias Regiones  
 „ disseminatæ, ac communiter receptæ sunt.  
 „ Sed tandem *Impostura* detecta est, & Ba-  
 „ ronius de his epistolis differens anno 865,  
 „ earum falsitatem agnoscit, & aperte fa-  
 „ tetur, ne quis, inquit, calumniari pos-  
 „ sit, ab Ecclesia Romana aliquid hujus-  
 „ modi commentum esse. Earum igitur te-  
 „ stimoniis tanquam *falsis & inutilibus* reje-  
 „ ctis, certiora ex veris & legitimis Ponti-  
 „ ficum ac Patrum scriptis proferenda sunt.  
 Est hoc ingenuum Cardinalis testimonium,  
 quod vex Blondello, vel alio ejusdē Sectæ  
 homine hāusit, vel veritas extorsit. Adser-  
 ta itaque affatim impostura improbissima,  
 totius hujus compilationis auctoritas conci-  
 dit ; quæ quid contineat ipse subdolus Im-  
 postor in præfatione collectioni præmissa  
 „ ostendit. In principio, *inquit*, hujus volu-  
 „ minis, qualiter concilium apud nos cele-  
 bratur

230. Quid  
 Pseudo-Isi-  
 dori colle-  
 ctio conti-  
 neat.



3 bratur posuimus, ut qui nostrum ordi-  
 3 nem sequi voluerint, sciant qualiter hoc  
 3 agere debeant. Denique propter eorum  
 3 auctoritatem cæteris conciliis præposui-  
 3 mus, canones qui dicuntur Apostolorum,  
 3 licet à quibusdam Apocryphi dicantur,  
 3 quoniam plures eos recipiunt, & Sancti  
 3 Patres eorum sententias synodali aucto-  
 3 ritate roboraverunt, & inter canonicas  
 3 posuerunt constitutiones. Deinde quarun-  
 3 dam epistolarum decreta Virorum Apo-  
 3 stolicorum interseruimus, id est Clemen-  
 3 tis, Anacleti, Euaristi, & cæterorum A-  
 3 postolicorum, quas potuimus hæctenus  
 3 reperire epistolas, usque ad Silvestrum  
 3 Papam. Postmodum vero Nicænam Sy-  
 3 nodum constituimus, propter auctori-  
 3 tem ejusdem magni concilii, deinceps di-  
 3 versorum conciliorum Græcorum ac La-  
 3 tinorum, siue quæ ante seu quæ postmo-  
 3 dum facta sunt, sub ordine numerorum  
 3 ac temporum, capitulis suis distincte sub-  
 3 hujus voluminis adspectu locavimus; sub-  
 3 jicientes etiam reliqua decreta Præfulum  
 3 Romanorum usque ad Sanctum Grego-  
 3 rium &c. Vide sis. *cap. placuit, dist. 16.*  
 in quod partem præfationis Pseudo-Isido-  
 rianæ conjecit Gratianus. Laudat M. S.  
 suum codicem Iustellus, in quo se proten-

231. Au-  
thoritas hu-  
jus colle-  
ctionis.

dit collectio usque ad concilium Toletanum XII, quod celebratum anno 682. In-  
serti quoque sunt canones ab Hadriano primo Papa Ingelramno dati, de quibus supra.  
Doctissimus Iustellus, in *Prefat. quem codici canonum Ecclesia universe præfixit*, de hac Isidori collectione dicit, eam privatam fuisse, usque ad Alexandrum Papam Romanum, id est, annum 1061, ab eoque approbatam videri, ut Innocentius tertius in *epistola ad Petrum Compostellanum tom. 2. concilior.* testatur, cujus hæc verba refert: *Emeritense Concilium Authenticum esse multis rationibus adstruebas, tum quia cum aliis conciliis continetur in libro, qui CORPUS CANONUM appellatur, quem Alexander Papa per interlocutionem authenticum approbavit.* Subdit dein Iustellus. Nec enim dubium est, hoc loco *Corporis Canonum* nomine, collectionem Isidori significari, quæ aucta multorum canonum accessione in nomen illud transiit, ut etiam Liber seu Corpus canonum diceretur; Sic enim habet inscriptio in meo Codice M. S. *Incipit Liber qui appellatur Corpus canonum.* Nisi quis existimet his verbis apud Innocentium Codicem canonum Ecclesiæ Hispanicæ significari, cum Emeritense illud concilium in vulgatis Isidori codicibus nusquam rep-  
riatur.

ariatur. Quæ sane certissima & evidentissima ratio est, non posse apud Innocentium intelligi Codicem canonum Isidori Mercatoris, cum in eo codice Emeritense concilium non legatur. Quæ causa forte est, quare Iustellus in curis secundis hæc omnia omiserit, in *Præfatione Codicis Canonum Ecclesiæ universæ secundæ editionis*, quam Filius præmisit *Bibliotheca juris canonici veteris*. vide tom. I. pag. 26. & pag. 24. fine & seq. initio, ubi satis clare Iustellus refert Innocentii verba ad Codicem Hispanicum specialem, non vero ad Pseudo-Isidori collectionem. Usus vero est Pseudo-Isidorus versione canonum antiqua, non Dionysii Exigui, nec Martini Bracharensis, ut testatur editio conciliorum Colonienfis. Scopus quis hujus collectionis fuerit, itidem defensionis Turriani, ex iis quæ hæcenus disputata sunt, affatim patet: huic nempe fini epistolæ effictæ sunt, ne deessent Ecclesiæ Romanæ, aut potius Pontificibus Romanis antiquorum testimonia Episcoporum, potentia, eminentiæ & auctoritatis; item ut stabiliarentur & fulcirentur jura appellationum ex toto orbe ad sedem, ut illi vocant, Apostolicam. Hoc enim argumentum tractant potissimum epistolæ, neglectis veris istorum seculorum rebus, ut supra observarunt Mag-

232. Quæ versione usus sit Isidorus in sua collectione.

233. Scopus collectionis Pseudo-Isidorianæ & defensionis Turriani-  
cæ.

denburgenses; fatente vel ipso Baronio, antea relato, qui *multiplica* exinde & *fortissima* argumenta depromi posse dicit. Hæc forte causa est cur Nicolaus primus Gallis persuadere conetur ut eas recipiant, quod detractabant, quia suspectæ videbantur, recentes, nec inter cæteras decretales in codice canonum legerentur. Id caute tollere tentat Pontifex, adi sis cum satis prolixè disputantem apud Gratianum *cap. si Romanorum. dist. 19.*

234. Defensio Turriani qualis.

Hæc quoque causa fuit, cur operosam suam defensionem scriberet contra Magdenburgenses Turrianus, quasi res tota Romana staret & caderet cum subdola & supposititia hæc Pseudo-Isidori merce; Hanc in rem omnes ingenii nervos intendit, omnem industriam impendit, ut per argumenta & fingmenta auctoritas Epistolarum, magis tamen summi Pontificis facta & tecta maneret. Hanc in rem etiam fingendi iterum novi testes, novi libri, qui non prostant, neque forte prostituerunt, aut proflare possunt; Quales sunt *Eusebii Alexandrini Sermones* lib. 1. pro Epistol. c. 21. & lib. 2. c. 6. & 12. & alibi. *Eusebius Casariensis adversus Marcellum.* lib. 5. cap. 7. *Hippolytus martyr & Thebanus* lib. 2. cap. 18. *Magnes adversus Theostenem*, lib. 1. cap. 5. lib. 2. c. 3. & 13. lib. 4. cap. 7. *Theodotus Ancyranus,*

235. Auctores à Turriano M. S. non extantes citati.

*Ancyranus*, lib. 2. cap. 14. *Severianus Gabalensis* in 1. ad Corinthios, lib. 5. cap. 5. *Apollinaris* in Numeros, lib. 4. c. 14. *Leontius* in Matthæum, lib. 4. cap. 10. *Eustratius Constantinopolitanus* de operatione animæ, lib. 4. c. 14. *Damasceus* de jejuniis, & de communione corporis, lib. 5. cap. 8. & 18. lib. 4. cap. 1. *Theodorus Antiochenus*, ille scil. qui Mopsuestenam Ecclesiam rexit, lib. 2. cap. 20. lib. 4. cap. 8. & lib. 5. cap. 6. *Theophanes* in Symphonia Veteris & Novi Testamenti, lib. 2. cap. 28. & lib. 4. c. 13. *Constantinus* ἀπὸ ῥολογιακῶν, lib. 1. cap. 28. *Photii* Lexicon, quæstiones ad Amphilo-  
chium, Commentarii in Epistolas, lib. 3. c. 11. & 12. lib. 5. cap. 18. lib. 2. cap. 13. lib. 4. c. 12. *Nilus* in Lucam, lib. 5. cap. 6. *Pamphili* Canones, lib. 1. c. 25. Quæ excerpsit & observavit Blondellus in Pseudo-Isidoro & Turriano vapulante in prolegom. cap. 1. pag. 7. quibus subjungit sequens hoc elogium, & specimina errorum. Plurimæ sane, inquit, lectionis, sed frontis perfri-  
ctissimæ, judicii que tenuissimi, homo asper & improbus ira, gloriæ animal, Pyrgopolinices alter, qui Hincmarum Rhemensis Ecclesiæ in Gallia Belgica Præfulem, lib. 1. c. 15. & lib. 3. c. 3. Germanicæ nationis Episcopum fuisse scribit; qui lib. 2. c. 20. & c. in-

236. De Turriano  
elogia, &  
ejus erro-  
res histo-  
rici.

famem illum Theodorum, quem 126. post obitum annis quinta Synodus anathemate percussit, & lib. 2. c. 15. lib. 3. cap. 16. & 18. lib. 5. cap. 12. & 16. Sixti vel secundi vel tertii titulos invadentem scriptorem, Pelagianæ lepræ tabo fluentem, & nigro theta notatum testes laudat; Qui lib. 5. c. 10. Synodum Eliberitanam quam A. D. 305. Marcello sedente celebratam constat, sub Sylvestro coactam vult; Qui lib. 2. c. 13. Theodosium majorem A. D. 395. mortuum, Chrysostomi anno 407. defuncti reliquias Constantinopolim anno 438. transtulisse credit; Qui ibid. & c. 9. Lirinenses Episcopatus in Gallia, Paschasios Romæ, lib. 5. c. 2. Eusebios Alexandriæ Episcopos, lib. 1. c. 21. & c. Pictavorum in Britannia reges, lib. 5. c. 19. & Ecclesiam sive Garolitana[m], lib. 5. c. 2. sive Garopolitana[m] à canonicis regularibus, ad hanc usque diem administratam in Scotia comminiscitur; Qui lib. 2. c. 13. & lib. 5. c. 24. Ruffinum primæ Clementinæ interpretem fuisse, modo ait, modo negat; Qui Victorem, lib. 5. c. 17. quem ad A. D. 203. pervenisse volunt adversarii, 230. amplius annis ante Synodum Nicænam A. D. 325. congregatam sedisse; Rabanum lib. 5. c. 19. A. D. 856. mortuum, ante annos 900. vixisse; Germanum, lib. 5. cap. eod.



cap. eod. quem diem ultimum A. D. 730<sup>o</sup> clausisse scribit Baronius, ante annos 900. obiisse; Henricum Kaltheyfen, lib. 5. c. 20. & 23. quem Papalis primum palatii Magistrum, deinde Nidrosiensi & Casariensi Archiepiscopatu auctum, & Basiliensi concilio interfuisse docent Bernardus de Luxemburgo, in catal. hæret. (ubi vocatur *Inquisitor hereticæ pravitatis*, *Professor sacre Theologie in celeberrima Colon. Academia*; qui orat. habuit coram Concil. Basil. *de libera prædicatione verbi Dei*, adversus Udabricum orphanorum presb. A. D. 1433. per tres dies hebdomadis pœnosæ: de quo vide Bellarm. *de script. Eccles.* & Possevin. *in apparatu.* & appendicem ad concil. Basil.) *ignotum hominem*, & *annis sexaginta*, Dominicæ æræ an. 1573. quo scripta est pro Decretalibus Epistolis defensio, superiorem fuisse opinatur. Quid memorem fœdos perpetuosque summiculosi sed *φλυαρεῖν* Theologi paralogismos, & frequentia *ἀσολήματα* jactabundi Critici, quem nihil præter novas Lectiones, manuscriptos Codices, Bibliothecas, *Vaticanam*, *Florentinam*, *Sancti Marci*, *Cryptæ ferratæ*, cum incredibili antagonistarum, divinæq; quam vel renitente conscientia vellicat, veritatis contemptu, crepare audias. Cui elogio sis adde ea, quæ habet Dalæus in *Pseudepigraphis*.

237. Quænam auctoritas Iſidorianæ collectioni deferenda.

*graph. Apostolicis*, pag. 22. 417. 419. 690. & seqq. & ex dictis liquido concludas rogo, quantæ auctoritatis sit collectio Pseudo-Iſidoriana, & quid tot figmentis, quibus paſſim dogmata fidei ſtabiliuntur, ſit deferendum.

238. Photius.

Vocat nos Ordo ad Photium Patriarcham Conſtantinopolitanum, celeberrimi inter collectores & digeſtores Juris Canonici nominis. Fuit ille nobili proſapia ortus; Protoſpatharius dignitate, ut refert Cedrenus, quæ dignitas magna, & inter Magnificas numerata, Gloſſæ Baſilicorum, *illuſtres* interpretantur. Ἰνδρεῖος πρωτοπαθαρίας. Codino dicitur ὅτι ἦν μὲν τὸ παλαιὸν πρῶτος τῶν παθαρῶν ἀρχιμετρῶν. Quod erat primus ſtationum Spathariorum. σπαθαρίης Cedreno eſt σωματὸφύλαξ. vide ſis Joh. Meurſ. in Gloſſario Græco-Barbaro. pag. mihi 463. & Jul. Cæſar. Bulenger. de imperio Roman. lib. 8. c. 26. pag. 662. Imperatori à ſecretis inſerviſſe Photiū; divitiis & ſcientia rerum ſecularium pollentem, & antiquis comparandum fuiſſe, dicit Nicetas. Zonaras eum appellat ἀνδρα τῶν ἀποκρίσεων πρωτοπασηκρήτης τότε τυγχάνοντα ἐν λόγοις ὀνόματι, Virum inſignem, primarium à ſecretis, tunc eruditionis nomine celebrem, vixit ſub Imp. Michaelē tertio & Ludovico ſecundo. Ad Patriarcham

Patriarchatum Constantinopolitanum pervenit anno 858. in locum Ignatii dejecti fraude Bardæ. Multæ ei lites cum Pontificibus Romanis fuere, quare durus in eum Baronius, qui ubique eum insectatur & proscindit, videantur ejus annales ab anno 858, usque ad 886, quibus vita ejus & gesta sunt inclusa. Vir fuit multæ Lectionis, quod ejus 239. Scri-  
pta ejus. Bibliotheca, quam *Μυερόβιβλον* inscripsit, satis demonstrat. Bellarm. eum in *lib. de script. Eccl.* vocat Virum *Magnæ eruditionis*. Sed addit, *majoris nequitia*, procul dubio ob lites quas habuit cum Romanis Pontificibus. Defendit tamen eum contra Baronium & Bellarminum Richardus Montacutius, Episcopus Norvicensis in Anglia; qui Epistolas ejus edidit Græce & Latine Londini an. 1651. in Bibliothecam seu *Μυερόβιβλον* retulit auctores omnes à se lectos & argumenta scriptiōis, addidit etiam judicia. Fecit hoc opus rogatu Tarasii Fratris sui, cum ab Imperatore missus esset legatus in Syriam, ut ipse testatur in Præfatione. Edita est Bibliotheca Græcè Augustæ vindelicorum A. 1600. Græce & Latine edidit & notis illustravit Andr. Schottus, Rotomachi, seculi hujus anno quinquagesimo tertio, cujus de Photio vide Prolegumena. Adscribitur ei Etymologicum manuscriptum Græcum,

cum, quod possidet Clariss: & Eruditiss: Mar-  
 quardus Gudius, ut testatur, id allegans, Vir  
 Nobiliss: & Clariss: Ezechiel Spanhemius,  
 • |Serenissimorum Electorum Brandenburgici  
 & Palatini Consiliarius intimus & in Ubiis,  
 ut vocant, Residens, in elaboratissimis &  
 politissimis dissertationibus de usu & præ-  
 stant: numismatum antiquorum; *editionis po-*  
*sterioris Amstelodamensis, disert. 4. pag. 358.*  
 Tribuitur quoque ei *Liber de Spiritus sancti*  
*processione*, & alius, quo probare nititur *Spi-*  
*ritum sanctum à solo patre procedere*, quos  
 M. S. citat Blondellus in *Johanna Papissa*, qui  
 postea Londini sunt editi. Sed hos Mare-  
 sius suspectos habet, an sint Photii, in *Jo-*  
*hanna Papissa* restituta, pag. 47. apud quem  
 & loca Blondelli vide pag. 45. De his, quæ  
 ejus nomine laudavit Fr. Turrianus, Lexi-  
 con nempe, quæstiones adversus Amphilo-  
 chium, & commentarijs in Epistolas, su-  
 pra dictum *num. marg. 234.* Ejus est quoq;  
 opusculum de septem synodis Oecumenicis,  
 Græcè & Latine editum in Bibliotheca Juris  
 canonici veteris. Ad Institutum nostrum  
 tantum facit ejus Nomocanon; qui est quasi  
 compendium aliquod seu qui continet ele-  
 menta totius juris Canonici Græci, & tanti  
 fit à Græcis ut omnibus collectionibus eum  
 præmittere soleant, etiam ipsi Codici ca-  
 nonum.

246. No-  
 mocanon.

nonum. Divisus est in quatuordecim titulos, & hi iterum in certa capita. Congessit in eum, ut docent prolegumena, nunc demum in Bibliotheca juris Canonici veteris vulgata, sequentes canones conciliorum, Patriarcharum, Episcoporum & Patrum.

241. Ex quibus Conciliorum & Patrum canonibus compilatus sit.

Canones qui sanctorum Apostolorum dicuntur, Clementis opera collecti LXXXV.

Synodi Nicænæ sanctorum Patrum (*deest hic numerus, adde itaque CCCXVIII.*) can: XX.

Synodi Ancyranæ canones XXV.

Synodi Neocæsariensis canones XIV.

Synodi Gangrensis canones XX.

Synodi Antiochiæ in Syria can. XXV.

Synodi Laodicenæ Phrygiæ can. LIX.

Synodi Constantinopolitanæ Sanctorum Patrum centum & quinquaginta Canones VII.

Synodi Ephesinæ sanctorum Patrum CC. canones VII.

Ejusdem Synodi epistolam ad Pamphiliz Episcopos.

Synodi Calchedonenfis DCXXX. sanctorum Patrum canones XXVIII.

Synodi Sardicensis canones XXI.

Synodi Carthaginensis can. CXXXVIII.

Synodi Constantinopolitanæ can. I.

Synodi sextæ canones CII.

Synodi septimæ canones XXI.

Synodi

Synodi Constantinopolitanæ primæ & secundæ canones XVII.

Dionysii Archiepiscopi Alexandrini ex epistola ad reginam, canones IV.

Petri Archiepiscopi Alexandrini & martyris ex oratione de pœnitentia, canones XIV.

Ejusdem ex sermone in Pascha canonē I.

Gregorii Thaumaturgi Episcopi Neocæsariensis epistolam canonicam.

Basilii Episcopi Cæsareæ Cappadociæ è tribus canonicis epistolis ad Amphilochem Iconii Episcopum, canones LXXXIV.

Ejusdem ex alia epistola ad eundem Amphilochem Episcopum, canonem I.

Ejusdem Epistolam canonicam ad Diodorum.

Ejusdem Epistolam canonicam ad Diodorum.

Ejusdem Epistolam canonicam ad Gregorium presbyterum.

Ejusdem Epistolam canonicam ad Archiepiscopos.

Ejusdem Epistolam canonicam ad Episcopos sibi subditos.

Ejusdem ex his quæ ad Amphilochem scripta sunt de Spiritu sancto.

Gregorii Episcopi Nysseni ex epistola canonica ad Letorium Melitenum Episcopum, can: VIII.

Timo-



Timothei Archiepiscopi Alexandrini veteris dicti ex interrogationibus & responsionibus ab eo scriptis, canones xv.

Theophili Archiepiscopi Alexandrini allocutionem de sancta Dei apparitione, quæ vulgò Epiphania dicitur.

Ejusdem ex commentario propter Lycopolim Ægypti urbem facto, canones x.

Ejusdem epistolam ad Aphyggium Episcopum.

Ejusdem epistolam ad Agathum Episcopum.

Ejusdē epistolam ad Menam Episcopum.

Cyrilli Archiepiscopi Alexandrini ex epistola ad Domnum, canones III.

Ejusdem ex epistola ad Episcopos Libyæ & Pentapolis, canones iv.

Gennadii sanctissimi Patriarchæ Constantinopolitani, sanctæque synodi cum eo congregatæ circularem epistolam ad omnes sanctissimos Metropolitanos.

Primi Gennadii Archiepiscopi Constantinopolitani quædam.

His subjiciuntur tum leges Imperatorum Ecclesiasticæ, ad eosdem titulos & capita pertinentes; Canones sub titulis citantur tantummodo, non recitantur, Leges vero citantur & breviter recitantur. Compilationis rationem reddit ipse Photius in prologo;

242. Quando compilarus.

243. Ejus diversæ interpretationes.

244. Agylæi versio melior.

245. Nova editio, quæ extat in bibliotheca juris canonici veteris commentata.

logo, qui diu desideratus tandem, ut dictum ex M. S. Bibliothecæ Oxoniensis, in lucem protractus est à Justello filio in *Bibl. jur. Can. veter.*; ex cujus fine collectum cognoscimus Nomocanonem Anno Mundi, secundum Græcos, 6391: is est æræ Christianæ 883. Hunc commentariis illustravit Balsamo, ut infra dicemus; ubi de eo inter Interpretes Græcos juris Canonici dissemus. Latine Nomocanonis versiones extant duæ, una, quam Gentianus Hervetus; alteram quam Henricus Agylæus elaboravit, quæ tantum Latine primo prodierunt sine textu Græco, posterior illa Agylæi duplici nomine præ illa Herveti commendanda; quia plenior, utpote quæ ex pleniore exemplari Græco facta est; deinde quia magis accedit ad stylum Jurisconsultorum. Primus Græce ex Codice Bibliothecæ Palatinæ edidit Christophorus Justellus, anno 1615, postea Græce & Latine editus est Nomocanon Parisiis cum commentariis Balsamonis ex Typogr. Regia & interpretatione Gentiani Herveti; Patris labores repetivit Filius Henr. Justellus in bibliotheca juris Canon. veteris, qui accuratissime Græce & Latine ex interpretatione Agylæi cum Commentariis Balsamonis edidit, additis diu desideratis Photii prolegomenis ab Usse-

ab Usserio & aliis ex Manuscriptis citatis; Quid præstiterit, illud cum suo socio, Guilielmo Voello in præfatione his verbis declarat; Photius inter præclara ingenii sui monumenta reliquit & hunc quem tibi exhibemus *Nomocanonem*. De quo cum multi eruditi & gravissimi Viri quererentur, quod in præcedentibus editionibus infinitis propemodum mendis scateret: quod in multis etiam deficeret, ac quamplurima confuse & interturbato ordine contineret, nec Latina cum Græcis ubique bene convenirent, tandem ad hoc præstantissimum antiquitatis monumentum integrum Græce & Latine typis & prælo committendum nos accingimus. Itaque in hac editione pro exemplari sumpsimus editionem, quam *Fustellus* olim *Lutetia* emiserat è Codice MS. Bibliotheca Palatina, quam cum alia subsequenti quæ *Lutetia* etiam Græce & Latine edita est anno 1620. diligenter contulimus, & utramque cum antiquissimis MSS. Bibliotheca *Eminentissimi* Cardinalis *Fulii Mazarini*, quos humanissimus *Poterius* hujus divitis & numerosæ suppellectilis promuscondus nobiscum lubentissime communicavit; sicque illius beneficio opus illud insigne sanitati perfectæ, integritati pristina, nativoque splendori restituiimus. Græco textui addidimus Latinam translationem, non eam quam *Gentianus Hervetus*, sed quam *Henricus Agylæus* olim elaboraverat; tum quod *Agylæus* me-

246. Codicis  
Dionysii  
Exigui  
accessio-  
nes, us-  
que ad  
Leonem  
IV. Pa-  
pam.

liori usus est, & ampliori Codice Græco quam Hervetus; tum etiam quod Agylæi translatio magis ad stylum, & genium juris peritorum accedat, in quorum potissimum gratiam novus hic à nobis susceptus est labor. Ita tamen ut quæ in ea deficerent versione nova supplerentur, quæ cum Græco non omnimode congruerent emenderentur, mutatis etiam nonnullis, quæ minus proprie in rebus Theologicis viderentur expressa. Hoc tempore aut usque ad hoc tempus videtur Codex Dionysii Exigui accepisse accessiones sequentium eum Episcoporum Romanorum, & dictis Patrum major auctoritas dari, canonica nimirum & decisoria, ut colligimus ex Epistola Leonis quarti, (qui seculi noni anno quadragesimo septimo pervenit ad Pontificatum Romanum, & in eo fuit usque ad annum quinquagesimum quintum; ideoque Photio anterior, eique præmitti debuisse) ad Episcopos Britanniarum, relata à Gratiano, in c. 1. dist. 20. his verbis: *De libellis & commentariis aliorum non convenit aliquem judicare, & sanctorum conciliorum canones relinquere, vel decretalium regulas, id est, quæ habentur apud nos simul cum canonibus, quibus autem in omnibus ecclesiasticis utimur judiciis, sunt canones Apostolorum, Nicænorum, Ancyranorum, Neocæsariensium, Gangrensiū, Antiochenſium, Laodicensium,*

sum, Constantinopol. Ephes. Chalcedonensium, Sardicensium, Africanensium, Carthaginensium, & cum illis regula præsulum Romanorum, Sylvestri, Syricii, Innocentii, Zozimi, Celestini, Leonis, Gelasii, Hilarii, Symmachi, Hormisdæ, Simplicii, & Gregorii junioris. Isti omnino sunt, & per quos judicant Episcopi, & per quos Episcopi simul judicantur, & clerici. Nam si tale emergerit, vel contigerit inusitatum negotium, quod minime possit per istos definiri: tunc si illorum, quorum meministis, dicta, Hieronymi, Augustini, Isidori, vel cæterorum similiter sanctorum doctorum similium reperta fuerint, magnanimitè sunt retinenda, ac promulganda; vel ad Apostolicam sedem referendum de talibus. Quam ob causam luculentius magna voce pronunciare non timeo: quia, qui illa, quæ diximus, sanctorum Patrum statuta, quæ apud nos canonum nomine prætulerantur, (sive sit ille Episcopus, sive Clericus, sive Laicus) non indifferenter recipere convincitur, nec catholicam, & Apostolicam fidem nec sancta quatuor Evangelia utiliter, & efficaciter ad effectum suum retinere, vel credere probatur. Pudet posteriorum hujus capituli verborum & tantæ auctoritatis, Anselmum, Deusdedit Cardinalem & Gregorium Presbyterum in Polycarpo, ideoque posteriora impia satis verba Leonis, ut monent quoque Correctores Romani in notis ad istud caput, ita legunt:

f 3

gunt : *Qui eandem indifferenter non recipit, ipse se convincit minime Catholicam & Apostolicam fidem ad effectum suæ retinere salutis. Quæ sane tolerabiliora sunt, quam Leonis verba, comparantis Epistolas Paparum, aliquando non satis pias neque salutis necessarias, cum quatuor Euangelis, quæ sane intolerabilis est audacia, & complementum eorum redolet, quæ Paulus Apostolus prædixit 2. Thessal. 2. v. 4. Sed ad rem. Apparet exinde Codici aut Collectioni decretalium primæ à Dionysio Exiguo factæ, tempore Leonis quarti additas esse decretales Hilarii, Simplicii, Felicis, Symmachi, Hormisdæ & Gregorii junioris; quod bene in Editione Justelli est observatum, qui distinxit has collectiones in primam & secundam, primam incipit à Siricio usque ad Anastasium, octo Pontificum, quæ à Dionysio Exiguo facta est; secundam ab Hilario ad Gregorium juniorem, cui hic titulus præfigitur.*

**COLLECTIO II. DECRETORUM PONTIFICUM ROMANORUM AB HILARIO AD GREGORIUM II. COLLECTIONI I. DIONYSII EXIGUI ADDITA.** Ex utraque putat Anton. Augustinus in Præfatione *ad antiquas Decretalium Collectiones* Codicem Romanum esse factum, & quidem eum qui Moguntia primus est editus. An hæ accessiones



cessionēs contigerint simul & semel temporibus hujus Leonis quarti, an sub singulis Pontificibus factæ sint, illud conjectu difficile est. Ex collatione memorati capitis cum Codice Canonum Romanæ Ecclesiæ Moguntia & Parisiis edito, patet, quod supra quoque observavimus, esse verum, eosdem esse Codices, illum qui à Leone quarto vel auctus vel probatus est, & illum qui in memoratis locis typis descriptus est; nisi quod Leo mentionem faciat Sylvestri, cujus decretales non extant in codice canonum Ecclesiæ Romanæ, ejusque nomen vitio ex scriptoris in textum irrepisse, ideoque expungendum esse, quia ea tempestate Sylvestri canones recepti non erant, docet Petrus de Marca, *de concordia Sacerdotii & Imper. lib. 3. c. 4.* Dein Bonifacii I. & Anastasii II. nomina sunt ommissa vel incuria Leonis, vel descriptorum, tandem & Felicis decretales comparent in editione Parisiensi, pag. 507. item in secunda post primam Dionysii Exigui collectione, cujus etiam non fit mentio in Epistola Leonis quarti. Post Leonem magis magisque litterarum & scientiarum splendor decrescere, barbaries invalescere cœpit, orta que sunt ista tempora & secula quæ obscura, barbara, ferrea, merito dixeris. De quibus gravissimi

247. Progressus ad  
seculum xi

vissimi Scriptores conqueruntur, quorum querelas nunc mittimus. Quieverere itaque per sesqui & quod excurrit seculum Collectiones Juris. Orientales Photii Nomocanone, & Basilicis; Occidentales vero Codice canonum, & Capitularibus Caroli & Ludovici aliorumque Imperatorum contenti vivebant, usque ad seculum undecimum & duodecimum, in quibus certatim iterum magno numero Collectores in canonum & juris Ecclesiastici studium incumbere ceperunt, tam in Oriente quam in Occidente.

248. Burchardus Wormatiensis.

Primus seculo xi. occurrit Burchardus, Wormatiensis Episcopus, patria Hassus, & primum Lobii Monachus & discipulus Olberti, Monachi Lobienfis & postea Abbatidis Gemblacensis. Ex Monacho factus est Burchardus, Episcopus Wormatiensis, anno 96, noni seculi, in quo sedit usque ad annum 1025. vel 1026; quo mortuus est.

249. Ad utilitatem suæ Ecclesiæ colligit decretorū lib. xx.

Hic, quia in sua diaccesi canones & pœnitentium jura confusa, imo discrepantia videret, ut aut ex toto neglecta, aut omni pene auctoritate destituta, vel modice in Ecclesiastica disciplina institutis apparere potuerint, ut ipse in Præfatione operis sui loquitur; rogatu Brunichonis præpositi Ecclesiæ Wormatiensis cœpit congerere & digerere jura Ecclesiastica, ad utilitatem suæ Ecclesiæ, ob negligentiam & insci-

& inscitiam, ut ipse loquitur sacerdotum; Fontes autem & partes sui operis, ipse recenset, *in fin. memorata Præfationis. Synodalia*, inquit, *præcepta, sanctaque instituta, tam ex sanctorum Patrum sententiis, quam ex canonicis scriptis* adjutore Deo in unum fascem ex amplissimo orbe collegi; eaque, ut potui, uno veluti corpore connexa, viginti libris distinxî; Et quibusdam interjectis: *Quantis autem hoc laboribus atque vigiliis præstiterim, Deus Optimus judicabit, quem quod pro nostræ Ecclesiæ necessitate fecerim, non latet; Quare etiam si nostræ Provinciæ limites non exierit nihil omnino ægre feremus, modo nostrorum ministrorum manibus teratur. Porro legentibus etiam id persuasum esse cupimus, nihil de meo in hoc opere additum esse, sed ex divinis testimoniis scripturarum, (quænam hoc tempore hic & supra divinæ scripturæ & canonica scripta dicta fuerint, id proh dolor statim patebit) singula esse decerpta, ea sane fide, ut perpetuam auctoritatem habitura non dubitem. Ex quibus autem scriptis selegerem ordo sequens indicat.*

*Ex Canonibus, qui Corpus canonum vocantur.*

*Ex Apostolorum Canone.*

*Ex transmarinis Conciliis. Intelligit Orientalia.*

*Ex conciliis in Germania, Gallia, Hispania celebratis,*

250. Fontes & Materia hujus collectionis.

*Ex Romanorum Pontificum Decretis.*

*Ex Euangelicis, Apostolicisque scripturis.*

*Ex Veteri Testamento.*

*Ex libris Sancti Gregorii. Ex Hieronymo, Augustino, Ambrosio, Benedicto, Basilio, Magno, Isidoro.*

**Hic tamen non omnes enumerat Burchardus.**

*Ex pœnitentiali Romano.*

*Ex pœnitentiali Theodori.*

*Ex pœnitentiali Bedæ.*

Distinxit Burchardus opus suum in libros viginti, quorum quilibet sua capita seu canones habet, quodlibet autem caput est tantum unius canonis; cuique tamen canonis titulus, seu summarium prænotatus legitur. Summam librorum hanc præmisit ipse Burchardus.

251. Summa librorum viginti Burchardi.

Primus liber continet de potestate & primatu Apostolicæ sedis, Patriarcharum, cæterorumque primatum, metropolitano-  
rum, & de synodo celebranda, & vocatione ad synodum, De accusatis, & accusatoribus, & testibus, De expoliatis injuste, De iudiciis ac de omni honore competenti, ac dignitate, & diverso negotio, & ministerio Episcoporum.

Secundus liber continet de congruenti dignitate, & diversa institutione, ac nutrimento

mento vel qualitate vitæ, & diverso negotio, & ministerio presbyterorum & diaconorum, seu reliquorum ordinum ecclesiasticorum.

Tertius liber continet de divinarum domorum institutione, & cultu, & honore. De decimis, & oblationibus, & justitiis singulorum, & qui libri in sacro catalogo recipiantur, qui vero apocryphi, & quando apponendi sint.

Quartus liber continet sacramentum baptismatis, & ministerium baptizandorum, & baptizatorum, & consignandorum, & consignatorum.

Quintus liber continet de sacramento corporis & sanguinis domini, & de perceptione, & observatione eorum.

Sextus liber continet de homicidiis sponte & non sponte commissis, & de paricidiis, & de fratricidiis, & de illis qui uxores legitimas, & seniores suos interficiunt, & de occisione ecclesiasticorum, & de observatione, & de pœnitentia singulorum.

Septimus liber continet de incesta copulatione consanguinitatis, & in quo geniculo fideles, & conjungi, & separari debeant, & de revocatione & de pœnitentia singulorum.

Octavus liber continet de viris ac feminis

minis Deo dicatis, & sacrum propositum transgredientibus, & de revocatione, & de pœnitentia eorum.

Nonus liber continet de virginibus & viduis non velatis, de raptoribus earum, & de separatione eorum, de conjunctione legitimorum connubiorum, de concubinis, & de transgressionibus & pœnitentia singulorum.

Decimus liber continet de incantatoribus, de auguribus, de divinis, de sortilegis, & de variis illusionibus Diaboli, & de maledicis, & de contentiosis, & de conspiratoribus, & de pœnitentia singulorum.

Undecimus liber continet de excommunicandis, & excommunicatis, de furibus, & de prædatoribus, & de præsumptione, & contemptu, & negligentia, & reconciliatione & pœnitentia eorum.

Duodecimus liber continet de perjurio, & de pœnitentia ejus.

Tertiusedecimus liber continet de veneratione, & observatione sacri jejunii.

Quartusedecimus liber continet de crapula, & ebrietate, & de pœnitentia eorum.

Quintusedecimus liber continet de Imperatoribus, de Principibus, & de reliquis laicis, & de ministerio eorum.

Sextusedecimus liber continet de accusatoribus, de iudicibus, de defensoribus, de  
falsis



falsis testibus, & de pœnitentia singulorum.

Séptimusdecimus liber continet de fornicatione, & incestu diversi generis, & de pœnitentia utriusque sexus, & diversæ ætatis.

Octavusdecimus liber continet de visitatione, & pœnitentia, & reconciliatione infirmorum.

Nonusdecimus liber qui corrector vocatur, continet correctiones corporum, & animarum medicinas, & docet unumquemque sacerdotem, etiam simplicem quomodo vel qualiter unicuique succurrere valeat, ordinato vel sine ordine, pauperi, diviti, puero, juveni, seni, decrepito, sano, infirmo, in omni ætate, in utroque sexu.

Vigésimus liber speculationum vocatur, Speculatur enim de providentia, & de prædestinatione divina, & de adventu Antichristi, de ejus operibus, de resurrectione, de die judicii, de infernalibus pœnis, de felicitate perpetuæ vitæ.

Ubi & quibus auxiliantibus hoc opus Burchardus perfecit, docet auctor *Anonymus*, qui post obitum ejus vitam scripsit, cum ipsius decreto editus. *Forestus sylva est*, inquit, *duobus milliaribus à Wormatiq̃ distans*, (*Forestus ipse vocatur in confirmatione* **Conradi**

252. Ubi & quibus auxiliis decretorum libros compilaverit.

cap. 28. lib. 14. cap. 16. *ex epist.* 2. lib. 3.  
 cap. 216. lib. 5. cap. 11. & 14. *ex epist.* 3.  
 lib. 2. cap. 93. lib. 3. cap. 59. lib. 4. cap. 15.  
*ex Pseudo-Anacleti prima*, lib. 1. cap. 4. 59.  
 lib. 2. cap. 154. lib. 3. cap. 71. 77. lib. 11.  
*cap. 18. ex epist. secunda* lib. 1. cap. 1. & 15.  
 lib. 2. cap. 5. *ex tertia* lib. 1. cap. 136. 152.  
 178. *ex Pseudo-Euaristi secunda* lib. 1. cap.  
 76. 99. 34. 40. lib. 11. cap. 9. *ex Pseudo-Sixti*  
*primi secunda* lib. 3. cap. 214. *ex Pseudo-Ale-*  
*xandri prima* lib. 1. cap. 129. 130. 132. lib.  
 2. cap. 52. lib. 5. cap. 5. *ex Pseudo-Telesphori*  
*epist.* lib. 3. cap. 63. *ex Pseudo-Hygini priore*  
 lib. 1. cap. 65. *ex Pseudo-Pii secunda* lib. 11.  
 cap. 29. *ex Pseudo-Aniceto* lib. 1. cap. 28. 63.  
*ex Pseudo-Soteris epist. posteriore* lib. 3. c. 215.  
*ex Pseudo-Eleuthero* lib. 16. cap. 30. *ex Pseu-*  
*do-Victoris priore* lib. 1. cap. 176. lib. 4. cap. 3.  
*ex Pseudo-Zephyrini priore* lib. 1. cap. 154.  
 lib. 16. cap. 13. *ex posteriore* lib. 2. cap. 3. *ex*  
*Pseudo-Callisti priore* lib. 11. cap. 38. *ex po-*  
*steriore* lib. 1. cap. 66. 80. 135. 171. lib. 3.  
 cap. 49. lib. 7. cap. 1. lib. 10. cap. 64. Vide  
 & lib. 9. cap. 7. *ex Pseudo-Vibano* lib. 3. cap.  
 3. 143. lib. 1. cap. 1. *ex Pseudo-Antero* lib. 1.  
 cap. 77. lib. 4. cap. 66. *ex Pseudo-Fabiani*  
*secunda* lib. 1. cap. 147. 148. *ex tertia* lib. 1.  
 cap. 183. lib. 2. cap. 10. *ex Pseudo-Cornelii*  
*secunda* lib. 1. cap. 193. lib. 12. cap. 12. 19.  
*ex Pseu-*

ex Pseudo-Lucio lib. 1. cap. 54. lib. 11. cap. 19. ex Pseudo-Stephani priore lib. 1. cap. 173. ex posteriore lib. 1. cap. 142. 161. 177. vide & lib. 16. cap. 19. ex Pseudo-Sixti secundi posteriore lib. 1. cap. 143. 192. ex Pseudo-Dionysii secunda lib. 3. cap. 43. ex Pseudo-Felicis primi, prima lib. 1. cap. 157. 169. lib. 16. cap. 11. ex secunda lib. 1. cap. 174. ex Pseudo-Eutychiano lib. 5. cap. 7. ex Pseudo-Cajo lib. 1. cap. 139. ex Pseudo-Eusebii prima lib. 1. cap. 138. 165. ex secunda lib. 11. cap. 25. 27. ex tertia lib. 4. cap. 63. ex Pseudo-Melchiadis priore lib. 3. cap. 2. 4. 5. ex posteriore lib. 1. cap. 2. lib. 4. cap. 61. ex Pseudo-Marco lib. 1. cap. 98. ex Pseudo-Julii secunda lib. 1. cap. 144. 170. & ex prima lib. 1. cap. 175. ex Pseudo-Felicis secundi priore lib. 1. c. 141. 163. 167. 180. 221. 222. lib. 16. cap. 11. ex Pseudo-Damasi quinta lib. 1. cap. 153. 156. 172. 179. lib. 16. cap. 31. ex Pseudo-Anastasio priore lib. 3. cap. 103. & ex posteriore lib. 19. cap. 129. ex Pseudo-Felicis quarti secunda lib. 3. cap. 57. 58. ex Pseudo-Foannis secundi priore lib. 3. cap. 32. ex Pseudo-Pelagi secundi nona lib. 3. cap. 69. ex Pseudo-Gregorii epist. ad Felicem lib. 7. cap. 19. ex Pseudo-Deusdedit lib. 17. cap. 44. Præterea multa alia congerit nescio unde hausta, quæ tribuit Euaristo lib. 3. cap. 17. lib. 18. cap. 16. Alexandro lib. 1.

242. Quando compilat.

243. Ejus diversæ interpretationes.

244. Agylæ versio melior.

245. Nova editio, quæ extat in bibliotheca juris canonici veteris commentata.

logo, qui diu desideratus tandem, ut dictum ex M. S. Bibliothecæ Oxoniensis, in lucem protractus est à Justello filio in *Bibl. jur. Can. veter.* ; ex cujus fine collectum cognoscimus Nomocanonem Anno Mundi, secundum Græcos, 6391 : is est aræ Christianæ 883. Hunc commentariis illustravit Balsamo, ut infra dicemus, ubi de eo inter Interpretes Græcos juris Canonici dissemus. Latine Nomocanonis versiones extant duæ, una, quam Gentianus Hervetus, alteram quam Henricus Agylæus elaboravit, quæ tantum Latine primo prodierunt sine textu Græco, posterior illa Agylæi duplici nomine præ illa Herveti commendanda ; quia plenior, utpote quæ ex pleniore exemplari Græco facta est ; deinde quia magis accedit ad stylum Jurisconsultorum. Primus Græce ex Codice Bibliothecæ Palatinæ edidit Christophorus Justellus, anno 1615, postea Græce & Latine editus est Nomocanon Parisiis cum commentariis Balsamonis ex Typogr. Regia & interpretatione Gentiani Herveti ; Patris labores repetivit Filius Henr. Justellus in bibliotheca juris Canon. veteris, qui accuratissime Græce & Latine ex interpretatione Agylæi cum Commentariis Balsamonis edidit, additis diu desideratis Photii prolegomenis ab Usse-

ab Usserio & aliis ex Manuscriptis citatis; Quid præstiterit, illud cum suo socio, Guilielmo Voello in præfatione his verbis declarat; Photius inter præclara ingenii sui monumenta reliquit & hunc quem tibi exhibemus Nonocanonem. De quo cum multi eruditi & gravissimi Viri quererentur, quod in præcedentibus editionibus infinitis propemodum mendis scateret; quod in multis etiam deficeret, ac quamplurima confuse & interturbato ordine contineret, nec Latina cum Græcis ubique bene convenirent, tandem ad hoc præstantissimum antiquitatis monumentum integrum Græce & Latine typis & prælo committendum nos accingimus. Itaque in hac editione pro exemplari sumpsimus editionem, quam Justellus olim Lutetiæ emiserat è Codice MS. Bibliothecæ Palatinæ, quam cum alia subsequenti quæ Lutetiæ etiam Græce & Latine edita est anno 1620. diligenter contulimus, & utramque cum antiquissimis MSS. Bibliothecæ Eminentissimi Cardinalis Julii Mazarini, quos humanissimus Poterius hujus divitis & numerosæ suppellectilis promuscondus nobiscum lubentissime communicavit; sicque illius beneficio opus illud insigne sanitati perfectæ, integritati pristina, nativoque splendori restituiimus. Græco textui addidimus Latinam translationem, non eam quam Gentianus Hervetus, sed quam Henricus Agylæus olim elaboraverat; tum quod Agylæus me-

246. Codicis  
Dionysii  
Exigui  
accessio-  
nes, us-  
que ad  
Leonem  
IV. Pa-  
pam.

liori usus est, & ampliori Codice Græco quam Hervetus; tum etiam quod Agylai translatio magis ad stylum, & genium juris peritorum accedat, in quorum potissimum gratiam novus hic à nobis susceptus est labor. Ita tamen ut quæ in ea deficerent versione nova supplerentur, quæ cum Græco non omnimode congruerent emendarentur, mutatis etiam nonnullis, quæ minus proprie in rebus Theologicis viderentur expressa. Hoc tempore aut usque ad hoc tempus videtur Codex Dionysii Exigui accepisse accessiones sequentium, eum Episcoporum Romanorum, & dictis Patrum major auctoritas dari, canonica nimirum & decisoria, ut colligimus ex Epistola Leonis quarti, (qui seculi noni anno quadragesimo septimo pervenit ad Pontificatum Romanum, & in eo fuit usque ad annum quinquagesimum quintum; ideoque Photio anterior, eique præmitti debuisset) ad Episcopos Britanniae, relata à Gratiano, in c. 1. dist. 20. his verbis: *De libellis & commentariis aliorum non convenit aliquem judicare, & sanctorum conciliorum canones relinquere, vel decretalium regulas, id est, quæ habentur apud nos simul cum canonibus, quibus autem in omnibus ecclesiasticis utimur judiciis, sunt canones Apostolorum, Nicænorum, Ancyranorum, Neocæsariensium, Gangrensiū, Antiocheniū, Laodicensium;*



sum, Constantinopol. Ephes. Chalcedonensium, Sardicensium, Africanensium, Carthaginensium, & cum illis regula præsulum Romanorum, Sylvestri, Syricii, Innocentii, Zozimi, Celestini, Leonis, Gelasii, Hilarii, Symmachi, Hormisdæ, Simplicii, & Gregorii junioris. Isti omnino sunt, & per quos judicant Episcopi, & per quos Episcopi simul judicantur, & clerici. Nam si tale emergerit, vel contigerit inusitatum negotium, quod minime possit per istos definiri: tunc si illorum, quorum meministis, dicta, Hieronymi, Augustini, Isidori, vel cæterorum similiter sanctorum doctorum similium reperta fuerint, magnanimiter sunt retinenda, ac promulganda; vel ad Apostolicam sedem referendum de talibus. Quam ob causam luculentius magna voce pronunciare non timeo: quia, qui illa, quæ diximus, sanctorum Patrum statuta, quæ apud nos canonum nomine prætulantur, (sive sit ille Episcopus, sive Clericus, sive Laicus). non indifferenter recipere convincitur, nec catholicam, & Apostolicam fidem nec sancta quatuor Evangelia utiliter, & efficaciter ad effectum suum retinere, vel credere probatur. Pudet posteriorum hujus capituli verborum & tantæ auctoritatis, Anselmum, Deusdedit Cardinalem & Gregorium Presbyterum in Polycarpo, ideoque posteriora impia satis verba Leonis, ut monent quoque Correctores Romani in notis ad istud caput, ita legunt:

gunt : *Qui eandem indifferenter non recipit, ipse se convincit minime Catholicam & Apostolicam fidem ad effectum suæ retinere salutis. Quæ sane tolerabiliora sunt, quam Leonis verba, comparantis Epistolas Paparum, aliquando non satis pias neque salutis necessarias, cum quatuor Evangeliiis, quæ sane intolerabilis est audacia, & complementum eorum redolet, quæ Paulus Apostolus prædixit 2. Thessal. 2. v. 4. Sed ad rem. Apparet exinde Codici aut Collectioni decretalium primæ à Dionysio Exiguo factæ, tempore Leonis quarti additas esse decretales Hilarii, Simplicii, Felicis, Symmachi, Hormisdæ & Gregorii junioris; quod bene in Editione Justelli est observatum, qui distinxit has collectiones in primam & secundam, primam incipit à Siricio usque ad Anastasium, octo Pontificum, quæ à Dionysio Exiguo facta est; secundam ab Hilario ad Gregorium juniorem, cui hic titulus præfigitur.*

**COLLECTIO II. DECRETORUM PONTIFICUM ROMANORUM AB HILARIO AD GREGORIUM II. COLLECTIONI I. DIONYSII EXIGUI ADDITA.** Ex utraque putat Anton. Augustinus in Præfatione *ad antiquas Decretalium Collectiones* Codicem Romanum esse factum, & quidem eum qui Moguntia primum est editus. An hæ accessiones

cessionēs contigerint simul & semel temporibus hujus Leonis quarti, an sub singulis Pontificibus factæ sint, illud conjectu difficile est. Ex collatione memorati capitis cum Codice Canonum Romanæ Ecclesiæ Moguntia & Parisiis edito, patet, quod supra quoque observavimus, esse verum, eosdem esse Codices, illum qui à Leone quarto vel auctus vel probatus est, & illum qui in memoratis locis typis descriptus est; nisi quod Leo mentionem faciat Sylvestri, cujus decretales non extant in codice canonum Ecclesiæ Romanæ, ejusque nomen vitio ex scriptoris in textum irrepisse, ideoque expungendum esse, quia ea tempestate Sylvestri canones recepti non erant, docet Petrus de Marca, *de concordia Sacerdotii & Imper. lib. 3. c. 4.* Dein Bonifacii I. & Anastasii II. nomina sunt ommissa vel incuria Leonis, vel descriptorum, tandem & Felicis decretales comparent in editione Parisiensi, pag. 507. item in secunda post primam Dionysii Exigui collectione, cujus etiam non fit mentio in Epistola Leonis quarti. Post Leonem magis magisque litterarum & scientiarum splendor decrescere, barbaries invalescere cœpit, orta que sunt ista tempora & secula quæ obscura, barbara, ferrea, merito dixeris. De quibus gra-

247. Progressus ad  
seculum x

vissimi Scriptores conqueruntur, quorum querelas nunc mittimus. Quieverere itaque per sesqui & quod excurrit seculum Collectiones Juris. Orientales Photii Nomocanone, & Basilicis; Occidentales vero Codice canonum, & Capitularibus Caroli & Ludovici aliorumque Imperatorum contenti vivebant, usque ad seculum undecimum & duodecimum, in quibus certatim iterum magno numero Collectores in canonum & juris Ecclesiastici studium incumbere ceperunt, tam in Oriente quam in Occidente.

248. Burchardus Wormatiensis.

Primus seculo XI. occurrit Burchardus, Wormatiensis Episcopus, patria Hassus, & primum Lobii Monachus & discipulus Oliberti, Monachi Lobiensis & postea Abbatibus Gemblacensis. Ex Monacho factus est Burchardus, Episcopus Wormatiensis, anno 96, noni seculi, in quo sedit usque ad annum 1025. vel 1026; quo mortuus est.

249. Ad utilitatem suæ Ecclesiæ colligere decretorum lib. xx.

Hic, quia in sua diacæsi canones & pœnitentium jura confusa, imo discrepantia videret, ut aut ex toto neglecta, aut omni pene auctoritate destituta, vel modice in Ecclesiastica disciplina institutis apparere potuerint, ut ipse in Præfatione operis sui loquitur; rogatu Brunichonis præpositi Ecclesiæ Wormatiensis cœpit congerere & digerere jura Ecclesiastica, ad utilitatem suæ Ecclesiæ, ob negligentiam & incisi-

& inscitiam, ut ipse loquitur sacerdotum; Fontes autem & partes sui operis, ipse recenset, *in fin. memoratæ Præfationis. Synodalia*, inquit, *præcepta, sanctaque instituta, tam ex sanctorum Patrum sententiis, quam ex canonicis scriptis* *adjutore Deo in unum fascem ex amplissimo orbe collegi; eaque, ut potui, uno veluti corpore connexa, viginti libris distinx;* Et quibusdam interjectis: *Quantis autem hoc laboribus atque vigiliis præstiterim, Deus Optimus judicabit, quem quod pro nostræ Ecclesiæ necessitate fecerim, non latet; Quare etiam si nostræ Provinciæ limites non exierit nihil omnino ægre feremus, modo nostrorum ministrorum manibus teratur. Porro legentibus etiam id persuasum esse cupimus, nihil de meo in hoc opere additum esse, sed ex divinis testimoniis scripturarum, (quænam hoc tempore hic & supra divinæ scripturæ & canonica scripta dicta fuerint, id proh dolor statim patebit) singula esse decerpta, ea sane fide, ut perpetuam auctoritatem habitura non dubitem. Ex quibus autem scriptis selegerem ordo sequens indicat.*

*Ex Canonibus, qui Corpus canonum vocantur.*

*Ex Apostolorum Canone.*

*Ex transmarinis Conciliis. Intelligit Orientalia.*

*Ex conciliis in Germania, Gallia, Hispania celebratis,*

250. Fontes & Materia hujus collectionis.

*Ex Romanorum Pontificum Decretis.*

*Ex Euangelicis, Apostolicisque scripturis.*

*Ex Veteri Testamento.*

*Ex libris Sancti Gregorii. Ex Hieronymo, Augustino, Ambrosio, Benedicto, Basilio, Magno, Isidoro.*

**Hic tamen non omnes enumerat Burchardus.**

*Ex pœnitentiali Romano.*

*Ex pœnitentiali Theodori.*

*Ex pœnitentiali Bedæ.*

Distinxit Burchardus opus suum in libros viginti, quorum quilibet sua capita seu canones habet, quodlibet autem caput est tantum unius canonis; cuique tamen canonis titulus, seu summarium prænotatus legitur. Summam librorum hanc præmisit ipse Burchardus.

251. Summa librorum viginti Burchardi.

Primus liber continet de potestate & primatu Apostolicæ sedis, Patriarcharum, cæterorumque primatum, metropolitano-  
rum, & de synodo celebranda, & vocatione ad synodum, De accusatis, & accusatoribus, & testibus, De expoliatis iniuste, De iudiciis ac de omni honore competenti, ac dignitate, & diverso negotio, & ministerio Episcoporum.

Secundus liber continet de congruenti dignitate, & diversa institutione, ac nutrimento



mento vel qualitate vitæ, & diverso negotio, & ministerio presbyterorum & diaconorum, seu reliquorum ordinum ecclesiasticorum.

Tertius liber continet de divinarum domorum institutione, & cultu, & honore. De decimis, & oblationibus, & justitiis singulorum, & qui libri in sacro catalogo recipiantur, qui vero apocryphi, & quando apponendi sint.

Quartus liber continet sacramentum baptismatis, & ministerium baptizandorum, & baptizatorum, & consignandorum, & consignatorum.

Quintus liber continet de sacramento corporis & sanguinis domini, & de perceptione, & observatione eorum.

Sextus liber continet de homicidiis sponte & non sponte commissis, & de paricidiis, & de fratricidiis, & de illis qui uxores legitimas, & seniores suos interficiunt, & de occisione ecclesiasticorum, & de observatione, & de pœnitentia singulorum.

Septimus liber continet de incesta copulatione consanguinitatis, & in quo geniculo fideles, & conjungi, & separari debeant, & de revocatione & de pœnitentia singulorum.

Octavus liber continet de viris ac feminis

minis Deo dicatis, & sacrum propositum transgredientibus, & de revocatione, & de pœnitentia eorum.

Nonus liber continet de virginibus & viduis non velatis, de raptoribus earum, & de separatione eorum, de conjunctione legitimum connubiorum, de concubinis, & de transgressionem & pœnitentia singulorum.

Decimus liber continet de incantatoribus, de auguribus, de divinis, de sortilegis, & de variis illusionibus Diaboli, & de maledicis, & de contentiosis, & de conspiratoribus, & de pœnitentia singulorum.

Undecimus liber continet de excommunicandis, & excommunicatis, de furibus, & de prædatoribus, & de præsumptione, & contemptu, & negligentia, & reconciliatione & pœnitentia eorum.

Duodecimus liber continet de perjurio, & de pœnitentia ejus.

Tertiusedecimus liber continet de veneratione, & observatione sacri jejunii.

Quartusedecimus liber continet de crapula, & ebrietate, & de pœnitentia eorum.

Quintusedecimus liber continet de Imperatoribus, de Principibus, & de reliquis laicis, & de ministerio eorum.

Sextusedecimus liber continet de accusatoribus, de iudicibus, de defensoribus, de falsis

falsis testibus, & de pœnitentia singulorum.

Séptimusdecimus liber continet de fornicatione, & incestu diversi generis, & de pœnitentia utriusque sexus, & diversæ ætatis.

Octavusdecimus liber continet de visitatione, & pœnitentia, & reconciliatione infirmorum.

Nonusdecimus liber qui corrector vocatur, continet correctiones corporum, & animarum medicinas, & docet unumquemque sacerdotem, etiam simplicem quomodo vel qualiter unicuique succurrere valeat, ordinato vel sine ordine, pauperi, diviti, puero, juveni, seni, decrepito, sano, infirmo, in omni ætate, in utroque sexu.

Vigesimus liber speculationum vocatur, Speculatur enim de providentia, & de prædestinatione divina, & de adventu Antichristi, de ejus operibus, de resurrectione, de die judicii, de infernalibus pœnis, de felicitate perpetuæ vitæ.

Ubi & quibus auxiliantibus hoc opus Burchardus perfecit, docet auctor *Anonymus*, qui post obitum ejus vitam scripsit, cum ipsius decreto editus. *Forestus sylva est*, inquit, *duobus miliaribus à Wormatiq̃ distans*, (*Forestus ipse vocatur in confirmatione* **Conradi**

252. Ubi & quibus auxiliis decretorum libros compilaverit.

Conradi Regis, Forehehe) abietibus abundans, & hanc palus limosa ex una parte ambiendo circumcingit, in cujus medietate collis pulcherrimus consistit, ad quem vir Dei se transferri praecepit, & quia mundanos tumultus devitare voluit, arboribus fruticibusque succisis collem explanavit. Ibi quoque primum fecit oratorium, dein aliis officinis peraetis, cellam egregiam construxit. Illuc se post concilia regiaque colloquia, & post curam synodalem diversosque mundi strepitus receperat. Ibi quoque negociis secularibus post tergum projectis, totis viribus in obsequio Dei studebat. Eodem quippe tempore in Collectario canonum in hac cella non modicum laboravit. Nam domino Walterio Spirensi Episcopo adjuvante, & Brunichone praeposito exhortante & suggerente, Canones in unum corpus collegit. Non pro ulla arrogantia, sed, ut ipse dixit, quia Canonum jura poenitentiumque judicia in Episcopatu suo omnino fuerant neglecta ac destructa, hoc vero corpus sive Collectarium distinxit & in viginti libros distribuit. Sigobertus in Chronico ad annum 1008. refert, collaborante Magistro suo Olberto Abbate, Viro undiquaque doctissimo, magnum Canonum Volumen edidisse, & in libro scripti. Eccles. cap. 141. Haec de eo refert. Burchardus Episcopus urbis Vangionum quae dicitur Wormatia, magnum Canonum volumen, quod à nomine ipsius BUR-

CHARDUS

**CHARDUS** denominatur, multo studio composuit; quod testimoniis omnium authenticorum conciliorum & decretis Romanorum Pontificum, & sententiis omnium pene Catholicorum Patrum auctorizavit; ex quo adhuc omnium conciliorum decreta auctorizantur. Ea quæ de auxilio Olberti in Chronico scripserat, confirmat in vita Olberti de script. Eccles. cap. 142. Burchardus Episcopus Wormatiensis ejus Olberti magisterio ad hoc proventus, ut ita Ecclesiastica utilitati intenderet & ejus studio, ore & manu illud magnum canonum Volumen ad communem omnium utilitatem, ederet. Præter illud opus quidquam scripsisse, non inveni. Mortuus est Burchardus, ut videmus post vitam ejus notatum, anno 1024, vel 1025. Ultimum sequitur Miræus in Biblioth. Ecclesiast. in scholiis ad caput 141. Sigeberti, Baronius anno 1026. mortuum narrat, vide eum ad istum annum. Ejus Decretorum opus editum est primum Colonia Agrippinæ, anno 1548. quo ego usus sum, & iterum anno 1549. Parisiis. In Collectionem hanc quisquilias ex Isidoro Mercatore seu ejus suppositis epistolis plurimas retulit: quod indicium est, non magno judicio usum esse. Specimen exhibebunt sequentia exempla. Ex Pseudo-clementis epist. 1. lib. 1. cap. 124. 125. 126. 127. 133. 137. & 155. lib. 2. cap. 94. lib. 6. cap. 28.

254. Quid de hac collectione habendum.

cap. 28. lib. 14. cap. 16. *ex epist.* 2. lib. 3.  
 cap. 216. lib. 5. cap. 11. & 14. *ex epist.* 3.  
 lib. 2. cap. 93. lib. 3. cap. 59. lib. 4. cap. 15.  
*ex Pseudo-Anacleto prima*, lib. 1. cap. 4. 59.  
 lib. 2. cap. 154. lib. 3. cap. 71. 77. lib. 11.  
 cap. 18. *ex epist. secunda* lib. 1. cap. 1. & 15.  
 lib. 2. cap. 5. *ex tertia* lib. 1. cap. 136. 152.  
 178. *ex Pseudo-Euaristi secunda* lib. 1. cap.  
 76. 99. 34. 40. lib. 11. cap. 9. *ex Pseudo-Sixti*  
*primi secunda* lib. 3. cap. 214. *ex Pseudo-Ale-*  
*xandri prima* lib. 1. cap. 129. 130. 132. lib.  
 2. cap. 52. lib. 5. cap. 5. *ex Pseudo-Telephori*  
*epist.* lib. 3. cap. 63. *ex Pseudo-Hygini priore*  
 lib. 1. cap. 65. *ex Pseudo-Pii secunda* lib. 11.  
 cap. 29. *ex Pseudo-Aniceto* lib. 1. cap. 28. 63.  
*ex Pseudo-Soteris epist. posteriore* lib. 3. c. 215.  
*ex Pseudo-Eleuthero* lib. 16. cap. 30. *ex Pseu-*  
*do-Victoris priore* lib. 1. cap. 176. lib. 4. cap. 3.  
*ex Pseudo-Zephyrini priore* lib. 1. cap. 154.  
 lib. 16. cap. 13. *ex posteriore* lib. 2. cap. 3. *ex*  
*Pseudo-Callisti priore* lib. 11. cap. 38. *ex po-*  
*steriore* lib. 1. cap. 66. 80. 135. 171. lib. 3.  
 cap. 49. lib. 7. cap. 1. lib. 10. cap. 64. Vide  
 & lib. 9. cap. 7. *ex Pseudo-Urbano* lib. 3. cap.  
 3. 143. lib. 1. cap. 1. *ex Pseudo-Antero* lib. 1.  
 cap. 77. lib. 4. cap. 66. *ex Pseudo-Fabiani*  
*secunda* lib. 1. cap. 147. 148. *ex tertia* lib. 1.  
 cap. 183. lib. 2. cap. 10. *ex Pseudo-Cornelii*  
*secunda* lib. 1. cap. 193. lib. 12. cap. 12. 19.  
*ex Pseu-*



ex Pseudo-Lucio lib. 1. cap. 54. lib. 11. cap.  
 19. ex Pseudo-Stephani priore lib. 1. cap. 173.  
 ex posteriore lib. 1. cap. 142. 161. 177. vide  
 & lib. 16. cap. 19. ex Pseudo-Sixti secundi  
 posteriore lib. 1. cap. 143. 192. ex Pseudo-Dio-  
 nysii secunda lib. 3. cap. 43. ex Pseudo-Felici  
 primi, prima lib. 1. cap. 157. 169. lib. 16.  
 cap. 11. ex secunda lib. 1. cap. 174. ex Pseu-  
 do-Eutychiano lib. 5. cap. 7. ex Pseudo-Cajo  
 lib. 1. cap. 139. ex Pseudo-Eusebii prima lib.  
 1. cap. 138. 165. ex secunda lib. 11. cap. 25.  
 27. ex tertia lib. 4. cap. 63. ex Pseudo-Mel-  
 chiadis priore lib. 3. cap. 2. 4. 5. ex posteriore  
 lib. 1. cap. 2. lib. 4. cap. 61. ex Pseudo-Marco  
 lib. 1. cap. 98. ex Pseudo-Julii secunda lib. 1.  
 cap. 144. 170. & ex prima lib. 1. cap. 175.  
 ex Pseudo-Felici secundi priore lib. 1. c. 141.  
 163. 167. 180. 221. 222. lib. 16. cap. 11.  
 ex Pseudo-Damasi quinta lib. 1. cap. 153. 156.  
 172. 179. lib. 16. cap. 31. ex Pseudo-Anastasi  
 priore lib. 3. cap. 103. & ex posteriore lib. 19.  
 cap. 129. ex Pseudo-Felici quarti secunda lib.  
 3. cap. 57. 58. ex Pseudo-Joannis secundi priore  
 lib. 3. cap. 32. ex Pseudo-Pelagi secundi nona  
 lib. 3. cap. 69. ex Pseudo-Gregorii epist. ad Fe-  
 licem lib. 7. cap. 19. ex Pseudo-Deusdedit lib.  
 17. cap. 44. Præterea multa alia congerit  
 nescio unde hausta, quæ tribuit Euaristo  
 lib. 3. cap. 17. lib. 18. cap. 16. Alexandro  
 lib. 1.

lib. 1. cap. 59. lib. 19. cap. 100. *Sixto* lib. 4. cap. 46. *Hygino* lib. 3. cap. 11. 21. 39. lib. 4. cap. 24. *Pio* lib. 3. cap. 72. 124. lib. 5. cap. 27. 47. lib. 6. cap. 37. lib. 8. cap. 18. lib. 12. cap. 4. 15. lib. 15. cap. 10. lib. 19. cap. 63. *Aniceto* lib. 5. cap. 29. *Soteri* lib. 3. cap. 73. 74. lib. 5. cap. 20. 44. lib. 12. cap. 18. *Zephyrino* lib. 8. cap. 40. *Callisto* lib. 18. cap. 2. *Fabiano* lib. 4. cap. 1. lib. 5. cap. 17. 24. 25. 36. lib. 7. cap. 21. lib. 9. cap. 30. lib. 10. cap. 59. 60. lib. 12. cap. 40. lib. 12. cap. 8. *Eutychiano* lib. 1. cap. 91. 92. 93. 94. lib. 5. cap. 35. lib. 8. cap. 17. lib. 9. cap. 59. 60. lib. 11. cap. 30. lib. 12. cap. 14. lib. 14. cap. 2. 3. 10. lib. 19. cap. 105. *Marcello* lib. 3. cap. 139. *Eusebio* lib. 3. cap. 99. lib. 8. cap. 19. lib. 9. cap. 13. lib. 13. cap. 17. lib. 14. cap. 7. lib. 18. cap. 11. lib. 19. cap. 110. *Lucio* lib. 19. cap. 69. *Fulio* lib. 2. cap. 127. lib. 3. cap. 1. 204. lib. 5. cap. 1. lib. 7. cap. 7. lib. 9. cap. 18. lib. 18. cap. 21. *Liberio* lib. 13. cap. 13. 14. 18. *Felici* lib. 1. cap. 51. lib. 16. cap. 5. lib. 19. cap. 62. *Damaso* lib. 1. cap. 25. *Bonifacio* lib. 1. cap. 73. 131. 184. 202. lib. 3. cap. 26. lib. 11. cap. 17. *Silverio* lib. 3. cap. 23. lib. 5. cap. 19. lib. 13. cap. 12. *Pelagio* lib. 12. cap. 9. Citavit etiam *Pseudo-Isidori præfationem* lib. 1. cap. 42. Quæ cum collegisset Doctissimus Blondellus, in prolegumen.

*Pseudo-*

*Pseudo-Isidori & Turriani vapulant. cap. 18.* in margine addit. *Scriptit* (Burchardus Wormatiensis Episcopus) *A. D. 1008. teste Sigeberto, obiit A. D. 1026. A Baronio & Bellarmino sanctus habetur, cui tot nugæ placuerunt.* Plura de vita ejus vide præter auctorem Anonymum supra citatum in vita ejus, apud Henric. Pantaleonem *de Viris illustrib. German. part. 2. pag. mihi 46. & seq.* qui an. 996. ad Episcopatum pervenisse, paulo post annum 1025. exactis fere xxx. annis in Episcopatu decesse dicit. Hoc seculo im-  
 mensa illa potestas & auctoritas Pontificis Romani, & Mysterium illud iniquitatis, ita stabilitum est, ut merito ad virilem ætatem adscendisse, neque ultra adsurgere potuisse, jure meritoque dici queat. Per octo fere & quod excurrit secula in eo desudatum est, sed hoc demum seculo ad *ἀκμὴν* pervenit. Seculo secundo decurrente Victor Papa illud monstrum violenta disputatione de Paschate parturiit, eamque secundum suam suæque sedis sententiam decidi, aliisque præfractè obtrudere voluit. Seculo quarto, adserto Metropolitanatu in Concilio Nicæno, Romano Italicarum, seu potius Suburbicariarum regionum Metropolitanatus adsertus est. Seculo quinto Zosimus, Bonifacius I. & Cœlestinus Contro-

255. Po-  
 tentia  
 Romana  
 ad sum-  
 mū cul-  
 men se-  
 culo xi.  
 surrexit.

versiam de appellationibus ad sedem Romanam urserunt, & jura sibi adserere conati sunt, in Ecclesias Africanas, ita ut & falsi canones pro Nicænis concilio Carthaginiensi obtrusi fuerint; vide quæ supra disseruimus de Zosimi collectione *num. marg. 67. & seq.* Sed opposuit se synodus, appellationesq; transmarinas & jura Pontificum Romanorum inhibuit. Seculo sexto præcipite Gregorius Magnus cum Constantinopolitano de primatu contendit, quem fugere & abominari se simulabat. Seculi septimi initio Bonifacius probata impietate Phocæ, ab eo primatum obtinet, manentibus tamen perpetuis imposterum disputationibus inter Romanos & Constantinopolitanos Episcopos; In Occidente vero feliciter successit primatus, & passim Ecclesiæ eum agnoverunt. Sed Principes seu Imperatores Romano Germanici, nimium potentes adhuc erant, Pontifices ipsos & Episcopos passim constituebant, vel approbabant, investiebant, & juramenta fidelitatis exigebant, quibus multos sibi obstrangebant. Hoc itaque abolori adhuc debebat, ut potentia Papalis etiam super solium Imperatoris ascendere posset. Istud hoc seculo audacissime aggressus est Hildebrandus; qui natione Tuscus Soanensis, professione Monachus

256. Gregorius  
vii. alias  
Hildebrandus  
potentiæ  
Papalis  
stabilitor

Monachus Cluniacensis, malis artibus, ut Benno Cardinalis & Archipresbyter Romanus testatur, ad Pontificatum maximum anno 1073. pervenit; cum antea sub aliquibus Pontificibus Papa fuisset, omnia jura Imperatorum invertit, & summam Episcopo Romano potentiam adseruit. Ipse sine consensu Imperat: ad Episcopatum venit, investituras laicales publicato decreto proscripsit & prohibuit, Imperatorem excommunicavit, & Imperio privavit, totam denique in republica Romano Germanica mutationem induxit. Vide rem accurate excussam & traditam à Mornæo in mysterio iniquitatis, & perpende hæc Onuphrii Panvinii verba de eo, in vita ejus. *Huic uni, inquit ille, cum omnes Latine Ecclesie, tum præcipue Romana acceptum referre debet, quod libera sit & ab Imperatorum manu eruta, quod tot divitiis, opibus & prophana ditione locupletata; quod Regibus, Imperatoribus, Christianis Principibus sit præfecta: à quo postremo, ut omnia verbo uno complectar, maximus iste eximiusque status, in quo Ecclesia Romana est omnium Christianorum domina; cum antea tanquam vilis ancilla non ab Imperatoribus modo, sed à quovis principe Romani Imperatoris præsidis fulto, premeretur: ab hoc maxima illius & omni sæculo tremenda venerandæq; Romani Pontificis*



tificis & infinita pene potestatis jus manavit. Nam etsi ante Romani Pontifices, tanquam Religionis Christianae capita, Christique Vicarii & Petri successores colerentur; non tamen eorum auctoritas ultra protendebatur, quam in fidei dogmatibus vel asserendis vel tuendis. Caterum Imperatoribus suberant; ad eorum nutum omnia fiebant: ab eis creabantur: de eis judicare vel quicquam decernere non audebat Papa Romanus. Primus omnium Romanorum Pontificum Gregorius VII. armis Nortmannorum fretus, opibus Comitissae Mathildis mulieris per Italiam potentissima confusus, discordiaque Germanorum Principum bello civili laborantium inflammatus, praeter majorum morem contempta Imperatoris auctoritate & potestate, cum summum Pontificatum obtinuisset, Caesarem ipsum (à quo si non electus, saltem confirmatus fuerat) non dico excommunicare, sed etiam regno imperioque privare ausus est. Res ante ea secula inaudita. Nam fabulas quae de Arcadio, Anastasio & Leone Iconomacho circumferuntur, nihil moror. Unde Otto Frisingensis horum temporum Scriptor: Lego, inquit, & relego Romanorum Regum & Pontificum gesta, & nusquam invenio aliquem eorum ante hunc Henricum à Romano Pontifice excommunicatum vel regno privatum &c. Hoc regno & potestate stabilita, & leges seu canones ei congruentes fingi & cudi debuerunt,



runt, qui explosa simplicitate & humilitate Apostolica veteri, splendorem Imperii & vicarii Christi redolerent, & culmen illud potentiae impofterum moderarentur & defenderent. Huic rei DICTATUS suos, invenit Gregorius, aptissimos nomine & ordine ad finem obtinendum quem intendebat; De his ita Onuphrius Panvinius loc. cit. Gregorius in media quadragesima, inquit, Roma in Basilica Lateranensi, quae Constantiniana appellatur, primo synodum generalem multorum Episcoporum, Abbatum, & aliorum Prelatorum congregavit; in qua circa triginta edidit capitula, seu canones, quos DICTATUS appellavit: quorum major pars antea parum in usu fuerat, & à nemine praedecessorum suorum unquam attentata: verum ad firmissimum Ecclesiae statum jaciendum, & ad omnia tentanda, quae animo agitabat, idonea. DICTATUS hi à Cæsare Baronio in Annalibus ad annum 1076. num. 31. 32. & 33. tanquam PRIVILEGIA APOSTOLICÆ SEDIS ET ROMANI PONTIFICIS memorantur; ubi de iis ipsius Gregorii septimi libr. 2. Epistolam 55. laudat, & ex iis Dictatus PAPÆ appellatos scribit. Eos tanquam ipsius Gregorii collectionem, in perpetuam Pontificiae almipotentiae stabilitate monumentum subjecimus. Sunt autem viginti septem sequentes.

257. Ejus  
DICTA-  
TUS.

I. *Quod Romana Ecclesia à solo Domino sit fundata.*

II. *Quod solus Romanus Pontifex jure dicatur universalis.*

III. *Quod ille solus possit deponere Episcopos vel reconciliare.*

IV. *Quod Legatus ejus omnibus Episcopis praesit in Concilio, etiam inferioris gradus, & adversus eos sententiam depositionis possit dare.*

V. *Quod absentes Papa possit deponere.*

VI. *Quod cum excommunicatis ab illo, inter cetera nec in eadem domo debemus permanere.*

VII. *Quod illi soli licet pro temporis necessitate novas leges condere, novas plebes congregare, de canonica Abbatiam facere, & è contra, divitem Episcopatum dividere, & inopes unire.*

VIII. *Quod solus possit uti Imperialibus insigniis.*

IX. *Quod solius Papæ pedes omnes Principes deosculentur.*

X. *Quod illius solius nomen in Ecclesiis recitetur.*

XI. *Quod unicum est nomen in mundo, Papæ videlicet.*

XII. *Quod illi liceat Imperatores deponere.*

XIII. *Quod illi liceat de sede ad sedem necessitate cogente Episcopos transmutare.*

XIV. *Quod de omni Ecclesia quocunque voluerit, clericum valeat ordinare.*

XV. *Quod*

XV. Quod ab illo ordinatus alii Ecclesia præesse potest, sed non militare, & quod ab aliquo Episcopo non debet superiorem gradum accipere.

XVI. Quod nulla Synodus absque præcepto ejus debet Generalis vocari.

XVII. Quod nullum Capitulum, nullusque liber Canonicus habeatur absque illius auctoritate.

XVIII. Quod sententia illius à nullo debeat retractari; & ipse omnium solus retractare possit.

XIX. Quod à nemine ipse judicari debeat.

XX. Quod nullus audeat condemnare Apostolicam Sedem appellantem.

XXI. Quod majores causæ cujuscunque Ecclesiæ ad eum referri debeant.

XXII. Quod Romana Ecclesia nunquam erravit, nec in perpetuum, Scriptura testante, errabit.

XXIII. Quod Romanus Pontifex si canonicè fuerit ordinatus, meritis beati Petri indubitanter efficitur sanctus, testante sancto Ennodio Papiensi Episcopo, ei multis sanctis Patribus faventibus, sicut in decretis beati Symmachi Papæ continetur.

XXIV. Quod illius præcepto & licentia subiectis liceat accusare.

XXV. Quod absque synodali conventu possit Episcopos deponere & reconciliare.

XXVI. Quod Catholicus non habeatur, qui non concordat Romanæ Ecclesiæ.

XXVII. *Quod à fidelitate iniquorum subiectos potest absolvere.*

258. Quare  
DICTATUS  
vocat.

Quare hæc aximata & egregia sedis Romanæ privilegia, quæ à nemine Antecessorum attentata, dixit supra Onuphrius, DICTATUS vocaverit Gregorius, illud non obscure ex ipsis dictatibus colligi potest. Dictaturam summum olim in Repub. Magistratum, & quidem non per sex menses, sed ad Julii Cæsaris exemplum perpetuo illi stabiliunt & defendunt; à Dictatura itaque recte DICTATUS appellantur. Ex iis in emensum crevit Jus Ecclesiasticum; nam cum appellationes omnes sibi Romana sedes, & cognitionem in causis Episcopalibus & aliis majoribus, solus Pontifex adfereret, jam non tantum canones circa dogmata & personas ritusque Ecclesiasticos, quæ antea fere objecta canonum erant, occupati; sed & de litibus & disceptationibus forensibus ordinandis & dirigendis, solliciti fuerunt. In tota Dionysii Exigui & aliorum antiquorum Collectionibus nil de litis contestatione, & similibus aliis ad processum pertinentibus legitur; nunc vero magna pars Juris Canonici absorbitur, titulis, de officio & potestate Judicis ordinarii & delegati, de Treuga & pace, de pactis, de transactionibus, de postulando, de procuratoribus, de syn-

259. Ex dictatibus  
hisce crevit  
jus Canonicum &  
nomen adsumsit juris.

de symbolico, de his quæ vi metuve fata sunt, de arbitris, de alienatione judicii mutandi causa facta, de foro comperente, de libelli oblatione, de plus petitionibus, de causis possessionis & proprietatis, de missione in bonorum possessionem, de attentatis, de sequestratione possessionis, de testibus, fide instrumentorum, de præscriptionibus, de sententiis, de appellationibus, & similibus rubricis, ad Jus Civile pertinentibus, ut hodie modus litigandi in jure Canonico præscriptus sit concinnior, perfectior, & accuratior, quam quidem ille, qui in jure civili est descriptus; ideoque passim receptum, eum pleraque tribunalia sequuntur. Quare nec immerito Canones ab hoc tempore nomen perdiderunt, atq; *Juris* illud adsumserunt; & ad differentiam *civilis*, prius nomen proprium & substantivum distinctionis gratia in appellativum & adjectivum *Canonici* commutatum est. Habuerunt quidem præsi Episcopi indulgentia Principum *audientiam*, seu notionem causarum quarundam inter eos, qui sponte ad eos irent, in eosque tanquam arbitros compromitterent, id pii Principes à temporibus Constantini videntur detulisse Episcopis, ut pacem inter Christianos foverent & redintegrarent; Jurisdictionem autem nullam habuerunt.

runt. Non moror hic leges tres suppositi-  
tias de iudicio Episcopali, quæ additæ sunt  
Codicem Theodosiano, harum enim fucum  
ut & totius appendicis Codicis Theodosia-  
ni, à Sirmundo editæ suppositionem Do-  
ctissimus & Solertissimus Jacob. Gothofre-  
dus, in elaboratissimis ad Codicem Theo-  
dosianum Notis & Commentariis, affatim  
& luculenter demonstravit *tom. VI. pag. 303.*  
*& seqq.* In hac per gratiam concessa audien-  
tia juxta Regulas Christianæ pietatis & sacræ  
scripturæ, item leges Imperatorum judica-  
bant, non ipsi leges ferebant, nec forum  
habebant, aut cum strepitu iudicii causas  
audiebant; ut totum hoc, quod habuerunt  
Episcopi sit tantum indultum quoddam Im-  
peratorum, ad resecandas & cito compo-  
nendas lites. Videturque primum ex con-  
suetudine non mala inter Christianos, sub  
Principibus Ethnicis invaluisse (occasionem  
dante Apostolo I. *ad Cor. VI.*) ut clanculum  
ad Episcopos irent, qui controversias ha-  
berent; postea sub Principibus id esse fir-  
matum, & ex gratia probatum, tandem  
ut exempla non subsistunt, ubi incipiunt,  
in jus conversum esse, sibi que plura arro-  
gasse & pedetentim extorsisse ab Impera-  
toribus Episcopos, potissimum Romanos;  
Qua de re aliorum latissimæ tractationes  
inspici



inspici possunt, quæ docent, quomodo audientia in jurisdictionem, voluntaria additio, in necessitatem, arbitrium in legem transferit. Quod masculine promoverunt, hi *Dictatus* Gregorii septimi, ut non immerito Auctor Apologiæ Cleri Leodicensis, dixerit, *ultimam manum sacris Canonibus imposuisse solum Hildebrandum*; qui si tantam, quantum sibi potestatem arrogavit, haberet, solus condendæ legis & juris potestatem sibi jure meritoque arrogaret; nec tum minus ejus Canones & *Dictatus*, quam civilia placita, nomen CORPORIS JURIS, si Deo placet, ferre merentur. Ipsos dictatus examinare, ut non est nostri instituti, ita nec operis nostri ratio id patitur: facile alias esset adferere, *Onuphrii Panvinii* sententiam; quod major pars eorum imo omnes antea in usu non, sed recenter à Gregorio introducti fuerint. Aliquid præstitit hic Doctiss. *Mornæus* in *Mysterio iniquit. mihi pag. 223. Editionis Gorichem. anni 1662.* qui & de ipso Gregorio, ejusq; artibus, *p. 226. & seq.* videri potest. Sed vocat nos series ad alios Collectores.

Cum Gregorio septimo vixit *Anselmus Mantuanus*, quem *Alexander II.* ad Episcopatum *Lucensem* A. D. 1073. destinavit, & ob investituram ad Imperatorem miserat, à quo primum detrectavit, accipere,

260. *Anselmus Lucensis*, quo tempore vixerit.

pere, postea vero accepit investituram & Episcopatum, sed relicto eo se in Cluniacense Monasterium abdidit, ex quo Gregorius septimus eum, tanquam causæ suæ utilem, revocavit, & Episcopatu Lucensi, siquidem fides habenda anonymo vitæ ejus scriptori, à Baronio laudato, præfecit. Ludov. Jacob. à S. Carolo, *lib. 2. Bibl. Pontif. pag. 267.* facit ex eo Cardinalem presbyterum. Hic causam Gregorii contra Henricum Imperatorem defendit, ideoque charus ei fuit; Scripta ejus refert Baronius ad *Ann. 1086*, quo mortuus est Anselmus, ex Anonymo illo vitæ ejus scriptore, qui ejus poenitentiarius fuit, & quidem ipsius verbis. *Ex multis ac diversis sanctissimorum Patrum voluminibus unum compilavit Canonicarum sententiarum, non modicum Corpus.* Extat illud ipsum integrum jam cūsum. De quo ipso volumine in vita illa prolixius scripta hæc leguntur. *Apologeticum unum ex diversis sanctorum Patrum voluminibus compilavit, quibus Domini Papæ sententiam & universa ejus facta, atque præcepta canonicis defenderet rationibus. Multos libellos propriis manibus conscripsit. In lamentationes Hieremie dulcissimam fecit expositionem. Psalterium quoque rogatu benedictissima Dei (ex quo famosæ Fœminæ elogio, de scriptore hoc conjectura capi potest, quantum*

261. Scripta ejus.

quantum ei sit deferendum) Mathilda, exposuit luculentissime breviter quidem, sed utiliter, usque ad illum locum: Benediximus vobis in nomine Domini; ibi siquidem expositionem finivit, nobisque omnibus ut alter Patriarcha Jacob, benedixit. Apologia ista est scripta contra Guibertum, ut Baronius & alii vocant, Antipapam, qui ab Imperatore & synodo, Abdicato Gregorio suspectus erat. Extat in tomo 6. *Antiq. Lect.* Henr. Canisii, vide & Sigebertum *de Scriptorib. Eccles. cap. 161.* & ibid. Miræum in *scholiis Biblioth. Eccles. pag. 156.* Memorata hæc ejus Collectio canonum, utramque fere paginam facit in emendatione Gratiani, jussu Gregorii facta, & apud Anton. Augustinum, de emendat. Gratiani. Qui eam tamen in dubium videtur vocare, *lib. 2. dial. 5. princ. fere.* ubi hæc habet: *Deus dedit Urbani secundi tempore scripsit, item Anselmus Lucensis, sive is, cujus collectionem habemus.* Ita enim solemus loqui, de eorum scriptis, de quibus dubitamus. In utrumque Opus Anselmus retulit supposititias Epistolas Collectionis Isidori Mercatoris. Libro 1. advers. Guibertum Antipapam testes advocat Pseudo-Clementem *Epist. 3.* Pseudo-Pium *Epist. 1.* & Pseudo-Fabianum *Epist. 3.* Lib. 2. Pseudo-Callistum *Epist. 1.* Pseudo-Strephanum *Epist. 2.* Pseudo-

262. Ejus  
Collectio  
Canonum.

263. Ivo  
Carnuten-  
sis.

Pseudo-Marcellinum, *Epistol.* 2. In Colle-  
ctionem Canonum omnes ferè Pseudo-Isi-  
dori Epistolas in partes discerptas inseruit.  
Verba sunt, Doctiss: Blondelli in *prolegomen.*  
*Pseudo-Isidori*, cap. 18. pag. 98. Epistolarum  
librum ad diversos, ei quoque adscribit Bi-  
bliotheca Simleri. Post Burchardum & An-  
selmum ad colligendos canones, eodem se-  
culo XI. præcipite, se accinxit Ivo, natione  
Gallus, ex præposito Monasterii Quintini  
Belluacensis, ordinis Canonorum, ut vo-  
cant regularium B. Augustini, Episcopus  
Carnutensis in Gallia, anno seculi undeci-  
mi XCI. usque ad annum XIV. seculi duo-  
decimi. Homo suo tempore clarus, & mul-  
tis negotiis implicatus, ut quidem produnt  
epistolæ ejus, cujus fama ob id unicum, à  
Baronio *ad ann. D. 1099. §. 8.* Quod *de in-*  
*vestituris vetitis* (laicorum Regum & Princi-  
pum nempe) *nimis abjecte loquatur*; à Baronio  
in discrimen vocatur, & *nomen Gloriosum*,  
*quod ex defensione Apostolicæ sedis & Catholica*  
*veritatis sibi dignissime comparaverat*, in *discri-*  
*men adduxisse* dicitur. Ita facile pereunt cun-  
cta quæ fecisti bona, etiam *nomen Gloriosum*  
*meritissime comparatum*, si vel literula, etiam  
alias secundum veritatem scripta exciderit  
contra sententiam Papæ Romani. Scripsit  
varia. Librum de corpore Domini, qui ex-  
tat in

264. Ejus  
scripta.

tat in bibliotheca Patrum, tom. 3. Volumen Epistolarum ad diversos. De divinis & Ecclesiasticis officiis & præcipuis Festis diebus Sermones XXI. qui cum aliis de divinis officiis Scriptoribus uno volumine prodierunt Colon: Agrippinæ 1568; præter hæc, ad institutum nostrum facientia duo sub ejus nomine habentur scripta, quibus canones colliguntur & digeruntur, *Decretum & Pannonia*. Primum Opus indubitato ab omnibus adscribitur Ivoni; Ad id putatur accensus opere Burchardi Wormatiensis; quod ejus collectioni leges civiles & jura Romana, deinde alia quædam, ob novam, ut putat Berengarii hæresin, potius veritatem, deesse censeret. Primum videbat factum à Græcis, apud quos Nomocanones in usu; hætenus apud Occidentales ignoti, qui contenti canonibus Ecclesiasticis, leges Imperatorias Ecclesiasticas quidem sequebantur, sed Corpori Canonum aut Collectionibus nondum inseruerant, aut sufficere arbitrabantur Caroli & aliorum Capitularia, in quibus ex simul habebantur. Burchardus enim Juris civilis non meminit, latebat enim adhuc ejus tempore. Codicis Theodosiani semel iterumque facit mentionem. Ivo in omnibus fere sequitur Burchardum, ab eo parum verbis & ordine dis-

265. Canonum collectio-  
nes ejus  
nomen  
referen-  
tes.  
266. De-  
cretum.



267. Pan-  
nomia.

cedit. Dispescit decretum in libros seu partes decem & septem; quorum non opus contenta referre, ex superioribus quæ de Burchardi collectione diximus, satis manifesta esse possunt. Alterum opus ejus nomen referens, est *Pannomia*, vel *Panormia*, utroque enim modo legitur. Posteriori appellatione utitur plerumque Anton. Augustinus passim in emendat. Gratiani. Alii melius *Pannomiam* vocant, ut tota compositio sit Græca à πᾶν & νόμος; quia omnis generis leges, complectitur, quæ in *Panormia* est partim Latina; quod tamen non est novum. Hoc opus Ivonis non esse, recte Bellarminus, de scriptor. Eccles. in Ivone & Gratiano, censet; Quia multa libr. 8. sunt decreta ex Innocentio secundo Papa, & ex historia Sigeberti, qui Ivone posteriores fuerunt. Vocari tamen Ivonis, quia ex decreto Ivonis maxima ex parte sit desumptum, est enim quasi compendium Decreti Ivonis. Sedit autem Innocentius secundus, ab anno 1130. usque ad 1143. Sigebertus vero Gemblacensis mortuus est anno 1112. vide scholia Miræi, ad Sigebertum, in bibliothec. Ecclesiast. pag. 158. Cavendus itaque error Antonii Contii duplex. Unus quod utriusque operis facit auctorem Ivonem, alter quod utrumque opus scripisse tradat circa annum Christi

268. Er-  
ror Con-  
tii du-  
plex.



Christi 1136; quo tempore jam per viginti præter propter annos Ivo ex vivis excesserat, si credendum Baronio, qui ad ann. 1114. §. 14. circa ann. 1114. mortuum conjicit, aut saltem tempora Paschalis secundi Pontificis non excessisse probat, qui anno 1118. mortuus est: quia in Catalogo Episcoporum Carnutensium ab hoc tempore alius invenitur, Gothofredus quidam, ad quem extant quædam Epistolæ Bernardi. Ex quibus apparet Ivonem nostrum cum Sigeberto vixisse, & aliquot annos supervixisse, Innocentio autem secundo posteriorem & falsum fuisse Bellarminum, qui utrumque Sigebertum & Innocentium secundum, Ivoni posteriorem facit; Quod ideo forte fecit, ut eo melius posset semel probatos *lib. 2. de Pont. Rom. c. 29. lib. 1. de Cleric. c. 9. & lib. 1. de translat. Imp. cap. 13. canones 22. & 23. dist. 63.* apud Gratianum, falso falsitatis arguere, & tanquam à Sigeberto confictos, monitus in *retractatione Operum & libr. de Scriptoribus Eccles.* rejicere: quos tamen vindicarunt præter M. Ant. de Dominis *lib. 6. de rep. Eccles. cap. 7.* operose Goldastus, in *Rationali ad constitut. Imper. & in replicat. cap. 13.* Item Clarissimus Conring. *de Germanor. Imper. Roman. cap. 6. & de constitut. Episcop. §. 27. & 28.* Anton. Augustinus quam

V 2

quam non obscure abjudicet Pannormiam Ivo-  
 ni, putat tamen Innocentii addita es-  
 se Pannormiæ non partem operis facere.  
 Sed est hæc tantum conjectura ejus, ut  
 ex his lib. 2. dialogo 5. princ. colligi potest.  
 C. Apud Ivonem extrema Panormia Innocen-  
 tii minoris verba referuntur, qui Callisto po-  
 sterior fuit. A. Negare possum Ivonis eum  
 librum esse. Sed malo hoc affirmare, additum  
 esse concilium Innocentii Panormiæ, non esse  
 partem ejus collectionis. Ostendere possum ve-  
 terem librum, in quo neque id concilium,  
 neque nomen Ivonis, neque excerptionum præ-  
 fatio continetur. Et in Epistolis Ivonis ea præ-  
 fatio temporibus Paschalis minoris scripta est.  
 Quomodo alias idem Augustinus opera I-  
 vonis distinguat in Pannormiam & Excer-  
 ptiones, tradit hisce, in dialog. 9. lib. post.  
 pag. nostræ Editionis 440. Ivonis, inquit, no-  
 mine, duo libri nuncupantur, quos te video Pa-  
 normiam & Excerptiones appellare, & du-  
 bitare utrum ejusdem sint scriptoris. Panormia  
 usus fortasse est Gratianus. Excerptiones non  
 vidisse existimo. Illud tamen certum Ivo-  
 nem scripsisse decretorum Volumen, ante  
 mortem Sigeberti, meminit enim ille ejus  
 & decreti de Scriptoris. Eccles. cap. 167. sed  
 meminit solius decreti, quod vocat Volumen  
 Canonum insigne non pannormiæ, quod quoque  
 argu-

argumentum est, Pannomiæ Auctorem non esse Ivonem, sed alium post ejus mortem. De utroque volumine hæc habet Ant. Con-  
 tius. Secutus est, inquit Ivo, Episcopus Carnotensis, qui in certos quidem locos & titulos illos canones ab Isidoro & Burchardo editos digessit; sed multa tamen similia, multa inter se pugnantia in suum librum transtulit, & librum suum Pannomiam inscripsit. Cæterum duplex ejus volumen hoc titulo insignitum reperi. Unum majus & magnitudine suâ longè excedens Gratiani volumen, quod ex Bibliothecâ S. Victoris Parisiensis nobis aliquando communicatum est. Huic volumini inscriptum titulum hunc invenimus, **DECRETA JOVINIANI**. Verum hanc inscriptionem falsam esse puto, & ignorantia librari-  
 orum adscriptam, cum eadem illic sit præfatio, quæ apud Ivonem in minore volumine Pannomiæ, & idem ferè ordo, nisi quod illud volumen multo plures habet partes, & titulos, & canones, in septendecim quippe partes divisum. Aliud verò minus volumen, quod & in eadem Bibliotheca extat, & passim in aliis, cujus etiam manuscriptum exemplar nobis comparavimus (nam & olim in Germania impressum est sed mendosissimum) in septem duntaxat partes est divisum. Inscribitur autem hoc volumen in prædicta Bibliotheca **DECRETA PARVA IVONIS**. Quod dicit decretorum volumen vo-

269. Ugo  
Catalau-  
nus au-  
tor Pan-  
nomiz.

catum in Manuscripto, *Decreta Ioviniani*,  
est error scribentium, si modo recte legit  
Contius, levi mutatione recte vocatur,  
*Decretum Ivonianum*. Auctorem Panomizæ  
Pancirollus, de *claris Legum interpret. lib. 3.*  
cap. 1. pag. 403. facit Ugonem Catalau-  
num, non diu post editum opus ab Ivone,  
illud contrahentem. Sed ex quo auctore id  
habeat non addit. Habet ibidem quædam  
de Epitome quoque Decretorum Burchar-  
di, quæ supra neglecta sunt, quare totum  
locum addo, maxime cum non versetur  
liber in omnium manibus. Post Isidorum,  
inquit, Burchardus (c. 2. 73. distinct.) Wor-  
matiensis Episcopus, rudem indigestamque illius  
Decreti molem methodicè ordinavit, ac primus  
Fus Pontificium in sua loca digestum xxx. libris  
complexus est, qui ob longæ lectionis radium in-  
termissi brevi interiere. Nam quæ ejus nomine  
circumfertur Epitome, plures quidem libellos, sed  
vix sextam justî operis partem continet. Cum  
vero novis exortis sectis, etiam Berengarius in  
Sacrosanctam Eucharistiam blasphemus extitis-  
set, Ivo genere Gallus, qui primò Canonicis à  
D. Augustino institutis præfectus, postea Carnu-  
tensium Antistes fuit, post annos nonaginta,  
quàm Burchardus scripsit, præter alia opuscula,  
amplissimum Decretorum volumen decem, & se-  
ptem libris distinctum concinnavit, in quo Bur-  
chardum



chardum omnino secutus verbis, aut ordine parum ab eo discessit. Quasdam tamen veterum Scriptorum sententias adversus Ecclesiam turbatores, & multa ex Jure nostro Civili testimonia adjecit, quæ ille, velut parum suo instituto necessaria, omiserat, vel quod juribus Romanis nondum apparentibus Caroli Magni tantum leges, vulgò Capitula vocata, frequentabantur; nunquam enim Juris civilis, & bis tantum Codicis Theodosiani meminit. Caterum Ivonis opus cum alia, & ipsius etiam Isidori Decreta magnitudine superaret; Ugo Catalaunus, non multo post quam scriptum est, in compendium redegit, ac Pannormiam, sive Summam Decretorum Ivonis nuncupavit. Ea etsi tota mendis, & erroribus scatebat, adjutus Gratianus plura inde, & ex Burchardi Epitome excerpfit, autographi enim texturam, aut Burchardi nunquam vidisse videtur, cum errores in compendiis inventos in suum opus transtulerit. Et postea cap. 3. Caterum Burchardi & Ivonis decretis ob librorum magnitudinem neglectis, eorum tantum compendia, quorum meminimus legebantur in usuque erant. Edidit Decretum Ivonis Lovanii seculi superioris, anno sexagesimo primo Johannes Molynæus; Pannomia prodiit Basileæ anno 1499. Opera Ivonis omnia prodierunt Parisiis A. D. 1647. Conspurcata est utraque collectio & Decretum & Pannomia quis-

270. Compendia Burchardi & Ivonis, tantum in usu.

271. Editiones Decreti Pannomiae & operum Ivonis.

272. Isidori Mercatoris spurias decretales in opus suum adsumsit.

quiliis & fictis aut supposititiis Isidori Mercatoris decretalibus, item multis aliis fictis & supposititiis Decretis. Quarum bene longum & accuratum Catalogum contextum vide apud Doctiss. Blondellum in *Pseudo-Isidoro vapulante cap. 18. pag. 100. & seq.*

273. Deusdedit Cardinalis collectio canonum, & aliud scriptum de privilegiis Romanæ sedis.

Eodem quo Ivo tempore vixit, sed ante Ivonem scripsit, Deusdedit, Romanæ Ecclesiæ Presbyter Cardinalis tituli SS. Apostolorum, ut dicit Baronius *ad ann. 1080. n. 30.* postea *ad ann. 1087. n. 22. tit. S. Eudoxiæ*, qui tamen est unus idemque. Hujus duplex extat scriptum, primum, de *Privilegiis Romanæ sedis*, & alterum *COLLECTIO CANONVM*. Quem tractatum Blondellus putat scriptum anno 1080. sed falso, est enim inscriptus Victori tertio, qui demum anno 1086. ad Pontificatum Urbis Romæ pervenit, melius itaque conjicitur cum Baronio in annum 1087. Hic tractatus quadripartitus est, cujus ipse rationem reddit hac Præfatione ad Victorem tertium.

*Beatissimo atque Apostolico viro Pontifici domino Papa Victori Tertio, & Clero sanctæ Romanæ Ecclesiæ Deusdedit exiguus presbyter tituli Apost. in Eudoxia.*

*Novit beatitudo vestra, quod sancta Romana Ecclesia idcirco omnium Ecclesiarum mater scribitur*



bitur & creditur &c. Itaque ego auctoritatis ipsius Romanae Ecclesiae privilegium, quo omni Christiano orbi praeminet, ignorantibus patefacere cupiens, Domino mihi opem ferente, ex variis sanctorum Patrum & Christianorum Principum auctoritatibus potioribus quibusque in unum congestis, praesens desloravi opusculum, quadrifariam dispartitum partitione. Nam primus liber continet privilegium auctoritatis ejusdem Romanae Ecclesiae. Et quoniam sine Clero Ecclesia esse non potest, nec Clerus absque rebus quibus temporaliter subsistat: huic subjunxi secundum & tertium de Clero & rebus ejusdem Ecclesiae. Quia verò seculi potestas Dei Ecclesiam subjugare nititur: libertas ipsius Ecclesiae & Cleri & rerum ejus tertio, & maxime quarto libro evidenter ostenditur.

Ex hac Praefatione patet quo partium studio scripserit hic Cardinalis. Alterum ejus scriptum est Collectio canonum. Utriusque meminit Indiculus librorum, quem emendatores Romani praefixerunt Corpori Can. seu Gratiano, ubi utrumque opus hoc modo citatur. Deusdedit Cardinalis Collectio canonum, & libri quatuor de rebus ecclesiasticis; additur: accepisse emendatores hos libros Manuscriptos ex Bibliotheca Vaticana. Typis descriptos extare non novi, Manuscripti in bibliothecis adhuc adservantur. Prae-

ter Vaticanam, habuit exemplar. Antonii Augustini, ut testatur passim ejus citatio, & provocatio ad Cardinalis Deusdedit lectionem in libris de emendat. Gratiani, in quorum 2do, dialog. quinto, pag. 386. nostr. edit. dicit Deusdedit, Cardinalem, scripsisse tempore Urbani secundi; quod forte verum de Collectione Canonum, quam tamen, Blondellus post tractatum de privilegiis sedis Romanæ scriptam arbitratur; Meminit Baronius alterius adhuc operis, quod latet in Bibliotheca Vaticana Manuscriptum, ad ann. 1087. n. 23. quod conjicio itidem ex canonibus esse corrasum. Vocat id Baronius nobilem lucubrationem, adversas invasores, Simoniacos & reliquos schismaticos: opus, addit, egregium, elaboratum ab eo tempore Urbani Papa successoris Victoris Pontificis. Collectionem canonum Deusdedit, compilatam dicit Blondellus ex quisquiliis Pseudo-Isidori. in Prolegumen. ad Pseudo-Isidor. cap. 18. pag. 99. in fin.

274. Gregorii Presbyteri collectio quæ Polycarpus dicitur.

Num. & in hoc undecimum an sequens seculum referendus sit Gregorius Presbyter, non satis scio, ita obscura est ejus fama & historia; ejus quoque Collectio canonum impressa, quod scio non est, eam vocavit Polycarpum, forte quia in particulas multas est discerpta. Manuscriptam citant ex Bibliotheca

bliotheca Vaticana Romani Emendatores Gratiani in indiculo, citat quoque Manuscriptam Antonius Augustinus, qui in Dialogis ejus meminit. De eo & Bernardo Papiensi, item Auctore libri *Populeti* hæc notat Clarissimus Blondellus, in *prolegumenis ad Pseudo-Isidorum vapulant. cap. 18. pag. 99. in fine.* Gregorius Presbyter similem collectionem (qualem nimirum Deusdedit & Ivo) publicavit, quam Polycarpum nominavit; ut & Bernardus Papiensis (de quo tamen nos infra agemus) & Auctor libri *Populeti*: Sed hæc ad manus non sunt, nec quo tempore vixere auctores nobis compertum est.

275. Bernardus Papiensis, & auctor libri *Populeti*.

Seculo duodecimo apud Græcos & Latinos, tam in explicandis quam colligendis canonibus gnauiter defudatum est. Videbantur à temporibus Photii per duo & quod excurrit secula Græci quieuisse, nisi quod Imperatores passim adhuc curam rerum Ecclesiasticarum habuerint, & novellas quasdam ad hanc rem ediderint, de quibus postea suo loco dicemus; hoc seculo iterum ad studium Canonicum accedunt; in quo se offert primo Johannes Zonaras, qui magnos in Imperio Constantinopolitano honores primo gessit; Fuit enim Magnus Drungarius, seu præfectus Drungi; *Drungus* autem est Globus militum, occur-

276. Seculo XII. inter Græcos & Latinos feruit studium Canonicum.

277. Joh. Zonaras.

278. Drungarius Magnus fuit; quis ille.

rit

rit vox apud Vopiscum & Pollionem. Magni Drungarii duo erant, τῆς βίγλης & τῆς σῶλης, seu Drungarius vigiliæ & Drungarius classis. Postremus Amiralio imperabat, Protocomiti, Drungariis inferioribus & Comitibus, ipse soli magno Duci subjectus; alterius munus erat constituere vigilias ex præscripto Magni domestici, & ex his noster Zonaras fuit. Vide late de hoc officio Jul. Cæsar. Bulenger. *de Imper. Roman. lib. 4. cap. 37. & lib. 8. cap. 94.* Doctiss. Meursium in *Lexico Mixobarbar.* voce Δεσγλά-  
 ε. Codinum & alios. Fuit præterea Zonaras Protosecretarius. Postea Monachus factus ad scribendum animum applicuit, & historiam καθολικὴν seu universalem composuit, usq; ad Alexii Comneni Imp. obitum, seu annum 1118; in qua passim Dionem sequitur. Scripsit præterea alia; quæ ad nostrum Institutum faciunt, sunt commentarii in Photii Nomocanonem, & Canones Apostolorum, conciliorum Generalium & Provincialium, seu in codicem Ecclesiæ Orientalis; Græce & Latine prodiit opus à variis versum Lutetiæ Parisiorum hujus seculi anno xviii. Et ejusdem expositio canonicarum Epistolarum ibidem Gr. & Lat. anno xxi. Manuscripti Codices passim in Bibliothecis adservantur, vide Theoph.

279. Monachus factus scripsit historiam.

280. Et ad Photii Nomocanonem item canones conciliorum.

Theoph. Spizelii *sacra bibliothecarum arcana relecta.*

Post Zonaram inter Græcos Canonistas locum occupat, Alexius Aristinus, Diaconus Ecclesiæ Constantinopolitanæ, ut illum appellat Gilbert. Genebrand. *in libro de Trinitate.* Scripsit ille Epitomen Canonum jussu Imperatoris. Johannis Comneni, ut observat Leo Allatius *in libro, de collatione Ordinum.* Factum id seculi duodecimi anno trigesimo. Inscribitur opusculum hoc.

ἡ ὑπὸ Ἀλεξίνου συνοψις τῶν κανόνων πάντων. Genebrandus gloriatur habere se fragmentum hujus auctoris, quod inscribitur. συνοπτικός τῶν ὅλων κανόνων τῶν ἐκτεθέντων ὑπὸ τῶν οἰκουμενικῶν ἀγίων ἐξ συνόδων, καὶ τῶν μετὰ τὴν αὐτῶν τοπικῶν. Continet hoc opusculum tantum Epitomen, seu Indicem Codicis Canonum Ecclesiæ universæ, servato ordine priorum conciliorum, Nicæni videlicet, Ancyрани, Neocæsariensis, Gangrensis, Antiocheni, Laodicensi, Constantinopolitani, Ephesini & Calchedonensis, omissa tamen serie seu consequentia numerorum; additis in principio canonibus Apostolicis tum Sardicensibus, Africanis XXI. Trullensibus, tribusque epistolis Canonicis S. Basilii, ut tradit Christophorus Justellus *in Prefatione part. 2. Biblioth. juris ca-*

281. Alexius Aristinus.

282. Ejus συνοψις seu Epitome canonum.

non.

*non. veteris*; qui & opusculum seu compendium hoc Canonum Græce & Latine in eadem Bibliotheca publicavit. Omni arte caret hæc collectio, & videtur tantum in subsidium memoriæ composita esse.

283. Constantinus Harmenopolus.

284. Quis fuerit.

Clari quoque nominis est, qui vixit hoc seculo ad medium procurrente, Constantinus Harmenopolus, in utroque Jure Civili & Ecclesiastico versatissimus; Dignitates ejus indicat titulus, qui præfigitur ejus

epitome divinorum canonum, in quo vocatur πανσέβας & σεβαστός, νομοφύλαξ καὶ κρείττης Θεσσαλονίκης κύριος Κωνσταντίνος ὁ ἀρμενόπολις. Sebastii & Protosebastii dignitates fuerunt sub sequioribus Imperatoribus cognitæ, quales tamen fuerint, id non satis constat, quædam de iis congeffit Jul. Caesar Buleng. *de Imperio Rom. lib. 8. cap. 5.* & Meurs. in *Glossario*, ex quibus tamen vix quidquam colligere possumus, quam dignitates fuisse. Quale quoque officium Nomophylacis Constantinopoli fuerit, id quoque nescimus, vid. Bulenger. *lib. cit. cap.*

285. Quo tempore vixerit.

109. De tempore quo vixit, hæc habet Clarissimus Marquard. Freherus, in *Chronologia*, quam Furi Græco-Romano præfixit. *ad ann. 1143.* Constantinus Harmenopolus, *Fadex Thessalonicensis* hoc ævo vixisse videtur, qui hucusque Principum novellas allegat. Scripsit in ju-

IC



re Civili *περὶ χειρὸν νόμων*, Promptuarium 286. Quid  
scripserit.  
juris vel legum. Quod superioris seculi an-

no 56. edidit & Latine vertit Joannes Mer-  
cerus Professor Rēgius Lutetiæ, postea  
Græce & Latine edidit Dionysius Gotho-  
fredus cum paratitlis ad singulos titulos,  
variis lectionibus & nomenclatore Græca-  
rum dictionum anno 1577. Adscribuntur  
ei in tomo secundo juris Græco Romani  
collectiones tres, legum militarium Ruffi,  
legum Colonariarum, & legum Navalium,  
sed ex conjectura, quia plerumque ejus li-  
bris adjectæ inveniuntur. Ad Institutum

287. Epito-  
me cano-  
num.

nostrum facit ejus *Ἐπιτομή τῶν ἀγίων καὶ ἱε-  
ρέων κανόνων*. *Epitome divinorum & sacro-  
rum canonum*; quam collegit ex codice ca-  
nonum Ecclesiæ Orientalis, seu synodorum  
Oecumenicarum & Provincialium item Pa-  
trum Græcorum canonibus, quarum ratio-  
nem, historiam & numerum cum in Præ-  
fatione breviter tradidisset, collectionis suæ  
Methodum hanc describit. *Τῶν πίνων*,  
inquit, *ἡμεῖς ἔκδομεν ἐν ἑπιτομῇ νῦν ἐν-  
ταῦθα ἀγαλαμβάνομεν, πθέντες ἰδίᾳ πρῶτον,*  
*τὸς περὶ ὁπισκόπων ἀγαλαμβάνοντες, καὶ ὅσοι*  
*τῶν εἰσὶν ἐχόμμοι. εἶτα τὸς περὶ πρεσβυτέ-  
ρων, ἀρχιερέων, καὶ ἐποδιακόνων, καὶ ὅσοι τῶν*  
*ἐχόμμοι μετὰ ταῦτα τὸς περὶ κληρικῶν,*  
*καὶ ὅσοι τῶν ἐχόμμοι μετὰ τὸς περὶ μονα-  
χῶν.*

ναχῶν, ἢ μοναστηρίων· ἢ μετ' αὐτοὺς, τὰς περι-  
 λαϊκῶν, ἢ ὅσοι καθολικοὶ εἰσὶ· ἢ τέλῃ, τὰς  
 περὶ γυναικῶν· ἐν ἑξ τμήμασι τὴν πᾶσαν τῶν  
 κανόνων πραγματείαν περιλαβόντες ἔποιήσα-  
 μνοι. ἕκαστον δὲ τῶν τμημάτων, ὁδηγεῖ φάς  
 πάλιν κέκτηται μερικαῖς, εἰς οὐκ ὀλίγας ἁ-  
 ρμα ἔσχατες ὄρεσι δὲ ζητημύς. His ergo  
 quidquid continetur, compendio nos isto nunc  
 complectimur, collocatis primo seorsum canonib.  
 iis, qui de Episcopis tractant, & quotquot his ad-  
 fines sunt: deinde, qui de Presbyteris, Diaconis,  
 & Subdiaconis, atque his adfines: postea, qui de  
 Monachis, & Monasteriis: ac secundum illos, qui  
 de Laicis agunt, & quotquot sunt generales: in  
 extremo, qui de mulieribus: sectionibus omnino  
 sex universa canonum tractatione comprehensa  
 & absoluta. Harum vero sectionum quaelibet rur-  
 sus particulares habet titulos, ut ratione magis  
 compendiaria, & dilucidior, quod quaeritur,  
 inveniri possit. Inseruit hanc Epitomen in  
 tomum primum juris Græco Romani Jo-  
 hannes Leunclavius, quem credidit Claris-  
 simo Marquardo Frehero, qui publicavit  
 Francofurti, seculi superioris anno XCVI.  
 cum ejusdem Auctoris libro de fectis & ve-  
 ræ fidei confessoribus Græce & Latine.

288. Mat-  
 theus Bla-  
 stares,

Inter Græcos Canonistas citatur & Mat-  
 theus Blastares, quo tempore præcise vi-  
 xerit non satis mihi compertum Anton. Au-  
 gustin.

gustin. in *Præfatione ad antiq. Decretal. Collect.* hæc de eo habet. *Johannes Scholasticus & Photius ambo Antistites Constantinopol. & Matthæus Blastares Monachus, & Constantinus Harmenopulus, & his omnibus brevior Arsenius, sub certis quibusdam titulis sententias canonum comprehendunt: adjectis etiam legum de eisdem rebus decretis, ex quo factum est, ut id genus librorum Nomocanones appellarent. Horum Antiquissimus Johannes est, cognomento Scholasticus, quo Patriarcha Justinianus legum Romanarum Collector est mortuus. Photius Isidoro Hispalensi posterior fuit, Constantinus & Matthæus, Ivone & Gratiano antiquiores non fuerunt. Citat eum quoque inter Nomocanonum scriptores Justellus Pater in *Præfat. ad Cod. Canon. Eccles. Univers. Synopsis ejus conciliorum citat Meursius in Glossario Mixobarbaro. verbo ἀμείνων. In Catalogo manuseriptorum Codicum Bibliothecæ Patriarchæ Constantinopolitani, legitur hic titulus. De legibus Magnum Volumen habens explicationem trium Doctorum, explicantium canones, & leges Imperiales. Initium Johannis Monachi Zonara, deinde Theodori Balsamonis Patriarchæ Antiocheni, postremo Matthæi Blastarii, in charta bombacina. Ego hæcenus nil de eo vidi, nec puto Justellum Patrem aut Filium habuisse hujus scripta; quia Bi-**

289.  
Scripta.

bibliothecæ Iuris Canonici veteris, & aliis Græcis collectoribus non adjunxerunt, procul dubio id facturi si habuissent. Leo Alatius in famoso Tractatu, de Ecclesia Occidentalis & Orientalis perpetua DISSENSIONE, (ita enim rectius inscriptus fuisset ille tractatus quam *consensione*) in indiculo auctorum, & hunc Matthæum Blastarem collocat inter auctores ineditos.

290. Si-  
meon  
Magister  
& Logo-  
theta.

Hoc quoque tempore vixit Simeon Magister & Logotheta, seculo nimirum duodecimo medio, inter Collectores aut Epitomatores canonicos non prætereundus. Eum Aristino posteriorem facit Justellus.

291 Quis  
Magister.

Dignitatem ejus indicat, quod Magister dictus sit & Logotheta. De priore Constantinus Porphyrogenneta in vita Basilii Macedonis; hæc de Basilio refert. Τῆς ἡμετέρας αἰχμαλωτίας τὸν βασιλεῖον ἀμνηστῶς πρὸς ὅπως ἐβόλετο, εὐθείας μὲν τῷ ὄντι τὴν στρατείαν ὑποφωτῶν ὑποποιεῖται τῆτον ὁ βασιλεὺς. Ἐπὶ γὰρ καὶ καθάπαξ οἰκείας γενῆς ἀμοιβῶν, καὶ τῶν μαγίστρων ὑπερλάμπρας πμῆς ἀξιοῖ. ἐφ' ὧν τῇ βασιλείᾳ ῥηγνύμεθ' ὁ λογιθέτης Συμβά-  
τις, ἢ τὰ ἐξῆς. Veruntamen providentia fe-  
vente Basilium, ad id, quod libebat aptissimè,  
illico post illam exercitationem & reditum, Im-  
perator eundem pro filio, quod ipse nullos liberos  
habebat, adoptat, & Magistrorum præfulgente  
dignitate



*dignitate condecorat. His rumpitur invidia Logotheta Symbarius. Ipsi Imperatorum filii ad eam aspirabant. Intimis Imperatorum consiliis admittebantur, magnoque in honore habebantur; Novella prima Romani senioris* *οὐβελήτης & οὐβανείς* *vocat, Cassiod. lib. 6. var. Reverendum honorem sumit, quisquis Magistri nomen accepit. Inter Patritios censebantur, imo postea & supra hos habiti; ante quos & apud Codinum collocantur. Ad* *συμπικνίαν* *Imperatorum aliquando adsciti; nec tantum filii, ut dictum, sed & consanguinei Imperatoris hoc titulo ornati leguntur, vide sis Doctiss: Meursium in Lexico Mixobarbaro in* *μάγιστρος*, *item & Leonem Allatium in Diatriba de scriptis Simeonum. pag. 25. & seqq. item Jul. Cæsar. Bulenger. in libris de Imperio Rom. Logotheta insuper vocatur Simeon, qui duplices in Imperio Constantinopolitano. Ecclesiastici, quorum munus describit Codinus de Offic. ο λογοθέτης εἰς τὸ λογορραφεῖν, & εἰς τὰς δημοσιακὰς ἢ ἀρχοντικὰς ὑποθέσεις λογορραφεῖν. Politici, qui rationes fiscales vel publicas cognoscunt, disceptant & discutunt; quare & discussores aliquando vocantur. Varii & hi fuerunt, vide sis Meursium in* *ἡλικόν & in κερσίπρ & in λογοθέτης*, *item accurate & caute Leonem Allatium, dicta*

292. Logotheta quis.

693. Si-  
meonis  
Epitome  
cano-  
num.

*Diatriba*, pag. 18. & seqq. & cujus ille forte scrinia compilavit. Jul. Cæsar. Buleng. de Imperio Rom. lib. 3. c. 22. de Logistis & Logothetis, lib. 8. c. 11. de Logotheta magno, lib. 8. c. 91. de Logotheta genico seu generali, & cap. 29. de Logotheta cursus, cap. 30. de Logotheta secretorum, cap. 39. de Logotheta gregis, cap. 51. de Logotheta τῶν οἰκετῶν seu privatorum, cap. 57. de Logotheta militaris ararii. Edidit Simeon Magister Epitomen canonum, eodem quo Alexius Aristenus modo, diverso tamen ordine, præmittit Canones Apostolicos, tum quatuor concilia Oecumenica sequuntur, dein particularia, Ancyranum, Sardicense, Neocæsariense, Gangrense, Antiochenum & Laodicense; addidit etiam canones Africanos xxiv. & Trullenses tum Epistolas tres canonicas Basilii. Artis prorsus est expers & tantum ad memoriam scripta collectio. Edidit eam in Bibliothecæ Juris Canonici veteris tomo secundo, ex Codice Manuscripto Bibliothecæ Regiæ Christophorus Justellus Græcè & Latine. Leo Allatius in *Diatriba de Simeonibus & eorum scriptis*, nil de hoc nostro Simeone Magistro & Logotheta habet, sedulus alias sequioris Græciæ scriptorum, antiquitatum & historiæ ruspator, quamvis non semper sine partium studio. Ex



Ex Græcia, seu potius Orientali Imperio, iterum in Occidentem trajiciendum nobis, & quid interea Latini in canonum studio & collectione præstiterint hoc seculo lustrandum. Occurrit hic Clari nominis collector Gratianus, qui, ut Ant. Augustinus in præfat. ad Antiq. Collect. Decret. dicit, *eorum omnium, quos ex collectoribus canonum enumeraverat, luminibus obstruxit.* Fuit is Patria Clusinus, è Thuscianæ civitate. In Pomerio Ecclesiæ Ravennatis & apud Mathæum Westmonasteriensem ad ann. 1151. legitur fuisse *de Classa civitate Thuscianæ*, sed est error vel mendum *Classa* positum pro *Clusio*. Hic error forte inde est, quod alii dixerint fuisse Gratianum Monachum Clusensem prope Ravennam. vide sis Baron. ad annum 1151. num. 6. item Epitaphium, quod infra adducemus. De natalibus ejus variant auctores, quidam spurium fuisse dicunt, & Petri Lombardi, qui Magister sententiarum vocatur, & Antistes Parisiensis fuit, & Petri Comestoris historiæ Scholasticæ scriptoris Fratrem germanum, tresque hos uno puerperio ex adulterio aut scortatione esse profatos. Præpositus in *proemio decretor.* Panciroll. *de clar. leg. interpret. lib. 3. cap. 2. pag. 405.* Addunt etiam, cum Matrem stupri pœnitere non posset, quod

294. Gratianus.

295. Quis fuerit.

296. Nates ejus

tam præclaros Viros genuisset, sacerdotem cui confitebatur iussisse, ut saltem pœniteret, quod pœnitere non posset. Tiraquell. *de nobilitat. cap. 15. n. 32.* Sed hæc ab aliis pro fabulis habentur & exploduntur. *Falso id dici*, tradit Pancirollus *d. l. fundamento cære hanc opinionem.* Bellarm. *de script. Eccles. in Petro Lombardo*, quia in patria non conveniunt; Gratianus enim Ethruscus fuit ex Clusio civitate, Magister Petrus Lombardus ex Novaria, Petrus Comestor, Gallus ex Trevis. Sed alii eludunt hoc argumentum, quod ex diversitate patriæ tantum sequatur, non esse eos tergeminos; non vero, non esse Fratres aut Spurius, cum Mater diversis temporibus & diversis locis cum patribus conventitiis Plautinis consuescere potuerit. Cum monachus Benedictinus Clastensis Monasterii factus esset, sacris literis delectatum dicit in Chronico Martinus, & Alber. in Dictionario. §. *forma 2. quest. 6.* Vixit Bononiæ tempore Conradi III. Imperatoris, cum ibidem Alexander, qui postea Pontifex factus est Romanus, Theologiam doceret. Ad Canones colligendos & ordine artificiose digerendos animum adjecit; & ut quidam volunt in Monasterio D. Felicis, quod probat quoque Epitaphium infra adducendum, item inscriptio quæ legitur

297. Pro-  
fessio.

298.  
Tempus  
quo vi-  
xit.

299. Ubi  
vixit &  
canones  
colle-  
git.

gitur in Aede D. Felicis in saxo vetusto,  
relata à Pancirollo. d. l.

*Hanc ædis partem Lector reverenter adito:*

*Namque loci Monachus Decretum hic condidit  
hujus,*

*Divinum Gratianus opus quantumlibet arcto*

*Contentus septo: quod, reparando caducum*

*Et vetus hoc claustrum, tolli fuit inde necesse.*

*Id tamen Abbate constructum est Bartholomæo,*

*Mille trecentenis decies septem atque quaternis*

*Annis à Christo, pura de Virgine nato.*

Alii in D. Proculi cœnobio, ubi diu vi-

xit, vid. Cœpo. in tract. de cognit. libr. jur.

canon. in princ. & Præposit. in Proem. decret.

Composuit grande illud Volumen Decre-

torum; quod hodie primam partem facit

Corporis Juris Canonici. Obrulit hunc li-

brum Eugenio tertio Pontifici, cui valde

placuit, adeo ut Gratianum Ecclesiæ Clu-

sinæ patriæ præficeret. vid. Martin. in Chron.

& Alber. in Dictionar. Sunt qui probatum

& canonis seu legis auctoritatem accepisse

volunt ab Eugenio tertio; sed nunquam

prolata sanctio ista fuit, neque pro lege

hactenus habitum. Magnæ tamen semper

fuit auctoritatis, & ex eo quod scholis ad

prælectionem datum, posset inferri vis ca-

nonica seu legis. De auctoritate ejus hæc

refert Pancirollus d. l. *Tam postea auctori-*

300. Volu-  
men decre-  
torum.

301. Euge-  
nio obla-  
tum.

302. Ejus  
auctoritas.



tatis fuit, ut vulgo Magister vocatus, maximum in decidendis causis pondus habuerit, etsi velut privati hominis ejus dicta vim legis non obtinent.

303. Bacillarii & Baccalaurei unde dicti.

Itaque qui ejus opus ita edidicisset, ut aliis prælegere posse videretur, baculo velut pro arrha doctrina more Longobardorum accepto Doctoris titulo honestabatur, & à bacillo Bacillarius vocabatur, qui mos tum demum Bononiæ institutus à Parisiensibus, ubi tum Decreta, & summa docebantur, fluxisse fertur, in quorum vetustis Constitutionibus Bacillarii nominantur.

304. Tempus collectionis.

Sed de hoc postea, ubi accuratius Volumen Decretorum Gratiani expendendum est. Quando scripserit Gratianus, discordant Auctores, Trithemius *lib. 2. de Vir. Illust. Ord. Benedicti* anno 1127. scripsisse refert, alii plerique omnes, an. 1251. quam sententiâ confirmat epitaphium Gratiani. Bellarminus utramque sententiam conciliat, *lib. de script. Ecclesiasticis*, conjectura, quæ aliis non displicet, quod anno 1127. incœperit, & anno 1151. perfecit opus seu collectionem suam. Christ. Justellus *in fine præfat. quam Codici canonum Ecclesiæ universæ præmisit* Gratianum decretorum volumen composuisse refert sub Innocentio II. anno 1131; quod proxime accedit ad traditionem Trithemii. Alii editum narrant anno 1150. Calderinus *in præmio Decretal. Cardinal* Alexander

der in *Præfat. Decreti* quos sequitur Valent. Forster. in *histor. Jur. Civil. lib. 3. cap. 7.* Freherus in *Chronol. juri Græco-Roman. præmissa*, anno 1154. Gratianum scribit *Decretum scripsisse*, quod *Decretum Magnum* vocatur. Sed hoc abit ab omnium sententia, qui sub Eugenio III. Decretorum opus editum scribunt, isto vero anno 1154. sedebat Romæ Hadrianus IV. nisi forte Freherus de progressu vitæ & additionibus sit intelligendus. Ex forma Apostolorum, quæ habetur *cap. Post Appellationem 2. q. 6.* videtur colligi posse anno 1161. scripsisse adhuc Gratianum, sed est mendum pro MCLXI. debet reponi facili mutatione MCXLI. ut quoque movent ibidem Correctores Romani, in *notis*, & late Antonius noster August. *lib. 2. Dial. 9. pr.* id satis firmat annus indictionis quartus, qui anno 1161. est septimus; Anno vero 1141. currebat indictio quarta; quod fulcit conjecturam supra relatam diu occupatum fuisse Gratianum in collectione Decretorum. Inscriptit ipse opus suum *Concordiam discordantium canonum*. Vide sis Anton. Augustin. de emendat. Grat. libr. 1. dial. 1. princip. fere, ubi & docet falso *Decretum* vocari. Melius adhuc *Decreta*. Quomodo & Antonius Demochares, qui *Decretorum collectanea*, & Ant. Contius, qui

305. Titulus operis.

306. Ratio  
ejus.

*Decretorum Canonorum Collectanea* inscripsit in sua emendatione; Quia non unum ista collectio complectitur decretum, sed est farrago multorum decretorum. Idem firmat Henr. Gandavensis de Scriptor. Ecclesiast. cap. 44. *Gratianus*, inquit, *Monachus, Bononia habitans, Codicem, quem Decreta vocant, compilavit. Quare vero ipse Gratianus inscripserit concordiam & quidem discordantium canonum ex fine ejus satis patet. Videbat Ecclesiastica decreta & canones sibi invicem contrarios, diversos, dissidentes, inter hos dissidentes concordiam ille instituere voluit. Aliter quam olim concordia canonum accipiebatur, nempe pro collectione similium sententiarum: hic autem à Gratiano significat, dissidentium canonum conciliationem. Animadvertit id quoque Ant. Augustin. lib. 1. de emend. Grat. dial. 1. pag. nostr. edit. 5. Ad Gratianum, inquit, redeamus, in ejus libris veteribus illa inscriptio est, quam audisti: Concordia discordantium canonum. Similem legi Romæ in veteri libro Cresconii: Concordia canonum, & ipsi canones. C. Quid est, quod his verbis significare voluerunt? an putandum est, canones conciliorum ita esse inter se contrarios, ut egeant concordia? A. Quantum ego potui ex Cresconii libro elicere, concordiam vocat collectionem similium*



miliū sententiarum, ut qui scripturæ sacræ verba collegerunt, Concordantias Bibliæ appellarunt; quibus verbis, quod pace vestra dicere liceat, nihil excogitari potest ineptius. C. Gratianus igitur sic Concordiam dicit, quasi collectionem similium canonum. Cur vero addit vocem discordantium, quæ sola refugit hanc interpretationem? *A.* Vere tu quidem ais. Nam si inscripsisset, Concordiam canonum, ut Cresconius fecit; aut Concordiam concordantium, & discordantium canonum: hanc reciperet interpretationem. Nunc vero significare videtur, concordiam inter discordes versari. Gratianum ad Collectionem Decreti accessisse putant correctores Romani ejus, in *Admonitione ad Lectorem*, ex consilio Ivonis, qui in *Præfatione* suæ collectionis quædam de conciliatione discordantium canonum tradiderat, ipse vero neglexerat. Verba eorum sunt hæc. *Novissimus istorum omnium præter authorem Pannormiæ* (nam is recentior fortasse est) *Gratianus monachus Benedictinus non tantum decretis colligendis* (quod superiores fecerant) *operam dedit: sed Ivonis fortasse præfatione excitatus, eo potissimum incubuit, ut certis questionibus propositis, quid in utramque partem ex Canonibus qui inter se nonnunquam pugnare videbantur, dici posset, ipse & afferret, & explicaret: omninoque eorum varietatem,*  
*quæ*

307. Quid  
eum ad  
colligen-  
dos cano-  
nes impu-  
lerit.

*qua speciem diffensionis habebat, ad concordiam revocaret. Caterum in longo ac perdifficili opere multa à parum aquis hominibus exagitabantur, nonnulla pii etiam & verecundi interdum desiderabant. Antequam ejus decretorum volumen penitus lustremus, videndum exactius quam supra factum, cujus sit auctoritatis. Hic diversæ sunt Doctorum sententiæ. Quidam in utroque extremo, alii in medio incedunt. Seu aliqui legis Auctoritatem aut saltem canonis, alii prorsus nihil, aut saltem non magis quam privo Doctori tribuunt, nullam obligandi vim. Tertii dispescunt collectanea ex fontibus, & pro diversitate eorum, diversam attribuunt auctoritatem. Illi qui primam sententiam defendunt, id non faciunt pari modo. Alii iterum simpliciter adserunt ab Eugenio esse approbatum. Inter quos est Anonymus Auctor vitæ Gratiani & Trithemius, descript. Eccles. à quibus hoc in alios manavit, & accepit Gesnerus & Simlerus in Bibliotheca & alii: sed ut supra monui ipsa approbatio nusquam comparet, aut à nemine producta unquam est, aut visa, quare alii ad consuetudinem confugiunt & per eam conciliant Gratiano auctoritatem. Abbas Panormitanus in c. 2. x. de rescript. Sed ego dico, inquit, ex quo ille liber communiter à multis*

308. An  
pro lege  
aut canone  
valeat de-  
cretorum  
volumen.

309. Variæ  
sententiæ  
hac de re.

à multis annis circa fuit publice lectus in Scholis, & ipsius dicta communiter recepta sunt, hodie tacite approbata & per omnes recipienda. Ejusdem est sententiæ Robb. Maranta de Ord. Judiciorum part. 3. n. 34. Quidquid sit, ait, quia est communiter approbatus à populo, & publice legitur in Scholis sicut alii libri authentici, ex hoc censetur authenticus, & facit plenam fidem. Huc inclinat quoque Paulus Layman. lib. 1. Theol. Moral. tract. 4. cap. 6. §. 3. n. 12. qui consuetudine refert Decretum Gratiani receptum est; Dicta vero Sanctorum Patrum, sunt verba ejus, ipsiusque Gratiani ac Paleæ, quæ ecclesiasticis regulis ac moribus non repugnant, licet per se nullam juris auctoritatem habeant, (cum in jure cõdendo, causisque definiendis non sola scientia sed magis etiam potestas necessaria sit juxta c. 1. dist. 20.) nihilominus consuetudo obtinuit, ut in externo foro etiam illa ad causarum decisionem interserviant. Vim quoque legis tribuit Vallenſis ei, in Præm. parat. §. 8. n. 12. Maxime cum Gregorius XIII. summus Pontifex reliquis partibus juris illud annumeraverit, atque adeo recognosci, corrigi ac repurgari & retineri mandaverit, non est, quod in hac parte amplius laboremus. Adde ſis, Cardin. Tusch. conclus. 170. verb. Jus Canonicum. Sed statim ille, non minus ac ipse Laymannus, suæ adſertionis oblitus,

oblitus, iterum resolvit in sua principia, & sic iterum Gratiano adimit omnem auctoritatem, quemadmodum etiam Laymannus, qui tantum probat, quantum *ecclesiasticis regulis bonisque moribus non repugnat*; cum pro ecclesiasticis regulis protrudantur Gratiani decreta, verseturque hoc in quaestione. Verba Vallensis *l. d.* sunt hæc. *Modo tamen singula, quæ in eo comprehensa sunt, ad suos fontes & origines revocentur, eo quod ratione auctorum, è quibus decreta adsumuntur major vel minor sit auctoritas. Si usus & consuetudo firmavit, tum firmavit omnia, & par omnium est auctoritas, eaque ex consuetudine, non ex fontibus & Origine; si Gregorii XIII. auctoritas hic legem facit ex dictis Gratiani, & ansam amplius deliberandi, ut ait Vallens. præcidit, jam pariter toti collectioni conciliat. Quare melius alii huic consuetudini & auctoritati contradicunt, inter quos est Fr. Suaresius de Legib. lib. 4. c. 5. n. 7. Consuetudo, ait, quam allegant, non est in sensu juxta conceptum communem sapientum introducta. Vid. & Zoesium comm. ad Decret. n. 10. in præfat. Quare & alii quoties libet, & si aliter elidere objectiones ex Gratiano non possunt, ejus auctoritatem rejiciunt. Vid. Boetium Epo. lib. 2. de jure Sacr. num. 135. Petr. de Marca. de concord. sacerdot. & Imp. lib. 3. c. 6.*

n. 2. apposite. Cum Gratiani, inquit, collectio privato studio instituta sit, quæ refert auctorum testimonia non majore polleat auctoritate, quam antea obtinebant. Alii contra veteres & recentiores plenis buccis in ejus errores debachantur, quod Mascule facit Antonius August. passim in dialogis, vid. lib. 1. Dial. 1. item 16. & seqq. Bellarmin. de scriptor. Eccles. in Gratiano. Adde Gloss. ad c. Paulum 7. q. 3. Joh. Andr. ad c. 2. de re-script. Alber. Gentil. de lib. Jur. Canonici cap. 2. Tertia sententia, in quaestione de auctoritate Gratiani, dispescit ejus capita quadrifariam & diversimode de singulis respondet. Marant. de ordin. judic. part. 3. n. 35. Latius Augustinus Barbosa ad Præm. Decret. n. 6. Prima classis continet dicta Patrum, secunda verba Gratiani, Tertia Paleas, Quarta jus Civile. Addi quinto possunt canones Conciliorum & Decretales Pontificum Romanorum, nisi sub prima classe velis complecti, & Patres in privos, seu singulares vel simul congregatos dispescere, quæ & mens est Barbosa. Privos iterum in eos qui arrogant summam sibi auctoritatem, ut facit Pontifex Romanus; & minorem, quo referendi Patriarchæ Metropolitanis, & Episcopi; & nullam, quales sunt cæteri Patres, qui scriptis Codices

310. Fontes Decretorum.

**Sacros**

Sacros aliaque dogmata Ecclesiastica, illustrarunt. Barbosa in prima Classe dictis Patrum ex consuetudine, non per se vim legis defendit. Nos melius cum Augustino Viro supra invidiam Magno, c. 3. & c. 5. Dist. 9. negamus, quæ sodes inspicere, & ad-  
 junge hæc Suaresii, ex lib. 4. de legib. cap. 5. n. 6. & 7. Dicendum est, sententias seu dicta sanctorum per se & quatenus nituntur autoritate eorum, non habere vim legis. Et ratio est, quia lex non est actus doctrine tantum, sed potestatis. Sancti autem Patres non habebant potestatem hanc, neque etiam hanc intentione talia scripta tradebant. Dixi autem per se & quatenus eorum autoritate nituntur, quia interdum ipsi testificantur de præcepto vel à Christo vel ab Apostolis tradito, vel Ecclesiæ traditione introducto, & nunc ex illis colligitur præceptum tanquam ex testibus, non tanquam ab auctoribus. Unde juxta modum, quo de re aliquâ seu obligatione testificantur, & juxta majorem vel minorem consensum Sanctorum inter se, eo majorem vel minorem fidem efficiunt. Adde præterea, sententias Patrum non accipere vim legis, ed quod à Gratiano in suo Decreto insertæ sint, nisi ab aliquo Pontifice fuerint canonizata, ut inter Decretales aliquando inveniuntur. Ratio est, quia nec Gratianus habuit potestatem dandi vim legum, neque Pontifex aliquis pro legibus approbavit.



probavit omnia, quæ in illo decreto continentur. &c. Et Doctissimi Dalæi tractat. de usu & auctoritate Patrum passim, potissimum lib. 2. cap. 2. Sub ista classe continentur & conciliorum canones, quæ Barbosa pro legibus habet; quasi Patres in concilio congregati habeant potestatem condendi Canonis; nos melius edocti supra num. marg. 13. Conciliis potestatem legislativam abrogavimus, declarativam adseruimus, quid nempe cum Scriptura sacra conveniat. Prima itaque quaestio in obligatione conciliorum esse debet, utrum sit conforme Sacrae Scripturae, & tum obligat, non ex auctoritate concilii, sed divina. Animadvertit id Gratianus ipse c. placuit. 36. qu. ubi recitato canone concilii Aquisgranensis, quod raptor raptam ne quidem cum voluntate Parentis ducere possit; subjungit. *Hæc auctoritas non præjudicat auctoritati Hieronymi, maxime cum illa testimonio divine legis nitatur.* Tandem tertio Epistolæ decretales summorum Pontificum, ex hypothese Pontificiorum, à Barbosa ob imaginariam illam summam ejus potestatem, pro legibus habentur. Quam quia negant, & solide destruunt Protestantes, concidit quoque earum auctoritas. Neque majorem in sua diœcesi suburbicaria olim habuit illæ auctoritatem, quam quilibet

311. Conciliorum canones cujus auctoritatis sint.

312. Epistolæ decretales.

libet alius Episcopus in sua. Ut vera sit hic Augustini adsertio, *libr. 2. de Baptismo contr. Donatist. cap. 3.* quam refert Gratian. *c. quis nesciat. dist. 9.* Quis nesciat sanctam scripturam canonicam tam veteris, quam novi testamenti certis suis terminis contineri, eamque omnibus posterioribus Episcoporum litteris ita proponi, ut de illa omnino dubitari, & disceptari non possit, utrum verum, vel utrum rectum sit quidquid in ea scriptum esse constiterit? Episcoporum autem litteras, quæ post confirmatum canonem vel scriptæ sunt, vel scribuntur, & per sermonem forte sapientiore cujuslibet in ea re peritioris, & per aliorum Episcoporum graviolem auctoritatem, doctioremque prudentiam, & per concilia licere reprehendi, si quid in eis forte veritate deviatum est? Vid. & Caspar. Ziegleri disert. de Jur. Canon. origine. sect. 44. & anteced.

313. Item  
Gratiani  
dicta cu-  
jus auct.

Secundo occurrunt ipsius Gratiani verba, quibus solet connectere capitula & canones; item ordiri distinctiones suas & quaestiones, easque distinguere in partes; conciliare discordantes canones. De hisce Barbosa sic judicat. Auctoritas Gratiani compilatoris hujus voluminis à nullo Pontifice reperitur approbata, nec est authentica. Nihil itaque tribuit Gratiano Barbosa, cum inter Patres eum numerare potuisset, & eandem

ci

ei tribuere auctoritatem. Sed hoc forte facere noluit, quia cum Bernardo fere Patres exspirarunt, & sequentes scriptores vix inter Patres numerentur, quanquam & ipse Gratianus cum Bernardo Abbate Clavallensi, qui A. D. 1153. obiit, vixerit. Non tamen in Album Sanctorum relatus est, ut Bernardus, quod ei auctoritatem patris conciliaffe videtur. Quidquid sit, ex hypothefi Pontificiorum majorem Gratiano auctoritatem deferre debuisset Barbosa, maxime cum opus ejus publice in Scholis prælegatur, & à Pontificibus publice prælegendum fit datum. Plus ei adhuc defert Casp. Ziegler. in d. disertat. sect. 45. *Non rejicimus testimonium Gratiani historicum, quatenus facit ad cognitionem doctrine eo tempore publice in Ecclesia tradita; verosimile enim est, eum bene novisse, quid sua ætate in capitulis fidei & disciplina morum statuerit Ecclesia, & hinc non privatam, sed publicam retulisse de rebus religionis sententiam.* Paucissima tamen sunt, quæ Gratianus de suo addidit, ut verum sit Petri Gallefii judicium apud Ant. August. lib. 1. dialog. 1. pag 9. *Non is sum, inquit, qui opera pretium esse existimem, tam multa de solo Gratiano dici. Hic enim, ut nosti, & ut facile omnes concedunt, compilerator insignis, nihil fere habet valde utile, quod proprium di-*

cere possis : sed cornicula illi similis , ut est in fabulis , risum scientibus , admirationem ignorantibus movet. Si verba consideres ; nihil illotritius ; si artem requiras , & ordinem docendi , frustra laborabis. Ita multa refert alieno loco ponenda , ita pro certis incerta constituit ; ut malis illa eadem in ipsis libris non solum conciliorum , sed etiam Burchardi , & Ivonis , & aliorum collectorum requirere. Itaque dum tu quid apud Gratianum mutandum sit , dices ; in veteri me confirmabis opinione , qui frustra hunc scriptorem mendis purgari putem.

314. Paleas unde dicitur.

Ad tertiam speciem transeo , ad Paleas , quæ in Opere Gratiani occurrunt. Hic variae Doctorum sententiæ , opiniones , aut potius conjecturæ occurrunt , quare ita inscriptæ sint. Quatuor diversas recenset Guido Pancirollus , de claris leg. interpret. lib. 3. cap. 2. Cum vero Gratianus , librum Eugenio III. Pontifici offerendum Romam detulisset , Cardinali cuidam viro alioqui erudito , sed ambizioso , cujus opera ad Pontificem introduci volebat , legendum tradidisse fertur. Ille alienam laudem in se transferre cupiens , volumini quædam à Gratiano omissa , inseruit , seque operis auctorem esse jactitabat. Monachus , hominis fraude intellecta , additiones illas paleas esse respondit , quæ grano alibi condito inanes reddebantur ; Paleam enim veteres Theologi literam fru-

Etia

*Aut carentem, vel sterile opus vocabant. Theoph. in Naum Prophet. cap. 3. Itaque capita illa postea semper pro paleis sunt inscripta. Cæpo. in d. tract. Alij paleas ab eodem Cardinali Po-capalea nuncupato, quo nomine etiam hodie oppidum in Subalpinis, & familia vocatur, dictas fuisse censent. Nonnulli à Palea Gratiani discipulo, Imol. in R. de verbo. oblig. sub n. 5. qui diversas ejus libri inscriptiones quandoque etiam improbatas fecit, Specul. in tit. de disput. & allegat. §. ult. in fin. Cæpo. in d. tract. n. 14. Præpos. Alex. in præm. decret. Jas. in rub. de actio n. 12. paleas nominatas fuisse autumant. Nec desunt, qui hæc fabulosa existimantes, Decreta, quedam novissimè adjecta, velut suspecta, & fide carentia, paleas appellatas fuisse credant, opus, quod Patrum, Pontificumque Decretis scateat, Decretum inscriptum fuit. Huic posteriori sententiæ videtur accedere Jacob. Cujacius ad. cap. 1. x. de despons. Imp. qui tamen & suam quintam sententiam adjicit. Paleæ nomine quidam significari putant, quod cassum est, & irritum, ut cassa pælearum dixit Solinus in India. Itaque Paleam dici per contemptum canonem nullius fidei vel auctoritatis, ut apud Joannem Cremonensem ad Abbatem Urspergensensem Imperator Fridericus, qui Alexandro III. valde insensus erat post Alexandriam conditam in Liguria de-*

nomine Alexandri III. eam Paleam vocat, quasi factam ex cassis palearum, ex stramine. Equidem verius puto, hoc nomen præponi antiquioribus canonibus & decretis, & scribi debere cum diphthongo Palea, quia & in Basilicis sæpe video παλαιὸν nominari simpliciter antiquum. Interpretem, & ita hanc constitutionem cum sit Hormisdæ, qui ex antiquioribus Pontificibus est, recte Paleam appellari. Refert hanc eandem sententiam posteriolem Cujacii Ant. Con-  
 titus, ad c. 2. dist. 5. Sed suam sextam conjecturam addit. Cur hoc, inquit, & pleraque capita sic inscribuntur, sæpe etiam inter doctos dubitari animadverti. Qui rectius sentire & sapere existimantur, quasi παλαιὸν i. e. antiqua nuncupata volunt. Ego autem paleam inscribi hoc caput existimo, & cetera similia, quia addititia sunt, nec à Gratiano primitus huic libro inserta, sed ab interpretibus, prout cuique commodum videbatur, ad marginem Gratiani adscripta, & plerumque in emendationibus & antiquioribus exemplaribus prorsus omissa. Cui rei fidem facit antiquum Gratiani exemplar, quo in hoc emendando usus sum, in quo pleraque ejusdem palea desunt. Plerasque fere sententias recensent, & tandem quid ex collatione Manuscriptorum observaverint, addunt, Emendatores Romani, in Prefatione Gratiani ad Lect. De nomine Paleæ sunt varia doctorum hominum



hominum sententiæ. Multi ea capita, in quibus res inanes ac leves continerentur, hoc nomine appellari censuerunt: alii quasi τὰ παλαιὰ, id est, antiqua: alii quasi additiones quasdam, derivata aut potius depravata voce ab adverbio πάλιν, id est, rursus, quo scriptores etiam Latini tempore Gratiani uterentur. Verum Joannes Andrea in additionibus ad Speculatorem, titulo de Disputationibus & Allegationibus prope finem (quem Imola in Rubrica de verborum obligationibus, Alexandrinus in procemio Decretalium, Fafon in Rubrica titulo de Actionibus, & alii sunt secuti) putat, quendam Protopaleam, quem Fafon addit Cardinalem fuisse, collectioni Gratiani capita hæc adjunxisse. Atque ut in re tam incerta aliquid elici conjectura possit, exponetur, quid in collatis exemplaribus observatum fuerit. In tribus, quæ sunt antiquissima, & videntur scripta paulo post Gratiani ætatem, paucissima ex hujusmodi capitibus habentur. In uno valde emendato sunt apposita in margine sine ulla nota, sed non omnia quæ in impressis: quamvis vicissim in illo additiones aliquæ sint, quæ in his non habentur. In alio litteris perantiquis descripto Palea ipsa recentiori scriptura toti volumini præponuntur. In cæteris habentur aut omnes, aut pleraque: & partim quidem cum palea nomine, partim verò sine ullo à cæteris capitibus discrimine. Ex qua observatione illud videtur posse col-

ligi, has paleas esse additiones non eodem tempore factas ad primam collectionem Gratiani, in margine primum adscriptas, ac nonnullas fortasse ab ipsomet Gratiano (ut fit) inter componendum, aut relegendum: quas deinde librariorum quidam omiserint, quidam in contextu posuerint, interdum conjunctè cum prioribus capitibus, interdum cum aliquo discrimine. Falsam verò esse illorum opinionem, qui eas contemnendas putant, ex eo constat, quòd multæ & in Decretalibus, & apud vetustiores Gratiani collectores habentur: quod suis locis indicabitur. Septima sententia est eorum quos refert Hiliger. Donelli Enucleati lib. 26. cap. 2. lit. A. pag. mihi 1394. & seqq. cum Gratianus librum suum Eugenio III. Pontifici obtulisset recognoscendum, hanc vocem *Palea* adscriptam esse. Papam enim veluti asterisco notasse, quæ nulla auctoritate valitura, ut sicuti *Palea* ad grana vilia sunt, ita capita ista omni pondere careere innueret Gibbert. Reg. I. Enantiop. 25. Octava sententia est, Curtii de feud. quest. 1. Quatenus, inquit, ratione non iuvantur dicta Gratiani, dicuntur *Palea*. Quæ omnes meræ sunt conjecturæ, ut cuique liberum sit accedere, quæ ei maxime probabilis videtur. De Auctoritate eorum constans est fere omnium sententia, non multum iis deferendum esse, nec esse integræ auctori-

§ 15. Cujus  
sint aucto-  
ritatis.

auctoritatis. Correctores Romani, ut jam  
 relatum non contemnendas censent, quia  
 multæ in Decretalibus & vetustioribus col-  
 lectionibus sint. Ad quæ regerit. Alber.  
 Gentil. de libr. Juris Canonici. cap. 2. prope fin.  
*Verum & aliud est contemni, aliud non allegari*  
*pro authenticis; Illa, c. 14. dist. 96. qua tri-*  
*buit Constantinus magna omnia Romano Ponti-*  
*fici, licet sit palea, & pro palea inseratur, mul-*  
*tum tamen tritici attulit Ecclesiæ, ut de Imola*  
*relatum aliquando legi.* Rubr. de verb. ob. Al-  
 ciat. 12. part. 3. hæc habet. *Constat consen-*  
*su omnium, ea quibus talis est inscriptio, certa*  
*fidei non esse, neque ceu authentica allegari posse.*  
 Paria fere habet Arthur. Duck de Auctor.  
 jur. lib. 1. cap. 7. sect. 3. *Sunt in decreto, quæ*  
*Palex dicuntur, nullamque juris auctoritatem*  
*habent, sive fuerint ipsius Gratiani sive alterius,*  
*de quibus varia tradunt interpretes.* Felinus in  
 cap. ex part. de rescript. Curt. de feud. qu. 1.  
 Marant. p. 3. n. 31. Alciat. 12. parerg. c. 3.  
 Mart. de jurisd. p. 1. c. 30. *Easque paulatim*  
*irrepisse in codicem Decreti, & paucissimas in*  
*libris antiquioribus reperiri.* Et de iis est hæc  
 adsertio Alber. Gentilis in dissert. de libr. jur.  
 canon. cap. 2. in fin. *Verum est crevisse paleas*  
*cum Gratiani collectione. Etiam in Gratiani li-*  
*bris omnibus non eadem sunt; pauciores in vetu-*  
*stioribus sunt. Hujus autem Palex qui discipulus*  
fuit

fuit Gratiani. Speculator de disp. ubi Joh. Andr. Imol. d. rat. de V. O. Cœp. de lib. jur. can. Alb. l. i. c. de fi. do. de. Alc. l. i. si cert. pet. Si rubrica decreti sunt ; sive ipsiusmet Gratiani, non obligant : etsi perfectam habeant orationem : quæ & falsa aliquando sunt, neque Pontificum, neque conciliorum sunt. Ad Cœpollam, qui habet rationes plures ; Ad Alciatum qui negat, quod & alii faciunt ; Gratiani. Et sic quoque de paleis, quæ in Decreto. Nam quæ sunt in Decretalibus, eæ vim habeat legis. Ex quibus & aliis pluribus, quæ adduci possent, patet ; neminem Paleis multum detulisse, sed nomini parem virtutem apud omnes fere retinuisse.

316. Legum auctoritas in decreto.

De legibus civilibus, quas Gratianus in Decretum suum retulit, non est opus late disquirere cujus sint auctoritatis ; retinuerunt eæ suam vim in decreto, quam habuerunt à Majestate Imperatoria extra decretum. Quanquam Barbosa iis deneget vim juris Canonici, nisi sint per canonem approbatæ. Fecit hoc ut recentiori Pontificiorum sententiæ inserviret, quæ Papam & leges Papales supra Imperatorem & omnes ejus leges, contra scitum Apostoli Rom. 13. 1. effert ; secus quam olim factum est. Sed hæc alterius loci sunt.

317. Pseud-epigrapha

Hiscæ quatuor adde multa falsa, spuria, conficta,

conficta, aliis supposita, quæ Gratianus si-  
ne ullo judicio in suum opus corrasit; vel-  
uti supposititias illas Epistolas Pseudo-Isi-  
dori Mercatoris, quas integras fere descri-  
psit: item Pseudepigrapha quæ affinxit pri-  
mis urbis Episcopis, quorum omnium ac-  
curatissimum & bene longum Catalogum  
contextuit Doctiss. Blondellus *cap. 18. in fi-  
ne fere. Pseudo-Isidori vapulantis*, quem vide.  
Quæ cujus auctoritatis sint, jam satis supra  
disquisitum est in Pseudo-Isidori colle-  
ctione.

suppositæ  
& confictæ  
quæ in de-  
cretum re-  
tulerit Gra-  
tianus nul-  
lius sunt  
auctorita-  
tis.

Judicia de Gratiano sunt varia. Quidam  
laudant, quidam taxant & vituperant, qui-  
dam ferunt & tolerant. Passim in eum in-  
surgit Anton. Augustin. *in libris de ejus E-  
mendatione*, qui aliquando totum opus una  
litura deletum cuperet; aliquando iterum  
paucis excusat. Vehementer insurgit Ant.  
Contius *lect. cap. 10. ubi errorum monstra  
quædam*, ut vocat, recenset. Alii vero excu-  
sant, alii laudant; Apologeticum ei scripsit ex  
professo Joh. Chiffletius | C. Vefontinus, *in  
Apologetica dissertat. de utriusque jur. Architect.  
cap. v.* Sed qui satis exilis est; In Gratia-  
num debachatur Johannes Molynæus, quem  
supra Decretum Ivonis edidisse diximus;  
contra eum amarissime insurgit Boëthius  
Epo, *de jur. sacr.* qui Gratianum defendit,  
& Mo-

318. Judi-  
cia de Gra-  
tiano.

& Molynæum prævaricatorem vocat in sua professione. Ut Ivonis decretum quod ediderat extolleret, dicit, Gratiani depressisse. Longa nimis sunt ipsa iudicia, quam ut hic inferi possint. Unum atque alterum subijcio. Nobilissimus Mornæus in *Mysterio iniquitatis*, pag. mihi 285. edit. Gorichem. de Gratiano hoc habet. Per idem etiam tempus, Gratianus Decretum consarcinat, non scilicet quam *Pandectas Justinianus*; ex Canonibus & Decretis antiquis, quæ quidem ipse pluribus locis ad temporis corruptelam accommodat, Romana ambitioni præsertim servire cogit: quamquam multa nobis vestigia relinquit, quorum ope, antiquam Ecclesiam & doctrinam & praxim investigare sedulo quærentibus datur. *Aventinus* sanè antiquitatis studiosissimus nobis auctor, ante Gratianum *Sus* Canonicum longe diversum fuisse: Etenim, inquit, uti est in nostris Bibliothecis sincerum, duas continet partes, prima, Acta sunt universorum Conciliorum, quæ quidem recepta esse constat; altera, Constitutiones, Epistolas, Rescripta maximorum Pontificum complectitur, ut quæque gesta fuere: causæ, adfessores, testes, adductis locorum temporumque momentis, commemorantur. Quod utinam ab hoc labore abstinuisset; & hoc interim *Eugenius* approbat, & in omnibus universitatibus legi jubet, haud dubie



*Subiè quia sub unius Pontificis jugum universam Ecclesiam redigebat ; Bernardi Consiliorum in libris de considerationibus quàm parum memor. Eadem methodus Petri Lombardi, (Is Gratiani frater) in 4. Sententiarum libris, quas ex Patrum locis hinc inde collectis, in certum ordinem compingit, quos & ipse immutato, omisso, addito interdum aliquo verbo, scenæ servire cogit, ad corruptam avi sui Theologiam inflectit ; ut deinceps unus Gratianus consulatur, unus in scholis prælegatur Lombardus ; In his tota seu Jurisprudencia, seu Theologia Christiana posita sit ; fontem repetere in sacris veteris & novi Testamenti scripturis, in Patrum adeo monumentis antiquiorumve Conciliorum actis, nemo dehinc curet ; penitus rem introspicere heresis censeatur. Huic subjicio judicium Magni Erasmi in libro singulari antibarbarorum. Gratianus de quibusdam quæstionibus in utramque partem disputat, & quidem pari copiâ, parique facundia : quod idem olim Gorgiam, & Carneadem fecisse legimus. Lectori autem, ubi jam longâ lectione cerebrum vertigine rotari, & caligare acies cœperit, non multò certior surgit, quàm Demipho ille Terentianus, qui ex tribus advocatis consultis, cùm unus suasset, alter negasset, tertius deliberandum censuisset ; Fecisti, inquit, probè, incertior sum nunc multò, quàm dudum. Et Hotomanni in Bruto fulmine Six-*  
*U V.*

ti V. Et tamen execrata illa Pape Symmachi blasphemia paulò post in c. multi. Chrysostomi verbis coarguitur. Ex quo, & sexcentis aliis Gratianici decreti locis, de illius libri stultitiâ estimari potest. Vide alia apud Sleidan. lib. 3. de quat. summ. Imp. Adde sis Flaccium Illyricum in Catalogo test. veritat. pag. mihi 630. & seq. editionis novæ Francofurtensis anni 1666. in antiq. vero p. 704. Ubi Gratianum inter quatuor Satanæ Apostolos collocat. Anton. Augustin. de emend. Grat. lib. 2. dial. 17. Stupidum hominem fuisse dicit, multisque in rebus nihil vidisse; Adde quæso integrum locum.

319. Non omnino rejiciendū opus Gratiani, ejus usus indicatur contra Pontificios.

Non tamen meo judicio integrum opus Gratiani penitus abolendum aut omni utilitate carere censeo. Sunt in eo multa quæ historiam, ut supra dictum, ejus & anteriorum temporum juvant. Sunt multa quæ erroribus Pontificiorum contraria sunt, & multa ipsam Pontificis Majestatem oppugnant, & convellunt, etiamsi contra intentionem forte scribentis, qui in promovenda Monarchia Pontificia multum momenti attulit; Quod solide & accurate demonstravit Magnus JurisConsultus Innocentius Gentiletus Delphinus, in *Apologia pro Ecclesiis Reformatis*. In qua controversias quæ inter Protestantes & Pontificios agitari solent,

lent, solidissimè & feliciter satis decidit. Specimen hujus rei quoque edidit ex Johanne Hallero, Alstedius Encyclop. lib. 25. Theol. sect. 4. cap. 4. ubi ideam exhibet symphonix Catholicæ Juris Canonici seu Decreti Gratiani, cum scripturis Canonicis in xxxv. capitibus religionis majoris ponderis. Quæ sola ratio Studiosos, interque eos etiam potissimum Theologos excitare debet ad studium Juris Canonici, ex quo, tanquam armamentario arma sufficienter contra adversarios promere, eosque proprio gladio conficere possunt. Hæc causa est, quare sæpe vapulet Gratianus apud Theologos Pontificios. Videatur Baron. ad Ann. 774. §. 4. & 964. §. 4. Huc facit Delirii testimonium; Neminem, ait, qui *jus Ecclesiasticum vel à limine salutavit*, ignorare posse multa in Decreto haberi, quæ postea Decretalibus, Sexto, Clementinis & Extravagantibus abrogata fuerunt; nonnullaque à Gratiano per errorem inserta esse quæ cum veritate pugnare deprehenduntur. Neque minus Apostasiæ, sortidum, absurditatum multarum ex decreto convinci potest Ecclesia Romana. Specimina vide c. dilectiss. 12. q. 1. ubi communio inducitur omnium rerum, etiam ex republica Platonica, conjugum. c. is qui. & cap. Christiano dist. 34. concubinatus permittitur.

Sed

320. Operis Gratiani consideratio ejusque partes.

321. Dubitant quidā an de pœnitentia & consecratione, sint tractatus Gratiani.

Sed vocat nos tempus, ut, ipsum Gratiani opus aggrediamur. Dispersit hoc in partes tres, prima continet distinctiones centum & unam; secunda habet causas triginta sex, & quælibet causa suas varias quæstiones. Post quæstionis trigesimæ tertiæ, quæstionem tertiam, immiscetur tractatus de pœnitentia, qui absolvitur septem distinctionibus. Tertia pars voluminis est de consecratione, quæ absolvitur quinque distinctionibus. De duabus istis posterioribus tractationibus pœnitentia nimirum & consecratione, à quibusdam dubitatum esse, an sint à Gratiano scriptæ, didici ab Ant. Augustino, lib. 1. de emend. Gratian. dial. 18. causa est, quia iis non satis orthodoxus videtur in duabus hisce partibus Gratianus; & magis imaginarium illud, sed utilissimum Pontificiæ Monarchiæ Sacramentum pœnitentiæ evertere quam stabilire. Ipsum Augustinum audiamus, pag. 288. sed præcedentia addi debent. B. *Vis dicam, quod sentio?* A. *Quid est, cur opus sit, veniam petere?* B. *Tota hæc distinctio plus nocet nobis, quam prodest. Male autem incerta sunt hæc, ut quæstio tertia causæ xxxi. & postea alia quæstiones, & causæ additæ. Præstitisset de pœnitentiis post omnes causas ante tractatum de consecratione conscribere.* A. *Sunt, qui putent hos*  
duos

duos tractatus non esse Gratiani, quamvis Gratianus ipse aliquot locis in causis eorum faciat mentionem; & in quibusdam libris non esse distinctos capitibus separatis; numeris autem capitum certum est nullum Gratiani volumen fuisse distinctum ante Contianam editionem. C. Cur tu eos numeros non sequeris, sed aliam rationem? A. Ego numeros addidi ante eam editionem; neque divinare potui, quid in ea scripturus esset Contius. Varietatis causa est, quod ille caput secundum appellat, quod ego primum esse puto. Principium enim questionis primum caput appellare nolui, quotiens verbis Gratiani constat. Est etiam alia varietatis causa in capitibus Pallea nomine adscriptis, quæ ab eo nonnunquam omittuntur, aliquando numerum augment. Sed quid Romani selecti viri de hac prima distinctione statuunt? B. Hæc verba in scheda inveni. Tractatus hic de pœnitentia non videtur esse Gratiani, sed alicujus paulo antiquioris, & totus huc videtur translatus. deestque in exemplaribus antiquis. A. Non esse antiquioris Gratiano apparet, quia multa ex Digestis adfert, & ex aliis libris juris civilis, quæ omnia sunt Gratiani tempore quasi postliminio restituta. B. Nimiis est in his referendis, & valde ineptus. sed alia verba referam selectorum virorum. Verbis Gratiani in extrema hac distinctione: Cui autem harum &c. hac adscribi jus-

*hi iusserunt.* Errat in hoc Gratianus. & non est dubitandum, quin peccata mortalia, quantumcumque occulta, sacerdoti secreto sint confitenda: & nullus defendit alteram opinionem, quam quisq; voluerit. Hæc ille.

322. Ad-  
seruntur  
Gratiano

Non tamen ausi fuerunt Correctores illi Romani exemplaribus editis adscribere, quod duo isto tractatus non sint Gratiani; Neque ullas etiam firmas rationes adferunt, quare Gratiano abjudicandi sint, cum nullus veterum hoc faciat. Maneant itaque tantisper Gratiani, donec evidentiores rationes sint allatæ. Cui sententiæ non obscure favet Anton. Augustinus in supra relatis; quando probat, contra quam Censores Romani notarant, non esse scriptoris antiquioris Gratiano, qui duos istos de pœnitentia & consecratione scripsit tractatus. Mihi verius videtur, si ex modo connectendi, & stylo iudicium ferendum sit, cum utrumque tam in Decreto, quam in duobus illis tractatibus de pœnitentia & consecratione sit sibi simillimum, etiam utrumque esse Gratiani. Maxime cum ipse Gratianus, faciente supra Ant. Augustino, in causis faciat eorum ipse mentionem. De citationibus Decreti seu allegationibus, non opus multum dicere: tralatitium est, siquidem & minutias hæc hic memorare convenit; in  
prima

323. Al-  
legatio-  
nes seu  
Citatio-  
nes De-  
creti,



prima parte allegari caput, seu canonem vel per numerum, vel per initialia verba, vel per utrumque, subjuncto distinctionis numero in quo continetur; veluti: *c. sancta Romana. 3. dist. 15.* Hoc in hac parte observandum, citari eam à Papiense, per *tractatum ordinandorum*, quem Gratianus ipse solet ita vocare à distinctione XXIII. usq; ad causam primam, test. Alber. Gentil. *de lib. jur. Can. cap. 1. pr. fere.* In secunda parte Decreti, eadem ratione canon, vel per numerum vel per initialia verba vel per utrumque citatur, subsequi solet numerus, qui vel adjunctam habet C litteram, vel illud *caus.* vel etiam quod sæpissime fieri solet, nihil; semper autem designat ille numerus causam; hunc excipit. *lit. q. vel illud.* Quæst. tum subicitur numerus; ut sciamus cujus causæ, & cujus quæstiones sit canon vel capitulum; Exemplum hujus citationis est. *c. institutionis nostræ 7. 25. q. 2.* Vel *cap. institutionis nostræ. c. vel caus. 25. q. 2.* Quod si in hac secunda parte occurrat canon in tractatu de poenitentia, citatio nil differt, ab allegatione primæ partis, nisi quod addatur, illud. *de poenit.* Veluti *c. poenitentiam agere 6. dist. 3. de poenit.* Pro voce poenitentia in tertia parte decreti substituitur, vox, de consecratione; servata eadem ratione allegandi quæ

§ 24. No-  
ta emen-  
datorum,  
& reje-  
ctiones  
ad aucto-  
res: item,  
partes  
Gratiani.

di quæ obtinet in parte prima, ut docet hoc exemplum: *c. hoc quoque statutum. 61. dist. 1. de consecrat.* Præter hæc, ut omnes minutias, simul demus, observandum, occurrere in editione Decreti, *notas* Emendatorum Romanorum, qui jussu Gregorii XIII. superiori seculo, ut infra docebimus, decretum repurgarunt, quæ singulis capitulis solent subijci; deinde adjectas esse ab iisdem *rejectiones*, quibus docent, apud quos Collectores canonum anteriores, idem canon inveniatur; quæ rejectiones in editione Romana, & Corpore Juris Canonici Glossat. in margine leguntur, in aliis editionibus in finem paginae sunt reiectæ. Ab his notis, quæ subjiciuntur canonibus, distinguenda sunt verba Gratiani, post canones itidem posita, quæ per *partes*, quas alii paragraphos vocant, ille distinxit; addito parti cuique numero; quas partes continuat sæpè per multa capita; donec alia quæstio aut articulus occurrat. Sunt autem in novis exemplaribus alio caractere ab ipsis canonibus distinctæ; in antiquis, quia illud artificium erat ignotum id non invenitur. Cujus rei unicum exemplum adferemus, ut sciant Studiosi, quæ sint *annotationes* Correctorum Romanorum, quæ sint eorum *rejectiones*, quæ sint *partes* Gratiani, & quæ sit *continuat.* In  
causæ

In causa 16. quest. 7. cap. 35. subjeitur hæc annotatio Correctorum, quam indicat hæc ¶ nota. In capitularibus & legibus Longobardicis, & apud Burchardum & Ivonem qui ipsi citant in Decretis Gregorij Papæ sic habetur &c. Rejectionem in illo capitulo indicat litera f. in editione vero Romana vel Corpore Glossato tantum in margine notatus numerus capitis; Rejection autem hæc est: lib. 5. cap. 44. & in Legib. lib. 3. tit. de Episcop. & Cler. l. 44. Anf. l. 1. c. 8. Burch. l. 3. c. 41. Ivo. p. 3. c. 45. Qua indicant, illud capitulum inveniri in lib. 5. Capitularis Caroli Magni c. 44. & in lib. 3. tit. de Episcopis & Clericis legum Longobardicarum. Item apud Anselmum lib. 1. c. 8. Burchardum lib. 3. c. 41. Ivonem part. 3. c. 45. In sequenti porro capite 36. ejusdem causæ 16. & quæstionis 7. invenitur distinctio Gratiani, post Capitulum enim hæc leguntur. 4. pars. Ut ergo ex his auctoritatibus colligitur de manu Laicorum Ecclesiæ recipiendæ non sunt, nisi cum consensu Episcoporum; juxta illud Concilij Moguntini &c. Quæ distinctio Gratiani continuatur post caput 38. ejusdem causæ. & quæst. idq; sine numero novo aut etiam nota hac ¶ cujus supra memini. Verba continuationis sunt hæc: Sicut ergo auctoritate Hieronymi decimas male possessas à Laico, Episcopo consen-

325. Nu-  
meri &  
summaria  
capitum  
unde.

*consentiente licet Monachis recipere &c.* Guido Pancirol. lib. 3. de Clar. leg. interp. cap. 2. in vita Gratiani, testatur, Gratiani verba, duplici cruce aut paragraphi (potius partis, ita enim appellatur, quamquam in vetustis hoc non addatur exemplaribus) caractere ab aliis esse distincta. Numeri autem & Summaria quæ singulis capitulis præmittuntur, non sunt ab ipso Gratiano; quinimo longo post Gratianum demum ab Antonio Contio teste Ant. August. supra adducto, numeri sunt adjecti, ab ejus editione etiam per numeros ceperunt allegari capitula. Quando aut à quibus summaria addita sint, non satis compertū habeo. In meo exemplari Manuscripto in membranis nitidissimis & subtilissimis, decretalium cum Glossis, non invenio ulla capitulorum summaria; in antiquissimis tamen editionibus Corporis Glossati veluti ea quæ Parisiis prodiit Anno 1505, inveniuntur, & quidem ut in omnibus rubro - nigris editionibus, colore rubro distincta ab ipso textu. Ab ipsis Glossatoribus non esse, probat, quod in Manuscriptis exemplaribus, saltem in meo, non inveniuntur, in quo tamen Glossæ habentur. Probabile est addita esse, ab iis qui additiones Glossarum scripserunt, aut qui editiones primas procurarunt, uti etiam factum in Corpore Juris Civilis; A quibus forte

forte etiam additæ in minoribus editionibus inscriptiones Distinctionum & Quæstionum, quæ in principio cujusque. paginae comparent, ut indicent materiam, de qua distinctio aut quæstio agit, ad exemplum rubricarum, quæ in frontispicio paginarum Corporis Juris Civilis solent præmitti, quod in Corpore Juris Canonico Glossato non est observatum, sed in eo præmitti solent principio Decreti. Finem minutiarum faciemus, si illud tantum verbo, addiderimus; quid in veterum, Alani, Vincentii &c. allegationibus capitulorum Gratiani vox SUPRA designet. Addita illa est citationibus ut indicet esse in Collectione antiquiore, quàm sunt Decretales, capitulum: earum quippe collectiones sunt recentiores Opere Gratiani; Quare in citationibus capitulum Gratiani vocem *supra* addebant, ut indicarent esse Decretum *supra* Decretales; quemadmodum, in citatione Decretalium addebant vocem EXTRA; qua denotabant, capitulum esse extra Decretum Gratiani; videatur hac de re, Alber. Gentil. *de libr. jur. Canon. cap. 1.* item Besold. *dissert. de libr. jur. cap. 8. quæ præmittitur parti secunda delibator. jur. &c.* Matth. Stephan. *in præfat. ad part. 3. de jurisdict. pag. 10. pr.* Nunc ad Gratianum iterum. Quid post perfectum opus Decretorum

326. In  
scriptiones  
distinctio-  
num &  
quæstio-  
num.

327. Quid  
vox SU-  
PRA quid  
EXTRA  
in allega-  
tionibus si-  
gnificet.

328. Gra-  
tiani facta  
&c obitus  
latent.

rum Gratianus fecerit, aut quando Mortuus sit nec anonymus ille vitæ ejus scriptor, neque quantum scio, alii prodiderunt. Anno 1165. invenio Gratianum functum esse Legati munere pro Pontifice ad Henricum II. Regem Angliæ, in causa ejus Regis cum Thoma Episcopo Cantuariense. Ut refert Flaccius Illyric, in *Catalogo test. veritat. num. 189. pag. mihi 521. edit. novæ Francof.* Epitaphium, quod defuncto positum est Bononiæ refert Guid. Panciroll. *lib. 3. de Clar. leg. interpret. cap. 2. & Valent. Forsterus in Histor. jur. Rom. lib. 3. cap. 7.*

329. Epitaphium.

GRATIANI CLUSINI CÆSAREI JURIS ET PONTIFICII ENUCLEATORIS PROPE DIVINI, QUI MONACHUS IN MARTYRUM FELICIS ET NABORIS ÆDE ABSOLUTISSIMUM IBIDEM OPUS DECRETORUM ANNO GRATIÆ MCLI. COMPILAVIT, SEPULCHRUM QUOD ILLIC CURIÆ RUDERIBUS ABSORPTUM, HIC MAGNIFICENTIUS RENOVATUM, JO. FRANCISCUS ALDORANDUS BONON. IIII. DICTATOR ÆRE PUBLICO INSTAURAVIT.

ANNO SALUTIS MCCCCXCVIII.  
IDIB. JUNII JOANNE BENTIVO-  
LO II. P.P. REMP. FELICITER GUBERNANTE.

Id



Id hic præterire non possum Albericum in Chron. nondum edito referente Chiffletio de Architect. jur. c. 5. §. 4. ex Gratiano facere Cardinale. Cujus hæc sunt ad annū MCXLVI; quæ eo libentius addo, quia novum nobis juris Architectum, Canonum compilatorem hactenus ignotum, proferunt; Item, inquit, in eodem anno, id est, Imper. Friderici quinto, quidam Magister egregius Omnibonus nomine librum de concordantia discordantium canonum diligentissime ordinavit in duas partes, primam partem in XVI. distinctiones; secundam in causas XXXVII. per quæstiones diversas satis artificiose positas. Et hic liber à nomine Auctoris, Omne bonum appellatur. Et hunc secutus est tempore Alexandri Papæ Gratianus Cardinalis, qui multa addidit, ita quod de XVI. distinctionibus centum distinctiones fecit & per ipsum ista doctrina facta est magis authentica. Qua de re accipe quoque judicium Chiffletii. Tametsi, inquit, nullum honorem esse putem qui in Gratianum (ita Chiffletius debuit inservire rei præsentī, Apologiam enim scribebat Gratiano) collatus, non sit ei qui contulerit magnum judicii laudem allaturus; hunc tamen illi adferre non ausim, quod fraudi fuisse videatur Alberico nominum similitudo. Alexander enim Papa III. Pisanum quendam, cui Gratiano nomen fuit, ex Subdiacono & scriptore Apostolico

330. Cas-  
dinalem  
facit Albericus.

331. O-  
mnibonus  
Magister  
Compila-  
tor Con-  
cordantie  
discordan-  
tium Cano-  
num, ejus-  
que opus  
Omnibonum.

332. Judi-  
cium Chif-  
fletii de  
Cardinali-  
tia dignita-  
te Gratiani.

Cardinalem creavit, & suorum omnium consilio-  
rum participem atque adiutorem esse voluit Anno  
salutis MCLXXVII. Vnde forte orta Alberici  
opinio in eam historiae speciem coaluit, quam bo-  
na fide literis consignavit. Verior est Magistri  
titulus, qui passim Gratiano tribuitur, vi-  
de sis *Gloss. in cap. 2. dist. 68.* Qui ista æta-  
te Doctorem vel juris interpretem dona-  
tabat. Sic quoque Tancredus Glossator,  
Magister appellatur. Vid. Gud. Panciroll.  
*de Clar. leg. interp. lib. 3. c. 4.* Alber. Gentil.  
*de libr. Fur. Canon. cap. 2. pag. 21.* Postquam  
Opus Gratiani editum & Scholis ad præle-  
gendum & explicandum traditum esset,  
jam statim accesserunt Glossographi, qui  
notas & explicationes ad Decretum scribe-  
rent; Quorum Primi memorantur Lau-  
rentius Patria Cremenfis. Abbas *in c. cum*  
*Johannes. num. 13. de fide instrum.* Vincen-  
tius Castellioneus Mediolanensis Summus  
Canonista, Abbas *cap. si quis contra sub. n.*  
*13. de for. compet.* & Bernardi Bottoni  
Præceptor, quem tamen Oldradus *in conf.*  
*69. in fin.* Hispanum fuisse adfirmat. Item  
Hugutio, vel ut alii Hugo Vercellis, quæ  
ejus patria fuit, postea Ferrariæ Episco-  
pus, de quo quædam etiam habet Anton.  
Augustin. *libr. 2. dial. 9. pag. 448. & seqq.*  
Præterea Joh. Semeca Teutonicus, qui an-  
teriorum

333. Verior  
titulus Ma-  
gistri; qui  
sum Docto-  
ribus daba-  
tur.

334. Glos-  
satores De-  
creti.

teriorum Glossas reformavit, & paucis additis, suas fecit. Fuit Azonis discipulus, *Gloss. in c. quando. dist. 86.* Cum diu juri operam dedisset, Prædicatorum, ut vocant, Monasterium ingressus est, Alberic. *in dict. proem. in fin.* Postea initio seculi XIII. præpositus S. Stephani Halberstadenſis factus, otium nactus Decretum interpretari cœpit. Cumque Clemens IV. decimas per Germaniam & Gallias ad Palæstinæ loca redimenda exigeret, Johannes Semeca concilium appellavit; qua re Pontificis diras meruit, & ab officio remotionem. Controversia paulo post utriusq; morte sopita est. Vid. Crantz. *de reb. Saxon. lib. 8. c. 27.* Composuit quoque Semeca Summam seu Compendium Confessionis, quod primum inter brevitaria locum obtinet; & ubi summa non alio adjecto citatur, hujus opus indicatur. Alberic. *in Proem. dict. in fin.* Decessit anno 1269. De illo insuper judicium est Pancirolli, *de clar. leg. interpret. lib. 3. cap. 6.* Johannes Semeca etsi quandoque ineptis, ut illa ætas ferebat vocibus utitur, non modicam tamen Operi Gratiani lucem adfert; pleraque novi & veteris testamenti loca erudite explicat. Eum, ut patet ex dictis, Albert. Crantzius d. l. & ex eo Henric. Pant. *de Viris illustr. German. part. 2. pag. 238.* forte & Freherus in *Chronolog.*

*Chronolog.* quam Juri Græco Romano præ-  
 misit, (qui & hunc errorem cumulat, quod  
 Semecam ponat in annum 1272, cum jam  
 ultra triennium mortuus esset) male *primum*  
 vocant decreti *Glossatorem*. Crantzii locū re-  
 fert Amicus noster summus Nobil: & Con-  
 sultiss: D. Vincentius Placcius Jurisc. Ham-  
 burgensis, in *Syntagmate* operoso, de *scri-*  
*ptis & Scriptoribus Anonymis & Pseudonymis*,  
 (in quo utinam festinantia & lucri præpo-  
 stera cupido Typographi, ut mihi Nobi-  
 liss: Auctor conquestus est, nobis non in-  
 vidisset doctam de tota *ἀνωνύμων & ψευδο-*  
*νύμων* scribendi ratione, præfationem & in  
 posterioribus Pseudonymis detectis proli-  
 xiores excursus) *cap. 3. de Anonymis detectis.*  
*num. 128. pag. 36.* Ante eum enim, jam su-  
 pra relati Glossas ad Decretum scripserant  
 & publicaverant, de quibus vid. Panciroll:  
*de clar. leg. interpret. lib. 3. capp. 3. & 4. An-*  
*ron. Florentin. part. 3. specul. pr. & tit. 18.*  
*c. 6. fin.* primas defert Hugutioni in scri-  
 bendis Glossis, cujus Gloriam Johannes  
 Semeca postea in se derivavit & obfuscavit.  
 Vitam ejus inter JurisConsultos Germanos  
 recitat Melchior Adami: Hujus Glossis quæ-  
 dam adjecit Bartholomæus Brixrensis, Vin-  
 centii Castellionei discipulus anno MCCLVI;  
 sedente Alexandro IV. Papa. In quibus er-  
 rata

rata Semecæ notavit, omiffa fupplevit, & quæ poſtea immutata ſunt, adjecit; vide ipſum in *Decreti initio*. Hic & temporum hiftoriam ſcripſit, teſte Caccialup. *de modo ſtudent.* Raph. Volaterran. *lib. XXI. Antropag.* Voſſio *de hiſtor. Latin. libr. 2. cap. 57.* Quæſtiones diebus Dominicis & Veneris à ſe diſputatas, collegit, easque *Dominicales Venerialesque* appellavit, imitatus Pileum qui *Sabbatinas* vocavit, quæ Sabbati die diſputaverat. Ab Alexandro IV. Papa, teſte Platina, non contemnenda munera retulit: Patriarchæ Venetiarum ſeu Gradenſi quandoque adſedit. Joh. de Turrecremat. *in c. Episcopus non flagitetur II. q. I.* vide ſis Panciroll. *d. l. cap. 7.* quid præter enumerata ſcripſerit, habes apud Simlerum in *Bibliotheca*. Sed ad Collectores noſtros revertendum eſt: ſi tamen commodo hoc loco præmiſero quædam de Gloſſis, (quæ vox Conſultis & Studioſis juris in frequenti uſu eſt) à quibus ſcribendis, Gloſſographi & Gloſſatores dicti ſunt; Gloſſa vel Gloſſema Græcis vocabatur vox, quæ in communi uſu & conſuetudine non erat, ſed alicui genti propria, ideoque non à ſingulis intelligebatur, quæ quoad communem linguam ξενικὴ, ſeu peregrina, vocabatur. Exemplo id illuſtrat Ariſtoteles *de Arte Poët.* ubi

335. Gloſſographi unde. Gloſſæ quid.

εἰς τὸν νοῦν,

σίγνον, vocem, quæ Cyprius propria, & jaculi genus erat, suis dicit γλωτῆαν esse, & Eustathius *Iliad. Homer.* Glossam interpretatur ἀποξενιωμένην ἀλέκτων, Clemens Alexand. *1. Strom.* ἀπὸ ἑλληνικῆς τὰς βαρβάρων φωνάς, quas non dialectos, sed Glossas dici oportere censet, quod Dialecti dictiones sint proprium & peculiare loci cujusdam characterem, designantes, vel vocabula proprium & commune gentis alicujus idioma significantia, ut quinque Græcorum præcipue Attica, Ionica, Dorica, Æolia, communis. Quod in Barbarorum linguis reperiri nequit, quas vere dicere possit πρῶτος καὶ ἄδικας ἀλέκτους. vide Philip. Jac. Maussacum in *disert. critica de Harpocrate*, quam ejus dictionario à se illustrato subjunxit pag. 347, ubi pag. seq. subjungit. *Glossa igitur barbara & externa vocabula sunt quæ nemo interpretatur, γλωτῆα λαλῶν 1. Cor. 14. 2. non tantum simpliciter lingua loquens, ut vulgo vertunt, sed barbare loquens & per Glossas, quas nemo percipiat, propter ignorationem διωρίσεως τῆς φωνῆς, unde apposite Divinus Apostolus exclamat διόπερ ὁ λαλῶν γλωτῆα προσδύχεται ἵνα διερμηνεύει ψ. 13. Qui Barbare loquitur, non lingua, orat ut intelligi possit; nisi enim barbare & per Glossas loqueretur ad quid orare deberet ex Apostoli præcepto, ut ejus verba percipere & in-*



& intelligi possent? qui lingua loquitur, dum-  
 modo non barbare loquatur intelligi potest, ergo  
 frustra oraret ut intelligeretur, si, ut vulgares in-  
 terpretationes habent, verba illa λαλῶν γλώσῃ  
 interpretemur lingua loquens nude & simpliciter.  
 Hæc Maussacus, qui quanquam non adse-  
 cutus sit mentem Divi Pauli; totus enim  
 contextus flagitat, ut λαλῶν γλώσῃ inter-  
 pretemur de iis, qui Spiritus Sancti dono  
 peculiari peregrinis linguis loquuntur: tamē  
 ingeniose facit Paulum inservire hypothesi  
 suæ. Utrumque, γλώσσημα & γλῶσσα oc-  
 currit apud Quintilianum, lib. 1. cap. 1. in  
 fine fere, ubi Glossas vocat, interpretationes  
 linguæ secretioris. Illud, inquit, non pænitebit  
 curasse, cum scribere nomina puer, cœperit, ne  
 banc operam in vocabulis vulgaribus & forte oc-  
 currentibus perdat, protinus enim potest inter-  
 pretationem linguæ secretioris, quas Græci  
 γλῶσσας vocant, dum aliud agitur edisere. Et  
 iterum lib. 1. c. 8. Circa Glossemata etiam,  
 id est voces, minus usitatas non ultima ejus pro-  
 fessionis est diligentia. Latius adhuc Glossas  
 extendit Galenus, qui voces peregrinas, &  
 obsoletas inter Glossas recenset, item Pollux.  
 lib. 2. c. 4. qui & poëticas voces in hunc  
 censum refert. Utrique occurrit Doctiss.  
 Henric. Stephan. In Palest. de latinis. Lipsiæ.  
 pag. 43. Glossa & Glossemata, inquit, nomi-  
 nantur

nantur certis dialectis peculiaria, ideoque à com-  
muni Græcæ linguæ usu aliena vocabula. Unde  
& ξενικά, quasi peregrina appellabantur; Gale-  
nus ut duxi, in meo Thesauro Græcæ linguæ,  
γλώσσας peregrina vocabula vel obsoleta esse ait.  
Cui tamen de hac expositione vix assentiri pos-  
sum, ut nimis restringente hujus vocabuli signi-  
ficationem. Verum & à Polluce dissentio, Pœ-  
tica vocabula Glossas esse nominata, scribente.  
Ab eo quoque dissentio, inquam, ut alteram in  
partem peccante, id est nominis hujus usum la-  
tius quam par sit extendente. Alioqui enim non  
parva Græci sermonis portio γλωσσῶν appella-  
tione comprehendendi posset. Quare autem hæc  
voces Glossæ vocatæ sint, conjicit. pag. 49.  
Sed cur ejusmodi vocabula Græci Glossas voca-  
bant? De hac non dubito quin Græci, cum tale  
vocabulum aliquod quale diximus, Glossam, id  
est linguam vocarent ellipsi uterentur, seu ἐνδε-  
πικῶς loquerentur, ac perinde esset, ac si di-  
cerent: γλῶσσα ἰδίᾳ πρὶν, aut aliquid simile.  
Qui istiusmodi voces exponebant Glossogra-  
phi, Glossatores, Glossemataarii, Glossularii, dicti.  
ut notat Turneb. & Docte Maussacus. Lau-  
data differt. crit. pag. 353. & seqq. ubi & ori-  
ginem & progressum multis enarrat, & scri-  
ptores ejusmodi recenset. Pertinuit harum  
vocum interpretatio ad Grammaticam,  
Varro. lib. 6. de Ling. Lat. In Medo Ennius,  
Cæli-

*Cœlitum camilla expectata advenis ; salve hosti-  
 ta. Camilla qui Glossemata interpretati, dixe-  
 runt administram. adde sis Maussacum, d. dis-  
 sert. Critica, de Harpocratone. pag. 351. ubi  
 Dorothei ex Photio & aliorum meminit.  
 Libri, in quibus Glossæ ejusmodi seu voces  
 propriæ quibusdam, minus vulgo intellectæ,  
 explicabantur, Glossaria vocabantur, quæ  
 & lexica dicta à recentioribus; sed Glossa-  
 ria à lexicis tamen id differebant, quod  
 lexica quascunque Glossaria, tantum cer-  
 tum genus vocum continuerint; vide sis  
 latissime Maussacum d. l. pag. 363. & seqq.  
 Postea Glossæ & Glossemata sunt translata,  
 ut non voces ipsas, sed vocum expositiones  
 iis denotarentur; appositè iterum Stepha-  
 nus. d. l. pag. 50. Sed unde factum esse putas  
 ut Glossa quod de vocabulo peregrino & plerisque  
 incognito, ideoque egente expositione, dicebatur,  
 à posteris latinis, de ipsa expositione dictum sit?  
 Hunc abusum inde natum esse puto, quod Glossog-  
 raphi, iis, quas afferebant, Glossis expositiones  
 adjungerent. Ideoque perinde esse ac si remedio  
 cuiusdam mali ipsius appellatio tribueretur. Pro-  
 bat hoc satis locus Quintiliani lib. 1. cap. 1.  
 supra relatus. & Doctiss: Maussacus d. l. qui  
 Glossas vocum Barbararum, & quarumcunq;  
 externarum ἐξενήσεις dicit fuisse. vid. eum  
 pluribus pag. 352. Concludit tandem pag.*

353. Glossas Barbarorum primo, deinde peregrinorum omnium, sensui vero obscurorum & non usitatorum vocabulorum interpretationes fuisse. Apposite Doctiss: Casaubonus ad Athenæum lib. 3. c. 6. in fine. ubi hoc firmat, & de antiquis Glossarum Scriptoribus multa habet, quæ tamen Maussacus d. l. accuratius & prolixius exequitur. Verba Casauboni sunt hæc: Cydonia mala etiam κοδύμαλα fuisse olim vocata, probatur auctoritate Hermonis, qui Glossas Κρητικάς conscripserat. Non sunt ferendi qui Glossas κρητικάς, id est, judicarias, ut vertunt, sunt commenti, prorsus ἀκρίτως. Olim docti multi Glossas, id est, obscurarum vocum interpretationes, & ut nunc vocant λεξικά ediderant. Nam γλῶσσαν & γλῶσσημα nuncupabant vocabulum vulgo incognitum: vel quia peregrinum & barbarum, vel quia jam obsoletum, & oblivioni traditum. Est enim & verborum quidam interitus. Vnde illud sapientissimi Imperatoris, M. Antonini Philosophi, lib. 4. αἱ πάλαι συνήδεις, λέξεις, γλῶσσηματα νῦν. ἔτις ἐν καὶ τὰ ὀνόματα τῶν πάλαι πολυμνήτων, τὸν τρόπον πρὸ γλῶσσηματα εἰσίν. Auctores antiqui Glossarum celebrantur, Amerias, Seleucus, Pamphilus, Nicander Colophonius, Philetas, Philemon Timarchidas, Hermonax, alii. Sed fuere qui unius tantum gentis vocabula susciperent interpretanda:

ut Philemon, *cujus* Ἀ' τὴν γὰρ λέξεις, & Aristophannes, *cujus* Glossæ Laconicæ non multo antè laudabamur. Similiter Hermonax Creticæ dialecti tantum voces complexus opere suo, titulum ei fecerat, Γλῶσσαι Κρητικαί, *cujus* libri aliquoties meminit Athenæus. Ulterius etiam prolati termini Glossarum cum primo designarentur voces Dialectis peculiare, earumque expositiones, tandem quælibet explicatio verborum & rerum cœpit Glossa dici; & ita Glossæ juris, Glossæ bibliorum natæ sunt; quanquam vetus dictionarium, inter commetum & Glossam distinguat. *Glosa*, (de qua Scriptura vid. Spigelium ad Prudentium pag. 215. edit. Weitzii) inquit, dicitur à Glossa quod est lingua, & distat inter commentum *Glosam* & translationem. *Commentum* expositio est, verborum juncturam non considerans, sed tantum sensum, deservit enim expositioni alicujus libri, & non constructioni literæ. Accipitur tamen quoque commentum largius, scilicet pro quolibet libro, studio vel doctrina & tunc sic definitur. *Commentum* est plurimum studio vel doctrina in mente habitorum in unum collectio. *Glosa* est expositio literæ & ipsius sententiæ, quæ non solam sententiam, sed etiam verba attendit. Vel *Glosa* dicitur expositio sententiæ literam continuans & exponens. Unde dicitur *Glosa* quasi *Glossa*, id est, lingua, quod

tanquam lingua Doctoris adesset & exponere; sic litera exponenda insistit & sensum enucleat. Translatio est expositio sententiae per aliam linguam. Textus est liber, ipsius Doctoris continens tractatum suae literae vel sententiae explicatione. His inquam non obstantibus, omnes expositiones sive verborum, sive rerum Glossarum nomine seculis Barbaris venire solebant; quod affatim ostendunt Glossae Accursii, in jus civile, Joh. Semecae & Barth. Brixrensis in Decretum, item Glossa ordinaria in Biblia. Plura qui de Glossis, & Glossographis desiderat is adeat, saepe laudatam Maussaci *Dissertat. criticam de Harpocratore*, ubi multa accuratè disseruit; subjunxit eam Harpocratoris Dictionario à se edito, Coelium Rhodigin. lib. 7. c. 27. & lib. 13. cap. 4. Joh. à Woueren de *Polymat.* cap. 9.

336. Decretalium  
Collectiones.

Nos ad Compilatores juris Ecclesiastici revertimur; Post Gratianum, cum tam feliciter ei labor cessisset, ad Decretales Pontificum Romanorum epistolas colligendas & digerendas certatim multi, provolarunt.

337. Decretales  
quid, eorum origo & progressus.

Sunt autem Decretales Pontificum Romanorum epistolae quibus respondent iis, qui aliqua de re consulunt; Incrementum enim Pontificis Romani, ex splendore & dominio urbis, ut supra notatum multos, qui in rebus



rebus controversis consilia petebant, ad Romanos Episcopos, excivit; qui petentibus rescribebant. Quod & alii Episcopi in Oriente & Occidente soliti facere. Sed horum, ut alibi notavi, epistolæ non tam accuratè, adservatæ sunt, quam Romanorum præsulum. Erant hæc rescripta Episcoporum, & Metropolitanorum primum tantum consilia, quæ nullam obligandi vim habebant, postea majoris cœperunt esse auctoritatis atque pretii, & inter scripta Patrum, haberi & venerari: quod tamen primum factum in fine seculi quinti, & quidem in Ecclesia Romana. Cujus rei testimonium illustre præbet Synodus Romana sub Gelasio Anno 494. Romæ habita, in qua à LXX. Episcopis inter alia decernitur. *Item Decretales Epistolæ, quas beatissimi Papa diversis temporibus ab urbe Romana pro diversorum Patrum consultatione, dederunt, venerabiliter suscipienda sunt.* Vid. c. *sancta Romana*. dist. 15. Quo decreto Patres illi auctoritatē Canonis nondum dederunt epistolis, decretalibus Paparum; verum tantum in censum eorum librorum retulerunt, qui à Christianis tuto sine periculo hæreseos aut falsi dogmatis, legi poterant, quos *Ecclesiasticos* libros quidam vocarunt; evincit id satis ordo & series dicti canonis, in quo hæc De-

cretales post opuscula Patrum, *quæ in ecclesia recipiuntur*, ante Martyrum Monumenta, recensentur; quæ tamen nemo sanus inter canones retulit unquam, aut vim canonis iis adscripsit. Primus qui has collegis, est Dionysius Exiguus, seculo sexto ineunte, de quo supra multis, potissimum, n. 75. & seqq. dictum, quod à Syricio inceperit collectionem suam, quia ultra Syricium genuinas nullas invenit: quod nos supra quoque probavimus, in Isidori Mercatoris Impositoris collectione. Fuisse ante Syricium Decretales Episcoporum Romanorum, id quod ex Concilio Romano statim allatum est, affatim probat. Verum non perennarunt; saltem tempore Dionysii Exigui non extabant: sedulus enim ille ruspator harum rerum, cum singulare volumen Decretalium institueret, eas non omisisset. Inter Canones autem noluisse collocare, aut canonicam auctoritatem his tribuere Dionysium, exinde satis clarum esse potest, quod ille singulari eas volumine incluserit & à canonibus separaverit; Primus qui inter Canones iis locum dedit, est Cresconius, ut supra num. 187. observavimus. Quod tamen Orientalis Ecclesia nunquam probavit, quæ in suum Codicem Decretales Pontificum Romanorum non recipit, quod tantam  
in co

in eo Auctoritatem non agnosceret; illa tamen Patrum & Episcoporum Orientalium quædam scripta suo Codici adjunxit, non tam propter Scriptorum auctoritatem quam veritatem rerum, usum & utilitatem disciplinæ & controversiarum decisionem. In Occidente paulatim quædam Decretales, prout pro diversitate Ecclesiarum & Provinciarum, utiles Ecclesiis censebant, illi, qui Ecclesiis præfecti erant, sed valde parce neque omnes in Codices Canonum particulares receptæ sunt; quod supra de Codice Ecclesiæ Gallicanæ, & Hispanicæ observavimus. Vid. num. 84. & 88. Postea collectores à temporibus Pseudo-Isidori Mercatoris, eas catervatim suis collectionibus inseruerunt, in quibus eandem cum Canonibus Conciliorum, & Patrum dictis auctoritatem habebant. Omnes, quas habere potuit, etiam spurias suæ farragini inferuit Gratianus. Post eum Decretales, à canonibus ceperunt separari, & singulatim colligi. Primus qui hic operam, sed privatam, impendit est Bernardus Circa, Papiensis præpositus, postea Antistes Faventinus. Hic Pontificum Decretales & constitutiones usque ad Coelestinum tertium, ejus nullum in ejus collectione extat responsum, collegit, & sub iisdem fere titulis digessit, quibus

338.  
Prima collectio Decretalium Bernardi Circa.

constat Gregoriana Collectio qua hodie utimur. Ex Cœlestini tempore qui Anno 1191. ad sedem Romanam pervenit, de tempore quo vixerit, conjicimus; quod Doctiss: Blondellus se dicit ignorare. Leguntur in hac collectione Decretales Lucii III. Papæ, qui Anno 1181. ad Pontificatum evectus est; & aliorum usque ad jam nominatum Cœlestinum. Hujus itaque tempore oportet adhuc vixisse Bernardum Circam. Hanc primam compilationem Henricus Ostiensis, & Johannes Andreæ filius, & Ægidius Bellamera vocant; ipse *Breviarium Extra vel Extravagantium*. Qui Scholia scripserunt librum primum vocant. Sic etiam cæteras compilationes alii compilationem secundam, tertiam, quartam, quintam, alii librum secundum, tertium, quartum, quintum appellarunt. Edita est hæc prima collectio ab Antonio Augustino in antiquarum Decretalium Collectione, ubi primo loco habetur. Notæ autem ejus subjunguntur. Dicitur idem Bernardus sub iisdem titulis summam scripsisse, cujus initium fuit: Profectus discipuli, gloria Magistri; item Scholia & Glossulas eidem primæ collectioni adscriptas; Anton. Augustinus *de quinque veterib. Collect. in præfat. præmis. antiq. Collect. Decret.* testatur se vidisse Glossulas

las quasdam sine nomine scriptas, sed multo plures adscriptis nominibus, Vincentii, Alani, Tancredi, Laurentii, Rogerii & aliorum.

Ordinem Compilatorum Decretalium, quia seriem temporis sectari, nobis constitutum, interrumpere cogit Theodorus Balsamon; Qui eodem fere tempore floruit quo Bernardus noster, nempe in fine seculi XII; & principio seculi XIII. Nam Anno ejus secundo antequam Constantinopolis à Latinis oppugnaretur, adhuc scriptus, sed posteriora; Fuit ille. Primum Diaconus Sanctissimæ Dei Magnæ Ecclesiæ Constantinopol., Nomophylax & Chartophylax. Quis Nomophylax in Imperio Orientali fuerit, id ignoramus. Chartophylax vero erat sigilli Patriarchalis custos, quod etiam in pectore gestabat, ut alicubi noster Balsamo notat, qui, ut & Codinus eum chartis ad jura Ecclesiastica pertinentibus præfectum: deinde causarum Ecclesiasticarum judicem, matrimonialium cognitorem, Clericorum defensorum, fuisse dicunt. Duo erant. Unus Patriarchus qui Ecclesiæ Archiva servababat. Alter Oeconomus inserviebat, & tabulas ecclesiasticorum reddituum expensarumque conficiebat ac curabat. Ad priorem testimonia de-

339. Theodorus Balsamon.

340. Quis fuerit.

341. Nomophylax & Chartophylax quis.

ponebantur, quæ scripta de iis qui sacris initiari vellent, item hierologiæ. Dignitas ejus Maxima. In supplicatione Sanctorum Notariorum jus habebat conscendendi equi Patriarchalis, aureamque in capite tiaram quæ in Cartophylacio adservabatur, gestandi. Vide sis nostrum Balsamonem *ad Photii Nomoc. tit. VIII. c. 1.* habebat jura Episcopi Constantinopolitani, ut idem refert *ad canonem IX. synod. 7. in fin.* In congregationibus extra synodum habebat sessionem ante omnes Episcopos, ut idem refert *ad conc. 1. can. 18.* Plura de hac dignitate vide apud Joh. Episcop. Citri. *in respons. Codicum de offic. & official. urbis Constant.* Meursium *in Glossar. Mixobarbaro* voce χαρτοφυλάξ, ubi, & in voce χαρτηδράεια docet hos male confundi cum Chartulariis. Fuit præterea Balsamo πρῶτος Βλαχερνῶν, primus Blachernorum. Extra urbem Constantinopolitanam versus Mare erat templum Blachernarum, quod apud Zonaram existit Pulcheria. De Præfecto Blachernarum vid. Jul. Cæsar. *Buleng. de Imper. Rom. lib. 8. cap. 100.* Primus Blachernarum videtur esse, quem nunc *Præpositum* vocant. Postea etiam factus est Theopoleos, sive Magnæ Antiochiæ, totiusque Orientis Patriarcha. Ante autem quam Patriarcha esset,

342. Pri-  
mus Bla-  
chernor-  
um.

343. Bal-  
samo Pa-  
triarcha  
Antiochie.



set, commentarios scripsit, ut habet Inscriptio editionis Parisiensis Anni 1620. quæ Balsamonis Præfationi præmissa est. Jussu Imperatoris Emanuelis Comneni, & Patriarchæ Constantinopolitani Michaëlis Anchiali, ut habet operis inscriptio, composuit *expositionem sacrarum & divinarum Canonum, Sanctorum & celebratissimorum Apostolorum & sanctarum Oecumenicarum synodorum, ac etiam localium ac particularium & reliquorum sanctorum Patrum; præterea earum legum quæ sitæ sunt in quatuordecim titulis positis in principio canonum, ut sciatur quæ in usu sint, & quæ non sint.* vide sis ejus Præfationem, quam Commentariis suis, seu Scholiis, ut ipse vocat, præmisit. Opus hoc Græce & Latine prodit Parisiis, anno 1620. ex interpretatione Gentiani Herveti, Galli, quæ tamen in ista editione est interpolata. Latine tantum versio Gentiani in Photii Nomocanonem prodierat ex exemplari Joh. Tili, Anno 1561, quo tempore suam quoque ejusdem Nomocanonis versionem Henricus Agylæus Belga ex exemplari Bibliothecæ Viti Amersbachii Basileæ edidit; quam postea elegit Christ. Justellus, cum exemplar græcum Photii & Scholia Balsamonis Anno 1615. Parisiis ederet, & retinuerunt Justellus Filius & Voëllus in Bibliotheca Juris

344. Scripta ejus.

345. Editiones & interpretes Balsamonis.

Pon

Pontificiū, quia stylus Agylæi juri magis accommodatus, ut illi in Præfatione testantur, & nos supra retulimus. Præterea scripsit Balsamon Meditata de Patriarcharum privilegiis & Responsiones ad Marcum Patriarcham Alexandrinum *μηλέτας ἡτοι ὑποκρίσεις*, ut ipse vocat, quæ exstant in tomō primo Juris Græco Romani Leunclavii à Frehero editi, lib. septimo: ob quæ, & ob Scholia in Photium & Canones conciliorum valde invisus & exosus fuit Romanis. Hæcque causa, quare in eum toties debachetur Baronius *tom. XII. Annal. ann. 1191. §. 49. & 62.* quod odio prosequatur Ecclesiam Romanam. Causam odii putat esse, quod post captam à Latinis Constantinopolim, acceperit illa Patriarcham Latinum. In quo sibi ipsi contradicit §. 62. ubi meditata illa seu responsa de privilegiis Patriarcharum dicit, scripta esse biennium ante quam Constantinopolis caperetur. Vide sis eum *de Anno §. 49*, & videbis causas averſi, ab Ecclesia Latina animi esse, coelibatum Ecclesiæ Occidentalis in clericis, Jejunium Sabbati, Monarchiam Papæ & alia: ideoque Schismaticum appellari passim. Vide quoque Allatium *de consens. perpet. Eccles. Orient. & Occident. lib. 2. cap. 13. §. 4. pag. 703.* Restituerunt etiam Viri do-

cti suo parenti Balsamoni dudum opusculū,  
quod sub Paratitlorum nomine sine Aucto-  
ris nomine Latine ediderat Leunclavius,  
quod non Paratitla vocari debet, sed quem-  
admodum in Bibliotheca Juris canonici ve-  
teris, editur Συναγωγή τῶν εἰρημύων ἐν τῷ  
Κώδικι, ἢ τοῖς Διγέσεις ἢ νέεσις Διατάξε-  
σιν, πρὸς ὑποκόπων, καὶ κληρικῶν, καὶ μονα-  
χῶν, ἢ πραγμάτων διαγῶν, ἐκ δὲ τῶν Ἰσδαίων  
καὶ αἰρετικῶν. Collectio exppositorum in Codice,  
& Digestis, & Novellis constitutionibus de Epi-  
scopis & Clericis, & Monachis & rebus sacris,  
atq; etiam de Judæis & Clericis. libris tribus.  
Quos huic Auctori adsertos vide apud Do-  
ctissimum Fabrotum, in principio notarum  
ad hanc collectionem, in Biblioth. Juris Ca-  
non. Veter. pag. 1377. & Justellum Filium,  
in præfat. ejusd. Bibliothec. in fine fere.

In seculo XIII. se offert secunda collectio  
Decretalium, cujus tres memorantur Au-  
ctores. Gilbertus, & Alanus Episcopus  
quidam Antisiodorensis, qui Bernardum  
imitati, collegerunt decretales eorum Pon-  
tificum qui post Bernardum Circam vixe-  
runt. Sed his nomen & gloriam præripuit  
Johannes Gallensis vel Vallensis, Volterris  
natus, qui post duodecim annos à prima  
collectione (quod tempus incidit in seculi  
XIII. initium) Pontificum, qui post Ber-  
nardi

346. Secu-  
lum XIII.  
Collectio  
Decretalium  
secunda.

347. Gil-  
bertus &  
Alanus.

348. Joh.  
Gallensis  
vel Vallens-  
is.

nardi Collectionem aliquas ediderant, decretales seu rescripta ex utriusque Gilberti & Alami collectionibus, congeffit: quibus etiam Coelestini tertii addidit, & Scholiis suis illustravit: his postea Hugo Ferrariensis Episcopus, ab Innocentio tertio sæpe relatus, & Bernardus major Compostellanus Archidiaconus, suas interpretationes addiderunt. Anton: Augustinus in Præfat. *Collect. antiq. decret.* testatur se insuper scholia Vincentii, Tancredi, Alani, Laurentii & aliorum, non pauca etiam sine nomine vidisse in hanc secundam compilationem, quæ censet esse ejusdem Johannis Gallensis. Edita est hæc quoque compilatio ab Ant. Augustino inter antiquas decretalium collectiones.

349. Tertia  
Decretalium  
Collectio.  
Bernardi  
Compo-  
stellani.

Tertiam Collectionem adornavit Bernardus Compostellanus, de quo statim dictum, ex registris Innocentii Tertii, quæ Collectio *Romana* dicta est. Sed offensi Romani, quod usu judiciorum minus recepta referret, ab Innocentio impetrarunt, ut Pontificia auctoritate aliqua Collectio ederetur. Quare Innocentius notarium suum Petrum Beneventanum anno sui Pontificatus XII. qui est Christi nati 1210, operi præfecit: Tum primum auctoritate publica, ut refert Ant. Augustinus loco citato, facta

350. Petri  
Beneven-  
tani, seu  
Innocentii  
III. Colle-  
ctio.

facta collectio juris Pontificii est. Nam superiores omnes sive Decretorum, sive Decretalium Collectores privata auctoritate scripserunt, & rescripta ab eis relata negari poterant, nisi à scriniariis Romanæ Ecclesiæ probarentur. Hujus Collectionis interpretes fuerunt, ut refert Joh. Andr. F. Paulus Hungarus. Ant. Augustinus dicit se eadem nomina in Scholiis vidisse, quæ in aliis collectionibus.

Quarta Collectio quinquennio post tertiam, sub eodem Innocentio tertio Papa, Anno nempe Christi 1215, facta est. Cui causam dedit Concilium Lateranense IV. quod pro generali XII. habet Fr. Longus à Coriolano, in *summa Concil.* pag. 824. in quo LXXI. capita constituta sunt, quibus adjectæ sunt aliæ decretales & rescripta, quæ per quinquennii spatium post tertiam collectionem editæ erant. Duplex tamen extat hujus collectionis editio, una quæ habet tantum LXXI, Canones Concilii Lateranensis, altera cui & alia rescripta sunt addita. Posteriores exhibet Ant. Augustinus cum suis notis in antiquarum decretalium collectionibus, loco ultimo. Ejus interpretès Vincentius fuisse dicitur, Augustinus præterea Johannem, Jacobum & Robertum seu Rogerium se legisse testatur.

351. Quarta Collectio Innocentii III.

Quinta

352. Quin-  
ta Collectio  
Tancredi  
Bononien-  
sis.

Quintam Collectionem fecit Tancredus Bononiensis Archidiaconus, in qua sunt Honorii Tertii constitutiones, sub cujus nomine etiam publicari debuit. Prodiit hæc collectio An. Christi præter propter 1227, quo Honorius Tertius, Innocentii III. successor mortuus est. Hujus interpretes perhibetur Jacobus Albanus Faventinus Episcopus, Henrici Ostiensis Præceptor. Hanc diu desideratam, neque unquam editam, quia Gregorius Honorii successor de nova editione Pontifex factus statim cogitabat, cum Antonius Augustinus inter suas Collectiones non edidisset, tandem in Bibliotheca Albiensi repertam, Tholosæ Anno 1645. edidit Innocentius Cironius Academia Tholosanæ Cancellarius, & Glossas adjecit Doctissimas, in quibus explicat ea quæ ad juris cognitionem, & temporum historiam pertinent, quæ à prioribus Glossarum Scriptoribus omissa fuerant. Vid. Arthur Duck. *de Auctor. jur. lib. 1. cap. 7. §. 6.*

353. Sexta  
Collectio  
Gregorii  
noni, facta  
per Ray-  
mundum  
de Penna-  
forti.

Hanc tandem excepit sexta Collectio, quæ in Corpore Juris Canonici exhibetur, quæ jussu & auctoritate Gregorii IX. Papæ facta est, à Raimundo de Pennaforti, Papæ Capellano, Anno 1230. Congesta hæc est ex omnibus compilationibus anterioribus; cui quoque ea inserta, quæ in anterioribus



rioribus omiffa fuerunt, item quæcunque ab ipfo Gregorio constituta funt, quæ ille multa ex jure civili haufit, & non consultus refpondit; quæ caufa quare ejus constitutiones sæpe ad neminem dirigantur, teste Jac. Cujac. *ad c. ult. de sent. & re judic.* Ipse Gregorius in *Proem. Decret.* operis rationem suggerit & profitetur se multâ inutilia refecuisse; Quæruntur attamen interpretes sæpe, quod multa utilia detraxerit, aliaque obscura addiderit, quare sæpe ad priores collectiones est recurrendum. Raymundum Collectorem multa detraxisse, illæ particulæ, quæ utramque paginam faciunt in Decretalibus, **ET INFRA** affatim ostendunt. Huic fini id factum, ut ipsas constitutiones breviores faceret, sed fecit quoque obscuriores; nisi itaque sæpissime recurramus ad fontes, vix relictorum sententiam deprehendemus. Ex unius sæpe rescripti corpore plura veluti membra sub variis titulis posita, si iterum conjungantur, multo facilius cognoscuntur. In primis collectionibus Inscriptionum quoque & nominum certior scriptura est, cujus periculum, ut refert Ant. Augustinus, *Præfat. ad Antiq. Collect. Decret.* fecit Antonius Contius; qui multa in sua editione Corporis Canonici ex hisce Collectionibus restituit. Totius operis ratio & auctoritas

354. Utilitas priorum collectionum.

bb

ex his

ex his Gregorii verbis colligi potest. Diversas constitutiones, & decretales epistolas predecessorum nostrorum, in diversa dispersas volumina, quorum aliqua propter nimiam similitudinem & quadam propter contrarietatem, nonnulla etiam propter sui prolixitatem, confusionem inducere videbantur: aliqua verò vagabantur extra volumina supradicta, quæ tanquam incerta frequenter in iudiciis vacillabant. Ad communem, & maximè studentium utilitatem, per dilectum filium fratrem Raymundum capellanum & pœnitentiarium nostrum, illas in unum volumen (refecatis superfluis) providimus redigendas, adjicientes constitutiones nostras, & decretales epistolas, per quas nonnulla quæ in prioribus erant dubia, declarantur. Volentes igitur ut hac tantum compilatione universi utantur in iudiciis, & in scholis, districtius prohibemus, ne quis præsumat aliam facere, absque auctoritate sedis Apostolica speciali. Ad illa verba refecatis superfluis, notant Romani censores, interdum & utilibus, quod & de Triboniano dicitur, qui fuit Raymundo isto doctior. Quod Scholium Joh. Chiffletio bilem succutit, in Apologia pro hoc Raymundo, quæ est quarta, pro architectis juris, cap. VI. §. 2. ubi primum dissimulat auctorem Scholii; Quare, inquit, ut ne mentiar sæpe mihi Stomachum movit is, qui in Præfationem Decretalium Gregorii IX. notulas quasdam con-

con-

*conscriptit, &c.* Deinde post subiecta verba, subjicit. *Equidem miratus sum non semel, homini fortasse non indocto tam ineptum & puerile judicium excidisse.* Sed tum temporis, cum Censores Romani seculo anteriori jussu Gregorii XIII. recognoscerent Corpus Juris Canonici, nondum erat tanti Raymundus, neque etiam adhuc in Divos relatus. Nil itaque mirum, si veram illi censuram & sententiam, quam millenis exemplis comprobantur in notis suis, de truncationibus rescriptorum à Raymundo factis, ederent. Magis ego miror quæ effutit (ut Raymundi Collectioni auctoritatem conciliaret) Chiffletius de angelo custode; magis miror illam, quam instituit ejus cum Socratico Dæmone comparisonem, quam ut mecum mireris, Lector, en subjicio ejus verba. *No- lo venditare Decretum Gratiani tanquam Jus Ecclesiæ, & ab ea donatum summa auctoritate. Adscripserit Gratianus interdum Sanctis Patri- bus, quæ vel his nunquam venerunt in mentem, vel etiam iis quæ ipsi scripta nobis reliquerunt penitus repugnant. Absit tamen, ut vel Gregorium IX. Pont. Max. vel certè Raymundum Barcinonensem, Ordinis Prædicatorum magnum lumen, perversi hac in parte judicii insimulare quisquam audeat, & oscitantia radacere. Nam si Socrates, quod illi à pæra Genius nescio quis*

bb 2

adha-

adhæssisset, sapientissimus habitus est secundum Pythii quoque demonis suffragium, qui Chero-phonti id oraculum edidit, quod in omnium ore est; Mortalium unus Socrates verè sapit; in Opere Decretalium concinnando Raymundus non accuratissimus esse non potuit, qui Angelo suo tutelari tam usus est familiariter, ut non raro ad statas ab eo preces excitaretur. Non alio fini ex jure Civili multa Gregorium quidam addidisse putant, quam ne necesse esset ad jus Civile recurrere, eoque major auctoritas juri Pontificio accresceret, juris Civilis & Imperatorum splendor decresceret, & supprimeretur. vid. sis Casp. Zieglerum in *Dissertat. de origin. & increment. Juris Canon.* §. 53. Fuit Raymundus ille de Penna seu Pennia Forte, & Pennafuerte, quem ad hanc Collectionem adhibuit Gregorius IX. Catalaunus, patria Barcinonensis ex Regibus Arragoniæ oriundus, ordinis Prædicatorum tertius Magister generalis, Gregorii Papæ pœnitentiarius: qui præter collectionem istam decretalium scripsit *summam de casibus*, quæ typis excusa est Romæ 1603. hoc titulo: *Summa de pœnitentia & Matrimonio cum Glossis Joh. de Friburgo Lectoris Ord. Domin.* Ejus compendium censent quidam esse summulam Raymundi, quæ Colonia 1502. edita est, cujus hoc initium

355.  
Raymundus  
quis fuerit &  
ejus vita,  
scripta &  
series de-  
cretaliū.

initium est, Summula de summa Raymundi prodiit ista. Obiit anno 1275. ut refert Molanus in Bibliotheca Sacra MS. Anno 1601. à Clemente VIII. Canonizatus, ut loquuntur, seu in Sanctorum Ordinem est relatus, vide de eo Henricum Gandavens. de Scriptor. Eccles. cap. 48. & ibidem Scholia Miræi, Marianam in Reb. Hispan. libr. 12. cap. 8. lib. 13. c. 13. & 22. Bibliothecam Hispanic. cujus Collector est Andr. Schottus, tom. 2. pag. 186. & 218. Vitam Hispanice scripsit Salvator Pons, vertit Germanice & Monachii edidit Ægidius Albertinus 1602; ubi multa & magna miracula, quæ fidem excedunt, refert. Vide sis Joh. God. Olearii Abacum Patrologicum. pag. 399. & seqq. Item Leand: Albertum in ejus vita, & Chiffletium, de Architect. Juris. cap. VI. Distincta est Collectio Raymundi, seu Gregorii IX. quinque libris, quorum summam versiculus ille continet. *Judex* 1. *Judicium* 2. *Clerus* 3. *Sponsalia* 4. *Crimen* 5. Liber quilibet suos habet titulos, omnes simul centum & octuaginta quinque. Est ille ordo quoque in anterioribus compilationibus observatus, & exinde haustus, quem etiam in posterioribus omnibus digestionibus sequuti sunt, quando quid, quod ad titulos pertineret, novi rescriptum invenerunt;

runt ; quod si deesset , ad alium titulum progressi sunt ; quæ causa est quare in sexto Clementinis & extravagantibus sæpè non tot tituli inveniuntur , quam in singulis libris collectionis Gregorianæ. De hac compilatione hoc exstat iudicium Franc. Duarenii in *Præfatione lib. de Sacr. Eccles. Minist.* quod subijcimus. In eo *Decretalium* volumine multa intueri licet quæ à prisca illa disciplina , quam *Decretorum* liber à Gratiano editus continet , multum degenerent. Atque hinc natum est illud inter nostrates tritum ac vulgo jactatum , male cum rebus humanis actum esse , ex quo decretis alæ accesserunt. Est enim hac rerum humanarum conditio , ut fere in deterius prolabantur. Sic omnia fati , inquit Poëta , in pejus ruerent , & retro sublapsa referri. Ejus tamen libri lectio negligenda juris studioso non est , quod multa ad juris , non modo Pontificij , sed etiam Civilis cognitionem utilia contineat. Quo etiam tempore conscriptæ sunt istæ Epistolæ , quibus Pontifices Romani de jure consulentibus more veterum Imperatorum respondebant , causæ Ecclesiasticæ antiquam simplicitatem jam amiserant , erantque ejusmodi ut ad eas dirimendas ac definiendas *Facti* ac *Pragmatici* adhiberentur. Unde factum est ut Canonum peritus , nisi idem juris Civilis scientia instructus sit , vulgari proverbio inter rudes & imperitos numeretur. In hanc

& an-



& anteriorem editionem Glossas ediderunt, <sup>356. Glossographi hujus compilationis.</sup> ut refert Guido Pancirollus, *de Claris leg. Interpret. lib. 3. cap. 8.* quem hic sequimur, Ruffinus, Sylvester, Ricardus Anglus, Rodoicus cognomento Modicipassus, Petrus Corbolus, vel, ut alii, Boliatus Hispanus, *Hostiens. in summa de rest. spolia. §. cum queritur. ad fin. Joh. And. in c. iras. co. & in præm. decretali col. 3. vers. & ibi compilationes quinque.* Bertrandus, Damasius, Alanus Anglicus, Petrus Papiensis Præpositus, Petrus Galensis Vulterrano, Bernardus Compostellanus, Laurentius, Vincentius Castellioneus Mediolanensis, Joannes Teutonicus, & Tancredus, qui etiam in Decretum glossas ediderunt; Hos secuti sunt Guilielmus Naso, & Jacobus de Albenga Episcopus Faventinus. Sed horum omnium glossas Bernardus Bottonus Parmensis, <sup>357. Bernardus Bottonus Parmensis.</sup> ultimam compilationem interpretatus in unum collectas ampliavit, *Archid. in peroratione Decreti.* circiter annum MCCXL. & omnem illarum gloriam in se transtulit. Eandem Gregorii IX. compilationem aliqui ex prioribus, & alii posteriores sunt interpretati, ut Vincentius, Gofredus, Philippus, Innocentius, Hostiensis, Petrus Sampso, Abbas antiquus, Bernardus Compostellanus, qui opus non perfecit, Egidius

358. Boatin Mantuan.

359. Frater Jacobus Canonic. & Joannis in Monte.

360. Damafius.

361. Druzianus, Guandulfus  
362. Petrus Mandecator.

dius Bononiensis, Bonaguida Aretinus, & Franciscus Vercellensis, qui tantum super contextu scripsit. Postea supervenit Boatinus Mantuanus, & Archidiaconus, qui etiam glossas sunt interpretati. Quidam etiam Monachi, quorum nomina ignorantur, super iisdem Decretalibus opus composuere, quod Suffragium Monachorum nuncupatur, quod ut erroneum, superfluum; & mancum ferè inutile fuit. Hos secutus fuit Frater Jacobus Canonicus Sancti Joannis in Monte, quorum omnium scripta milliglossematum, aut interpretationum Summam excedebant, prout in *Proem. Decret.* Joannes Andreæ testatur. Ex prædictis Damafius in primam compilationem glossas, edidit, ac librum quæstionum super multis Decretalibus, & Brocarda composuit, & Joannes de Albenga Hostiensis præceptor Honorianas est interpretatus; Præter memoratos Druzianus, & Guandulfus in Decretales glossas emisit, & Petrus Mandecator, & quidam Cardinalis. Cæterum Bernardus Bottonus Bononiæ, ubi etiam Canonicus creatus est, diu Dècretales professus est, postea sacri Palatii quæstor est declaratus, *gloss. Bernar. in c. quod sicut in vir. dividatur, de electio.* quem Auditorem, & Summi Pontificis Capellanum vocant; cum enim

enim causas ex toto orbe ad Urbem confluentes Pontifex in Sacello, quod Capellam nominant, adhibitis Jurisconsultis, audiret, illi à loco Capellani sunt appellati; Sed hi hodie numero XII. licet alias plures fuerint, ex generali, & prisca delegatione in unum ordinem redacti sunt, & qui audiendi, cognoscendique facultatem habent, Auditores causarum sacri Palatii dicuntur, quas ex speciali rescripto plerumque decidunt; & etiamnum Capellani nuncupantur, atque in Capella divinis inserviunt. Bernardus postremo Academia Bononiensi Præfectus fuit, quem Germanorum vocabulo Cancellarium vocabant. Illi enim cum in Italia imperabant, omnes regionum præfectos Cancellarios appellare consueverant. In majore templo Bononiæ cum hoc Epitaphio humatus est.

BERNARDUS BOTTONUS CANCELLARIUS  
STUDII BONONIENSIS, QUI SCRIP-  
PSIT APPARATUM AD DECRETA, JA-  
CET HIC.

Censores Romani superiori seculo has Decretales contulerunt cum fontibus Regestis nimirum & compilationibus, quæque inconsulto Raymundus detraxerat, & sine quibus Decretales intelligi vix poterant, subjec-

363. Ca-  
pellam Sū-  
mi Pontifi-  
cis qui di-  
cantur.

364. Cen-  
sorum Ro-  
manorum  
labor in  
hac Colle-  
giæ

bb 5

quæ;

runt: sunt hæc quæ in editionibus vulgatis alio characteris genere scripta legimus.

365. Arsenius Monachus, & Patriarcha collegit synopsin canonum, seu Nomocanonem.

Antequam Cæteros Romanorum Præsulum labores in colligendis Decretalibus, & fulcienda sua Pontificia majestate atq; jurisdictione, recenseamus; in Græciam nos ordo temporis vocat, ut labres lustremus Arsenii Monachi, postea Patriarchæ Constantinopolitani, cum Nicephyrus Blemmydas designatus Patriarchatum non iniret. Hic sub Theodoro Lascare Juniore circa Annum Christi 1255. *Synopsin Canonum* ex Conciliis & Patribus in Concilio Trulano approbatis collegit; In qua accurata Methodo Universam canonicæ disciplinæ scientiam, centum supra unum & quadraginta titulis complexus est, tum in fine cujusque tituli νομικὰ quædam κεφάλαια capita quædam legum concordantium adjecit. Quare illius opus Nomocanonis quoque titulum in fine Codicis Græci Manuscripti in Bibliotheca Regis Galliarum refert. Unde κεφάλαια illa νομικὰ hauerit, non satis constat. Justellus Filius & Guill. Voell. in *Prefat. Bibliothec. juris Canon. veteris* hanc conjecturam habent. Unde autem illa κεφάλαια νομικὰ deprompserit Arsenius non facili est deprehendere: multa olim & varia juris *πραγματ.* à Basilio, Leone Philosopho & Constantino

eino Porphyrogenneta Impp. Orientis Basilicorum  
 auctoribus saepius edita sunt: an autem ex illis  
 sua forte capitula excerpserit Arsenius non est  
 nostrum definire, sed eruditis & juris Graci pe-  
 ritis disceptandum relinquimus: Edidit Opus-  
 culum hoc Christophori Justelli filius, in  
 Bibliotheca juris Canonici veteris tom. 2.  
 sub hoc titulo. Ἀρσενίου Μοναχῆ τῆς ἐν τῷ  
 ἁγίῳ ὄρει Μονῆς ἔ Φιλοθέου Σύνοψις τῶν θείων  
 Κανόνων. Παράκειμένων ἐκάστῳ κεφαλαίῳ καὶ  
 τῷ ἀρμοζόντων ψηφίων τῶν θείων κανόνων. ἀφ'  
 ὧν καὶ ὁ νῦν εἰληπται. ἃ ἀναγνώσκων ἀκόπως  
 ἀρήσῃς τὰ σωτείνοντα. περὶ τερὸν μὲν ἀπὸ τῶν  
 κεφαλαιῶν τὸν ἅπαντα νῦν ἐκμανθίνων. ἐπὶ τα  
 ῖς ψηφίοις ἀναζητῶν ἐν τῇ τῶν κανόνων  
 βίβλῳ. καὶ πλατύτερον περὶ ἐκάστου πληροφο-  
 ρῆμος, εἰς δοξάν τῆς ἁγίας καὶ ὁμοσεύς τριά-  
 δος. Ἀμὲν. Arsenii, Monachi ejus quod est  
 in Sancto Monte Monasterii, Divinorum Cano-  
 num Synopsis. Appositis unicuique capiti con-  
 gruenter divinatorum canonum numeris, ex qui-  
 bus mens desumpta est. Quae legendo, nullo nego-  
 tio invenies ea quae ad rem pertinent: primum  
 quidem ex capitibus omnem sensum ediscendo,  
 deinde verò numerorum ope in canonum libro in-  
 vestigando, plenius etiam de singulis certior fa-  
 ctus, ad gloriam sanctae & consubstantialis Tri-  
 nitatis. Amen.

A Temporibus Gregorii Noni Pontifi-  
 cis,

366. Bonif.  
 facii octav.

vi compila-  
tio.

cis, in Occidente, prohibitz erant colle-  
ctiones privatorum; Quare cessatum est a-  
liquantisper in colligendis Decretalibus;  
Usque ad Bonifacium Octavum, qui XV.  
Papa fuit ab excessu Gregorii, & ad sedem  
evectus est seculi XIII. anno 94. Hic ter-  
tio Pontificatus anno tribus Cardinalibus  
commisit compilationem Decretalium, Guil-  
lielmo de Mandagoto, ex Archidiacono  
Nemausensi Archiepiscopo Ebredunensi;  
Berengario Fredello vel Stredelio Episco-  
po Niterrensi & Richardo Patrono de Se-  
nis Romanæ Ecclesiæ Vicecancellario, teste  
*Proem. lib. VI. Decret.* quæ postea *liber sex-  
tus Decretalium* vocatur, quia aliis quinque  
Gregorii addita est. Illa potissimum ex con-  
stitutionibus Innocentii IV. Gregorii X. Ni-  
colai III. & ipsius Bonifacii: item constitu-  
tionibus duorum Conciliorum Lugdunen-  
sium sub Innocentio IV. anno 1245. & sub  
Gregorio X. anno 1272. celebratorum com-  
pilata est; Habet illa itidem libros quin-  
que, ut Gregoriana & eosdem, ut dictum  
titulos, si quid interea, quod ad titulum  
faciat rescriptum invenerunt compilatores.  
Richardi cujusdam, qui & auctor hujus  
compilationis sit, meminit. Alber. de Ro-  
sat. *ad l. ult. C. de feriis.* Super fuisse etiam  
Dynum, *vid. apud Catellian. Cottam. in*  
*memor.*

367. Liber  
sextus De-  
cretalium  
vocatur.



*memor.* Eam Baldus citat *in tit. de Pace Constantia, sub nomine Novellarum*, Vid. Alberic. Gent. *de lib. jur. Can. c. 1. p. 11.* Fuit hic Bonifacius valde ambitiosus, arrogans, turbulentus, ad discordias promptus & excitandas & fovendas. Quod satis ex Platina, & Præfatione Monarchica, quam huic compilationi præmisit colligi potest. Cum Philippo Rege, suam regni Galliæ immunitatem defendente, & Papalibus Mandatis & rescriptis obedire detrectante, graves inimicitias exercuit. Pontifex in Galliam ad Philippum pulcrum mittit episcopum Apameensem, ut eum ad bellum sacrum incitet. filio ejus Carolo Valesio dat orientis imperium specie, sed revera eo ut vicario in exterminandis Etruria Gibellinis uti cogitat. cunctanti Philippo anathema intentat. Philippus episcopum in custodiam tradit. Papa eum illico liberarii jubet. Episcopis & Patriciis Franciæ Romam ad concilium diem dicit. Non parente Philippo, regnum Franciæ ad ecclesiam Rom. pertinere dicit, proinde absteineat ab ejus administratione. subditos sacramento solvit. Philippus prælatos regno excedere vetat, & liberat quidem Apameensem, sed bullam Papæ in atrio palatii Paris. exuri facit, ejus latorem protinus facessere jubet. Cum Pa-

368. Quis  
lis fuerit.

369. Inimicitia  
cum Rege  
Gallicarum  
Philippo.

pa

pa ea bulla diceret regnum Franciæ & in spiritualibus & in temporalibus sibi subesse, præbendarum collationem ad se spectare, aliud credentes hæreticos putare: respondit per literas Philippus: *Sciat tua maxima fatuitas nos in temporalibus alicui non subesse, aliquarum præbendarum collationem &c. ad nos jure regio pertinere &c. secus autem credentes fatuos & dementes reputamus.* Conveniunt Lutetiæ Ordines regni cum clero & theologis, & multorum scelerum reum agunt Papam. etiam quod non adhibeat fidem conficientibus eucharistiam. quod animas mortales putaret: ideoque ad vacantem sedem, ut aiebant, ad futurum concilium appellant. Interea sancitum nequis quicquam Romam perferret. Bonifacius concilio Romæ habito regnum Franciæ interdicto subjicit: regem cum posteris ad 4 generationem ecclesiâ excludit: sed latæres bullarum comprehenduntur. Vid. Jacob. Revium in *vita Bonif. VIII.* Mornæi *Mysterium iniquitat.*

370. Ob  
ras liber  
sextus in  
Gallia non  
est rece-  
ptus.

pag. 391 edit. *Gorichemens.* Hæc causa quare liber sextus Decretalium in Gallia non sit receptus. Duarenus in *Præfat. lib. de Sacr. Eccles. Minist.* Ideo, inquit, in Francia receptum non esse accepimus, quod quæ in eo extant, constitutiones, pleraque in odium & emulationem Philippi Regis Francorum edita, & ad Ro-

mane

*mane aule quæstum excogitata credantur. Adde Petr. de Marca, Concord. Sacerd. & Imper. lib. 4. c. 16. Scripsit in hanc compilationem Glossas Johan. Andreæ; de quo vide Soderlate Guidon. Panciroll. de Glar. leg. Interp. lib. 3. cap. 19.*

Initio seculi Decimi quarti Clemens V. qui Benedicto XI; & hic Bonifacio VIII. successerat, novo augmento jus Pontificium beavit aut potius oneravit. Hic sedem Pontificiam Avenionem in Galliam consilio Cardinalium Gallorum, quos bene multos creaverat, transtulit; eoque demonstravit æque Papam Avenionensem, ac Romanum posse dici, nec necesse esse ut Romæ hæreat, Petrique, ut volunt, sedibus incubet. Mansit hic statio Pontificum per annos LXXII. Hic libris itidem quinque iisdemque titulis inclusit suas & Concilii Viennensis constitutiones, sed præproperè mortuus vulgare non potuit, imò moriens vetuit, ut Aveninus *libr. VII. Annal.* refert, statim adducendus. Ejus successor Johannes XXII. non obstante prohibitione Antecessoris vulgavit. Aventini judicium de hac editione est sequens. *Septimum Juris Pontificii librum, quem Clemens V. decessor ejus composuerat, sed quod multa, qua simplicitati Christiana, libertati Religionis imponerent, ibi continerentur, publicare*

371. Scoto-  
lo XIV.  
Clemens  
V. Clemens  
tinus col-  
legit.

*publicare supersederat, atque animam agens a-*  
*bolari jusserat, (Johannes XXII.) edidit, o-*  
*mnia quæ ibidem scripta erant, rata fore consti-*  
*tuit, quæ à Benedicto, qui Johanni successit*  
*rursus antiquata sunt. Noluit has vocari li-*  
*brum septimum Johannes Papa, ejus edi-*  
*tor, sed Clementinas inscripsit, misitque ad*  
*universitatem Bononiensem cum Præfatio-*  
*ne sua anno Pontificatus sui secundo, qui*  
*est Christi 1317. Glossas ad eas edidit Fr.*  
*Zabarella, qui & in decretales scripsit.*

372. Jo-  
 hannis  
 XXII. Ex-  
 travagan-  
 tes.

Sub ejusdem Johannis XXII. nomine  
 vulgatæ extant in Corpore Canonico Ex-  
 travagantes, viginti; ita dictæ, quod vaga-  
 rentur extra Corpus Collectionum Cano-  
 nicarum, incertæ adhuc, num recipiendæ  
 essent. Nam ab ipso Iohanne, neque ab ullo  
 Pontifice sunt vulgatæ, aut probatæ, sed  
 privata auctoritate collectæ, anno præter  
 propter 1340. Cujacius in *c. ad audientiam.*  
*4. de spons. & Matr.* vocat *Johanninas*. Guil-  
 lielmus Occam, qui circa eadem tempora  
 vixit, à multis has extravagantes repre-  
 hendi, pro hæreticis & falsis haberi adse-  
 rit, & errores recitat ex libris & sermo-  
 nibus Iohannis hujus. Vide scripta hæc a-  
 pud Goldastum in *Monarchia*; Sleidan. *lib.*  
*2. com.* & de Scriptis hujus Iohannis XXII.  
 Ludov. Iacob. à S. Carolo, in *Biblioth. Pon-*  
*tificia,*

*tificia*, lib. I. ubi ejus Regestum, & Bullarium in Vaticana Bibliotheca extare refert. pag. 40. Scripsit in eas Zenzelinus de Cossanis, qui aliis est Gezellinus, vel Jesselinus de Cossianchis.

Eidem Johanni XXII. adscribuntur *Regulae Cancellariae*. Ludovicus Gomes, qui Commentariis illustravit has Regulas, in Proemii princ. illud satis compertum esse dicit, *Regulas Cancellariae à Johanne XXII. initium & originem habuisse*, nam in vetusto quodam membranaceo Codice (quem vulgares *Quinternum Cancellariae Apostolica* vocant) primus omnium in ordine ponitur *Johannes XXII. Regularum Auctor*, nec ante ipsum alius summorum Pontificum invenitur, qui hoc prius tentaverit; Aliquibus foliis interjectis, idem tradit: ejus testimonium quia laudes & fraudes, homo Pontificius, Episcopus, ad ipsum Papam Paulum III. (cui suos commentarios inscripsit) uno spiritu eructat, non possum quin totum, etiam paulo prolixius. apponam. Redeamus igitur, inquit, unde digressi sumus, & dicamus, quod licet ante tempora, Joannis XXII. Vicecancellarius, scriptores & correctores literarum jam constituti fuissent, nihilominus *regulae Cancellariae nondum compositae fuerant: sed primus omnium Joan. XXII. tanquam bonus domus sua paterfamilias eas introduxit*, Nec solum re-

373. *Regulae Cancellariae auctorem habent Johannem XXII.*

374. *Joan. XXII. multa pro sede Romana invenit, nempe Reg. Cancell.*

375. Reservationes  
ac taxas beneficiorū.

*gulas, sed etiam ut rem angustam domini juvaret beneficiorum etiam electivorum reservationes ac taxas, quibus aestimarentur, invenit. Collegium quoque scriptorum Apostolicorum. antea sine ordine vagans. numeris distinxit, ut de istis Guliel. Hispanus in Pragmatica Franciæ, ac Polydorus lib. 8. de Inventoribus rerum, cap. 2. meminerunt. Quinimo beneficiorum annatas, ex*

376. Annatas revocavit.

*quibus tam magnos provenus sibi & Ecclesiæ comparavit, in consilio Viennensi sub contentione dimissas, ut refert Jo. And. licet mendose in c. inter cætera. col. fi. de offi. ord. in usum revocavit. Adeo, ut moriens vigesies quinquies*

377. Divitias ingentes reliquit.

*centum millia nummum aureorum Ecclesiæ dimisit, ut refert frater Ptolomeus de Luca in historia Ecclesiastica Pontificum, in vita Johan. Et hoc idem dicit, tacito authore, D. Petrus And. Gammarus Rotæ auditor in scholiis quibusdam impressis ad extravagantem Julii II. Quæ quidem annatarum inventionem magnum toto or-*

378. Cupidi fuit animi & audacissimi.

*bi scandalum generavit, Nec mirum quia Joan. XXII. adeo cupidi & audacissimi animi fuit, ut non solum hoc uno malo Ecclesiasticos Viros gravare, sed quod magis mirandum fuit non est veritus constitutionem facere, quæ & regnum Germania à regno Francia divideret, & Italiam ab imperio segregaret, ut Albericus author est. Inter hæc tamen, Rotam novis & saluberrimis statutis ornavit, quæ hodie apud nos etiam servan-*

379. Rotam ordinavit,

tur,



tur, & quotannis initio audientiarum publicè leguntur, Et in summa, ille primus administrationem justitiæ cujus Vicecancellarius caput est, quæ in regulis, & Rotæ ordinationibus consistit, invenit. Quæ quidem officia successores Pontifices in dies magis propagarunt, Nam quod ad regulas attinet Joann. XXII. in suis regulis hoc tantum egit, abbreviatores instruere, videlicet quomodo literas in cancellaria, juxta supplicationum varias signaturas, deberent expedire, quas summi pontifices deinde magis auxerunt, usque ad tempora Nicolai Papæ V. qui omnium pontificum primis prædecessorum utiliores regulas colligens, ac plures alias judiciales addens, eas omnes in eo statu, in quo nunc reperiuntur, deduxit. Quem successores usque in hodiernum diem paucis immutatis vel additis pro se quisque sunt sequuti, Totius hujus harmoniæ laus Joanni tribuitur. Fuit enim inter ceteros mortales non solum eruditus, sed impense curiosus, Nam, ut ex recentioribus solus author est Franciscus Petrarcha lib. 2. rerum memorabil. tract. 3. cap. 53. Joann. XXII. fuit adeo rerum omnium curiosus, ut repertoria, seu indices sibi ordine alphabeti conficeret, quibus facile res omnes in promptu, & ad manus haberet. Sic itaque ecclesiæ Dei magnum præstitit adjumentum & authoritatis prærogativam: nam, ut ea omnia quæ historici in ejus vita referunt omittam, quando aliud de se dignum

380.  
Fuit Cu-  
riosus.

sufficit ex prædictis ostendisse, Regulas, de quibus loquimur, certam originem & initium habuisse. Habes hic oppido egregiam summi, ut volunt, Præfulis sanctitatem; ex qua etiam de constitutionū æquitate judicare poteris, quas avaritia dictasse videtur. Sunt hæ regulæ Cancellariæ norma judicii Romani in judicando, & valent tantum per vitam Pontificis, cum eo moriuntur; Pares de resignat. benef. lib. 11. q. 2. num. 32. Merlin. decis. 192. num. 4. & 5. Gomes. ad Regul. Cancell. proem. fol. 8. pag. 1. in fin. Sequens Pontifex paucissimis immutatis initio suæ creationis iterum eas proponit, teste Carol. E-man. Vizzanio, in tract. de mand. Principum. in proleg. num. 7. Ideoque edictis Prætorum eas comparat Francis. Florens ad titulum de Rescript. princ. An leges sint generales an particulares late disquirat Gomesius ad d. constitutiones, ubi multa arg. pro utraque sententia affert in quest. secunda Proemii, fol. 8. & seqq. Sed sunt tantum leges particulares vere, Curiam Romanam tangentes, ideoque extra eam non obligant, ut vere didicit Alberic. Gentil. de libr. Iur. canon. cap. 3. pag. 52. ubi addit Constitutiones Marchiæ Anconitanæ, quæ Ægidianæ dicuntur jus generale facere in statu Ecclesiastico, extra eum non valere. Adde Be-

381.  
Quid sint  
regulæ  
Cancellariæ & cu-  
jus sint  
auctori-  
tatis.

382. CA-  
stitutiones Mar-  
chiæ An-  
conitanæ

fold. de libr. Iuris. pag. 47. seu cap. 8. in fin.

383. Seculo XV. Extravagantes communes prodierunt.

Seculo demum decimo quinto & quidem decreſcente, alia collectio *extravagantium* prodiit quæ *Communes* vocantur, quia non ſunt unius Papæ. Quæ Collectio itidem privata induſtria facta, à nullo Pontifice approbata legitur; ſunt in ea extravagantes quædam Eugenii IV. Calixti III. Pauli II. Sixti IV; qui ad Pontificatum venit Anno 1471. & manſit in eo uſque ad Annum 1484; ut neceſſe ſit hoc tempore factam & vulgatam fuiſſe iſtam collectionem. Quia à privato facta cujus nomen latet, ideo nec olim magnæ auctoritatis fuit: nunc vero & hæc & anterior Johannis XXII, poſtquam in Corpus canonicum recepta eſt, magni apud Canoniſtas eſt ponderis. Harum quædam extant cum Gloſſis Johannis Monachi, Picardi Cardinalis, aliæ cum commentis Gillermi de Monte Laduno, & Johannis Franciſci de Paviniis.

384. Corpus Juris Canonici comparatum cum Corpore juris Civilis.

385. Cauſæ incrementorum juris Canonici.

Ex his partibus conſlatum eſt Corpus Juris Canonici, quo hodie utimur ad imitationem corporis juris Civilis, ut Gratiani Decretum Pandectas, Decretales Codicem, Sextus, Clementinæ & extravagantes Novellas repræſentare poſſint. Quod ſi incrementa impoſterum tanta à ſequentibus Pontificibus acceperit, moles ejus longe ju-

ra

ra Civilia excedet, & postea idipsum ob-  
ruct. Causas incrementorum eleganter e-  
narrat Petrus de Marca *de concord. Sacerd. &  
Imper. lib. 3. cap. 6. num. 4.* ubi differentias  
Juris Canonici Veteris & Novi adsignat.  
Verba sunt quidem paululum prolixa, ta-  
men quia Auctor non est in omnium ma-  
nibus, tum quia affabre causas depingit,  
homo Pontificiæ professionis & Episcopus,  
eum omittere nequeo. *Summum, inquit, ca-  
put, in quo jus novum ab antiquo differt, in eo  
jam constitui, quod suprema potestas, quam in  
plerisque causis judicandis Synodi provinciales  
obtinebant, penitus extincta est, & ad solum sum-  
mum Pontificem revocata, & ea que in canoni-  
bus condendis versatur, sit aded imminuta, ut  
Pontifici soli constitutionum condendarum onus  
incubuerit, quibus earum rerum formam præscri-  
bebat, de quibus apud illum erat disceptandum.  
Hinc secutus est novus judiciorum Ecclesiastico-  
rum ordo ad cognitiones per rescripta Pontificum  
instituendas in Provinciis; Vnde tot constitutio-  
nes emanarunt de Rescriptis, de judicibus dele-  
gatis, de officio judicis ordinarii, de dilationibus,  
exceptionibus, sententiis & appellationibus, &  
de toto, ut generaliter loquar, judiciorum ordine.  
Hæc omnia olim non aded exactè & sollemniter  
exercebantur, ut novis Constitutionibus est de-  
cretum; quæ magnâ ex parte in formulis actio-*

num & in tritura fori, anxie & scrupulosè versantur. Ex alio deinde capite nova Ecclesiastica Politia facies oborta est, scil. ex Beneficiorum ab ordinationibus discretionem. Antiquo jure, quod canone Concilii Chalcedonensis probatum erat, nullus ad Clerum adscisceretur, quin ad certam Ecclesiam sub Episcopi, Presbyteri, Diaconi, & ceterorum ordinum gradu adscriberetur, adeò ut manûs impositionem sequeretur adscriptio in Canonem seu laterculum & matriculam Ecclesie. Hoc obtinet adhuc in Episcopis; sed in ceteris gradibus ordinationes ἀπολελυμένως & absolute fiunt, & absque titulo Ecclesie, contra præscriptum Concilii Chalcedonensis. Constitutum quidem fuit in concilio Lateranensi, ne Clerici ordinarentur absque titulo, saltem patrimonii, scil. ne in opprobrium Cleri mandicare cogerentur; sed hoc Decreto non est restituta vetus disciplina, quæ clericos per manuum impositionem suis Ecclesiis addicebat. Separatio ista & discretio ordinationis ab Ecclesie seu beneficii collatione & pinguis simorum reddituum còpia, novas in jus Canonicum regulas invexit antiquo juri prorsus incognitas de beneficiis acquirendis, conservandis & amittendis, quæ ferè utramque paginam novi juris faciunt. Matrimoniorum impedimenta novis interdictis ad tuendam honestatem publicam introducta, & revocata ad solam Ecclesiam earum causarum cognitiones & cognitionum, quæ hâc de  
re ba-

re habentur, adstrictus forensibus formulis ordo, novam juri Canonico materiam subministrarunt. Excommunicationum infligendarum & pœnitentiarum publicarum, quæ antiquo jure vigeant, temperatus jure novo rigor novis Constitutionibus explicandus erat. Non omittendæ sunt multiplicēs Monachorum species & religiosarum domuum diffusa per Europam multitudo, quæ novis regulis & institutis Pontificum curam ad se traxerunt. Quin & indulta monasteriis aut Canonicorum capitulis exemptiones ab Episcoporum jurisdictione & privilegia varia illis concessa, varias causarum figuras à Pontificibus disceptandas præbuerunt. &c. Salse traduxit eam seculo decimo quinto exeunte Johannes Geilerus Keisersbergius, Concionator apud Argentoratenses sermone 3. de orat. Nota, inquit, dissipaverunt Dei, per leges humanas: sic Dominus Judæis impropertavit: irritum fecistis &c. & per leges positivās, canonicas & Imperiales, per statuta municipalia, provincialia, synodalia & cujuslibet particularis Ecclesiæ, quod suo tempore lamentatus est beatus Augustinus, ad inquisitiones Januarij. Quod si idem nunc viveret, & videret Decretum, Decretales, Sextum, Clementinas & tot Lecturas &c. DEVS meus, quid diceret? taceo de legibus iniquis. Planè obruitur lex divina per tot humanas, ne discatur & cognoscatur. De Auctoritate hujus Juris pauca



ris Pontifi-  
cii.

subnectenda sunt. Ea varia fuit, crevit & decrevit. Cum imperium & Majestas Pontificum Romanorum se per totum Occidentem magis magisque diffunderet, etiam super Imperatores se extolleret, juris quoque Canonici auctoritas eodem impetu se diffudit & crevit, ita ut Blasphemo errore detorta Augustini & truncata sententia *ex lib. 2. de Doctr. Christ.* Gratianus *Can. in canonicis, dist. 19.* Decretales inter *canonicas Scripturas* retulerit. & qui canones violat, qui instinctu Spiritus sancti dicuntur dati esse, dicatur Spiritum S. blasphemare, *c. Violatores. 25. q. 1.* Imperatores Romano-Germanici non semper ista incrementa aut Mysterium quod in conscribendis, edendis & vulgandis Decretalibus & obtrusione juris Pontificii, latebat, observare potuerunt; aut si viderent, pacis studiosi, tolerarunt; aut potius, quia non poterant impedire, conniverunt. Hinc factum, ut omnes Occidentis populi, Jus canonicum receperint, eoque in decidendis causis usi fuerint. De Italia, in qua Auctor ejus juris longe lateque dominabatur, non est, quod auctoritates producamus. Galli, deficientibus legibus & consuetudinibus propriis ex jure Canonico causas in suis Curiis decidi patiuntur, teste Eguinar. Baron. *ad l. nonnunquam. II. ff. de justit.*

*justit. & jur.* Rebuffo, *ad Constit. Regias in Proem. Gloss. 5. n. 126.* rejecto tantum libro sexto Decretalium, ut supra adsertum; alioquin in Academiis Gallix, universum jus Canonicum docetur. Vide Bochell. *in Decret. Eccles. Gall. lib. 5. tit. 14. c. 36.* Hispani, deficiente jure Regio, ad jus Canonicum recurrunt, ut adseverat Azeved. *ad Constit. Reg. Hispan. lib. 2. tit. 1. n. 18.* Amat. Rodrigu. *de Process. in caus. civilib. cap. 10. n. 26.* Vasq. *de Success. creat. §. 26. limit. 31. n. 70.* Idem de Hungaris testatur Stephan. de Werbentz, *de jure Hungar. part. 2. tit. 6.* De Danis Georg. Lorch. *in Enchirid. Arrest. in Addit. ad conf. posterius. n. 52.* De Anglis id constat ex ipsis Decretalibus qui magnam partem ad Anglos de controversiis Anglicanis sunt scriptæ; idque testatur Arthur. Duck. *de auctor. jur. Civil. lib. 1. cap. 7. §. 15.* De aliis videatur Cothomann. *Resp. 4. n. 52. & Resp. 30. n. 70. vol. 1.* De Germania nulli potest esse dubium, quoniam in causarum decisionibus, & in Academiis publice nil frequentius quam allegatio & explicatio juris Canonici. Probant id assatim regulæ, quod jus alteri & in quibus casibus debeat, cedere. Si casus in jure Civili non est decisus, vel non expresse, sed ambigue vel obscure positus, idemque  
in jure

in jure Canonico clare & aperte inveniatur; ejus adjudicatio in utroque foro ex jure Canonico petenda est; contra, causa decidenda est ex jure Civili, ubi in jure Canonico vel penitus nihil, vel obscure & ambigue decisum est. *l. 1. & ibid. DD. de nov. oper. nunc. Abbas ad c. licet. n. 14. de for. comp. Marant. in Pract. p. 3. n. 73. Rebuff. ad constit. Reg. in Proem. gloss. 5. n. 126. Christinæus. decis. Belg. 54. n. 1. tom. 2. Si jus Civile & Canonicum contraria sunt, utrumque in suo foro, Civile in Imperio, Canonicum in Dominiis Ecclesiæ viget. Johan. Andr. ad c. 1. n. 5. de nov. oper. nunc. Card. Tusch. conclus. 277. n. 36. In causis peccati petenda decisio ex jure Canonico veluti in præscriptione, in qua bonam fidem continuam exigit jus Canonicum; ubi jus Civile-Canonico non est contrarium, dicitur ab eo approbatum, de quibus vide Arthur. Duck de auct. jur. Civil. lib. 1. c. 7. §. 11. 12. & 13. & Clarissimum meum Promotorem, Dn. Jacob. Brandmuller. Antecess. Basiliensem, in præliminaribus operis, de differ. juris Civil. & Canon. cap. 5. in fin. & 6. pag. 12. Mansit hæc auctoritas quidem illibata, donec Deus lucem Evangelii sui seculo superiori benignissime restitueret; nisi quod anterioribus temporibus quidam etiā, sed pauci agno-*

agnoscerent iniquitatem ejus & affectatum per id summum in omnia dominium, ei; se masculè opponerent. Inter quos, seculi XIV. anno XXIV. Marsilius Patavinus, qui defenforem Pacis tum edidit; & alii quos collegit Goldastus; item Flacius Illyricus in Catalogo testium veritatis. Verum eorum Parresia sine effectu fuit. Lutherus, cum videret, reformationi obesse tot Decretorum & Decretalium volumina, ea ad examē revocavit, cumque videret sacris literis non satis congruere, contempsit, tandemq; An. XX. seculi superioris, provocatus suorum librorum exultione, totum Juris Canonici volumen Wittebergæ extra partam in magna Doctorum & Studiosorum Multitudine extructo rogo ultricibus flammis abolevit, nequicquam factum improbantibus Henningio à Goeden & Hieronymo Schurffio, qui suas professiones eo facto ignominia affici querebantur. Qua de re vide sis Casp. Ziegler, in *Dissert. de Orig. & increm. Juris Canonici*. §. 64. & seq. & Clariss. Dn. Brandmullerum d. *Prelim. diss. ad differ. jur. Civ. & Canon. cap. 6. pag. 9.* Ab hoc tempore decrevit auctoritas juris Pontificii in territoriis Protestantium; nisi quod doceatur & retineatur magis ex consuetudine, Johan. Goedd. de *contrahend. stipul. cap. 6. conclus. 7.*

n. 109. *Sixtin. de regalib. lib. 1. cap. 4. n. 118.* D. Brandmuller. *d. Pralim. dissert. cap. 6. pag. 11.* Frantzkius *ad §. 9. instit. de jur. nat. gent. & Civil.* quam auctoritate constituentis, Sam. Mares. *in Diss. de jur. Canon. §. 20. & 21.* idque propter Processum judicium, qui in libro secundo Decretalium & passim in sequentibus collectionibus, ex interpretibus Juris Civilis, & propriis figmentis, rerum emergentium varietate materiam & modum suggerente, magis concinne est explicatus: item alias quasdam materias, Jurisjurandi, Matrimonii & similes; Vid. Reinking. *de regin. secul. & Eccles. lib. 2. class. 2. c. 7.* Quæ tamen aliunde hauriri possent, nisi usus invaluisset; qui solus etiam sustinet titulum Doctoris Juris Canonici, qui simul datur cum Doctoratu Juris Civilis; ne opus sit propter conversationis frequentiam cum Pontificiis, pati ab iis status controversiam; qua de re potest videri Casp. Zieglerus, §. 68. *dict. dissertat. & Sam. Mares. de Jure Canon. §. 19. ante Cucchi institut.* Ubi varias adferunt rationes, quare professio & titulus Doctoris in Jure Canonico hodie ad hoc sustineatur in territoriis Protestantium; Quibus adde quæ supra prolixè disputavimus de auctoritate Gratiani Decreti: ex qua disputatione satis concludi po-

di potest, quid tribuendum cæteris post Gratianum collectionibus, quoniam omnes pertinent ad illam partem Decreti, quæ habet Pontificum rescripta seu Decretales Epistolas. Vid. num. 312. Retinuisse jus Pontificum Principes Protestantes, postquam ab Ecclesia Romana recessissent & potestatem Papæ abdicassent, eoque in decisionibus causarum usos esse, adserit Arthur. Duck *de auctoritat. Jur. Civil. lib. 1. cap. 7. §. 16.* eodem plane modo, quo Principes Europæi, postquam renunciaverant Cæsarum potestati, leges tamen Cæsareas observarunt. In Anglia plane abolitum esse jus, titulumque Doctoris Juris Canonici, testatur Robert. Parkerus *de Politia Ecclesiast. lib. 2. cap. 32. & seq.* In Germania, saltem apud Protestantes rectius quoque aboleri, quam diutius conservari debere jus Canonicum decernit Zieglerus, *d. diff. §. 67. in fin.* Neque id inficetis rationibus, probat; quibus, quod usum inter Protestantes concernit, facile ad sensum extorquet. In disputationibus vero cum Pontificiis, cum eundem usum præbere possint Decretales, quem supra n. 319. de Gratiani Decreto adseruimus, tantisper & has retinere possumus, quod etiam non videtur Improbare ipse Zieglerus. §. 68. adde Samuel. Maref. *dissert.*  
de



*de jure Canon. §. 25. & seqq.* Huc itaque inclinatur Doctissimorum Virorum sententia: non in totum polle retineri, neque in totum esse rejiciendum jus Canonicum. Vide sis Matth. Stephani, in *præfat. quam præmisit tertiæ parti tractat. de jurisdict.* Doctiss. Joh. Strauch. in *Amœnit. jur. Can. part. 1. Eclog. 1. cap. 13.* D. Brandmull. *diff. Prælim. ad diff. jur. Can. & Civil. cap. ult. pag. 13.*

387. Quænam Doctissimorum Virorum judicia de jure Canonico.

Quænam sint Doctissimorum Virorum judicia de jure Canonico, ex prædictis facile colligi potest. Duo aut tria singularia his adjiciemus; unum Viri Gravissimi, Georgii Wicelii in via Regia; Quot verò horum statutorum (iniquorum scilicet) millia in libris recentioribus extant? cujusmodi Ecclesia Christi non solum reprobat, verum etiam ferre amplius neque potest, neque debet: siquidem condita sunt præter legem DEI, præter legem naturæ, contra adificationem domus Domini, imò ad hujus destructionem, contra charitatem proximi, contra consuetudinem veteris veraque Ecclesiæ, contra exempla prædecessorum, ac sanctorum Patrum; adhuc ex malo fundamento ambitionis & avaritiæ, ut hæc due pestes nativæ radices sint omnium totius curiæ malorum. Quæ statuta constitutaque quando Ecclesiæ & Reip. obsunt, improbis tantum ad questum ac ambitum temporarium prosunt, & cum voluntate DEI pugnant, saluberrimum fuerit, si Pontifex

*Pontifex Max. irrita faciat, & his morbis Ecclesie corpus liberet. Cujus generis est magna pars Decretalium & Clementinarum, quibus Ecclesia carere potest adeò, ut his oneribus levare jam pridem cupiat. Aboleantur libri turpiter parasitici atq; gnathonici omnes &c. Alterù Henr. Corn. Agrippæ, non semper vani, de vanitate scientiarum Scriptoris, cap. 92. quod sodes lege totum : A jure civili dimanavit Jus canonicum sive Pontificium, quod plerisque sacrosanctissimum videri posset, tam ingeniosa avaritiæ præcepta ac rapiendi formulas specie pietatis adumbrat, cum tamen paucissima in eo statuuntur ad pietatem, religionem ac DEI cultum sacramentorumque ritus spectantia, taceo, quod nonnulla DEI verbo contraria aut repugnantia. Cætera omnia non nisi jurgia, lites, fastus, pompa, tum quæstus ac lucri negocia, Pontificumque Romanorum placita, quibus neque satis sunt, qui olim à sanctis Patribus sunt conditi canones, nisi his continuè accumularent nova decreta, paleas, extravagantes, declaratorias, cancellaria regulas, ut nullus sit condendorum canonum finis, neque mensura, quæ una omnium Romanorum Pontificum ambitio ac libido est, condendorum scilicet novorum canonum, quorum eo usque excrevit arrogantia, ut angelis cælorum præciperent, ut ex inferno sublata præda rapinâ facere præsumerent, & in mortuorum manes manum mitterent: etiam*

d d

in divi-

in divinam legem, interpretando, declarando, disputando nonnunquam tyrannidem exercerent, ne quid plenitudini potestatis suæ posset deesse aut derogari. Ex horum præterea canonibus & decretis deducimus, Christi patrimonium esse regna, castra, donationes, foundationes, allodia, opes ac possessiones ac sacerdotium Christi Ecclesiæque primatum esse imperium, regnum: & gladium Christi esse jurisdictionem ac potestatem temporalem: & Petram Ecclesiæ fundamentum esse personam Pontificis: Episcopos esse Ecclesiæ non ministros modo, sed capita: & bona Ecclesiæ esse non modo doctrinam Evangelicam, ardorem fidei, contemptum mundi, sed vectigalia, decimas, oblationes, collectas, purpuram, mitras, aurum, argentum, gemmas, prædia, pecunias, potestatem: Summi Pontificis esse gerere bella, dissolvere fœdera, solverere juramenta, absolvere ab obedientiâ & domum orationis facere speluncum latronum, ita quod Papa potest deponere Episcopum sine causa, quod potest dare rem alienam, quod non potest committere Simoniam, quod potest dispensare contra votum, contra juramentum, contra jus naturale, & nemo debet illi dicere, cur ita facis? Episcoporum vix officium esse jam non predicare verbum DEI, sed datis alapis confirmare pueros, conferre ordines, dedicare templa, baptizare campanas, consecrare aras & calices. Ex iisdem fontibus prodierunt cautelæ istæ, quibus

quibus hodie citra Simoniam Episcopatus & beneficia emuntur vendunturque, & quicquid præterea est nundinationum & monopoliorum in gratiis, in condonationibus, in indulgentiis, in dispensationibus & similibus rapinarum formulis, à quibus etiam in gratuitis ab ipso DEO factis peccatorum remissionibus precium statutum est, & inferorum pœnis inventum est lucrum. &c. His & similibus rationibus motus, ut credo, Theod. Bibliander solebat Corpus canonicum vocare Pludermementum delirissimum, teste Lomeiero de Biblioth. cap. 8. pag. 164. De Glossis, hoc est judicium Johan. Sleid. lib. 3. de quat. summ. Monarch. Mirum videri possit esse homines, qui tantum elaborare velint, ut ea quæ parum aptè, perperam etiam & minus prudenter atque piè, sed & ridiculè dicta sunt, tanquam oraculum aliquod mordicus arripiant, & in iis interpretandis, enucleandis, vestiendi omnem operam & ætatem consumant, quasi ed conducti essent, ut alienam stultitiam & errorem vigiliis & labore suo maximo defendant, & in alterius impudentiam, sui pudoris existimationem amittant. Cujacius ad c. X. extr. de sentent. & re jud. Nullos dicit Doctores esse ineptiores, quam qui in Jus Pontificium scripserunt. Contradictiones hujus juris collegit multas & cum disputat. ad institut. vulgavit Doctiss. JC. Jacob. Wissenbach.

dd 2

Sed

388. Se-  
culum  
XVI. In-  
stitutio-  
nes Pauli  
Lance-  
lotti.

Sed nos ad Historiam & seculum XVI. transimus, deerant corpori Canonico, ut in omnibus cum corpore Civilis Juris conveniret, institutiones. Hic perpetuum nomen & immortalem Gloriam captans, instar Triboniani, Paulus Lancelottus, Pontifici Romano Paulo quarto consilium scribendarum institutionum juris Canonici dedit, & ab eo mandatum, ut ipse *in Praefatione institutionum* refert, verius approbationem propositæ sibi scriptionis, obrinuit, quam spatio triennii ipso teste, postquam in patriam à colloquio Pontificis revenit, perfecit; Verius tamen est eum ad minimum per quindecim annos antequam ederet, occupatum fuisse in hoc opere scribendo, quod ex literis Joh. Franc. Cardinalis de Gambara ad eum anno 1563. scriptis satis colligi potest, ita ille ad Lancelottum. *Agitur annus sextus decimus, quo ego Perusia te Præceptore primæ juris civilis initia urgebam & tu jam tum opus hujusmodi sub incude habebas, idque propediem editurus videbaris, unde quod tamdiu retinueris, erit fortasse qui te acuset.* Perfecto opere, Romam contendens, cum Censores Pontificii Fabius Acorombonus, Julius Oradinus & Antonius Massa opus examinassent, & de dubiis cum Lancelotto contulissent, imo alii Theologi, ipse etiam Dicesceos

ceseos Perusinae Inquisitor Matthæus Lachius probassent, attamen à Pontifice approbationem, per integrum biennium quo Romæ hæsit, nec ut Pontificis nomine ederentur, obtinere potuit. Quare delusus, deposita omni spe, in Patriam concessit, & ne à Concilio Tridentino, quod jam ad finem properabat præveniretur, & multa in institutionibus mutare secundum ejus tenorem, novam censuram eamque difficilem petere, teneretur: opus ipse privato nomine edidit ann. 1563. mense Augusto; & mense Decembri concilio finis impositus. Edito concilio sæpe rogatus est Lancelottus, ut mutata in concilio infereret, sed id facere semper detractavit, dixitque se exemplum Justiniani sequi, qui propter mutationes juris in codice repetitæ prælectionis & Novellis, nunquam mutavit institutiones, Vid: Franciscum Mancinum *in Epistol. ad Cardin. Joh. Francif. de Gambara*. Hoc seculo XVII. cepto sub Paulo quinto iterum tentata est approbatio Institutionum Pauli Lancelotti, urgentibus Scipione Cobellurio Cardinale, Galeotto Oddone Balivo Narniensi & Leandro Galganetto JC; sed ab hoc Paulo, non magis impetrari potuit, quam à Paulo Quarto: id solum obtinuit, ut ejus institutiones corpori Juris Canonici



adderentur, sine tamen ulla confirmatione, in quo ad famam Lancelotti perennabunt. Vide sis de hisce ipsius Lancelotti Dedicationem ad Pium IV. Pontificem, & Proemium ad Juris Pontificii Candidatos; & Doctas ad utrumque Jacob. Ziegleri notas.

389. M.  
Antonii  
Cucchi in-  
stitutiones  
Juris Ca-  
nonici.

Eodem fere tempore quo Lancelottus, Marcus Antonius Cucchus Jurisconsultus Ticinensis, scripsit privata auctoritate Institutiones juris Canonici, quas edidit Anno 1564. IX. Kal. Augusti, inscripsitque Paulo Aringono Senatus Mediolanensis Præsidi; Hic quoque Concilium Tridentinum prævenire studuit, & operi decem annos, ut in Præfat. testatur, impendit. Videtur eandem cum Lancelotto laudem anhelasse, & unum alteri obsterisse, ne Pontificis nomine alterutrius labor vulgaretur. Scripta adornavit alia, quæ prætereo. Dedit ad Institutiones ejus notas Doctissimus & Celeberrimus Theologus Samuel Maresius. Id tantum moneo, vitandum esse Simleri in *Bibliotheca* errorem, qui hunc Cucchum, Antonium Cunchium ex Oporini Catalogo vocat, & conjicit Antonium Contium esse legendum, quod utrumque falsum.

390. Pius  
IV. Pontif.  
vulgar con-

Pius ille quartus Pontifex, sub quo Institutiones Juris Lancelotti & Cucchi prodierunt,

dierunt, inclaruit, vulgatione Concilii Tridentini, cujus historiam, quia multi eam dederunt, maxime Paulus Sarpus, sub nomine Petri Suavis Polani; (de quo vide amicum nostrum Clariss: & Consultiss: Virum, Vinc. Placcium, *Syntag. de Scriptorib. Pseudonymis num. 716. pag. 242.*) & Pallavicinus; (Prior quidem magis ex veritate, alter magis ad stylum Curiae Romanae) nos consulto praeterimus. Canones ejus extant in omnium manibus, cum Declarationibus Cardinalium, item Examine Martini Chemnitii Theologi, & Vincentii Gentilei Jurisconsulti. Minus notae ejus curae, quas ad emendandum Decretum Gratiani adhibuit. Hanc in rem selegit Romae Cardinales, & undique conquisitos Viros Doctissimos, qui Gratianum ex fontibus restituerent; Quibus Pius Quintus ejus successor aliquot addidit, opus autem demum perfectum est sub Gregorio decimo tertio, & ab eo vulgatum, Anno 1582. Pontificatus XI. ut indicat Praefatio quae Decreto praemissa est. Viri sub Pio quarto & quinto ad hoc opus Selecti, ut eos recenset Anton. Augustinus in fine libri primi de Emend. Grat. in notis. pag. 342. nostrae edit. sunt sequentes.

*Cardinalium Nomina.*

M. Antonius Columna Romanus.

ad 4

Hugo

cil. Tridentinum.

391. Eligat Romae Cardinales, & Doctos Viros ad emendationem Gratiani.

392. Pius Quintus aliquot addit.

393. Gregorius tertius vulgavit Decretum emendatum.

Hugo Boncompagnus Bononiens. postea  
Greg. XIII. dictus P. M.

Alexander Sfortia Romanus.

Guilielmus Sirletus Calaber.

Franciscus Alciatus Mediolanen.

*His additi sunt ab eod. Pio V.*

Guido Ferrefius Vercellen.

Antonius Carrafa Neapolitanus.

*Doctorum Nomina.*

Felix Montaltus Gener. ordin. S. Franc. po-  
stea Card. hodie P. M. Xystus V. dictus.

Christophorus Patavinus Gener. ord. S.  
Aug. eremitar.

Thomas Manricus ord. S. Domin. Magister  
sacri Palat.

.... Lucatellus Bononiens. Postea Regii Le-  
pidi Episcopus.

Josephus .... Veronen. ord. S. August. po-  
stea Sacrista Palatii, & Episcopus Signi-  
nus in Campania.

Franciscus Turrianus Hispanus, postea So-  
ciet. Jesus.

Marianus Victorius Reatinus, postea Epi-  
scopus Amerinen.

Michaël Thomafius Majoricensis, postea  
Episcopus Ilerdensis.

Hieronymus Parisetus Regiensis.

Antonius Cuccus Mediolanen.

Joannes Marfa Hispanus.

**Francia**

Franciscus Leo Hispan. postea Societ. Jesus.

*Additi sunt.*

Melchior Cornelius Lusitanus.

Latinus Latinus Viterbien.

Arnaldus Pontacus Gallus.

Petrus Ciacconius Hispanus.

Franciscus Pegna Hispanus, cujus sunt additiones Decretalium sine nomine, quia templum Dianæ incendisse visus est.

Meminit Gregorius Decretū quidem Gratiani tantum in sua Præfatione emendati, sed Decretales restitutas suæ integritati esse, non tantum titulus operis, sed etiam subjectæ singulis fere capitibus verba fontium, & rejectiones ad fontes, ostendunt. Factæ autem illæ tum ex Anterioribus Collectionibus, de quibus supra, tum ex *Regestis* aut detortè *Registris* Pontificum. Est autem Regestum, quod postea degeneravit in Registrum, liber iste in quo suas solebat describere Decretales quisque Pontifex; Quilibet enim habet peculiare; in his integræ scribebantur Decretales, quæ in collectionibus plerumque erant truncatæ, in principio in medio vel fine. Non valde aliena hæc Regesta, à diptychis de quibus supra dictum. Vox occurrit quoque in jure Civili; ducta à more referendi aliquid in volumina

394. Decretales etiam emendatæ & restitutæ.

395. Ex Collectionibus anterioribus.

396. Et regestis vel registris Pontifici, & quid illa.

ad 5

singu-

singularibus officiis, vel negotiis destinata, quod in ea regerentur res. *Regerendi verbum hac in re proprium est: Quintilianus lib. 2. c. 11. in fin. Similisq; commentariis puerorum sit, in quos ea quæ aliis declamantibus laudata sunt, regerunt. Et libr. 3. cap. 8. Sunt enim velut res regeſtæ in hos commentarios, quos puer deduxerat Schola. Inde Regeſta dicitur constitutio, in l. 14. C. Theodof. de indulgent. debet. lib. XI. id est in acta, seu gesta relata Comitum sacrarum largitionum. Inde Judicium acta, in quæ regerebatur constitutio, Regeſta dicta. Theodosius Junior in Novella de Codic. Theod. confirmat, nullas constitutiones in judiciis extra Codicem istum referri vult. Exceptis, inquit, iis quæ habentur apud militum sancta principia, vel de titulis publicis expensarum, aliarumque rerum gratia, quæ in Regeſtis, diversorum officiorum relata sunt. Ita quoque apud Justin. occurrit vox in l. unic. C. de Codic. Justin. confir. & apud Vopiscum in Probo. Qui in describenda vita Probi, dicit se usum esse Regeſtis scribarum porticus Porphyreticæ, actis etiam Senatus ac Populi. Ex quibus locis colligit Doctissimus Jacob. Gothofredus in opere Immortali ad Codicis Theodof. d. l. 14. de Indulg. debet. Regeſta fuisse monumenta, actaque publica diversorum officiorum & judicium,*

**veluti**

veluti Præfectorum Prætorio, aliorumque  
 judicum, qua civilium, qua militarium;  
 imo & in Urbe Roma, scribarum, de qui-  
 bus agit *l. 1. Cod. Theod. de lucris officiorum*;  
 in quæ inter alia referebantur constitutio-  
 nes Principum ad cujusque officium perti-  
 nentes. Indeque & *Regerendarij* dicti. test.  
 Cujac. *lib. 15. obs. 37. in fin.* Quemadmodum  
 itaq; Actio ipsa, regestio; ita & libri actaque,  
 in quæ regerebantur seu referebantur *Rege-*  
*sta* dicta. Glossæ nomicæ, κήρυον καὶ ρεγέσαν,  
 lege ρεγέσαν τὴν ἀπογραφὴν τῶν ἀρχαίων, ἀντὶ τῆς  
 ἐπιγραφῆς. Ab his forte acceperunt Pon-  
 tifices ut libros, in quibus suas decretales  
 referebant *Regesta*, postea *Registra* voca-  
 rent. Occurrit apud Anastasium in vita Ni-  
 colai *Regestum Episcopi*. Budæus in *posterio-*  
*rib. Comment. ad ff.* *Regesta* dicit esse, quæ  
 Græcis ἐπομνήματα, vel ἐπομνηματισμοὶ  
 dicuntur. Idem *Regestum Pontificii* scri-  
 ptores vocant *originale*, item dicunt esse  
*in integra* nempe *Decretali*, id est *Origi-*  
*nali*, vide exempla ex Joh. Andr. apud  
 Alberic. Gentil. *de libr. jur. Canon. cap. 3.*  
*pag. 30. & seq.* Ex his *Regestis* postea sunt  
*Bullaria* confecta, quæ exhibent constitu-  
 tiones Pontificum integras ex *regestis*;  
 Quale Anno 1588. Romæ edidit Laertius  
 Cherubinus de Neursia J.C. quod magnum  
 vocavit.

397. Ori-  
 ginale  
 quid.

398. Bul-  
 laria.

399. Che-  
 rubini.



vocavit. In eo exhibet Constitutiones Pontificum Romanorum à Gregorio VII. usque ad Sixtum V. cum rubricis, summariis & lucubrationibus. Summam Bullarii in principio hujus seculi, dedit Stephanus Quaranta, in qua exhibet Pontificum Constitutiones editas, post libros juris Canonici vulgatos, usque ad Paulum V. quæ edita est Venetiis 1609. eam continuavit Prosper de Augustino 1621. Dicta bullaria à Bullis. Bulla quid proprie sit satis notum, nempe id quod in aquis intumescit instar pilæ & cito rumpitur. In Glossis Cyrilli *πυρόλου* dicitur. Ab his ad diplomata Imperatorum, ab Imperatoribus ad Papalia diplomata est translata vox: quæ Bullæ dicta, à sigillo quo munita erant, quod *Bulla* vocabatur, quia sigillum illud Bullæ formam referebat; nam sigillum ceræ protuberanti instar orbiculi vel umbilici imprimebatur. Aut potius ut censet Doctissimus Salmas. *de subsign. test. cap. 32. pag. 325.* quia bullæ formam haberent, & eodem modo dependerent ex chartis, ut illæ ex pectore prætextatorum, veteribus enim Romanis in more positum, bullam auream suspendere in pectore puerorum & triumphantium. Qua de re vid. Festum Asconium

400. Quaranta.

401. Prosperi de Augustino.

402. Bullæ quid.

nium in *III. Verrin. Macrob. satur. i. c. 6.*  
 & alios. Similia his bullis fuere sigilla, quæ  
 posterior ætas chartis ac diplomatis affige-  
 bat & appendebat. Dependebant hæ bullæ  
 ex metallo vel cera filo lineo vel serico an-  
 nexæ chartis. Nil frequentius apud poste-  
 riores Græcos in Imperio Constantinopo-  
 litano, quam βύλλαν legere pro sigillo, ex-  
 empla cumulat Doctiss. Meursius in *Lexico*  
*Græco-barbar.* inde βυλλάειν Bullare signare  
 ἀβύλλωτον, quod bullam vel sigillum non  
 habet. Glossæ Græcobarbaræ. ἀσήμαντα.  
 ἀσφράγιστα. ἀβύλλωτα. ἀφύλακτα. Erant  
 Bullæ quadruplices aureæ, argenteæ, ce-  
 reæ & plumbeæ, χρυσόβυλλον, ἀργυρόβυλλον,  
 κερόβυλλον & μολυβδόβυλλον. Imperatores  
 diplomata, mandata, ad Reges, Sultanos,  
 aurea bulla muniebant, literis rubris sub-  
 scribebat, aliquando etiam Argentea; cu-  
 jus testimonium habemus apud Phranzem  
 in *Chron. lib. 2. cap. 10.* Ego cum literis bulla  
 argentea insignitis & jurejurando formatis &  
 multo milite missus sum &c. Item apud Luit-  
 prandum in *Legat.* Ad matrem, uxorem,  
 filium utebatur, cerea seu κερόβυλλω; ad  
 Despotum, Patriarcham, Sabastocratorem  
 & Cæsarem plumbea seu ἀφ' μολυβδίνης  
 βύλλης, ut habet Codinus. Cerea iterum  
 duplex erat, Rubra & Prasina utraque u-  
 sus

fus Imperator, Prasina sola Patriarcha. Videatur hac de re Jul. Cæs. Bulengerus *de Imperat. Rom. lib. 2. cap. 10.* & Ioh. Meursius in Glossar. voce κηροβέλλον. Qui putat δικήριον fuisse, quando Imperator duplici cera, rubra & Prasina signabat. Sed melius id Doctiss. Salmasius, *de subscr. & subfig. testam. cap. 32. pag. 330.* δικήριον explicat de signo utrinque, seu utroque latere expresso, quam & δίπυχον βέλλον & δίπυχον κηροβέλλον vocarunt; Hoc duplicem Bullam vocat, ubi vero ab una tantum parte signum impressum, *simplex Bulla* dicebatur. Δικήριον hoc facit duplex, rubrum & Prasinum. Vide Salmas. *ibid.* exempla proferentem. Quod non alienum à moribus bullandi Pontificum Romanorum, qui ante Coronationem subscribunt, *Datum anno 1. die tertio*, suscepti à nobis officii Apostolatus; & tunc sigillant non nisi bulla simplici, seu tali, quæ habet tantum ab una parte DD. Petri & Pauli imagines, in plumbo, ex altera vero parte plana est. Post Coronationem autem, scribunt. *Datum Anno Pontificatus nostri* & duplici utuntur bulla: cum prædictis imaginibus ab una & nomine Pontificis ab alia parte; vid. Gregor. Tholosan. *Syntag. jur. Univers. lib. 15. cap. 3. n. 24. & seqq.* Appenditur autem hæc bulla plumbea  
non

non nisi arduis diplomatibus; breve apostolicum, quod est diploma vel rescriptum Papæ vel pœnitentiarîi magni scriptura exigua, in parvis concessa negotiis in papyro, non habet eam; sed in cera rubra imprimitur annulus Piscatoris, ut refert idem Tholos. *ibid. lib. 17. c. 15. n. 13.* Ex his lucem capit Famosa illa aurea bulla Caroli IV. Imperat. quæ inter leges fundamentales Imperii radiat; ideo aurea Bulla dicta, quia sigillum aureum, vel sigillum Imperatoris majus adpensum erat. Hanc affabre describit Pileus Cardinalis ab Urbano VI. Papa in Germaniam missus Anno 1379. non ita diu post promulgatam auream bullam, apud Clariss. Marq. Freherum ad Petr. ab Andlo *lib. 2. cap. 7.* qui testatur se vidisse & tenuisse quasdam literas Patentes bonæ memoriæ Caroli Imp. Rom. Librum illum Aureæ Bullæ ita describit; *Prædictus Liber erat scriptus in Pergameno in 24. foliis, cum coopertura grossa, in quo erant scripta diversa negotia Sacrum Imperium & Electores ejusdem tangentia: qui quidem Liber transfixus erat cum filis sericis glauci & rubei coloris in volutis, cum Bulla seu Sigillo Aureo rotundo Imperiali appendente, in cujus uno latere apparebat figura Imperialis in Majestate sedens, cum Coronâ Imperiali in capite, habens in manu dextra Sceptrum, & in sinistra*

*sinistra manu Pomum cum Cruce desuper modo Imperiali, & à latere dextro Clypeum cum Aquila, & sinistro Clypeo cum forma Leonis. In circumferentia legebantur hæc verba: CAROLUS QUARTUS, DIVINA FAVENTE CLEMENTIA ROMANORUM AUGUSTUS ET BOHEMIÆ REX. Ab alio latere. Castrum magnum cum duabus Turribus, habens portam inferius in medio, cum literis: AUREA ROMA. In circumferentia verò legebantur hæc verba: ROMA CAPUT MUNDI, REGIT ORBIS. FRENA ROTUNDI. Hæc ille. Ab hoc more signandi Imperatorum, bullas appendendo, ipsa diplomata etiam sunt Bullæ appellatæ. Vide Latissime Joh. Limn: de Jure publ. cap. II. Ab Imperatoribus res transiit ad Patriarchas & ad Pontificem Romanum, qui ex quatuor speciebus supra relatis, elegit sibi *μολυβδόβαλλον*, seu plumbeam bullam, vid. lib. I. Cerem. Eccles. Rom. c. 2. in fin. Quod privilegium etiam dicitur concessisse Venetis. Vid. Celebrerrimum juris publici Scriptorem Johan. Limn. lib. I. cap. II. de jur. publ. Rebuffus I. part. prax. benef. bullam dicit, esse scripturam in membrana, plumbo, auro, argento vel ære funiculis pendente jure insignitam. Qui plumbeas hæc bullas membranis appendunt *Plumbatores* vocantur. Vid.*

Vid. Vestrium Octavianum *lib. 1. Introduct.*  
*in R. aul. act. cap. 3. & ex eo Herm. Hugon.*  
*de prim. scrib. orig. cap. 31. pag. 192. De*  
*Origine hujus bullæ Pontificiæ ex Polydo-*  
*ri Vergilii libr. 8. cap. 2. de invent. rerum,*  
*Auctor Apologiæ antiq. Academiæ Oxonien-*  
*sis lib. 1. n. 114. pag. 62. hæc refert. Con-*  
*stat Agathonem, quo sedente magna sedi Roma-*  
*næ facta est honoris accessio, in cera annulo im-*  
*pressisse sigilla, verum postea cum Romanus Pon-*  
*tifex multa irrogaret privilegia, ut diplomata*  
*diuturniora forent, placuit Stephano III. ac de-*  
*inde Hadriano I. tabulas Apostolicas plumbo ob-*  
*signari; Fuit is annus salutis 772, cum ipse*  
*Hadrianus factus est Pontifex, nam antiquius*  
*non reperitur sigillum plumbeum. Vestigia quæ-*  
*dam vocis transierunt in alias quoque lin-*  
*guas, Belgæ Billet vocant scripturam in qua*  
*quid brevibus notatum, veluti in metatis,*  
*seu militum inhospitationibus, cuique mil-*  
*ti assignatur hospitium pitracio, quod vo-*  
*cant een Billet, Angli a Bil, inscriptum sym-*  
*bolum, syngrapham &c. Quia hic in bul-*  
*las incidimus, non incommodo loco, &*  
*alia Pontificiarum Constitutionum nomina*  
*hic expedimus. Occurrunt hic Commoni-*  
*toria, quæ nulli rei magis comparari possunt,*  
*quam Imperatorum Mandatis, de quibus*  
*titulum habemus in Codice; Ut ea daban-*

405.  
 Commi-  
 nitoria  
 quæ?



tur legatis, & iis qui ad provincias administrandas ablegabantur ab Imperatoribus, sic à Pontificibus Legatis, ut vocant Apostolicis, dantur *Commonitoria*. Glossæ Basilic. Κομμονιτόριον, ὁπισθολή ἀποσελλομένη μετὰ πρεσβύτου. & Suidas Κομμονιτόριον, ὁπισθολή πρεσβυτική ἀποσελλομένη εἰς χωρεῖς. Gloss. vet. ὑπομνηστικὸν *Commonitorium*. Ita quoque in jure nostro *Commonitorium* legitur pro formula & mandato officii. in l. 10. Cod. Theod. de Curiosis libr. 6. tit. 29. *Commonitoriis competentibus atque Mandatis instructi*. Vid. Iacob. Gothofred. ad istam Legem, & potiss. ad l. 27. ejusd. Cod. de erog. militar. annon. Ammianus. lib. 28. *Commonitorium repertum est, manu inscriptum Hymerij, & iterum. Commonitorium cum Augusti literis tradidit, & Symmachus lib. 5. Ep. 20. Commonitorium quo summam munerum præparanda rescripsi. & eleganter Epist. 21. Quia longum visum est literarum serie agenda complecti, non graveris Commonitorio strictim signata percurrere*. Vid. quoque Epistol. 24. ejusdem & formulam *commonitorii* apud Cassiodor. lib. 7. variar. cap. 22. Tale Alarici in fronte Codic. Theodosiani, *Commonitorium Timotheo. V. S. Comiti*. Ab his & in Ecclesiam videntur translata *commonitoria*, vel *commonitoria litera*, quæ & memoriales

morales dicebantur, dabanturque legatis, vel nunciis ut scirent quid in suscepta legatione deberent agere; vocis significatio, ostendit satis, ideo sic dicta, quia monerent eos, quibus dabantur, quid agendum esset. Occurrit formula Commonitorii, in Codice Ecclesiæ Africanæ, Canon. 93. cujus inscriptio est Κομμοιτόριον, ὅπερ ἔλαβον οἱ κατὰ τῶν Δοναπιστῶν πρεσβευτῶν. *Commonitorium, quale acceperunt legati contra Donatistas.* Postea late instruuntur Theasius & Euodius, quid apud Impp. contra Donatistas agere debeant. Vide & Commonitorium Zozimi Papæ quod dedit Legatis ad Concilium Carthaginense, in principio *Ejusdem Codicis, in Bibliothec. juris Canonici veteris. pag. 330. & Justell. notas, pag. 419. & aliud bene longum in annal. Baronii tom. X. ad Ann. 859. n. 6. & seqq. & plura de commonitorio apud Franc. Bernardinum, de Antiquo Ecclesiasticarum Epistolarum genere, lib. 2. cap. ult. Ioh: Savaron. ad libr. 8. Sidonij, Epist. 9. pag. 505. in fin.* Ex his commonitoriis Pontificum Romanorum etiam excerpti canones, quos & inde in Decretum suum transtulit Gratianus. Exemplum præbet caput. *extremum 31. q. 2. quod esse ex commonitorio Nicolai Papæ, quod dedit legatis suis Rodoaldo Portuensi*

404. Ex  
Commoni-  
toriiis  
Pontifici  
Canones  
excerpti.

& Iohanni Ficolensi Episcopis, ostendunt Romani censores & correctores ad istud capitulum, quos vide, & Anton. Augustin. lib. 2. Dialog. 18. pag. nostr. edit. 535. & seq. in notis. Neque ex his tantum canones, depromebantur, sed ut appareret, (liceat mihi verba quæ Tribonianus de constitutionibus Principum in Institutionibus nostris habet, huic rei aptare) quidquid Pontifici placet, habere legis vigorem. Tandem ex confessionibus fidei Pontificis Romani, canones quoq; in Decretum delati. Solebant Pontifices Romani quando ad Pontificalem dignitatem promovebantur, edere fidei professionem. Docet id nos. cap. 8. Sancta octo. dist. 16. cujus inscriptio est, *item ex diurno libro, Professio Romani Pontificis.* Ad quæ verba notant Romani Correctores. *Integram Professionem fidei, quando quis in Pontificem Romanum promovebatur, refert Deusdedit Cardinalis in collectione Canonum, quæ servatur in Bibliotheca Vaticana.* Et Anton. Augustinus dial. XX. lib. 1. Emendat. Grat. pag. 335. nostr. edit. *Is liber non extat, quod sciam, hoc titulo, Professionis tamen vidi aliquot exempli.* Nunc è diverticulo in viam. Inter Collectores juris Ecclesiastici nomen & memoriam habere meretur, Enimundus Bonifidius, qui Anno 1573. typis Henrici Stephani

405. Professiones fidei Pontificum Romanorum.

406. Enimundi Bonifidii digestio juris Orientalis.

Stephani vulgavit suam juris Orientalis digestionem Græcè, addita sua Latina versione, & notis. In qua multa ad jus Ecclesiasticum sunt collecta, quæ quia postea in jure Græco-Romano Leonclavii, sunt repetenda hic transimus.

Seculo XVI. decurrente, Anno nimirum 1590. Petrus Matthæi JurisC. Lugdunensis privata auctoritate collegit septimum Decretalium librum, quem Cardinali Cajetano inscripsit, in quem eodem librorum numero & titulorum serie, ut in Gregoriana Collectione, constitutiones Pontificum, post sextum clementinas & extravagantes scriptas conjecit, qui labor, quod scio à nullo Pontifice approbatus, quibusdam tamen editionibus Corporis Juris Canonici ab isto tempore adjectus est.

Anno Sexto post digestionem hanc Petri Matthæi, Clarissimus Vir Marquardus Freherus, in lucem emisit. jus Græco-Romanum duobus tomis, Græcè & Latin. quod magna cura & solertia collegerat, & fidei Freheri commiserat Iohannes Leonclavius, Amelburno Westphalus; Hujus operis tomus primus altera parte posteriori major, pertinet totus ad jus Canonicum verus, quare & merito Leonclavius inter juris Canonici Collectores recenseri debet.

407. 30.  
primus  
decreta-  
lium li-  
ber à Pe-  
tro Mat-  
thæi col-  
lectus.

408. Joh.  
Leoncla-  
vii jus  
Græco-  
Roma-  
num.

Imitatus est ille Enimundum Bonifinium, & quod ejus digestioni deerat, supplevit. Continet tomus ille libros decem, quorum hic est Catalogus.

I. Constantini Harmenopuli, nomophylacis & judicis Thessalonicensis, epitome Juris Canonici Græcorum.

II. Novellarum Augustalium, de rebus Ecclesiasticis, liber unus. Habet novellas Imp. Justiniani, Heraclii, Basilii Macedonis, Leonis Philosophi, Leonis & Alexandri, Constantini Porphyrogenetæ, Nicephori Phocæ, Basilii Porphyrogenetæ, Isaacii Comneni, Nicephori Botaniatæ, Alexii Comneni, Calo-Johannis, Manuelis Comneni, Alexii Comnenii II. Isaaci Angeli, Joh. Ducæ Batatzis, &c.

III, IV. Decretorum Synodaliū libri duo. Continent sententias synodales & sanctiones Pontificias Archiepiscoporum & patriarcharum Constantinopoleos, Chrysostomi, Gennadii, Tarasii, Nicephori, Sisinnii, Sergii, Alexii, Michaelis, Constantini Chliareni, Nicolai Grammatici, Nicolai Mazalonis, Arsenii, Lucæ, Michaelis Anchiali, Theodosii, Germani, Manuelis, incertorum denique Patriarcharum. *Quarum liber primus antea ab Enimundo Bonifidio editus, nunc multo & correctior*

*rectior & auctior, ejus denique versio locis innumeris recensita; secundus vero planè novus prodit.*

V, VI. Responsorum libri duo. Continent responsa, epistolas, & sententias aliorum Episcoporum, sanctorumq; Patrum. *Quorum primus itidem auctior correctiorque, quam antea Bonifidio: secundus planè novus prodit.*

VII. Theodori Balsamonis, Patriarchæ Antiocheni, meditata sive responsa.

VIII. Matthæi Monachi quæstiones & causæ matrimoniales.

IX. Justiniani Imp. Edictum de fide Orthodoxa. *Græcè nunc primum editum.*

X. Constantini Harmenopuli de sectis, & veræ fidei confessione, liber unus. Alter tomus hujus operis ad jus Civile pertinet.

Atque hæc hæctenus de certis collectionibus eorumque auctoribus & tempore, de incertis pauca subnectenda sunt. Meminit Baluzius *in notis ad Petr. de Marca Concord. Sacerd. & Imperii. lib. 3. c. 3. post n. 6.* Collectionis cujusdam novæ quæ Leonis primi Papæ jussu facta sit, id est, intra ann. 440, & 460, quo tempore ille in Episcopatu Romano fuit, sed in eam accuratius adhuc anquirendum. Alterius meminit Iohannes Scholasticus *in Præfatione ad suam collectionem in fine, quæ in sexaginta titulos divisa fuit,*

409. Inez.  
tz Colle-  
ctiones.

410. Leonis  
primi.

411. Alterius,  
cujus meminit  
Joh. Scholasticus.



in qua Basilii Canones, fuerunt neglecti. Quis tamen Auctor ejus sit, non, quid in ea desideraverit & qualis fuerit, his prodit. Οὐκ αὐτοὶ τὰ το μόνον καὶ πρῶτοι τῶν ἄλλων ποιήσαντες ὁρμήσαντες, ἀλλ' ἑτέροις ὁρῶντες ταῦτα διελόντας εἰς ἑπτὰς ἐξήκοντα, καὶ μὴτε τὰς Βασιλείας κανόνας τοῖς ἄλλοις ἐπισημάναντες, μὴτε ἢ ὁμοίᾳ τοῖς ὁμοίοις, ὥς ἔδει, πράγματ' συναρμόσαντας, ὥς ἐν τίτλοις. Ἀλλὰ τὸ πολλὰς καὶ ἐνὸς κεφαλαῖς κανόνας ἀείσαντες, καὶ δυσάλωτα γίνεσθαι τὰ περὶ τῶν πράγματων ἐνὸς παρὰ τῶν ὅλων κανονίζοντα. Cum non ipsi soli & primi inter ceteros ad hoc faciendum incitati fuerimus, sed alios comperimus ea in titulos sexaginta divisisse, ac neque Basilii canones cum aliis conjunxisse, neque res similes similibus, ut oportebat, velut sub titulis composuisse, propterea quod multi de uno capite canones reperirentur, & ea quae ab omnibus de una re canonibus constituta sunt deprehensu essent difficilia.

412. Tertia, quarta & quinta.

Tertia, quarta & quinta mentionem invenio apud Censores Romanos, qui in Indice librorum, quibus usi in emendando Gratiano, lit. C. has tres collectiones recensent. Collectio Canonum incerti Auctoris ex Vaticana: Collectio Canonum ex Bibliotheca Ecclesiae Mutinensis: Collectio Canonum Pœnitentialium incerti Auctoris ex Bibliotheca Michaëlis Thomasi Episcopi Ilerdensis. In hunc censum

cenſum quoque referenda ſexto, quæ Romæ prodiit, apud Heredes Ant. Bladii, an. 1579. Collectio conſtitutionum literarumve Pontificiarum à Gregorio VIII. ad Gregorium XIII. Item Decretalium Epistolarum Summorum Pontificum collectio aliquot tomis publicata Romæ, 1582.

Hiſce ſeptimam liceat addere manuſcriptam in membranis ex Bibliotheca mea, quæ tamen potius excerpta Conſtitutionum Papalium & canonum quorundam ſynodalium continet. Quæ collectio canonum; ſatis nitide, neque recenter ſcripta, & tribus libris eſt diſtincta; Primi tituli ſunt ſequentes, non adſcripto tamen numero, quem ego addidi; Hos ideo adjicio, ut quis forte ex iis de Auctore poſſit aliquid conjicere.

413. Septima Manuſcripta in Bibliotheca Auctoris.

1. De Primatu Eccleſiæ Romanæ.
2. De privilegiorum auctoritate.
3. De Monachorum Monafteriorumque libertate.
4. De Ordine accuſationis & de accuſatorum perſonis.
5. Ut intra Provinciam terminetur cauſa & quid ſit certa Provincia.
6. Quo ordine inferiores non debent accuſare ſuperiores.
7. Quod Rectores Eccleſiæ prius ſint ammonendi quam accuſandi.
8. Quod non debent oves accuſare Paſtores.
9. De infamatione Epiſcoporum & examinatorum eorum.
10. De Epiſcopis ſine Romana auctoritate depoſitis.
11. De numero & qualitate judicum.
12. Quod nullam vim habeant incerta & injuſta judicia.
13. De Indiciis & Synodica vocatione.
14. De Conſecratione Præſulum & Archiepiſcopi.

15. De Ordinatione Presbyterorum & Diaconorum.
16. De munditia Ministrorum Altaris.
17. Si debeat fieri sacerdotum mutatio.
18. Ut Episcopi suis terminis sint contepti. *lege contenti.*
19. Ut Pontifices cum testibus sint semper.
20. De Sacratissimo Pontificatu Romano.
21. De observatione Decretorum Pontificum Romanorum.
22. De illatione criminis in Clericos.
23. De *lege*, Ne crimina semel illata indiscussa remaneant.
24. De Prælati imperitis, indiguis, Simoniacis, neophytis.
25. Quibus sacri ordines sint tribuendi, quibusve negandi.
26. Si ignotis sacri ordines sint tribuendi.
27. Ne præsumat quis Clericum servum retinere alterius.
28. Quæ scæminæ cum clericis habitare debeant.
29. Ne Clerici sint foeneratores.
30. De Ecclesiarum consecratione.
31. De Missarum celebratione & sacrificiorum oblatione.
32. Ut stando audiatur Evangelium.
33. Ne Imagines confringantur, quæ in Ecclesiis statuuntur.
34. Ut Sacramentum à Sacerdotibus non exigatur.
35. De Clericis in hæresin lapsis & postea reconversis.
36. Si debeat destrui quod illicite perpetratur.
37. De Pontificali auctoritate & regali potestate.
38. De sessione Pontificum, & quod eorum sententia etiam injusta timenda sit.
39. De auctoritate prædicandi.
40. De lapsorum Episcoporum & reliquorum ordinum reparatione.
41. De Monachorum ad ordines sacros promotione.
42. De Sacramento baptismatis & manus impositionis.
43. De baptismi tempore, iteratione, merfione.
44. De virginum consecratione.
45. Qualiter custodiri debeant ornamenta Ecclesiæ.

In secundo libro sunt tituli LVI. In ter-  
tio XLVI. In cujus fine subjicitur hæc per-  
oratio. *Si quis in his libris, quos de corpore Ca-  
nonum excerpsumus, aliquid invenit, quæ, ita  
habet*

habet Codex, aut despicienda judicat, ignoscat paupertati sensus nostri. Nos tamen deputamus, plurimorum sententiam singulorum sumptionibus preferendam & in quibuscunque rebus generalium Conciliorum auctoritatem non habemus magis earum synodorum, quæ per singulas provincias factæ sunt, quam proprium vestrum sensum sequendum. Denique ipsa sacra & generalia decreta præcipiunt, ut bis in anno per singulas Episcoporum celebretur Concilium &c. Subnectitur deinde adhuc farrago aliorum Canonum sine titulis, aut indicatione fontis. Ex hac subscriptione conjicio Auctorem hanc farraginem ex Pseudisidori Mercatoris Rapsodia collegisse, quæ nomen Corporis Canonum etiam habuit; Quam conjecturam firmat, quod potissima pars Decretalium libri primi & secundi in hoc volumine sit depromta ex suppositis illis Decretalibus primorum Pontificum. Horum enim sequentium Pontificum nomina in ea invenio. Clementis, Anacleti, Euaristi, Alexandri, Telesphori, Sixti, Pii, Anicii, Eleutherii, Soteris, Zephirini, Calixti, Urbani, Antherii, Fabiani, Cornelii, Lucii, Stephani, Felicis, Caji, Marcellini, Eusebii, Melchiadis, Sylvestri, Julii, Damasi; Quibus omnibus Decretales affictas supra probavimus. Sunt præterea decretales Siricii, Anastasii, Innocentii,

centii, Cœlestini, Leonis, Hilarii, Gelasii, Simmachi, Silverii, Gregorii, cujus nomen potissimum legitur; Deusdedit, Agathonis, Nicolai, Adriani, cujus libro secundo aliquot Sanctiones semet ordine non interrupto sequuntur. Ex quibus conjicere est non esse magni æstimandam hanc collectionem, nisi ei qui suppositas Pseudo-Isidori nugas, magni facit. In censum incertarum digestionum, quia mihi incerta est, refero duo volumina ingentia, M. S. D. Joannis Abbatís Conventus S. Mariæ, quæ titulum *Memorialis Canonum* referunt, & Florentiæ ad S. Marcum teste Draudio in *Biblioth. class.* asservantur. Quid autem his contineatur, quia vulgatum opus non est, me latet.

414. Seculum decimum septimum.

Sic Sedecim seculorum historiam & in his fata juris Ecclesiastici emensi, ad portum properamus, quoniam decimum septimum, non tam ferax, ac anteriora, fuit. In eo potissimum occurrunt collectiones & editiones Conciliorum Generalium & Provincialium variæ, quæ supra num. marg. 144. enumeratæ sunt. Nominari hic, & æternum laudari meretur Christoph: Justellus, cujus in colligendis scriptoribus juris canonici veteris solertia indefessa fuit, qui quasi stator & restaurator antiqui & purioris juris Canonici dici potest. Ostendunt id affatim editi

415. Christophorus Justellus.

editi ab eo Codices, Ecclesiæ Universæ, & Ecclesiæ Africanæ, cum doctissimis notis, item juris Canonici veteris Collectores Græci & Photii Nomocanon cum Scholiis Balsamonis, ab anno 1610, usque ad 1615; & multa alia, quæ ille morte præventus edere non potuit; perfecit tandem Filius Henricus, hic quoque memorari & celebrari dignus, qui cum Guilielmo Voëlllo Theologo & Socio Sorbonico, à Patre magnam partem collectam juris canonici veteris Bibliothecam, Græcorum & Latinorum digestionem continentem, multorum votis expetitam, seculi hujus anno LXI. duobus Voluminibus Lutetiæ edidit, cujus nos frequentem passim fecimus mentionem, sæpius ea etiam in hac nostra Historia adjuti; Potuisset Justellus solus hujus Bibliothecæ editæ laudem reportare, nisi Voëllum sibi adjungere voluisset, ut eo facilius Opus Lutetiæ prælo subjici posset; pleraque enim collegerat & digesserat Pater; Addiderunt tamen illi quædam non spernenda. Operis seriem, quia non in omnium manibus est, & summam, sequens Elenchus exhibet, asteriscus notat scriptum nunc primum à Justello & Voëlllo publicatum esse.

416. Henricus Justellus & Guilielmus Voëllus.

**TOMO PRIMO HABETUR.**

Codex Canonum Ecclesiæ Universæ à Concilio Calchedonensi, & Justiniano Imperatore confirmatus; Græcè & Latine,



- Latine, emendatior quàm in primâ editione.  
 Christoph. Iustelli Notæ in Codicem Ecclesiæ Universæ, emendatæ & auctæ.  
 Codex Canonum Ecclesiasticorum Dionysii Exigui; sive Codex Canonum vetus Ecclesiæ Romanæ. Ex antiquissimo Codice MS. Bibliothecæ Christoph. Iustelli.  
 Epistola Synodica S. Cyrilli, & Concilii Alexandrini contra Nestorium à Dionysio Exiguo in Latinum sermonem translata.  
 Collectio Decretorum Pontificum Romanorum auctore Dionysio Exiguo.  
 Altera Collectio Decretorum Pontificum Rom. Collectioni Dionysianæ addita.  
 Præfca Canonum editio Latina, complectens Canones Conciliorum Ancyran, Neocæsariensis, Nicæni, Sardicensis, Gangrensis, Antiocheni, Laodicensis, Constantinopolitani, & Calchedonenfis, nunc primum edita ex vetustissimo Codice MS. Christoph. Iustelli.  
 Codex Canonum Ecclesiæ Africanæ, Græcè & Latine ex editione Christoph. Iustelli an. 1615. in multis emendata.  
 Christoph. Iustelli Notæ & observationes in Codicem Ecclesiæ Africanæ.  
 Fulgentii Ferrandi Ecclesiæ Carthaginensis Diaconi Breviatio Canonum.  
 Crisconii Episcopi Africani Breviarium Canonicum.  
 Indiculi duo in Ferrandum & Crisconium; quorum unus materiam Canonum, alter verò consonantiam & discrepantiam inter utrumque declarat, è MS. exemplari Guilielmi Blueti in Senatu Paris. Advocati, nunc primum editi.

## IN APPENDICE TOMI I.

- Martini Bracarenfis Episcopi Collectio Orientalium Canonum, adscriptis ad margines tum variis lectionibus, tum fontibus ex quibus Canones illi deprompti sunt, curâ & studio Joan. Doviatii sacrorum canonum Professoris Regii, nunc primum edita.
- Crisconii Episcopi Africani alterum opus, quod liber canonum, seu concordie canonum inscribitur, in quo integri Conciliorum canones & Pontificum decreta referuntur. Ex codice MS. Bibliothecæ Claremontanæ Societatis Iesu, nunc primum editum.

- Joannis Antiocheni Scholastici dicti, Patriarchæ Constantinop. collectio canonum in quinquaginta titulos distributa, Græcæ & Latine, quæ nunc primum in lucem prodit è codice MS. Bibliothecæ Claromontanæ Societatis Iesui.
- Ejusdem Joannis Scholastici Nomocanon, Græcæ & Latine è Codice MS. Bibliothecæ Regiæ nunc primum in lucem editus.
- Alexii Aristini Synopsis Canonum, Græcæ & Latine è codice MS. Bibliothecæ Regiæ nunc primum edita.
- Simeonis Magistri & Logothetæ Epitome Canonum, Græcæ & Latine è Codice MS. ejusdem Bibliothecæ Regiæ nunc primum edita.
- Arsenii Monachi Patriarchæ Constantinop. divinorû Canonû Synopsis, sive Nomocanon, Græcæ & Latine nunc primum edita ex Codice MS. ejusdem Bibliothecæ Regiæ.
- Photii Patriarchæ Constantinop. Nomocanon cum Theodori Balsamonis Patriarchæ Antiocheni Commentariis, Græcæ & Latine è codice MS. Bibliothecæ Palatinæ anno 1615, editus à Iustello: in hac verbò editione ad codicem MS. Eminentiss. Cardinalis Mazarini collatus
- Cum Prolegomenis ejusdem Photii è Codice Bibliothecæ Oxoniensis Græcæ & Latine nunc primum editis.
- Ejusdem Photii opusculum de septem Synodis œcumenicis Græcæ & Latine.
- Nili Metropolitæ Rhodii de sanctis & œcumenicis Synodis enarratio synoptica Græcæ & Latine.
- Auctoris anonymi de sex œcumenicis Synodis opusculum Græcæ & Latine.
- Συνδικο*, sive libellus synodicus anonymi auctoris, omnes Synodos tam orthodoxas, quàm hæreticas, à tempore Apostolorum ad octavam œcumenicam complectens, Græcæ & Latine.
- Theodori Balsamonis Collectio constitutionum Ecclesiasticarum è Codice, Digestis & Novellis Iustiniani congesta, olim à Leunclavio Latine sub Paratitlorum nomine primum edita, nunc verbò è duobus antiquissimis codicibus MSS. inter se collatis Græcæ primum prodit, cum ejusdem Ioan. Leunclavii versione in multis emendata.
- Caroli Annibalis Fabroti Notæ perpetuæ in eandem collectionem Theod. Balsamonis nunc primum editæ.
- Ioannis Leunclavii in Paratitla Notatorum libri duo.

417. Lau-  
rentii Bo-  
chelli De-  
creta Ec-  
clesiæ Gal-  
licanæ.

Pro Ecclesia Gallicana hujus seculi anno XXI. operam in digestionem Iuris Ecclesiastici impendit Laurentius Bochartus, qui Decretorum Ecclesiæ Gallicanæ ex conciliis ejusdem Oecumenicis, statutis Synodalibus, Patriarchicis, Diœcesanis; Regiis constitutionibus &c. collectorum Libros octo Lutetia vulgavit.

418. Ope-  
ris epilo-  
gus.

Sic fata juris Ecclesiastici & Pontificii per septendecim secula enarravimus; & quomodo prius ad ordinem & salutem Ecclesiæ scribi cœptum sit, posterius vero ad ejus exitium in molem & Tyrannidem degeneraverit, eamque oppressisset, nisi luce Evangelii sui accensa, Christus tanquam spiritu oris, illud dissipare & diffilare incepisset. Durabit tamdiu adhuc, donec fides ille testis, qui id per Apostolos suos promisit, & auctorem & ejus leges, cum omni potestate; qua se supra omne extollit quod Deus est, spiritu oris sui sustulerit, & suas nobis leges solas restituerit. Sociemus nos vota nostra cum Spiritu & Sponsa & gloriosum ejus adventum inclaimemus. Tu vero Benevole Lector accipe hæc, quæ paucis foliis Antonio Augustino Præfationis loco præmittere cogitabamus, & sensim in librum excreverunt; & magis adhuc crescerent, siquidem eos qui mole sua jus Canonicum laborans, itemque vastissimum Conciliorum Oceanum contraxerunt. Garanzam, Prætolum, Longum à Coriolano, Staravolzum, Bailium aliosque subjungere vellemus; sed hæc forte, & quæ nunc non satis aut perperam dicta sunt, secundis curis emendanda aut supplenda reservamus. Tu humanissime Lector, tantisper his utere, & errantem humaniter mone & instrue, ut perperam dicta in secunda editione, si eam Deus permiserit, reformare possimus.



## A D D E N D A.

**P**ag. 3. lin. 22. post vivendi, adde: Apposite Socrates libr. 1. cap. Hist. Eccles. Τότε, ὡς ἐν τῇ συνόδῳ ὁπίσκοποι καὶ ἄλλοι, ἵνα ἐγγράψαντες, αἱ κανόνας ὀνομάξιν εἰσῴθασιν, αὐτοὺς κατὰ πόλιν τὴν ἑαυτῶν ἐχώρησαν. Et Sozomenus Hist. Eccles. lib. 1. cap. 22. ἡ δὲ συνόδος ἐπανορθώσασθαι τὸν βίον, σπευδάσασα τῶν ὡς ταῖς ἐκκλησίας διατελούντων, ἔθετο νόμους, ὧς κανόνας ὀνομάξουσιν. Concilium vero ad mores eorum, qui in Ecclesiis aetatem degunt, rite instruendos omni cura & cogitatione incumbens, leges, quas vocant, canones sancivit.

Pag. 12. lin. 18. post verbum vocant, add: Postea etiam Imperator in fine verborum citatorum, quoad observantiam diversitatem quamvis male, videtur agnoscere inter canones & dogmata seu decreta; dum dogmata quatuor istarum synodorum sicut sanctas Scripturas, nos dicit accipere; canones sicut leges observare.

Pag. 16. n. 24. fin. de tempore Laodiceanæ Synodi & sententia Baronii & Binii, vide quæ habet Dalæus in Pseudep. Apostolic. pag. 517. & pag. 675. ubi Anno 364. habitam dicit.

Pag. 16. lin. ult. post illa: alii longius, Clarissimus Dalæus eodem anno cum Nicæna, atamen post eam habitam censet, in Pseudepigr. ff Apostol.

*Apostol. libr. 3. cap. 21. pag. 675.*

• Pag. 18. ante num. 29. & verba: Tum sequuntur. De hujus Concilii canonibus hoc est Magni Dalxi iudicium *lib. 3. cap. 21. Pseudepigr. Apostol. pag. 672. fin. & seq. esse eos profectos ab auctoribus parum probatis Arianismique merito suspectis conditos.*

Pag. 29. lin. 19. ante confirmatus: adde: Alium etiam morem, quod veteres Patres, cum convenissent Imperatoris auctoritate in Conciliis Oecumenicis, canones conscriptos & subscriptos postea ad Imperatorem mitterent, petentes solemni formula confirmationem. Vide in *Præfat. Justelli ad Cod. Eccles. Afr. pag. 310. Bibliotheca juris canon. veteris.*

Pag. 29. lin. 17. post 131. adde: Quæ scripta Anno 541.

Num. 62. pag. 35. lin. 17. post fuerint. Accuratus idem postea in Præfatione præfixa Codici canonum Dionysii Exigui, in tempus inquirat. *Vide eum in Biblioth. juris veteris canon.*

Pag. 39. linea antepenultima. Post illud reservabimus: adde: & nunc tantum Lectorem remittimus ad observationem Christoph. Justelli, ad Codicem Canonum Ecclesiæ Africanæ, ad illa verba Codicis, Africani. Statuta quoque Nicæni Concilii in XX. capitulis similiter recitata sunt; *in Bibliotheca juris canonici veteris. pag. 420.*

Num. 71.

Num. 71. pag. 40. lin. 24. post verbum demonstrat. Adde sodes Præfat. Henr. Justelli in *Bibliotheca juris canonici veteris. pag. \* IIII.*

Num. 73. lin. antepen. pag. 42. adde: Quæ de re est elogium Henr. Justelli in Præfatione editionis Codicis hujus nostri Dionysii. Quod vide.

Pag. 49. lin. 22. post Romano. Canonum Ephesinorum non meminit Dionysius, forte quod Codex Græcus in Concilio Constantino-politano finitus fuerit. Quæ forte etiam causa est, quare in Codice Romano non inventi sint Canones Ephesini, quia ab Dionysio non erant versi nec inventi; sunt tamen à Justiniano cum aliis probati.

Pag. 52. lin. 19. post præfixerunt: Adde: Acculat tamen eam Mejer. in *Præfat. Cod. Canon. Eccles. universæ.* præmissa, quod labores studio partium, & Dionysius nimium additus sedi Romanæ fuerit.

Pag. 57. lin. 19. dele illa verba: *si suo nimirum loco restituatur*, & substitue: In quo loco restitui debet.

Pag. 58. lin. 22. post Exigui: Adde. Quod in secunda editione Præfationis Codicis Canonum Ecclesiæ universæ video probasse Christoph. Justellum pag. 21. uti præfixa est à filio *Bibliotheca jur. can. veteris.*

Pag. 59. num. 82. lin. antepen. Adde: & af-



fabre demonstrat Christ. Justellus in *Præfat. ad Cod. Can. Eccles. African.* quæ sodes adde pag. 312. *Bibliotheca juris canonici veteris.*

Pag. 60. lin. 3. post Decreti. Adde: Probat id Hormisda Papa apud Gratianum, c. *Si Diaconus*, dist. 50. Adde Christ: Justellum in *Præfatione Cod. Canon. Eccles. universæ, secundæ editionis*, uti ea præmissa est *bibliotheca juris canon. veteris.* pag. 23.

Pag. 61. lin. 6. post Gallix. Adde: Clarius id probat causa Ingeltrudis, sub Childeberto Rege, in qua Gregorius Canonum Nicænorum nomine citat Canonem XVI. Concilii Gangrensis: *Canonum*, inquit, *Nicænorum decreta re-legi, in quibus continetur; Quia si qua reliquerit virum & thorum in quo bene vixerit, dicens quia non sit portio in illa cœlestis regni gloria, qui fuerit conjugio copulatus, anathema sit.* *Vid. Gregor. Turon. lib. 9. c. 33.* Præterea & Synodi quædam Gallicanæ, ut Valentiniana, Rhegensis, Arelatensis II. Agathensis, & Epæonensis citant canones Nicænos, Ancyranos & Laodicensis ex veteri translatione apud Gallos tunc recepta, quæ apud Isidorum Mercatorem reperitur, qua semper liberius usi sunt, quam Dionysiana, usque ad Caroli Magni tempora, ut ferunt curæ secundæ, Christoph. Justelli in *Præfat. Cod. Canon. Eccles. universæ. præmiss.* *Bibliothec. jar. canon. veter.* à filio pag. 21.

pag. 21. unde cætera repete.

Pag. 71. lin. 22. post allegata. Adde: Verustiores autem esse adhuc Ecclesiæ Anglicanæ Canones, probat editio Conciliorum Angliæ; Henr: Spelmanni, ex quibus patet abunde, Anglos Græcis Canonibus & Africanis & Gallicanis usos esse.

Pag. 74. lin. 15. post CCXVII. adde: Episcopis.

Pag. 74. num. 98. seu linea antepen. præmit. quare hic Codex non habeat. Canones Synodi Carthaginensis primi & secundi, vid. Voss. *disp. Theol. & Hist.* pag. 444.

Pag. 79. lin. 9. post notarum. Adde: Recepit postea Ecclesiæ Africana Codicem Ecclesiæ Romanæ ex versione Dionysii Exigui, quod probat Cresconii Collectio, quæ ex versione Dionysii Exigui est concinnata. Vid. Justelli *Prefat. ad Codicem Eccles. univers. in biblioth. jur. can. veter.* pag. 21.

Pag. 85. lin. 14. post latine vertit. Adde: Lambertus Gruterus, qui cum omnibus Clementis operibus eas Colonia Agrippinæ An. 1570. recudi curavit, & præfatione defendit.

Pag. 110. lin. 2. ante Materiam: Hugo Grotius lib. 1. de jur. bell. cap. 2. in not. ad §. 9. Conjicit scriptas constitutiones has Pseudapostolicas præcipite seculo secundo. Blondellus refert ad decurrens seculum tertium. in *Apolog. pro*

*Episc. & Presb. sect. 3. pag. 231. Herm. Conring. in animadvers. de purgator. n. 32. ad seculum quintum. Usserius vero. de scriptis. Ignat. cap. 6. ad seculum sextum. Salmasius agnoscit eas esse antiquas libr. de coma. Varia tempora & varios scriptores eis assignant Halloix not. ad vit. Polycarp. cap. 6. & Albaspinæus libr. 1. obs. 13.*

Pag. 153. lin. 5. post Antiochenos. Adde: Turrianus.

Pag. 164. lin. 14. post 529. adde: Doctiss. Vossius de Histor. Latin. cap. 6. id vult Anno 527. contigisse.

Pag. 205. lin. 14. ante vocem hanc. De numero Canonum hujus farraginis dissentiunt auctores. Baronius ad Annum 786. §. 6. Octoginta agnoscit. Vid. sis ejus verba: In Conciliorum vero *tomi tertij part. 1. sect. 1.* enumerantur tantum septuaginta duo canones. Hincmarus Rhemens. Archiep. in libr. 55. capitul. adversus Hincmarum Laudunensem Nepotem cap. 24. de hujus collectionis auctore dubitanter loquitur, forte quia indigna videbatur, ut conjicit Blondellus, Adriano Primo earum collectio, utpote in qua *dissona inter se habebantur, & diversa à sacris canonibus & à judiciis ecclesiasticis discrepantia.* Hanc collectionem Impostorem Pseudosidorem Mercatorem in Epistolas, quas primis Episcopis supposuit, fere totam

tam retulisse, & earum pseud-epistolarum materiam & fontem esse, censet Doctiss: Blondellus, in *Pseudoisidoro & Turriano Vapulante. in Prolegum. cap. 5. pag. 20. in fin. & seqq.* ubi vide quædam, multum hic utilia. Quid ista collectione intenderit Hadrianus Papa, id judicant hæc ex citato Baronii loco verba. *Quem absolutum, hisce canonibus communitum remisit ad suos. Postulabat id causa, ut colligeret idem Pontifex canones spectantes ad accusationem Episcoporum.* Et ad jura Romanæ Ecclesiæ pertinentes, ex qua &c. Hæc præcipua causa, quare non immerito Hincmaro isti canones suspecti & dissona inter se, ut & diversa à sacris canonibus & à judiciis ecclesiasticis discrepantia. habere visi sunt. Ad stabiliendam enim immensam illam potentiam prisci illi æquissimi canones cedere & reformari debebant.

Pag. 205. lin. ult. post poterit. Adde: Antonius Augustinus ad hanc Collectionem Hadriani Primi scripsit. Vid. Blondell. in *Prolegum. Pseudo-Isidori cap. ult. pag. 112.*

Pag. 207. lin. 7. post Senonensis. Adde: quod & inter alios Val: Andreæ refert, sed errorem esse, arguunt alii. Vid. infra in Addend. ad pag. 211. lin. 2.

Pag. 211. lin. 2. post tenet. Melius forte Sammarthani Fratres in *Gallia Christiana tom. 1. f. 623.* Hunc faciunt diversum ab illo super-

ff 4

riore.

riore, qui Capitula Caroli concessit, taxant-  
que illos, qui hunc confundunt cum alio Ju-  
niore, Gallo etiam, è Diocesi Remensi or-  
tum, qui Anno 871. ad Senonensem Archie-  
piscopatum evectus, Carolum Regem unxe-  
rit, & Anno 883. fatis concesserit. Vid: etiam  
ex Sammarth. id referentem Olearium in *Aba-  
to Patrologico, voce Anfegisus.*

Pag. 212. lin. 13. ad hæc verba: Sparsim in-  
venimus; notat Doctiss: Blondellus in *Prolegu-  
menis ad Pseudo-Isidor. cap. 5. pag. 20.* ubi hæc  
verba citaverat in margine. *Lector, Benedictum*  
*hunc sparsim edita, invenisse quæ descripsit.* Adde  
cætera.

Pag. 218. lin. 8. post observare. Adde:  
Quando facta sit collectio, quoad certum an-  
num determinari non potest; Attamen intra  
annum 840. & 849. Prodiisse in lucem exin-  
de colligi potest, quod Otgarius vel Autga-  
rius, cujus hortatu Benedictus Levita suam  
collectionem fecit, mortuus sit Anno 847. ut  
supra adsertum; deinde quod Benedictus suam  
collectionem miserit & dedicaverit Lothario  
& Fratribus, qui Anno 839. ad Regnum per-  
venerunt; Tandem quod huic collectioni in  
fine addita est ultima appendix ex Decretis  
Wenilonis Senonensis & Hincmari Rhemensis  
deprompta anno Caroli Calvi XI. seu Anno D.  
849, de qua num: Marg. 198. pag. 217. di-  
ctum;

rum; sequitur itaque, ante appendicem editam esse oportere, alias ipsa appendix in opus adsumpta fuisset. Baron: *ad An. D. 845.* post annum Dom. 854. promulgatam fuisse adserit. Vid. §. 38. Blondellus intra Annos 847. & 850. vel 855. in *Prolegum. ad Pseudo-Isidor. cap. 5. pag. 25.* Sed hoc non videtur probabile; duas ob rationes, prima est, quod Olgario vivente & instigante seu jubente ediderit collectionem Benedictus, is autem è vivis excessit Anno 847. dein quod Wenilonis decreta quæ Anno 849. prodierunt in appendicem sint rejecta, & quidem ultimam, ex quo, sequitur collectionem jam fuisse factam.

Pag. 219. lin. pen. ante n. 203. Quod si late demonstratum desideras adis Doctissimum Blondellum in *Prolegumenis Pseudo-Isidori Vapulantis cap. 5. pag. 25. in fin. & seq.* quam fidus autem collector Benedictus fuerit, id hæc Blondelli *eodem capite pag. 24.* satis demonstrant. Quæ quanquam prolixiora, hic addi, & legi merentur. Adversus Benedictum eundem suspicionem augere potest, editum ab eo, in ipsa quam suo nomine evulgavit, capitularium collectione, malæ fidei specimen. Audierat circa A. D. 787. sub Paulini Aquilegensis patriarchæ Romanæ sedis legatione fungentis auspiciis primam Capitulorum collectionem Aquisgrani prodiisse; & *Carolus regem*



anno 802. legatos per imperium misisse, & 24. capitula constituisse: ac tandem Ansegisum Abbatem A. D. 827. quæcunque repererat capitula magna cum laude digessisse: hujus Miltiadis tropæis à somno excitatus Benedictus parisque adoreæ consequendæ ardore inflammatus, quæcunque vel invenit primus vel ab aliis inventa interpolavit, studiosissime convasavit: ne cui autem mirum videretur post Ansegisi laborem tantam capitulorum è tenebris nescio quibus erepentium scaturiginem momento velut è terra nasci; finxit ab Ansegiso nec media inventa forsitan fuisse vel collecta; necesse fuisse ut à fidelibus ubicunque inveniri potuissent quærerentur. Ideo ea se qua ille aut invenire nequivit, aut inferere fortasse noluit, & illa quæ postulans à fidelibus S. Dei Ecclesiæ, & Pipini ac Caroli atque Ludovici didicit in jam dictis libellis minime esse inserta, pro Dei omnipotentis amore, & S. Dei Ecclesiæ ac servorum ejus atque totius populi utilitate fideliter investigare curavisse, & in tribus libellis distincte cum titulis suis coadunare ac Ludovico, Lotharioque, atque Carolo nobilissimis regibus filiis videlicet Ludovici piissimi Imperatoris habenda & omnium Christianorum fidelibus tradenda scribere non distulisse. En hominis in re seria ludentis, technas: Virtutis vera custos rigidusque satelles, Tertius è cælo cecidit Cato, cui populi salus suprema lex esse videatur; at quisquis penitus in omnes operis

ab

ab ipso publicati partes introspexerit, is vel  
 insulsa mendacia, vel centones *πελυπικίλας*,  
 vel certè Canones maxima ex parte interpola-  
 tos sapissimè deprehendet; ac si inter libros  
 tres postremos capitularium & priores qua-  
 tuor in quibus etſi forte non omnia purissima,  
 nihil adeo portentosum aut adulterinum oc-  
 currit, comparisonem instituerit facilè com-  
 periet quantum distent æra lupinis. Conferan-  
 tur (si placet) Concilii Paris. A. D. 829. cele-  
 brati lib. 1. cap. 1. 2. 3. 4. 6. 9. 10. 16. 20. 27.  
 33. 40. 41. 42. 43. 44. 46. 47. 48. 49. 50. 53.  
 cum cap. 164. & 165. lib. 5. Capitularium,  
 cap. 160. lib. 6. capitibus 166. 167. 163. lib. 5.  
 cap. 1. 3. 4. addit. 2. ad 7 capitular. cap. 175.  
 174. 168. & 169. lib. 5. cap. 6. 11. 12. 13. 14.  
 15. 16. 10. 7. 8. 9. 17. addit. 2. ad 7. librum  
 Concilii Paris. lib. 2. partis 1. cap. 4. & 12.  
 cum cap. 2. addit. 2. ad finem lib. 7. capitul.  
 Epistola Episcoporum ad finem lib. 2. partis 1.  
 Concilii Paris. & cap. 2. ejusdem partis; cum  
 cap. 22. additionis jam dictæ. Concilii Paris.  
 lib. 2. part. 2. cap. 2. 3. 22. 23. 24. 25. 26. 27.  
 cum capp. 18. 17. 23. 24. 25. ejusdem addi-  
 tionis. Concilii ejusdem lib. 2. part. 2. cap. 8.  
 9. 14. 17. 18. cum capp. 163. 179. 180. 181.  
 lib: 5. Capitularium Concilii Aquisgran. sub  
 Greg. 4. part. 1. cap. 6. 7. 8. cum cap. 171.  
 172. 173. libri 5. eorundem capitul. ejusdem  
 Concilii

Concilii part. 2. cap. 1. 2. 3. 4. cum cap. 21. & 22. additionis 2. ad librum 7. capitul. Concilii Cabilonensis sub Leone III. cap. 25. 26. 27. 30. 32. 33. 34. 35. 36. 38. 42. 43. 47. 48. 49. cum capp. 23. 25. 26. 28. 29. 31. 32. 33. 34. 35. 36. 37. 38. 39. 41. additionis 3. ad lib. 7. eorundem capitul. Officit & hoc valde collectioni Benedicti, quod cœnosis & supposititiis Isidori Mercatoris fontibus suam collectionem conspurcaverit, forte ipse auctor. Adde Blondell. pag. 96. & 108. d. l.

Pag. 224. lin. 8. ante hisce capitum. Adde: Miræus in notis ad Sigebertum Gemblacensem *de scriptor. Eccles. cap. 81. Bibliotheca Ecclesiastica pag. 148.* Memorat extare & Codicem Carolinum, à Gretsero in Germania editum, qui nunquam ad manus meas pervenit, neque ejus etiam meminit à la Gambe in Bibliotheca Jesuitica, in vita & scriptis Gretseri, quæ longa serie enumerat.

Pag. 230. lin. 21. post collectione. Muta Ansegisi, nomen, in Benedicti & sic quoque in numero Marginali & pag. sequent. lin. 16. lege.

Pag. 231. ante num. 218. post verbum ecclesiasticis Adde: Vidi postea ita legisse & edidisse Doctiss. Blondell: in *Prolegum. ad Pseudo-Isidorum cap. 5. pag. 25.*

Pag. 231. lin. 25. ante num. 218. post verb. Ecclesia.

Ecclesiasticis. Adde: Errat Baronius *ad Ann.* 835. §. 38. qui ex Concilii Meldensis *cap.* 78. colligit *exigente concilio* Benedictum Levitam collegisse & digessisse posteriores tres libros Capitularium. Quia rogat, *servari præcipi*, neque nova deberi promulgari, verum, *promulgata legis vim habere postulat*. Convincitur Baronius affatim etiam ex antedictis, in quibus patet ex confessione ipsius Benedicti; se Otgario præcipiente, suam collectionem adornasse.

Pag. 280. lin. 12. Adde post *occidente*. Seculi decimi initio celebre nomen habuit Regino natione Germanus, Monachus Benedictinus cœnobii Prumiensis in diœcœsi Trevirensi. Cujus etiam Anno 892. ut ipse in Chronico testatur, factus est Abbas, in qua dignitate non diu perstitit, sed à Richario quodam calumniatore vexatus & tandem de gradu dejectus est. Ipse Regino in Chronico promittit rei narrationem, sed vel fato præreptus, non addidit, quod innuere videtur ille, qui margini adscripsit illa. *Omissum est, quod dicere proposuit*; aut improba & invida manu, ne impia Richarii traditio & depulsio ad posteros manaret, recisum est. Quæ ipse de se Chronico inseruit ad annum 892. hæc sunt. *Per id tempus Farabertus Abbas Prumiensis Cœnobij pastorem curam sua sponte per concessionem Regis deposuit, & ego quamvis indignus secundum regularem auctoritatem per electionem Fratrum*

*trum*

trum in regimine successi. Deturbatus ex regimine Abbatiz, studiis incubuit, & Chronicon scripsit usque ad Ann. 908, ut ipse refert in præmio, in opere vero Ann. 906, leguntur hæc: *Hucusque Regino. Hac vero quæ sequuntur à Monacho quopiam fortasse addita sunt.* Collegit ille ex Conciliis capitularibus & aliis collectionibus libros duos de disciplina Ecclesiastica, quorum primus Clericos, secundus Laicos respicit. Titulus M. S. Viennensis est; *Libellus de disciplinis Ecclesiasticis & religione Christiana.* Clarissimus Joach. Hildebrandus qui primus hos libros ex MS. Acad. Juliz publicavit, titulum fecit: *Reginonis Prunicensis de disciplina Ecclesiastica veteris præsertim Germania. lib. II.* Prodiit prima editio Helmestadii, anno 1659. in cujus Præfatione, de hoc Auctore multa vide relata ab Hildebrando. Altera editio edita & notis illustrata est à Stephano Baluzio anno 1671; ad quam remittit Lectorem in Præfatione ad Anton. Augustin. de emendatione Gratiani §. 17. & nos remittimus eundem, multa enim ibidem egregia de hoc auctore observat. Bellarminus quia Romæ, nec in Bibliotheca Vaticana invenit hoc Reginonis opus, non exstare credidit, de Script. Eccles. Chronicon ejus edidit primum Sebastianus à Rotenhan Equesauratus & J. C. seculi superioris anno XXI. Moguntiz. Multum possunt hi libri conferre ad cognoscendam disciplinam Ecclesiasticam Germanorum, quia auctor Teuto fuit, quod observat quoque Hildebrandus in laudata statim præfatione.

Pag. 287. lin. 20. post annum, adde: In quæ tempora inciderit ejus vita, & quæ tum facies Ecclesiz, quantaque morum corruptio fuerit, patet ex libro 19. in quo continentur quæstiones spurcissimæ etiam sequiori sexui proponendæ in confessione, quarum specimen exhibet Molinæus in Novitat: Papismi, sexta contr. cap. 5.

Pag. 303. lin. 21. adde post habemus & *Dial. 1. lib. 1. pag. 5. Anselmi Lucensis voluminis inscriptionem sine nomine ejusdem in tribus libris legi. Unius eorum hæc est.* Incipit authentica & compendiosa collectio regularum & sententiarum sanctorum Patrum & auctorabilium Conciliorum. Et postea pag. 7. *Anselmus hoc titulo: Authentica collectio regularum sive canonum: collectiones suas vocat.*

Pag. 304. lin. 7. post Simleri, adde: Ejus canonum collectionem antiquam editam esse ab Anton: Augustino, dicit Schottus in Bibliotheca Hispan. pag. 313.

Pag. 307. lin. 10. post Bernardi, adde: Quam Baronii conjecturam postea comperi firmatam ab Authore Magni Chronici Belgici, cujus auctor perhibetur Canonicus quidam Regularis S. Augustini prope Nussiam, qui expressit Annum Obitus Ivonis eumque ponit in Annum X. Henrici V. Imperat: quem Patri Henrico successisse scribit

scribit Auno 1107, ut Mors Ivonis in Annum 1117. collocanda sit; citat ille Wernerum in fasciculo temporum *Auctorem*, verba ejus adfero in addendu ad num. 269. pag. 311. lin. 23.

Pag. 308. lin. 18. post hisce, adde in Dial: 1. lib. 1. pag. 4.

Pag 310. lin. 9. post addit, adde: Monstravit mihi postea Doctiss. Baluzius in *Præfatione ad Anton. Augustinum de Emend. Gratiani*. §. XX. id haustum esse ex Vincentii Bellovacensis *Specul. Histor. lib. 25. c. 84.* Ubi testatur Hugonem illum ex volumine Decretorum Ivonis abbreviato libellum portatilem composuisse qui *Summa Decretorum Ivonis* appellatur.

Pag. 311. lin. 23. post erant, adde: Inveni postea Hugonis hujus mentionem apud Wernerum Rolevink in *fasciculo temporum. ad Ann: Christ: 1104. editionis Pistorii fol: 75. ante finem.* Ivo Carnotensis Episcopus abbreviando compilavit *Decretum Apostolicum post Isidorum*, & post eum Hugo Catalaunensis, post quem Gratianus. Item Auctor *Magni Chronici Belgici*, Anno Henrici V. Imperatoris decimo hæc habet. *Isto anno (Henrici V. decimo) obiit Ivo Carnutensis Episcopus Vir multarum virtutum, (ut dicit Helinandus) & litterarum, qui decreta abbreviavit, & multa alia utilia scripsit. Ille Ivo Carnutensis Episcopus abbreviando compilavit Decreta Apostolica. Post Isidorum, & post eum Hugo Cathalaunensis, post quem Gratianus. Hæc Wernerus in fasciculo temporum.*

Pag. 315. lin. 3. post Augustinus, adde: qui in *Præfatione ad Antiq: Collectiones Decretalium* diserte dicit se eo carere; *Extare*, inquit, *dicatur Gregorij Presbyteri collectio, Polycarpus inscripta, quæ nos adhuc caremus.* Et hæc verba dele: *qui in dialogis ejus meminit.*

Pag. 321. lin. 19. post *ἀμβων*, adde: & ineditam citat Christophorus Iustellus ad canon. 22. *Codic. Canon. Eccles. univers. pag. 158. fin.*

Pag. 325. lin. 21. post dicunt, adde: Anton. Florent. *part. 3. tit. 5. cap. 6. specul.*

Pag. 331. lin. 16. post Ivonis, adde: (cum Guido Pancirollus in *lib. 3. de Clar. interp. cap. 2.* notet eum, nunquam Ivonis aut Burcharidi opera vidisse.)

Pag. 332. lin. 25. post aut visa, adde, *neque diligens in rebus ejusmodi*, ut inquit Chiffetius, in *Apolog. pro Architect. juris cap. 5.* Antonius Archiepiscopus Florentinus neque quique probatus auctor id adfirmat.

Pag. 335. lin. 12. post cap. 2. adde: pag 17. & seq. Matth: Steophani in *Præfat. tert. part. de juridict. pag. 16. & seq.*

Pag. 337. lin. 4. Adde: Vide sis Alberic. Gentil, de *libr. juris Canon. cap. 2. pag. 19, Dicta porro singulorum Patrum non sunt leges &c.*

Pag.



Pag. 340. lin. 12. post putem, hæc inscribere: Adde sis. Alberic. Gentil. *de libr. jur. Canon. cap. 2. pag. 21. & seq.* & quomodo tamen Gratiani opus nihilominus dici possit, Clariss. Joh. Dalzium *de Pseudopigr. Apostol lib. 3. cap. 21. pag. 669.*

Pag. 341. lin. 5. post Pocapalea, Adde: (Huncalii Quota Palearum vocant, vid. Matth. Stephani *in Prasat. part. 3. de juridict. pag. 17 fin & seq.*

Pag. 347. post lin. 12. add. Quid de mutationibus Gratiani sentiendum quidve iis tribuendum, si aliter in legibus aut Patribus, aliter in Gratiano legatur, vide sis Alber. Gentil. *de libr. jur. Canon. cap. 2. pr.*

Pag. 350. lin. 14. adde post locum: & judicium Caspar. Ziegleri *in differt. de jur. Can. orig. & increment. §. 38. Covarruv. resol. lib. 4. c. 12. & seq.* Baronius nimis credulum fuisse adserit, nec accuratum judicium adhibuisse, *ad annum 774. n. 4. & annum 664. n. 4.* Vid. etiam Befoldum *de libr. juris cap. 8. pag. 42.* Matth. Stephan. *Prasat. part. 3. de jurisd. pag. 18.*

Pag. 354. lin. 26. post mentionem, adde: totum hoc Decretum habet capitula 3848. connumeratis quæstionibus, quæ in certa capitula non sunt dispositæ, uti refert, Doctissimus ac Clarissimus Jurisconsultus, D. Jacobus Brandmullerus, Antecessor Basilienfis, Promotor meus Venerandus, *in praliminariis. ad differt. jur. Civil. & Canon. cap. 4. pag. 5. fin.*

Pag. 365. lin. 15. plures ejusmodi rejectiones & formulas vid. apud Alberic. Gent. *de libr. jur. cap. 3. pag. 28.*

Pag. 390. lin. ult. post numeretur: adde: Proverbium illud, cujus meminit hic Duarenus; *Decretis accefferunt ales*, ex lingua Gallica explicandum; ubi Decreta vocantur *Decrets*, & intelligunt Decretum Gratiani; à Gregorio autem additæ sunt alæ, id est ex *Decrets* fecit ille *Decret-ales*, Versus illi ante reformationis tempora facti sunt hi.

Depuis que Decrets eurent ales,  
Que Gends d'armes portèrent males,  
Et moines allèrent à Cheval,  
Au monde ny eust rien que mal.

Pag. 397. lin. 1. ante eam. Idem habet Valent. Forster. *in Histor. juris Civil. lib. 3. cap. 21.*



I N D E X

# I N D E X

*Numerus hic notatus, numerum*

*Marginalem notat.*

A.

- **A** ἐξέλιπον 320. pag. 429.  
**A** ἀκολουθία κανόνων quæ. 141.  
 Acta Conciliorum quomodo digesta. 143.  
 Adrianus Papa, vide Hadrianus.  
 Agylæi versio Nomocanonis Photii. 244.  
 Alanus auctor secundæ compilationis decretalium. 347.  
 Alexius Aristinus, quis. 281. ejus συνόψις κανόνων. 282.  
 : 7<sup>18</sup> Canon. 4.  
 Ancyrana synodus seu concilium. 22.  
 Andreas Schottus collector bibliothecæ Hispanicæ. 224. pag. 238. 355. pag. 389.  
 Angli utuntur jure canonico. 386. pag. 411.  
 Annulo Piscatoris quando utantur Papæ 402. pag. 431.  
 Anonymus Auctor libri Populeti quando vixerit ignotum. 275.  
 Ansegisus Abbas collegit leges ecclesiasticas Caroli Magni. 192. item Ludovici Pii & Lotharii ejus Nepotis. 193. quando ediderit. ibid. auctoritas, vita & obitus. 194.  
 Anselmus Lucensis, quando vixerit. 260. scripta. 261. Collectio canonum. 262.  
 Antiocheni Canones. 28.

gg

Antonius

# I N D E X:

- Antonius Augustinus**, edidit collectores **Decretalium**. 338. 348. 349.
- Antonii Contii error duplex de Ivonis Decreto & Panomia**. 268.
- Antonius Cuchus**. vid. **M. Ant. Cuchus**. lit. **M.**
- Apocrisiarius quis**. 164.
- Appendix Codicis Theodosiani non genuina**. 259. pag. 300.
- Arelatensia concilia**. 33.
- Arsenius Monachus**. 365. ejus **synopsis canonum**. *ibid*.
- Auctoritas juris Canonici**. 386.
- Audientia Episcoporum**. 259.
- Aurea Bulla quid**. 402. pag. 431.
- B.**
- B**acillarii & Bacalaurei unde dicti. 303.
- Balsamon**. vide **Theodorus Balsamon**.
- Baptismus una vel trina immersione perfici debeat?** 133. pag. 143. & seq.
- Baronius taxatus**. 345. pag. 380.
- Bartholomæus Erixienfis Glossator Decreti**. 334. pag. pag. 364.
- Benedictus Levita**, collegit **leges Ecclesiasticas Caroli Magni**. 192. 195. adjecit suam collectionem trium librorum, quatuor libris ab **Ansegiso** collectis 195. non tantum **Caroli Ludovici & Lotharii Imperatorum**, sed & **alia capitula collegit**. *ibid*. & 196. quid contineat

# I N D E X

tineat ejus collectio 198. posteriores libri capitularium ei adscripti, à diversis collecti videntur. 199. unde hausti. 200. quis fuerit hîc Benedictus. 201. fautor Pontificis 202. opus ejus cum Ansegisi opere conjunctum. 203. judicium de his collectionibus 204. Auctoritas. 205. integritas. 206.

**Benedictum** Levitam suspicatur Blondellus auctorem esse, qui sub nomine Isidori Mercatores supposuit decretales primis Pontificibus Romanis. 227.

**Beneventanus**, vide Petrus Beneventanus.

**Bernardus Bottonus** Glossator. 157. 363.

**Bernardus Circa Papiensis**, 275. 338. primus collector Decretalium post Gratianum. 338.

**Bernardus Compostellanus**, auctor tertiæ compilationis decretalium. 349.

*Βίβλιον κανόνων* 140. & 143.

**Bibliotheca Hispanica** habet Andr. Schottum collectorem. 224. pag. 238. & 355. p. 389.

**Billet**. 402. pag. 433.

**Blachernorum** primus quis. 342.

**Blastares**. vide Matthæus Blastares.

**Blondellus**, scripsit contra Isidorum Mercatorem & Turrianam Jesuitam ejus defensorem. 224. pag. 253.

**Bochellus**, vide Laurentius Bochellus.

**Bonifacii Octavi Papæ** compilatio. 366. liber

# I N D E X

- sextus decretalium. *ibid.* inimicitia cum Re-  
 ge Galliarum. 369.  
 Bonifidius, vide Enimundus Bonifidius.  
 Βυζαντιν. 402. pag. 429.  
 Bracharenfis, vid. Martinus Bracharenfis.  
 Braulio edidit Ifidor. libros etymologiarū. 224  
 Breve Apostolicum. 402. pag. 431.  
 Breviarium extravagantium, vocatur Bernardi  
 Papiensis collectio prima. 338 pag. 376.  
 Breviatio canonum quæ vocata. 147.  
 Breviarium canonum. 147.  
 Bullæ quid. 402. quotuplices. *ibid.*  
 Bullaria 398. qui scripserint 399. & seqq. un-  
 de dicta. 402.  
 Burchardus Wormatiensis 248. ejus collectio  
 canonum 249. unde hausta 250. summa ejus  
 librorum 251. ubi & quibus auxiliis opus  
 perfecit 252. nomen operis 253. judicium  
 de hac collectione 254. ejus compendium  
 tantum in usu 270.

## C.

- C**alchedonense Concilium, & ejus canones,  
 qui claudunt codicem canonum. 31.  
 Cancellariæ Regulæ, vide Regulæ Cancellariæ.  
 Caneh קנה 4.  
 Canna. unde. 4.  
 Canon quid. 3.  
 Canon regula disciplinæ Ecclesiasticæ. 10.  
 Canon sacrorum librorum catalogus. 9. & 11.  
 & 12. Canon

# I N D E X

- Canon tributum.** 11.
- Canon unde 4.** varia significata 5. & seqq.
- Canon unde translatus ad statuta conciliorum.** 3.
- Canones Apostolici Antiocheni novem à Tur-**  
**riano obtrusi.** 136.
- Canones Apostolorum in corpus juris civilis**  
**relati & quare.** 127. & 128.
- Canones Apostolorum pars constitutionum A-**  
**postolicarum quibusdam** 122. **verius non**  
**esse** 123. **diversæ sententiæ de iis** 124. **eo-**  
**rum scriptor** 125. **Græcorum judicia** 126.  
**item Latinorum** 129. **auctoritas apud eos**  
**130.** **causæ quare eas novitii Papatus adse-**  
**clæ defendant** 131. **eorum argumenta exa-**  
**minata** 132. **origo, auctor & tempus suppo-**  
**sitionis** 134. **numerus** 135.
- Canones conciliorum in decretis Gratiani cu-**  
**jus sint auctoritatis** 311.
- Canones duplicis generis** 15. & seq.
- Canones in diptycha relati.** 49.
- Canones nomen juris adsumunt** 259. **pag.** 299.
- Canones proprie qui dicti** 15. & 16.
- Canones quare in corpus congesti** 48.
- Canonicarii** 11.
- Canonicarum constitutionum liber, vocatur**  
**codex canonum** 47.
- Canonis nomen antiquis placuit, magis quam**  
**nomen juris Ecclesiastici, aut juris canonici,**  
**& quando ea nomina inducta** 14.

# I N D E X.

- Canon<sup>icum</sup>** jus unde originem habeat 56.
- Canonizatio** sanctorum unde 8.
- Canonum** digestiones varix 137. genera quinque. *ibid.*
- Canonum** diversa efficacia seu vis. 13.
- Canonum** origo 18 & 19. & seq.
- Capellani** summi Pontificis qui dicantur. 363.
- Capitularia** an consensu & auctoritate Pontificis Romani publicata 219.
- Capitularia** Caroli Magni, Ludovici & Lotharii 192. & seqq. *vid.* Ansegisus, & Benedictus Levita. Auctoritas eorum 205. differentia cum Caroli Calvi capitularibus 213. antiqua carent titulo 218.
- Capitulare** Gregorii secundi Papæ 216.
- Capitularia** unde dicta 214. & seq.
- Κεφάλαια* 215.
- Caroli Calvi Capitularia** 209. edidit Sirmondus 210.
- Caroli Imper:** Ludovici filii capitula 198. pag. 217.
- Caroli Magni Leges Ecclesiasticæ** 192. cura rei ecclesiasticæ, & concilia, *ibid.* Francofurtæ memorabile imprimis. *ibid:* in quo editi ejus libri contra imagines. *ibid:*
- Caroli Magni libri** contra imagines à Joh. Tilio editi 46. & 192. quorum authentica exemplaria Pontifici ad abolendum quærunt. 46.
- Carolo M.** datur Codex Dionysii Exigui ad  
usum



# I N D E X

- usum Ecclesiarum Occidentaliū. 78. & 191.  
 Carolus Cottus, vel Toccus Siculus, Lotharii  
 capitula illustravit. 197.  
 Carthophylax quis fuerit. 341.  
 Catalogus fidelium, Episcoporum & Marty-  
 rum, canon vocatus. 8.  
 Causæ incrementorum juris canonici. 315.  
 Κεκαλονισµέναι συνόδοι. 11.  
 Christophori Justelli industria in expoliendo &  
 edendo veteri jure canonico. 415.  
 Christophori Justelli laus 40. & 415.  
 Corporis & codicis canonum differentia 139.  
 rejecta. 140.  
 Clementi Romano falso affectæ libri constitu-  
 tionum Apostolicarum & canones Apostoli-  
 ci 106. quis ille 107. ejus scripta 108. judica  
 de constitutionibus 109. probantium 110.  
 improbantium 111. antiquorum 112. Æ-  
 thiopum 113. Græcorum 114. rationes 115.  
 non scriptæ à Clemente 116. ignotæ Patri-  
 bus tribus seculis primis 117. Latinis usque  
 ad Bovii editionem 118. quando scriptæ con-  
 jectura 119. unde haustæ 120.  
 Clemens quintus Papa Clementinarum colle-  
 lector 371.  
 Clementinæ 371. à quo vulgatæ 371.  
 Clerici qui 6 quomodo à Laicis distincti. ibid:  
 Codex canonum. 44. 138.  
 Codex canonum à Concilio Calchedonensi &  
Impe-

# I N D E X.

- Imperatore Justiniano confirmatus 37. & 51**  
 ideo pars juris civilis. 52.
- Codex canonum confirmatur à concilio Nicæ-**  
 no secundo. 55.
- Codex canonum Dionysii Exigui. 74.**
- Codex Carolinus. add: pag. 244. lin. 8.**
- Codex Ecclesiæ Africanæ duplex. 95. & seqq:**  
 an privata opera, an publica auctoritate sit  
 collectus 98. scriptus Latine & in Græcum  
 versus. 99. insertus codici Ecclesiæ Orien-  
 talis. 100. & Romanæ à Dionysio Exiguo.  
 101. ordo ejus varius. 102. editiones. 103.  
 postea Romanæ Ecclesiæ codicem recepit  
 Africa, in addendis ad n. 103. pag. 79.
- Codex Ecclesiæ Britannicæ. 89. & ejus speci-**  
 men 90.
- Codex canonum Ecclesiæ catholicæ à Justinia-**  
 no confirmatus 37.
- Codex Ecclesiæ Gallicæ. 78. & 80. cujus ver-**  
 sionis 81. duplex codex Gallicus. 82.
- Codex Ecclesiæ Hispanicæ 86. duplex 87.**
- Codex Ecclesiæ Orientalis. 188. ex quibus con-**  
 fter. ibid: quid additum sit huic codici post  
 Justinianum 189. in eum primum Patrum  
 sententiæ cum canonibus mistæ 190. in syno-  
 do Trullana & Nicæna II. confirmatus. 188.  
 & 191.
- Codex Ecclesiæ universæ, à codice Ecclesiæ**  
**Orientalis diversus. 63. incrementa ante Ju-**  
**stinianum**

# I N D E X.

- Justinianum 37. & post Justinianum 54. usus  
 in Oriente & Occidente. 56. materia colle-  
 ctionum sequentium. 59. ejus titulus adser-  
 tus 65. versiones. 70. 71. auctoritas 104.  
 Codex canonum Ecclesiæ universæ quot primū  
 canones habuerit. 36. quot accreverint. 37.  
 Codex canonum in conciliis palam propositus  
 cum Sacra Scriptura. 38. & seqq:  
 Codicis canonum origo seu principium. 22. pri-  
 mi ejus canones. ibid: quando collegi cœ-  
 ptus. 31. 34. 42. ex quibus canonibus con-  
 stet. ibid:  
 Codicis Romani convenientia & differentia  
 cum recensione Leonis. 79.  
 Codicis Theodosiani appendix à Sirmondo e-  
 dita, spuria. 259. pag. 300.  
 Collectio canonum in Occidente & Africa. 57.  
 Collectio prima, secunda &c. vid: compilatio.  
 Collectiones canonū publicæ, & privatæ. 152.  
 particulares & universales. ibid:  
 Collectio Romana quæ. 349.  
 Collectiones incertæ. 409. & seqq.  
 Colligi canones cœperunt post concilium Ni-  
 cænum. 28.  
 Commonitoria quæ. 403. ex iis etiam excerpti  
 canones. 404.  
 Compilatio prima 338. secunda 340. tertia 349.  
 & seqq: quarta 351. quinta 352. sexta 353.  
 utilitas earum. 354.

# I N D E X

- Conciliorum canones in Decretis Gratianicis**  
 jus auctoritatis sint. 311.
- Concilia prima** 19. & seqq:
- Concilia primis seculis rara.** 2.
- Concilia pauca primis temporibus.** 19.
- Conciliorum editiones.** 144.
- Concilium Hie. osolymitanum.** 1. & 20.
- Concilium Romanum contra novatum.** 21.
- Concilium Tridentinum vulgatum quo tem-**  
 pore fit à Pio IV. 390.
- Concordia canonû Gratiani quid significet.** 306
- Concordia canonum quæ vocetur.** 148.
- Confessiones fidei Pontificis Romani.** 405.
- Consequentia canonum quæ, & qualis digeren-**  
 di modus. 141.
- Constantinopolitanum concilium I. Oecume-**  
 nicum ejusque canones. 24.
- Constantinus Harmenopulus.** 283. quis fuerit  
 284. quando vixerit. 285. scripta. 286. epi-  
 tome canonum. 287.
- Constitutiones Apostolicæ spurix.** 106. vide su-  
 pra Clemens Romanus & Canones Apostol.
- Constitutiones Ecclesiasticæ Justiniani ex cor-**  
 pore canonum depromptæ. 53.
- Constitutiones Marchiæ Anconitanæ.** 382.
- Corpus canonum.** 43. 47. 138. quando editum.  
 146. quare canones in corpus congesti. 48.
- Corporis canonici auctoritas.** 386.
- Corpus juris canonici comparatû cum corpore**  
**juris civilis.** 384. Cresco-

# I N D E X.

Cresconius quis fuerit. 181. scripta ejus historica. 182. juris canonici opus duplex. 183. breviarium canonum. ibid. concordia canonum vel liber canonum. ibid: disquisitio de his operibus. 184. concordiae initium non est Cresconii. 185. editiones. 186. primus decretales Pontificum Romanorum inter canones retulit. 187. & 337. pag. 374.

Cucchus, scripsit institutiones juris canonici, vid. M. Ant. Cucchus.

Cyrilli anathematismi. 79.

D.

**D**Ani utuntur jure canonico 386. pag. 411.  
David Blondellus, vide Blondellus.

Decreta quæ. 15. & 16. & 17.

Decretales emendatæ à Gregorio XIII. & vulgatæ. 394. unde. 395.

Decretales Epistolæ in decretis Gratiani cujus sint valoris. 312.

Decretales quæ in Codicem Gallicanæ Ecclesiæ receptæ. 84. & 85.

Decretales quid, earum origo. 337.

Decretalium collectio Dionysii Exigui. 75. ubi incipiant. 76.

Decretalium collectiones. 336. & seqq.

Decretalium origo. 187. à Siricio incipiunt, ei nulla genuina superior est. 222. affinxit anterioribus Papis Isidorus Mercator & quando 221. & 222. seqq.

**Deus**

# I N D E X.

**Deusdedit Cardinalis collectio.** 273.

Διατυπώσεις & κανόνες. 10. & 143.

Δικηρίον quid. 402. pag. 430.

**Dictatus Hillebrandi seu Gregorii VII.** 257.

**Digerendi canones genera quinque.** 137.

**Dionysius Exiguus**, quo tempore vixerit, quis fuerit & de collectionibus & versionibus canonum ejus. 72. 73. 154. quid differat ejus codex à codice Ecclesiæ Romanæ. 74. quid addiderit Codici Ecclesiæ Catholicæ. 73. primus decretales collegit. 75. 187. quid differat codex ejus à codice Ecclesiæ universæ. 77. ejus collectio Romæ statim recepta. 78. accessiones ad Leonem IV. Papam usque. 246. collector primus decretalium. 337. pag. 374.

**Diptycha Ecclesiastica.** 11. & 47.

Δίπτυχον ἑκκλησίαν quam vocaverint. 402. p. 430.

**Discussores qui.** 292.

**Doctoris Juris Canonici titulus quare sustinetur.** 386. pag. 414. abolitus in Anglia. ibid: pag. 415.

**Doctorum virorum de Jure Canonico judicia.** 387.

**Drungarius quis.** 278. duorum generum. ibid:

**Duplex bulla quæ.** 402. pag. 430.

E.

**E**cclēsia post Nicænum concilium duplici jure gubernata, divino & Ecclesiastico. 38. seqq:

**Ecclesiastica consequentia.** 141.

Eccle-

# I N D E X.

- Ecclesiastici libri qui.** 337. pag. 373.  
**Eliæ Ehingeri editio codicis canonum Ecclesiæ**  
**Orientalis.** 189 pag. 203.  
**Eliberitanum concilium.** 32.  
**Emendatorû Gratiani notæ & rejectiones.** 324.  
**Emendatio Romana Decreti Gratiani à quibus**  
**facta.** 391. & seqq.  
**Enimundi Bonifidii digestio juris orientalis.** 406  
**Ephefinum concilium Oecumenicum ejusque**  
**canones.** 30.  
**Episcopi & Presbyteri iidem olim.** 1.  
**Epistolæ decretales, vide decretales.**  
**Epitomatores conciliorum.** 418.  
**Et infra, quid in Decretalibus significet.** 353.  
**pag.** 385.  
**Extra vox, quid in allegatione Gratiani deno-**  
**tet.** 327.  
**Extravagantes communes, quando editæ, quid**  
**contineant.** 383.  
**Extravagantes Johannis XXII. Papæ, quare ita**  
**dictæ. ibid: à quo vulgatæ. ibid:**  
**Extravagantia jura quæ dicta.** 48. pag. 27.  
**Ezechielis Spanhemii elogium.** 239. pag. 270.  

F.

**F****ranciscus Florens refutatus.** 65. & 169.  
**Francisci Spanhemii Filii elogium.** 224.  
**pag.** 254.  
**Franciscus Turrianus, vid. Turrianus.**  
**Fulgentii Ferrandi collectio canonum.** 155.  
**quid**



# I N D E X.

quis fuerit. 156. scripta. 158. breuiatio canonum. 159. convenientia & differentia cum Cresconii breuiario. 161.

## G.

- G**allensis, vide Johannes Gallensis.  
**G**alli deficiente iure scripto, utuntur iure canonico. 486. pag. 410. & seqq:  
**G**allicæ Ecclesiæ Codices. vid. Codex.  
**G**angrensis synod. 25. vid. & addend.  
**G**arfiæ Loaylæ error de Martino Bracharense notatus 171.  
**G**ermani utuntur iure canonico. 480. p. 411.  
**G**ermania quo iure Ecclesiastico primum usâ, 94. & 191.  
**G**ilbertus, auctor secundæ compilationis decretalium. 347.  
**G**lossæ quid. 335.  
**G**lossaria quæ. 334. pag. 369.  
**G**lossatores Gratiani. 334.  
**G**lossatores unde. 335.  
**G**lossematarii. 335. pag. 368.  
**G**lossographi. 335. pag. 368.  
**G**lossularii. 335. pag. 368.  
**G**ratianus 294. cujas fuerit. 295. natales ejus, num spurius fuerit & frater Lombardi & Comestoris? 296. professio. 297. quando vixerit. 298. ubi vixerit & canones collegerrit. 299. volumen decretorum composuit. 300. Eugenio obtulit. 301. ejus auctoritas.

# I N D E X.

302. & 308. an ab Eugenio firmatam fuerit  
hoc volumen. 302. tempus collectionis. 304.  
titulus operis. 305. causa scriptiois. 306.  
causa impulsiva. 307. de auctoritate ejus va-  
riæ sententiæ. 309 fontes Decretorum. 310.  
dicta Patrum quotuplicia & cujus auctori-  
tis sint. ibid: Conciliorum canones in Decre-  
tis Gratiani quam auctoritatem habeant. 311.  
item Decretales epistolæ. 312. Gratiani dicta.  
313. paleæ. 314. & seq: Leges civiles. 316.  
& Pseudepigrapha. 317. judicia de Gratiano.  
318. num opus rejiciendum? 319. ejus ope-  
ris consideratio. 320. tractatus de Pœniten-  
tia num sit Gratiani. 321. 322. quot capi-  
tula habeat. 322. in addend. pag. 354. alle-  
gationum modi. 323. notæ emendatorum.  
324. verba Gratiani quomodo agnoscenda,  
numeri & summaria capitum unde. 325. in-  
scriptiones. 326. in Gratiani decreti allega-  
tione quid voces, *supra*, quid *extra* deno-  
tent. 327. Gratiani facta & obitus latent 228  
ejus Epitaphium. 329 an Cardinalis fuerit.  
330. 332. Magister quare dicatur. 333.  
Gregorius decimus tertius, vulgat emendatum  
decretum Gratiani. 393.  
Gregorii noni collectio decretalium. 353. vid.  
Raymundus de Pannaforte.  
Gregorii Presbyteri collectio, Polycarpus. 274  
Gregorius septimus Papa, Hillebrandus stabi-  
litor

# I N D E X.

**I**llitor Papalis Monarchiæ. 256. Dictatus scribit. 257. quare dictatus vocati. 258. eorum effectus, incrementa Papalis Monarchiæ. 259. & jus ecclesiasticum. ibid:

**Guillelmi Voëlli & Henrici Justelli Bibliotheca Juris Canonici veteris. 416.**

## H.

**H**adrianus Papa Carolo Magno dat codicem Canonum Dionysii Exigui. 78. & 191.

**Hadrianus Papa non fuit auctor collectionis Carolo M. datæ. 191. ejusdem collectio. ibid:**

**Harmenopulus, vid. Constantinus Harmenopulus.**

**Henrici Justelli & Guillelmi Voelli Bibliotheca juris canonici veteris. 416.**

**Ἡεραρχοὶ quinam. 6.**

**Hierosolymitanum concilium. 20.**

**Hildebrandus Papa, vide Gregorius septimus.**

**Hispani deficiente jure Regio recurrunt ad jus canonicum. 386. pag. 411.**

**Hugo Catalaunus, Auctor Panormiæ. 269. vid. & addend.**

**Hugutio Glossator decreti. 334. qui Hugo Vercellis. ibid:**

**Hungari utuntur jure canonico. 386. pag. 411.**

**Hypomnemata & hypomnematismi. 369. pag. 427.**

## I.

**I**acobi Gothofredi ejusque codicis Theodofiani laus, 259. pag. 300. & 396. pag. 426.

Jacobus

# I N D E X.

- Jacobus Leschælerius** auctor consultationis de  
controverſia inter Paulum Quintum &  
Remp. Venetam. 42.
- Incertæ Collectiones.** 409. & ſeq.
- Incrementorum juris canonici cauſæ.** 385.
- Indictio.** 11.
- Ingelramo Metenſi Epifcopo data collectio ab**  
**Hadriano Papa concinnata.** 191. & quando  
ibid.
- Innocentius Cironius,** quintam collectionem  
decretalium edidit. 352.
- Innocentii tertii Papæ collectio Prima.** 350.  
Secunda. 351.
- Inſtitutiones juris canonici à quibus ſcriptæ.**  
388. & ſeq.
- Interpres quis novellarum.** 17.
- Johannis Annii Viterbienſis impoſtura.** 222.
- Johannes Antiochenus Scholaſticus.** 162. qua-  
re Scholaſticus dictus. 163. Presbyter &  
Apocriſiarius. 164. Patriarcha. 165. ſcripta  
ejus. 166. & ſeq. inſeruit ſuæ collectioni pri-  
mus canones Apoſtolorum. 167. ejus nomo-  
canon. 168. quando digeſſerit canones. ibid:  
Male Theodoreto ejus *ſυναγωγὴ κανόνων* ad-  
ſcribitur. 169. auctoritas collectionum. 170.  
judicium de eo. ibid: Baſilii canones ſuo no-  
mocanoni miſcuit. 190.
- Johannes Doviatus Martini Braſhareniſis cor-  
rector.** 178.

hh

Johan-

# I N D E X.

- Johannes Gallensis vel Vallensis auctor secundæ compilationis.** 348.
- Joh. Leunclavii jus Græco-Romanum.** 408.
- Johannes Semeca Teutonicus Glossator decreti.** 334.
- Johannes Tilius primus edidit codicem Canonum Græcè.** 46. & 189. pag. 202. item libros Caroli Magni contra imagines. 46. voluit etiam capitularia edere, sed non potuit. 207.
- Johannes XXII. Papa edidit Clementinas.** 371. ejus Extravagantes. 372. Regulæ Cancellariæ. 373. ejus facta pro sede Romana. 374. indoles. ibid: & seqq.
- Johannes Wendelsteinius editor Codicis canonum Romani.** 79.
- Johannes Zonaras, quando vixerit.** 277. ejus honores. 278. scripta. 279. & 280.
- Johanninæ decretales.** 372.
- Josia Simleri error notatus.** 389.
- Isidorus Hispalensis quando vixerit & mortuus sit.** 224.
- Isidori Mercatoris Collectio.** 220. elogium Blondelli de Isidoro. 221. quid collegerit vel supposuerit. 223. Num Isidorus Hispalensis fuerit. 224. Peccator, vel Mercator vocatur. 225. Cujas fuerit. 226. forte Benedictus Levita. 227. testimonia suppositas esse ejus merces. 228. & seqq. **Quid contineat**

# I N D E X.

tineat ejus collectio. 230. auctoritas. 231.

qua versione usus sit. 232. scopus. 233.

Isidori Mercatoris Collectio à quo in Germaniam illata. 191.

Itali utuntur jure canonico. 316. pag. 410.

Judicia de jure canonico Doctorum virorum. 383.

Juris Canonici auctoritas. 386. judicia de eo doctorum. 387. contradictiones. ibid.

Jurisdictionem Episcopi habuerunt nullam. 259. pag. 299. & seq.

Ivo Carnutensis quis. 263. scripta. 264. Collectiones Canonum. 265. Decretum. 266.

Panormia vel Panormia. 267. an ejus opus sit. ibid. Compendia ejus tantum in usu. 270. editiones. 275. Conspurcat decretum suppositis Epistolis Isidori Mercatoris. 272.

Justellus. vid. Christophorus Justellus, & Henricus Justellus filius.

Justinianus Imperator confirmavit Codicem canonum. 37. & 51. ideo pars juris civilis. 52. ex eo depromsit suas constitutiones Ecclesiasticas. 53.

## L.

**L** Aici quomodo à Clericis distincti. 6.

**L**ancelottus vide Paulus Lancelottus.

Laodicensis Synodus. 24. de tempore ejus. vid. addend. ad pag. 16.

h h 2

Lau-

# I N D E X.

**Laurentii Bochelli Decreta Ecclesiæ Gallicanæ**  
417.

**Laurentius Cremenſis Glossator Decreti.** 334.  
**Lēges Civiles in compilatione Gratiani, quam**  
**habeant auctoritatem.** 316.

*Λειτουργίας κειμήλιον.* 6.

**Leonis Allatii tractatus de perpetua dissensio-**  
**ne Ecclesiarum Orientis & Occidentis.** 289.  
fin. **Elogium.** 293. fin.

**Leonis Primi incerta collectio.** 410.

**Leonis IV. Papæ impia audacia.** 246.

**Leunclavius, vide Johannes.**

**Lexica dicta Glossaria à recentioribus.** 335.  
pag. 369.

**Liber Canonum.** 47.

**Liber Decretorum.** 76.

**Liber septimus decretalium quando & à quo**  
**editus.** 407.

**Liber sextus decretalium.** 367. in Gallia non  
receptus ob inimicitias Bonifacii VIII. cum  
Rege Galliarum. 367. & seq.

**Libri capitularium, Caroli M. Ludovici &**  
**Lotharii Imperatoris.** 192. & seqq. Vid.  
Ansegisus, & Benedictus Levita. Libri po-  
steriores à diversis collecti. 199. unde hau-  
sti. 200. auctoritas eorum. 205. integritas  
eorum. 206. quis primo iterum in lucem  
emiserit. 207.

**Liturgia Clementis.** 121.

**Liturgia**



# I N D E X.

**Liturgiæ veteres omnes vel suppositæ vel corruptæ.** 121.

**Logotheta quis.** 292.

**Lotharii Imperatoris capitula.** 193. nomen, quomodo in præfationem Ansegisi irrepperit conjectura Pithæi. 197.

**Ludovici Jacob. à S. Carolo Carmelitæ elogium.** 191. pag. 205. facit Cardinalem Presbyterum ex Anselmo Lucensi. 260.

**Ludovici Imperatoris capitula, collecta ab Ansegiso Abbate.** 193. Reformatio abusum Cleri. 208.

## M.

**M**agister quare dicatur Gratianus. 333.

Magister quis dictus. 291. & 333.

**Magnus Drungarius quis.** 278.

**Marcus Antonius Cuchus scripsit institutiones juris Canonici.** 389.

**Marquardus Freherus Leunclavii jus Græco-Romanum publicavit & quando.** 408.

**Marsilius Patavinus, ejusque defensor pacis.** 386. pag. 413.

**Martinus Bracharensis, quo tempore collegit canones.** 171. quis fuerit. ibid. scripta ejus. 172. Collectio canonum. 173. quando facta. 174. quare adornata. 175. unde hausta. 176. quomodo divisa. 177. editionum diversitas. 178. non novit aut inseruit canones Pseudapostolicos. 179. Confusa

hh 3

ejus

# I N D E X.

- ejus collectio cum Martini Papæ. 180.  
 Martinus Lutherus jus Canonicum exussit, &  
 quare. 386. pag. 413.  
 Martini Papæ nomen confusum cum Martini  
 Bracharenfis. 180.  
 Matthæus Blasteres, quando vixerit præcise  
 non satis notum. 288. scripta. 289.  
 Modus quærendi capitula in compilatione Gra-  
 tiani. 323.

## N.

- N** Eocæsariense Concilium. 23.  
 Nicæna Synodus. 26.  
 Nicæni Canones viginti tantum genuini. 26.  
 68. & 69. quare primo loco positi in cor-  
 pore canonum. ibid: & 27. qui canones cum  
 Nicænis recepti. 35. & eorum nomine sæ-  
 pe veniant. 58. pag. 33. origo erroris de  
 80. canonibus Nicænis. 68. Canonum Ni-  
 cænorum auctoritas. 104.  
 Nomina primæ collectionis. 43. 140.  
 Nomocanon quis. 149. & seq.  
 Nomocanones ignoti Occidentalibus, usque  
 ad Ivonem Carnutensem. 266.  
 Nomophylax quis. 284. 341.  
 Notæ ad collectionem Gratiani, & quorum  
 sint. 324.  
 Novella Justiniani 6. explicata. 127.  
 Novella Justin. 115. explicata. 50.  
 Novella Justiniani 131. explicata. num. 17.  
 & 35. & 53. & 104. Oblatio

# I N D E X.

## O.

**O**blatio. 11.

**O**ccidentalis Ecclesiæ quando & quo jure Ecclesiastico usâ 58. quando cœperit colligere & vertere canones. 66.

**O**lbertus Abbas, auxilium Burchardo præstitit in colligendis canonicis decretis. 252. & seqq.

**O**mnibonus Magister compiler concordiar discordantium canonum. 331. ejus opus Omnibonum. ibid.

**O**rdinandorum tractatus, quid in opere Gratiani notet. 323.

**O**rientalis Ecclesiæ Codex. 64.

**O**riginale quid. 397.

**O**rigo Conciliorum. 1.

**O**sius. 25.

## P.

**P**alex, unde dicta. 314. cujus sint auctoritatis. 315.

**P**anormia vel Panomia Ivonis. vid. Ivo.

**P**atriarcharum responsa in Oriente adservata. 187. fin. Inserta Codici canonum Ecclesiæ Orientalis. 189.

**P**atrum Canones, vocatur Codex Canonum. 47.

**P**atrum Canones. 89.

**P**atrum dicta quotuplicia, & cujus auctoritatis in decreto Gratiani. 310.

hh 4

Pauli

# I N D E X.

- Pauli Lancelotti institutiones juris Canonici.** 388.
- Paulus Sarpus**, edidit historiam Concilii Tridentini. 390.
- Περὶ Ἰουστινιανῶν** quid in Novella Justinian. 115. 50.
- Perronius Cardinalis** refutatus. 64. & 98.
- Petri Alexandrini Canones pœnitentiales.** 33.
- Petri Beneventani collectio tertia decretalium.** 350.
- Petrus de Marca** refutatus. 71.
- Petrus Matthæi** compilator septimi decretalium libri. 407.
- Petrus Pithœus capitularia** primus edidit. 207.
- Petrus Suavis est Paulus Sarpus** editor historię Concilii Tridentini. 390.
- Philippus Jacob. Maussacus** taxatus. 335. pag. 367.
- Phorius** quis fuerit. 238. scripta ejus. 239. Nomocanon. 240. ex quibus compilatus. 241. quando. 242. interpretationes. 243.
- Pisani & Fr. Turriani canones octuaginta Nicæni spurii.** 26. & 69.
- Pius IV. Papa Concilium Tridentinum** vulgat. 390. emendari curat decretum Gratiani. 391.
- Plumbatores** qui. 402. pag. 432.
- Polycarpus**, Collectio vocata Gregorii Presbyteri. 274.

Ponti-

Pontificum Romanorum bullæ & modus ballandi. 402. pag. 430. & seq.

Pontificum Romanorum potentia ad summum evecta seculo XI. 255.

Presbyteri & Episcopi iidem olim. 1.

Primus Blachernorum quis. 342.

Prisci Canones. 87. & 88.

Protestantes Principes retinuerunt jus Canonicum. 386. pag. 415.

Protopsebasti dignitas. 284.

Protopatharius quis. 238.

R.

**R** Aymundi de Pennaforté Collectio Decretalium sexta, quæ jussu Gregorii Noni facta. 353. quis fuerit. 355. scripta. ibid. Glossographi ejus. 356. Censuræ Romanorum labor. 364.

Regerendarii. 396. pag. 427.

Regesta, Registra, quid. 396.

Regulæ Cancellariæ Johannis XXII. 373. quid sint. 381.

Rejectiones ex opere Gratiani quorum sint. 324.

Responsa Patriarchalia in Oriente adservata. 187. fin.

Riculphus Episcopus Moguntinus Isidori Mercatoris Collectionem in Germaniam tulit. 191.

Romana Ecclesia quamdiu usæ solis Canonibus

hh 5

Nica

# I N D E X.

**Nicænis. 66. qua versione, & quousque  
usa. 72.**

## S.

**S**abinus Macedonianorum Heracleæ civita-  
tis Episcopus, collector actorum in Con-  
ciliis. 143.

**Sardicenses Canones reprobatī Africanis Patri-  
bus & quare. 67. quando inserti Codici Ee-  
clesiæ Orientalis. 189.**

**Scholasticus quis temporibus Justiniani. 162.  
& seq.**

**Sebasti & Protosebasti dignitas. 284.**

**Secula obscura, ferrea. 247.**

**Series Canonum, quis digerendi modus. 142.**

**Sextus decretalium, vide liber sextus.**

**Simeon Magister & Logotheta quando vixe-  
rit. 290. quis fuerit. 291. Magister. ibid:  
Logotheta. 292. ejus epitome Canonum.  
293.**

**Stephani Ephesini Episcopi collectio. 61.**

**Studioſi Theologiæ juri Canonico imprimis  
incumbere debent, & quare. 319. pag.  
351.**

**Supra vox, quid in allegatione Gratiani de-  
notet. 327.**

**Συναγωγή τῶν συνόδων, quæ. 143.**

## T.

**T**ancredus Bononiensis quintæ Collectio-  
nis decretalium auctor. 352. quando  
iterum

# I N D E X.

iterum edita. *ibid.*

Τάξις τῶν κανόνων. 142.

Theodoreto falso adscripta συναγωγή κανόνων, quæ est Johannis Scholastici. 169.

Theodorus Archiepiscopus Doravernensis, auctor Codicis Canonum Ecclesiæ Britannicæ. 89. & 91.

Theodorus Balsamon quando vixerit. 339. quis fuerit. 340. scripta ejus. 344. editiones & interpretes. 345. Paratitla ei restituta. *ibid.* eorum titulus verus. *ibid.*

Tilius, vide Johannes Tilius.

Tractatus Ordinandorum, quid denotet in opere Gratiani. 323.

Turriani & Pisani Canones octuaginta Nicæni spurii. 26. & 69. ejus elogium, 110. & 124. 130. pag. 125. & 224. pag. 238. & 228.

Turrianus defensor Decretalium primis Papis suppositarum. 228. pag. 253. qualis. 234. & seq. elogia & errores historici, auctoresque conficti, 235. & seq.

## V.

**V** Allensis, vide Johannes Gallensis, auctor secundæ compilationis decretalium. 348.

Ugo Catalaunus auctor Panomiæ quæ Ivoni adscripta. 269. vid. & addend.

Vincentius Castellioneus, Glossator Decretalium 334.

Wenig




# I N D E X.

W.

**W**Enilonis Capitula Caroli Imperatoris.  
198. pag. 217.

Z.

**Z**Onaras. vid. Johannes Zonaras.  
Zosimi Papæ fraus, & collectio fraudu-  
lenta. 58. & 67.



*Sequentes*

*Sequentes errores rogo ut Benevolus  
Lector corrigat me monitore, reli-  
quos sua industria.*

**I**N Dedicatione pag. † 3. lin. 10. leg. **Q**  
& lin. 11. leg. *ex.*  
Pag. 18. lin. 17. leg. *quinti*, pro *quarti*.  
Pag. 23. lin. 13. leg. *hoc*.  
pag. 25. lin. 1. dele hunc.  
pag. 25. lin. 17. leg. *Placcium*.  
pag. 35. lin. 1. leg. *Canonici veteris*.  
pag. 38. lin. 19. leg. *fraudenta*.  
pag. 39. lin. 18. leg. *inde forte natus*.  
pag. 39. lin. 17. leg. *Gorichemiensis*.  
pag. 43. lin. 1. leg. *computare*.  
pag. 57. l. 19. leg. *in quo suo loco restitui debet*.  
pag. 58. l. 9. l. locus.  
pag. 74. l. 15. adde post CCXVII. *Episcopis*.  
pag. 138. l. 15. leg. *Tridentinam*.  
pag. 145. l. 19. leg. *pro ejus, eorum*.  
pag. 153. l. 5. post *Antiochenos*, adde, *Tur-*  
*rianus*.  
pag. 153. lin. 25. leg. *præmittenda*.  
pag. 160. l. 3. pro *eadem*, leg. *secundam*.  
pag. 160. l. 5. pro *ea*, lege *Concilia*.  
pag. 179. l. ult. l. hæc.  
pag. 230. l. 21. pro *Ansegisi*, lege *Benedicti*  
& sic in Margine quoque.

pag. 231

## ERRATA.

- pag. 231. lin. 16. leg. iterum Benedictus.  
pag. 240. lin. 16. leg. stramineis.  
pag. 274. lin. 9. & 10. lege differemus.  
pag. 371. lin. 13. lege commentum.  
pag. 409. lin. 14. post eam, adde; molem.  
pag. 410. lin. 5. lege supra.  
pag. 448. lin. ult. lege. possit.  
pag. 450. lin. 8. lege pag. 10.

